

Ա. - Գ. 0

ՀԱՅ-ԹՈՒՐԿԻԱԿԱՆ

ԸՆԴՀԱՐՈՒՄԸ ԿՈՎԿԱՍՈՒՄ

(1905 - 1906 թ.)

(ՓԱՏՏԱԿԱՆ, ՎԻՃԱԿԱԳՐԱԿԱՆ, ՏԵՂԱԳՐԱԿԱՆ ԼՈՒՍԱՐԱՆՈՒԹԻՒՆ-  
ՆԵՐՈՎ):

Ե Ր Ե Ի Ա Ն

Տպարան Այգազեանց և Նազարեանց

1907 (3)

# Ց Ա Ն Կ

Երկու խօսք	1
Դրու թիւնը կովկասում նախ քան հայ-թուրքական ընդհարումը	9
ԲԱՏՈՒԻ ՆԱՀԱՆԳ	12
Բագու	13
Առաջին կոտորածը Բագուում	14
Երկրորդ » »	32
Երրորդ » »	38
ԵՐԵՒԱՆԻ ՆԱՀԱՆԳ	43
Երեւան	47
Առաջին ընդհարումը Երեւանում	49
Երկրորդ » եւ	53
Երրորդ »	59
Չորրորդ » »	61
Նախիջևանի գաւառ	64
Կտորածը և կողոպուտը Նախիջևանում	68
Աւերումները Նախիջևանի գետի ստորին հովտում	75
» Ջահրի գետի հովտում	79
» Նախիջևանի գետի վերին հովտում	85
» Ալինջա գետի հովտում	92
» Շուռուիթ և Գիլանի գետերի հովտում	94
Նախիջևանի գաւառի աւերած գիւղերի ցուցակները	100
Շարուր-Դարալագիսի գաւառ	106
Աւերումները Շարուրի գաւառում	108
» Դարալագիսի »	114
Շարուր-Դարալագիսի աւերած գիւղերի ցուցակը	120
Ընդհարումները Երեւանի գաւառում	122
Երեւանի գաւառի աւերած գիւղերի ցուցակը	129
Ընդհարումները Էջմիածնի գաւառում	130

Էջմիածնի գաւառի աւերած գիւղերի ցուցակը	136
Ընդհարումները Սուրմալուի գաւառում	137
ԳԱՆՁԱԿԻ ՆԱՀԱՆԳ	143
Շուշի .	147
Առաջին ընդհարումը Շուշում	150
Երկրորդ » »	159
Շուշու գաւառ .	168
Ընդհարումները Կառկաս գետի վերին հովտում .	173
» Պօջալու և Խնձորեստան գետերի հովտում	179
Ընդհարումները Քիօնդալան գետի հովտում	181
» Քէչզ-Չայ և Խոնաշէն գետերի հովիտներում .	185
Ընդհարումներն Ասկէրանում և Կառկաս գետի ստորին հովտում	190
Շուշու գաւառի աւերած գիւղերի ցուցակները	203
Ջիւանշիրի գաւառ .	208
Ընդհարումները Խաչէնի ձորակում կամ Խաչէն գետի հովտում	211
Ընդհարումները Մարդակերտի կամ Աղզարայի շրջանում	217
Ընդհարումները Քարթար գետի հովտում .	223
Ջիւանշիրի գաւառի աւերած գիւղերի ցուցակը	229
Ջիրբայիլի գաւառ .	230
Ընդհարումները Ղուզէ գիւղերի շրջանում	233
» Հազրութի ձորակի »	237
» Բանապուրի » »	239
» Սարի գիւղերի »	241
Ջիրբայիլի գաւառի աւերած գիւղերի ցուցակը	243
Չանգեզուրի գաւառ .	244
Ընդհարումները Բուն Չանգեզուրում	249
» Գօրխի շրջանում	250
Կոտորածը Մինքէնզում .	255
Ընդհարումներն ու աւերումները Խոզնավար, Խնածախ, Զէյվա, Ալիղուլի և Հարար գիւղերում	261

երկու Ձեջիմուռների աւերումը	267
Ղարազյայի ընդհարումները	269
Ընդհարումները Տաթևի շրջանում	273
» Սիսիանում մինչև յունվար 1906 թ.	276
Կոտորածը Գարարատում.	282
Ընդհարումները Սիսիանում յունվարից յետոյ 1906 թ.	286
Ընդհարումները Ղափանում	289
» Ագարակ-Ուժէնիսի շրջանում	290
» հանքերի կամ Անդրաջանանի շրջ.	293
» Օխչիի ձորում կամ Օխչի գետի հովտում	297
Ընդհարումները Բասուտ գետի հովտում	300
Ջանգեղուրի գաւառի աւերած գիւղերի ցուցակը .	305
Գանձակ	307
Աւերն ու կոտորածը Գանձակում	309
Գանձակի գաւառ	325
Ընդհարումները Ղարա-Չայ գետի հովտում	327
» Բիւրակ-Չայ » »	330
» Գանձակ » »	335
» Արթժնաջուր կամ Ղուշղարա գետի հովտում . . . . .	336
Ընդհարումները Շամքօր գետի հովտում .	340
Բաղաբէնդ-Գիտաբէկի կամ բարբարոսութիւնների . շրջան.	343
Գանձակի գաւառի աւերած գիւղերի ցուցակը	356
Ղազախի գաւառ . . . . .	357
Կողոպուտն ու հրդեհը Ղազախ քաղաքում և Թօուզ , Թաթլի, Աղստաֆա կայարաններում	360
Կրզէն գիւղի աւերումը . . . . .	363
Ընդհարումները Հասան-Սու. Թօուզ և Սնձորկոտ գետերի հովիտներում . . . . .	366
Ընդհարումները Բաշքէնդ և Ճամբարաք գիւղերի շուրջը	371
» Աղստաֆա և Կունէն գետերի հովիտներում	373
Ղազախի գաւառի աւերած գիւղերի ցուցակը	378
Ընդհարումները Արէշի գաւառում.	380

Արէշի գաւառի աւերած գիւղերի ցուցակը	385
Նուխու գաւառ.	386
<b>ԹԻՖԼԻՍԻ ՆԱՀԱՆԳ</b>	<b>388</b>
Թիֆլիս .	390
Ընդհարումները Թիֆլիսում	392
Կողոպուտները Բօրչալուի գաւառում	398
Բօրչալուի գաւառի աւերած գիւղերի ցուցակը	401
Աւերած գիւղերի ընդհանուր ցուցակը .	402
Ռմբակոծութիւն և էկզեկուցիա .	403
Հայ-թուրքական համագումարը	410
Դառը խոստովանութիւններ .	412
Հ. Յ. Դաշնակցութիւնը ինքնապաշտպանութեան գործում . . . . .	417
Հետեանք	420
Սպանւածները անւանացուցակը .	423



## ՎՐԻՊԱԿՆԵՐ

ԵՐԵՍ	ՏՈՂ.	ՏՊԻԱԾ Է	ՊԵՏՔ Է ԱՆՆԻ
38	1 ցածից	2 դեմօկրատներ	2 սօցիալ-դեմօկրատներ
61	14 ցածից	մէնէր	մէկն էր
67	7	10	20
79	6 ցածից	230	250
102	15 ցածից	12, 13, 31	14, 30, 31
106	4 ցածից	21 <sup>0</sup> / <sub>0</sub>	28 <sup>0</sup> / <sub>0</sub>
108	13	գիղերով	գիւղերով
126	15	արք	շարք
176	5 ցածից	դանձաւ	դարձաւ
245	14 ցածից	Քարահուջ	Քարահունջ
248	2	Քաջարանց	Քաջարանց
307	7	գետի աջ ափը	գետի ձախ ափը
»	8	խակ ձախ ափը	խակ աջ ափը
334	12	տաշարւեց	պաշարւեց
336	2	գետերի	գետի
342	1	գետի հոր հեռաւոր- վիտներից	գետի հեռաւոր հովիտ- ներից
384	12 ցածից	Գեոյ-Բուլաղ	Գէյ-Բուլաղ
»	11 ցածից	Աղփլաքան	Աղրլաքէնդ
402	13	317	817
404	5	1905 թ.	1906 թ.
421	6 ցածից	զոհեր	շահեր

Մեր մտադրւած և գրքի մէջ ակնարկած քարտէզները ծախ-  
քերի պատճառով անկարող եղանք պատրաստել տալ և կցել գրքին,  
չը նայած մեր բուռն ցանկութեան:



## ԵՐԿՈՒ ԽՕՍԳ

Այն, ինչ որ տեղի ունեցաւ հայ-թուրքական ընդհարումների անուան տակ Կովկասում, սկսած 1905 թւի փետրվարի 6-ից մինչև 1906 թւի սեպտեմբերը, մի առեւտրի պատկեր է, որի դիմաց քարանուժ է մարդու միտքը և դադարում ուղեղը գործելուց: Հետևէք դէպքերին ուշադրութեամբ, քրքրէք փաստերը մի առ մի և կը տեսնէք թէ ինչպէս աւերակների ժխորի դիմաց մթնում է մարդու ամենախօլ երևակայութիւնն անգամ:

Այդ փաստերը, ահա, մենք փորձում ենք ամփոփել այս գրքում, քաղելով մեր տեղեկագիրներից, յատուկ այդ նպատակի համար ճանապարհորդելով 1905 թւի յուլիս ամսին Երևանեան նահանգի Շարուրի և Նախիջևանի գաւառները տեղի ունեցած ընդհարումներից յետոյ. իսկ ներկայ 1906 թւի հոկտեմբերին Գանձակն ու Շուշին և Գանձակի նահանգի չորս գլխաւոր գաւառները իրենց գաւառամասերով, այն է. պատմական Գիւլիստանը, Ջրաբերդը, Սաչէնը, Վարանդան, բուն Ջանգեղուրը, Միսիանն ու Ղափանը, ուր տեղի էին ունեցել խոշոր ընդհարումներ դեռ մօտիկ անցեալում:

Փաստերը կարելիին չափ լրիւ դարձնելու համար, մենք դիմեցինք մի շարք անձանց, դիմեցինք նաև պարբերական մամուլին, մանաւանդ այն տեղերի նկատմամբ, ուր մենք ճանապարհորդել չը կարողացանք: Այդ տեղերից մէկն է Բագուն, ընդհարումների աւագանը, ուր տեղի ունեցող սոսկալի դէպքերին առանձին կարևորութիւն տալով առաջ ենք բերում նրանց ականատեսների խօսքերով:

Չը նայած այս բոլորին, այնուամենայնիւ, չենք կարող ասել, որ մեր գործը լրիւ է և ազատ սխալներից. դրանք անխուսափելի են մի այսպիսի գործում. թերևս մէկ ուրիշը, աւելի ձեռնհաս մարդ, կը տայ աւելին, քան մերն է:

Նախ քան բուն խնդրին անցնելը, երկու խօսք կը նւիրենք հայ-



թուրքական ընդհարումները առաջ մղող պատճառներին:

Այն պատճառները, որոնք մի անասելի, թափով կովկասի թուրք տարրերին հանեցին հայ ժողովրդի դէմ, տարբեր խաւերի և տեսակէտների մարդիկ տարբեր կերպով են լուսաբանում:

Այսպէս, մտածողների մի խոշոր թիւ հայ-թուրքական ընդհարումները բացատրում է ցեղային թշնամութեամբ և ատելութեամբ, այդ երևոյթի արմատը փնտնելով դարերի պատմութեան մէջ, ուր սակաւ չեն եղել նման ընդհարումներ:

Մտածողների մի այլ կարգ այդ ընդհարումները բացատրում է թուրք տարրի ցեղային բնազդով, քանդելու, կործանելու հակումներով և քաղաքակրթելու միանգամայն անընդունակութեամբ, նման երևոյթները գտնելով հնարաւոր նաև ապագայում և այդ համարելով թուրք տարրի հոգեկան ձգտումների մի անհրաժեշտութիւն:

Հայ կօմիտէտները եղան այդ ընդհարման պատճառ, պնդում են մի գլուխ թուրք առաջաւորները, նրանց հետ միասին նաև մի կարգի հայակեր հրապարակախօսներ, որոնք օրգանական ատելութիւն են տածում դէպի հայ տարրը:

Կայ մի չորրորդ կարծիք ևս, այդ այն է, որ միմիայն և միմիայն տնտեսական անհաւասարութեամբ, թուրք տարրի հայ բուրժուա դասակարգից կեղեքւած և հարստահարւած լինելով է բացատրում հայ-թուրքական ընդհարումը, միանգամայն աչք փակելով այն երևոյթի առաջ, թէ ինչպէս բէկերից և աղալարներից կեղեքւած, հարստահարւած թուրք գիւղացին յարձակոււմ, կողոպտում, սպանում էր իրեն պէս հարստահարւած հայ գիւղացուն, հրդեհում, ոչնչացնում նրա գոյքը:

Միմեանց հակասական այս կարծիքները, արտայայտւած մասամբ երևոյթների անըմբռնողութեամբ, մասամբ կանխակալ ու միտումաւոր տենչերի ուժով, չը պարզարանելով խնդիրը հանդերձ, աւելի ևս մթացրել են նրա լուսաբանութիւնը:

Այդ կարծիքներից առաջին երկուսը միակողմանի են, անհիմն, անտես թունելով այն պատճառները, որոնք կրում են այժմէութեան բնաւորութիւն. նրանք չեն ուզում խնդիրը քննել մօտից, ներկայ բարդ քաղաքական պայմանների մէջ, որով միայն հնարաւոր է լուսարանել հարցը:

Երրորդ կարծիքը ցած է որևէ կրիտիկայից; կրելով բացար-

ձակ պրօվակացիայի բնաւորութիւն քօղարկելու այն այլանդակ դերը, որ խաղացել են նոյն այդ մարդիկ հայ-թուրքական ընդհարման մէջ:

Չորրորդ կարծիքը թերևս ամենաընդունելին լինէր, եթէ վերարերէր եզակի երևոյթներին, առանձնապէս քաղաքներում տեղի ունեցած: Սակայն վերջնել ընդհարումների ամբողջ շարքը, լինի նա քաղաքում բռնկւած թէ յետին գաւառում, ուր եթէ կեղեքումն կայ, այդ միմիայն և միմիայն բէկական ու կալւածատիրական կարգերի շնորհիւ ծանրացած համահաւասար կերպով և թուրք գիւղացու և հայ գիւղացու վրա և լուսարանել տնտեսական ֆօրմուլաներով առնւազն միամտութիւն կը լինէր:

Հայ-թուրքական ընդհարումների պատճառները աւելի մօտիկից լուսարանելու համար պէտք է կանգ առնել մի խոշոր երևոյթի վրա, — երևոյթ, որը թէև շարտայայտեց իր ամբողջ էութեամբ, սակայն նա ցցւած կովկասի քաղաքական հօրիզօնի վրա, մինչև այժմ էլ մնում է որպէս մի ահաւոր սպառնալիք տիրող կարգերի դէմ: Այդ թուրք տարրի դժգոհութիւնն էր, որը անխուսափելի կերպով պիտի գար ձայնակցելու եղած դժգոհութիւններին, առաջ և կած շարժումներին կովկասում:

Կովկասի շարժումները արձագանք էին ուսական մեծ շարժման, որի դրդիչ ներկայանում էր ինքը իրականութիւնը:

Տնտեսական քայքայուն դրութիւնը և իրաւական աննօրմալ վիճակը հանդիսացան այն երկու ֆակտօրները, որոնց վրա ծնունդ առաւ ուսական շարժումը, մի շարժում, որի տարերային ահաւորութեան վրա այժմ, բնականօրէն, դարձւած է ամբողջ աշխարհի ուշադրութիւնը:

Ռուսահպատակը տնտեսապէս քայքայել է, ապրուստի միջոցներից զրկել. նրա աշխատանքը, նրա վաստակը խլում են նրա ձեռքից և նա այսօր մատնւած է քաղցի ու սովի:

Ռուսահպատակը միևնոյն ժամանակ իրաւագօրկ է, համր. նա իրաւունք չունի խօսել, բողոքել, իր իրաւունքները պաշտպանել: Նա իրաւունք չունի արտայայտելու իր վշտերը, իր զգացմունքները, իր ցանկութիւնները:

Ահա Ռուսաստանի իրականութիւնը, Ռուսաստանի շարժման դրդիչը:

Կովկասի շարժումը Ռուսաստանի շարժումից անկախ, ան-

Չատ շարժում չէ, այլ նրա մի արտայայտութիւնը, մի արձագանքը: Նոյն տնտեսական դրութիւնը, աննօրմալ իրաւական վիճակը մղել են կովկասցուն դէպի ընդհանուր շարժումը: Կովկասը ազատ մնալ այդ շարժումից չէր կարող, մանաւանդ Կովկասը, որը որպէս ծայրագաւառ աւելի ևս ենթակայ էր բացառիկ օրէնքների խստութիւններին և բիրտ ու կոպիտ ազմի-նիստրատօրների հալածանքներին:

Կովկասում ապրում են հայեր, վրացիներ, լեռնականներ և թուրքեր: Տնտեսական և իրաւական պայմանները ամենքի համար էլ նոյնն են, այլ խօսքով բոլորն էլ համահաւասար կերպով ենթակայ են զրկանքների, հալածանքների. բնականօրէն դժգոհութիւնը հող կը գտնէր ամենքի մէջ էլ, լինէր նա հայ, վրացի, լեռնական թէ թուրք, միմիայն մի տարբերութեամբ, այն տարբերութեամբ, որ մէկը աւելի վաղ կը գիտակցէր իր ծանր կացութիւնը և վաղ կը շարժէր, քան միւսը, ինչպէս և տեղի ունեցաւ:

Հայերը շարժեցին աւելի վաղ. առիթը շատ տեղին էր: Կալածների բռնութեան հասած գրաւման ձևը դուրս քաշեց հայ ժողովրդի սրտում կուտակած տարիների, տասնեակ տարիների ընթացքում կրկնող հալածանքների ցասումը և նա բողոքեց անիրաւութեան ու բռնութեան դէմ իր մասսային շարժումներով: Այդ շարժման թոյլ արտայայտութիւնը մենք տեսանք 1896 թւին ծխական դպրոցները փակելու ժամանակ, երբ փոքրիկ մանուկներին դպրոցների շէնքերից դուրս վռնտելու համար կարիք եղաւ շպարաւոր պաշտօնեաների:

Ապա շարժեցին վրացիները. սոսկալի հալածանքների ենթարկւած այդ մարտիրոս ժողովուրդը մինչև այսօր էլ աղմկում է, սակայն առանց որևէ թեթևութիւն ձեռք բերելու:

Թուրքերը չէին շարժում, բայց այդ չէր նշանակում, որ չը պիտի շարժեն, ընդհակառակը նշանները պարզ երևում էին: Հայոց կալածական շարժումից յետոյ թուրքերը յամառ կերպով արծարծում էին իրենց վակուճների կալածները վերադարձնելու հարցը: Թուրքերը սկսում էին հետաքրքրել հասարակական խնդիրներով: Ռուսաստանում և Կովկասում տեղի ունեցող ցոյցերը համակրանք էին գտնում թուրք տարրի մէջ, նրանք սկսում էին գիտակցել իրենց շահը այդ շարժումների մէջ: Այս կը հաստատի նա, ով եղիլ է հայ ու թուրք խառը ազգաբնակչութիւն

ունեցող մեր գաւառական քաղաքներում և առիթ է ունեցել շրփել թուրք տարրերի հետ նախ քան հայ-թուրքական ընդհարումները:

Այն տրամադրութիւնը, ինչ որ նկատելի էր թուրքերի մէջ նախ քան հայ-թուրքական ընդհարումները, նրա բնական ընթացքը, կրկնում ենք, տանում էր դէպի ընդհանուր հոսանքը, ընդհանուր շարժումը ոուս բիւրօկրատիայի դէմ: Այլ կերպ լինել չէր կարող, թուրքն էլ պիտի շարժւէր, - թուրքը, որը աւելի քաղցած էր, աւելի իրաւագուրկ, քան հայն ու վրացին, շնորհիւ թուրք բէկերի ու աղալարների, այդ պարագիտների. թէպէտ մտաւոր ցած մակերևոյթի ու իրերի մէջ թափանցելու անընդունակութեան շնորհիւ դանդաղում էր թուրք տարրի շարժման անխուսափելիութիւնը:

Շարժումների անխուսափելիութիւնը աւելի ակներև կը դառնայ, եթէ շեշտենք նաև այն հանգամանքը, թէ ինչպէս ոուս-եպպօնական պատերազմի շնորհիւ, որի իւրաքանչիւր ոուսների համար անյաջող ճակատամարտը գալիս էր մի մի քար պոկելու բիւրօկրատիայի խարխուլ շինւածքի հիմքերից, մի մի նոր քար աւելացնելու վերածնւող, յեղափոխող Ռուսաստանի նոր շինւածքի վրա, — բիւրօկրատիայի նոյն կազմալուծումը տեղի ունէր նաև Կովկասում աւելի մեծ թափով՝ մի հանգամանք, որը քիչ չէր նպաստում քաղցած ու իրաւագուրկ թուրք մասսայի գիտակցութեան էւօլիցիային:

Այսպիսի մի խոշոր երևոյթ, վերահաս մի փոթորիկ, չէր կարող խուսափել ոուս բիւրօկրատիայի, առանձնապէս Կովկասի բարձր աղմինիստրացիայի ուշադրութիւնից:

Սակայն ինչ կերպ կանխել վերահաս վտանգը, ինչ կերպ կանխել այն սպառնալիքը, որը արտայայտւելու էր թուրք տարրի շարժմամբ իր ակտիւով գալու միանալու հայ և վրացի դժգոհ տարրերին, ձևակերպելու Կովկասեան անաւոր փոթորիկը:

Նման դէպքերում մի ուղի դիւային ձեռքով գծել է պատմութիւնը. Դեռ ևս հին դարերի ճարպիկ «փօլիտիկը» գտել է մի միջոց միացող դժգոհ տարրերի վերահաս վտանգից անփորձ դուրս գալու համար «բաժանիր՝ որ տիրես». այս դարաւոր ականջը չը յապաղեց օգնութեան կանչել ոուս բիւրօկրատիան:

Կովկասեան սատրապի, շարախնդաց Գօլիցինի, դիւանում

ծրագրուց ոճիրները ամենագարշելի տեսակը, ապա այդ ծրագրերը հաւանութիւնս գտաւ Պետերբուրգի արիւնածարաւ դիւանատններում, իսկ նրա անմիջական գործադրողը եղաւ Բագուի նահանգապետ իշխան Նակաշիձէն, Վոլիցիներէն ընտրուած այդ ստոր, վատթարագոյն ներկայացուցիչը:

Ահա այն հանգոյցը, ուր պիտի փնտոել հայկական ջարդի ձեւերը թուրքերի ձեռքով:

Հայ-թուրքական ընդհարման մէջ մի խոշոր դեր խաղում են նաև թուրք կալաւածատէրերը, բէկերն ու աղալարները:

Ինչպէս յայտնի է, թուրք կալաւածատէրերի մի ամբողջ ցանցով բռնւած է հարաւային Անդրկովկասը: Չը կայ մի շրջան, մի գաւառ, որը ազատ լինէր այդ սղորակներից: Բազմաթիւ գիւղեր, յաճախ տասնեակներով Երևանի և Գանձակի նահանգներում, բընակեցրած վրիւարապէս թուրք ազգաբնակութեամբ, պատկանում են այս կամ այն թուրք բէկին կամ աղային, որոնք վարելով շոյալութիւններով լի մի պօրտաբոյժ կեանք, խլում, վերցնում են անվերջ տանջող գիւղացու աշխատանքի պտուղը:

Ահա, արիւն ծծող այս դասակարգի դէմ, բնականաբար, միաժամանակ պիտի ուղղւէր թուրք գիւղացու շարժումը: Այդ ցոյց էին տալիս բոլոր նշանները:

Պէտք էր կասեցնել գալիք դէպքերը, պէտք էր քանդել քաղցած, իրաւագուրկ մասսաների միացման հանգոյցը, պէտք էր ցեղական թշնամութիւնս առաջ բերել Երկու ժողովուրդների մէջ, պէտք էր իսկական շահերի անգիտակցութեան մէջ պահել թուրք տարրը կեղեքելու համար. այս պահանջում էր նուս ընկերի ու աղալարների շահը: Եւ շահերի զուգորդութիւնը բերեց միացրեց այդ երկու կեղեքիչ դասակարգերին— ուսու բիւրօկրատիային և թուրք կալաւածատիրութեանը:

Անգիտակ խաւար թուրք մասսային հաւատացրին, որ նրան կեղեքողը, նրա աղքատութեան ու թշուառութեան պատճառը հայն է:

Իրերը ըմբռնելու անընդունակ թուրք մասսան հրապուրւած ճիշտ այնպէս, ինչպէս մանուկը ճրագի բոցով՝ նախ քան մատը նրան հասցնելը, նետուց իր խնամակալների լարած որոգայթների մէջ, կարծելով թէ միանգամից կարելի է տիրանալ հայի ունեցածին, որով և վերջ կը դրւի իր թշուառութեանը:

Պրովակացիան ուժեղ էր, թուրք մասսայի մէջ դեռ ևս համակրանք վայելող բէկերի ու աղալարների, այդ տգորուկ դասակարգի ծրագիրը իրագործւեց. թուրք մասսան շարժւեց, բայց շարժւեց ոչ իր կեղեքիչների, ոուս բիւրօկրատիայի և բէկութեան, այլ իր պէս կեղեքւած հայ ժողովրդի դէմ, որի կողմից եղած դիմադրութիւնը նրան, բնականաբար, մղեցին դէպի ցեղային թշնամութիւն, դէպի վայրենի ինստիտուտներ:

Մասսան շարժւեց, սակայն ոչ թէ իր ծով կարիքներին բաւարարութիւն գտնելու ուղիով, այլ ընդհակառակը աւելի ևս թշւառութիւն բերող ճանապարհով, ուր նա գտնում էր բացարձակ խրախուսանք երկիրը կարգի մէջ պահելու կոչւած պաշտօնեաների և զօրքի կողմից, ինչպէս այդ մենք առիթ կունենանք տեսնելու մեր դրքի շատ երեսներում:

Մասսան շարժւեց, բայց շարժւեց հակառակ ուղղութեամբ. նա իր անգիտութեամբ զէնք դարձաւ բէկացիայի ձեռքում և պատնէշ կանգնելով յեղափոխական շարժման դէմ, բացեց արիւնոտ ու սև փաստերի մի էջ Կովկասի տարեգրութեան մէջ:





## ԴՐՈՒԹԻՒՆԸ ԿՈՎԿԱՍՈՒՄ ՆԱև ՔԱՆ ՀԱՅ-ԹՈՒՐԿԱԿԱՆ ԸՆԴՀԱՐՈՒՄՆԵՐԻ ԲՈՆԿՈՒՄԸ:

1905 թւականը Ռուսաստանի համար սկսւում էր մի սիրուն ապագայի խոստումներով: Նա գալիս էր սկիզբ դնելու վերածնող Ռուսաստանի ժողովրդական նոր կազմի. հասարակական կարծիքը արտայայտեց աւելի ևս մեծ թափով. տասնեակ հազարաւոր ժողովուրդը բանւորական դրօշի տակ, Գապօնի առաջնորդութեամբ, յունվարի 9-ին Պետերբուրգը ալեկոծեց իր գրանդիօզ ցոյցով, և որպէս մի նոր գրաւական ոռուս յեղափոխական շարժման կենսունակութեան, վիթխարի Պետերբուրգի փողոցները ներկեցին ժողովրդի արիւնով:

Պետերբուրգի ժողովրդական այդ ցոյցը իր բազմաթիւ զոհերով արձագանք գտաւ Ռուսաստանի բոլոր ծայրերում, առանձնապէս արդիւնաբերական կենտրոններում, ամեն տեղ կազմակերպեցին գործադուլներ, ցոյցեր, ձայնակցելու Պետերբուրգում տեղի ունեցող շարժման:

Կովկասը անմասն չը մնաց այդ շարժումների մէջ. նա նոյնպէս յուզեց, աղմկեց. առանձնապէս Թիֆլիսը, Բաթումը և Բագուն, ուր խմբւած են Կովկասի աշխատաւոր ձեռքերը:

Բագուն դեռ ևս դեկտեմբեր ամսին աղմկեց բանւորական ցոյցերով, խմորելով մտքերը նաև միւս կենտրոններում: Դեկտեմբերի 15-ից սկսւած գործադուլը տևեց մինչև 20-ը, վերջանալով մի շաբթ նաւթահորերի հրդեհումներով:

Այս, ինչպէս և յունվարի 9-ից յետոյ տեղի ունեցած ցոյցերի պատկերը տալու համար առաջ կը բերենք Թիֆլիսի լրագրողներում տպւած պաշտօնական հաղորդագրութիւնից համառօտ քաղաւածքներ:

«Բագուի նաւթահանքերի բանւորների մէջ ծագած խմորումըն արդէն դեկտեմբեր ամսին ազդեց Բաթումի բանւորների տրամադրութեան վրա: Բագուից եկած ագիտատօրների ազդեցութեան տակ դեկտեմբերի 20-ի առաւօտեան Րօտշիլդի և



Մանթաշահանի գործարանների բանւորները հաւաքւեցին սպրանքային կայարանի մօտերքը, պարզելով մի քանի կարմիր դրօշակներ յեղափոխական մակագրութիւններով և ատրճանակները դէպի վեր կրակելով, դիմեցին դէպի երկաթուղային դէպօն կոչեր ցրւելով, սակայն նկատելով մօտեցող կօզակներին՝ ամբոխը ցրւեց: Հետեւալ օրը գործարաններում վերսկսւեցին աշխատանքները, բայց խմորումն բանւորների մէջ չընճանդարտւեց»:

«Յունվարի 17-ի առաւօտեան Բաթումի նաւահանգստում երեւացին 500-ի չափ բանւորներ և Ռուսական շոգենաւային ընկերութեան, երկաթուղային և նաւամատոյցների բոլոր բանւորներին տարան հետները մահւան սպառնալիքների տակ, արգելելով նքանց աշխատել: Յունվարի 18-ին գործադուլ արին բոլոր վերանորոգող բանւորները, իսկ 25-ին բոլոր գործարանները: Ոստիկանները և վաճառատները բաց արին ոստիկանութեան ստիպմունքով. կառքերը դուրս չեկան փողոց: Յունվարի 28-ին գործադուլ արին հիւրանոցների և մասնաւոր տների ծառաները: Այդ օրը սպանեցին աւագ ոստիկան Կոնդրատեիչին և երկաթուղու կծողուկտոր Իւխինչուկին»:

«Գործադուլից ազատ չը մնաց նաև Քիֆլիսը: Այստեղ նա սկսեց յունվարի 18-ին: Անդրկովկասեան երկաթուղու արհեստանոցների, բոլոր մասնաւոր տպարանների և մեքենաշինական բոլոր գործարանների. բանւորները, թւով 3000—4000 մարդ դադարեցին գործելուց: Յունվարի 19-ի գործադուլին միացան Ադէլխանովի կաշու և «Միր» ծխախոտի գործարանների բանւորները ու Քամամշեվի քարվանսարայի գործակատարները շուրջ 4000 մարդ: Յունվարի 20-ի առաւօտից դադարեց ելէքտրաքարշի և ձիաքարշի շարժումը: Յունվարի 21, 22-ին գործադուլը Քիֆլիսում շարունակւեց»:

«Այդ բոլոր ժամանակ լինում էին համախմբումներ և ձերբակալութիւններ: Յունվարի 23-ին Գոլօվինսկի Պրօսպեկտի վրա տեղի ունեցան ցոյցեր, բարձրացրին կարմիր դրօշակ, ցրւեցին կոչեր, ատրճանակներից կրակ բացին ոստիկանների վրա, միջամտեց ոստիկանութիւնը, որի ժամանակ եղան սպանութեան փորձեր և ձերբակալութիւններ: Յունվարի 25-ին գործադուլ արին միս մորթողները, ֆարմացւորները, դեղատան աշակերտները: Յունվարի 20-ից մինչև 25—26-ը գործադուլներ և ցոյցեր

եղան Քութայխում և Փօթիում, Սամտրէդի, Կվիրիլի, Շօրապան և Գանձակ կայարաններում, նաև հրկրորդական կայարաններում, ինչպէս են՝ Կվաբօնի, Նիգօիտի, Սաչէվախօ, Կօպիտնարի, Աբաշա, Զալօղէտ և այլն»:

«Յունվարի 26-ին վերսկսեց Բագուի տպարանական բանւորների գործադուլը, որից առաջացաւ այն, որ նորից լրագրները դադարեցին: Յունվարի 28-ին դրանց միացան երկու գործարանների բանւորներ»:

Ահա իրերի դրութիւնը Կովկասում, առանձնապէս Բաթումում, Թիֆլիսում, մանաւանդ Բագուում, ուր դեկտեմբերի 13-ից մինչև 20-ը շարունակուող և հրդեհուճներով վերջացող գործադուները և ցոյցերը վերսկսեցին յունվարի վերջերին, խմորելով միւս տեղերը, ինչպէս տեսանք այդ պաշտօնական հաղորդագրութիւնների մէջ:

Այսպէս էր Կովկասի դրութիւնը յունվարի երկրորդ կիսամսեակի ամբողջ ընթացքում, այն է, Բագուի փետրվարեան կոտորածից ընդամենը 7—8 օր առաջ:

Եւ ահա քաղաքական այս խառնաշփոթ միջոցին Ռուսաստանի ազատագրական և ազգերի ընդհանուր շահերի միացման այդ վարկեանին Կովկասի գլխին պայթում է մի չը տեսնած փոթորիկ:

Այդ փոթորիկը մի առանձին թափով, որպէս չար հողմը, անցաւ բոլոր այն տեղերով, ուր հայ և թուրք ապրում են խառը, սկսած Բագուից մինչև Նախիջևեան և Թիֆլիսից մինչև Շուշի. Անդրկովկասի չորս մեծ—այն է Բաքուի, Երևանի, Գանձակի և Թիֆլիսի նահանգները, դարձնելով նրանց խռովութիւնների և ընդհարումների բուն, որոնց մասին մենք կը տանք փաստերը զատ զատ, աշխատելով պահպանել ժամանակագրական կարգը, միևնոյն ժամանակ կցելով նրանց վիճակագրական կարևոր տեղեկութիւններ և քարտէզներ:



## ԲԱԳՈՒԻ ՆԱՀԱՆԳ

Հայ-թուրքական ընդհարումները, աննշան բացառութեամբ, բռնկել են այն բոլոր տեղերում, ուր հայ և թուրք ապրում են միասին խառը, որով և ընդհարումների բեմ հանդիսանում են Գանձակի, Երևանի, Բագուի և Թիֆլիսի նահանգները: Ի նկատի ունենալով այդ չորս նահանգների ուրոյն աշխարհագրական և քաղաքական պայմանները, հայ և թուրք ժողովուրդների թուական համեմատութիւնները և որ գլխաւորն է, կալւածատիրական և բէկական ուրոյն դրութիւնները, ընդհարումները արտայայտել են տարբեր չափերով և տարբեր հետեանքներ էլ առաջացրել:

Այդ տեսակէտից աւելի ճիշտ լուսաբանութեան յանգելու համար իւրաքանչիւր նահանգ առաջ բերելով առանձին, միաժամանակ կը տանք մի երկու ամփոփ վիճակագրական և այլ տեղեկութիւններ իրենց տեղերում: \*)

Բագուի նահանգում հայ ազգաբնակչութեան թիւը շատ փոքր է, մանաւանդ բնիկ ժողովրդինը: 1905 թւի ոստիկանական տեղեկութիւններով մշտական և ժամանակաւոր բնակչութիւն հաստատած հայերի թիւը ամբողջ նահանգում հաշւում էր 84,000, բնիկ—հազիւ կէս մասը, որից 50,000ը ապրում էին միմիայն Բագուում և նաւթահանքերի շրջանում, իսկ մնացեալ տեղերում ընդամենը 34,000, որից 18,000ը Շամախիի գաւառում, իսկ 16,000ը Գեօկչայի գաւառում, մի աննշան թիւ էլ ապրում էր Լենքօրանի կողմերում:



---

\*) Մեր աշխատութեան մէջ նահանգների և գաւառների տեղագրութիւնները և վիճակագրական մասերը կազմելիս բացի մեր անձնական տեղեկութիւններից, օգուել ենք նաև զինուորական շտաբի 5 վերստանոց քարտէզներից և պաշտօնական հրատարակութիւններից:

# Բ Ա Գ Ո Ւ

Բագուն նահանգական քաղաք է, ընկած Ափշերօնեան թերակղզու հարաւային ափին, ներկայացնելով առաջին նաւահանգիստը Կասպից ծովի վրա և՛ առաջին վաճառաշահ քաղաքը ամբողջ Կովկասում: Ծնորհիւ իր հռչակաւոր նաւթահանքերի և նաւթային ընդարձակ արդիւնաբերութեան, որով կարողանում է մրցել ամբողջ երկրագնդի նաւթային արդիւնքների հետ և որի շնորհիւ մի քանի տասնեակ տարիների ընթացքում հասել է արտակարգ բարգաւաճման թէ՛ տնտեսապէս և թէ՛ կենցաղով, նա ասպարէզ է տալիս ահագին թւով աշխատող ձեռքերի, որոնք գալիս են երկրի լեռնային անպտղաբեր գաւառներից մի կտոր հաց ճարելու համար:

1904 թւին Բագուի և նաւթահանքերի ազգաբնակչութեան ընդհանուր թիւը մշտական և ժամանակաւոր ապրողները միասին վերցրած հաւասար էր 222 հազարի, հետևեալ կարգով .

1	Մահմետական տարրեր	82
2	Ռուսներ	61
3	Հայեր	51
4	Լէկզիներ և Օսեր	14
5	Վրացիներ	3
6	Գերմանացիներ	3
7	Հրէաներ	3
8	Յոյներ	1
9	Լեհեր	2
10	Ասորիներ, Աբխազներ, Էստօնցիներ	2

# ԱՌԱՋԻՆ ԿՈՏՈՐԱԾԸ ԲԱԳԻՌՈՒՄ

6-ից 9-ն ՓԵՏՐՎԱՐԻ 1905 Թ.

1905 թ. փետրվարի 6-ի կիրակի օրւայ առաւօտը բաց-  
ւեց սովորական անդորրութեամբ: Սիրուն Կովկասի ջինջ կա-  
պուտակը ձմրան կապանքները թօթափելու ճիգերով երևան էր  
հանել մի ժպիտ, որպիսին յատուկ է Կովկասի երկնակամարին գար-  
նան գալուց առաջ: Այդ առաւօտը սիրուն էր, խաղաղ, բայց ոչ եր-  
կարատև. նա գնում էր անդառնալի կերպով. նա վերջին խաղաղ,  
անդորր առաւօտն էր 1905 թւականի մնացեալ տասնևմէկ ամիս-  
ների առաւօտների մէջ:

Երջանիկ առաւօտ, որին վիճակւած էր չը տեսնել այն, ինչ  
որ տեղի ունեցաւ նրանից յետոյ:

Առաւօտեան ժամը 11-ին, մի թուրք Բարայեւ վազանու-  
նով, Պարապետի վրա, հայոց եկեղեցու մօտ, ատրճանակով վի-  
րաւորեց այնտեղ կանգնած մի հայ զինւորի, որը մի քանի ժամանակ  
առաջ ոմն յանցագործ Աշուր բէկին ղատարանից բանտ տանելու  
ժամանակ սպանել էր, երբ վերջինը փորձել էր փախչել: Վիրա-  
ւորւած զինւորի մօտ եղող հայերը մարդասպանին բռնելով յանձ-  
նեցին ոստիկանին, որը կառք նստեցնելով և մի փոքր տեղ տա-  
նելով նրան մարդասպանը կառքի մէջից դուրս պրծաւ, և ատըր-  
ճանակը կրակելով սկսեց փախչել: Նրա ետևից ընկան մի քանի  
երիտասարդներ և Կրիվայա փողոցի մօտ սպանեցին ատրճա-  
նակների հարւածներով: Ապա մեռածի դիակը նրա հաւատակից-  
ները զրեցին սայլի վրա և նախ քան տուն տանելը պտտեցրին  
թուրքական թաղերը՝ գոգոնելով թուրք ամբոխին: Դա մի սոսկա-  
լի կոտորածի ազդանշան էր, որը սկսեց երեկոյեան ժամը 4-ից  
տևելով մինչև կէս գիշեր, որի ժամանակ սպանեցին և վիրաւոր-  
ւեցին 35 հայեր:

Յաջորդ օրը, երկուշաբթի, փետրվարի 7-ին, ըստ երևոյ-  
թին, ամեն ինչ խաղաղ էր, այնպէս որ հայերը փողոց դուրս ե-

կան և շուկան բացւեց, սակայն այդ մի խարուսիկ ընդմիջումն էր մարդկանց յանկարծակիի բերելու համար: Ուղիղ ժամը 10-ին սկսեց կոտորածը քաղաքի շատ փողոցներում միանգամից, որը տևեց երեք օր և երեք գիշեր:

Թէ այդ երեք օրերի ընթացքում եւրոպական պարիկ հագած գեղեցիկ Բագուի փողոցներում ինչեր էին կատարուում, կողոպտւտների ու հրդեհումների, մարդկային զոհերի ու տանջանքների որպիսի տեսարաններ տեղի ունէին, այդ թոյլ կը տանք պատմելու ականատեսներին:

«Ноб. Оубр.» լրագրի թղթակից Օրեստ Սեօմին այսպէս է նկարագրում Բագուի դէպքերը: \*)

«Այս երկու օրը զարհուրելի բոպէներ է անցկացնում Բագուի ազգարնակութիւնը: Պարապետի վրա, Վօրօնցովի, Բագարնի և Շամախու փողոցներում թուրքերը անխնայ կոտորում են հայերին: Մինչև ժամը 12-ը Միքայէլեան հիւանդանոցը բերել էին 10-ը սպանւած և 40 վիրաւոր հայ, որոնց թւում մի փոքրիկ գիմնադիստ . . . Կէս գիշերից յետոյ հրաձգութիւնը դադարեց: Բայց այս առաւօտ կոտորածը նորից վերսկսեց քաղաքի բոլոր մասերում զարհուրելի, սարսափեցուցիչ ուժով: Քաղաքը ընդունեց թշնամուց պաշարւած բանակի կերպարանք: Սարսափը քարացնում էր իմ մկանները, արիւնս սառչում է երակներումս, երբ յիշում եմ այն, ինչ որ ես տեսայ այսօր միայն 3 ժամում (ժամը 11<sup>1</sup> 2-ից մինչև 2<sup>1</sup> 2): Անկարող լինելով զսպել հետաքրքրութիւնս, ես ուղևորեցի թուրք ամբօխի համախմբութեան տեղը—Բագարնի փողոցը: Այնտեղ մի քանի հարիւր թուրքեր կոտորատում և կողոպտում էին հայերի խանութները: Ամբօխի վայրենի ոռնոցը, օդի մէջ յաճախ կրակող գնդակները սարսափեցնում, սառեցնում էին իմ սիրտը: Ահա ողևորւած ամբօխը սկսում է կոտորատել պարսիկների խանութները, բայց այնտեղ կանգնած պարսիկները մահակներով զինւած քշեցին թուրք ամբօխին և նա սկսեց ցրել, աջ ձեռքերում բռնած փայլուն ատրըճանակները, իսկ ձախում թալանած մահուղը, կօշիկը ևայլն: Այդ

---

\*) Ինչպէս Օրեստ Սեօմինի թղթակցութիւնները, այնպէս էլ մի քանի պաշտօնական հաղորդագրութիւններ առաջ են բերւած «Մշակչի թարգմանութեամբ:

կողոպտողներին հանդիպող զինւորների (պատրուլ) պահակներն անցնում էին մօտերովը չը խլելով նրանց զէնքերը, ոչ էլ նրանց թալանած իրերը:

«Ահա Գուբերնսկի փողոցի վերևում, ոուս տաճարի մօտ, առաւօտից ընկած է մի հայ բանւորի դիակ դէմքը գունատուած, կաթնագոյն է, աչքերը փոս գնացած. . . : Իսկ այնտեղ, ներքևում, միևնոյն Գուբերնսկի փողոցում նկատուեմէ մի ուրիշ դիակ էլ: Տօրգովի փողոցում դիակների թիւը 10 հատ էր, նոյնպէս և մալականների այգում, որտեղ առաւօտեան տեղի ունեցան իսկական ճակատամարտներ: Ահա իմ տեսած մի ուրիշ տեսարանը. մի տանից, Պարապետի մօտ, որտեղ, չը գիտեմ ինչու, դատարկ հրապարակում կանգնած են կէս վաշտ զինւորներ և 50 կօզակ, դուրս թուա մի հայ, նրա վրա պրծաւ մի թուրք: Կուռ մէջ հայը գետին գլորեց թուրքին և վազեց Պարապետի երկարութիւնով: Թուրքը վերկացաւ և ընկաւ նրա ետևից . . . մէկ, երկու, երեք կրակեց փախչողի ետևից, բայց բատ երևոյթին գնդակները չը կպան և հայը անյայտացաւ փողոցի անկիւնն անցնելով: Հինց որ թուրքն էլ վազեց այնտեղ, նորից որոտաց ատրճանակը, այս անգամ արդէն թուրքի դէմ, և հաւանօրէն, ճակատապրական, որովհետև վերևում կանգնած թուրք ամբոխը օգնութեան վազեց, ազմուկով սլացաւ զօրքերի աչքի առաջով Պարապետից ներքև և այնտեղից կրակ բաց արեց հայերի պատշգամբների վրա, որտեղից, իր կարգին, կրակների տարափ տեղաց և կողոպտիչների ամբոխը ստիպւած եղաւ յետ նահանջել: Ի՞նչ էր կատարուում այնտեղ, խորքում, Բազարնի և Շամախու փողոցներում, չը գիտեմ: Հետուից երևում է միայն թուրքերի փափախների մի ամբողջ ծով և ամբոխի վայրի ոռնոցը . . . : Ի՞նչ և ձրպիսի սարսափներ էին ծածկւած նրանց տակ կը հաղորդեմ վաղը. . . : Վրա է հասնում երևկոն: Բոլորը սարսափով սպասում են «Բարդուղիմեան գիշերին»: Հաղորդում են, որ նաւթահանքերից քաղաք է շարժուում բանւորական (հայ) մասսան վրէժ հանելու իրենց սպանւած եղբայրների փոխարէն:»

«Լոյս 8-ի գիշերը համեմատաբար խաղաղ անցաւ, բայց առաւօտեան հրաձգութիւնը նորից սաստկացաւ: Իմ դրացու ննջարանն ընկաւ մի գնդակ. շտապով դուրս ուղարկւած աղախինը (ոուս) լուր բերեց, որ թուրքերը պահանջում են 25 ռ. իրենց աղքատների համար: Տան տէրը (Դաւթեանց) մերժեց: Կէս ժամ

յետոյ, երբ դրացիս, քրէնով այդ տան մէջ ապրողը, ընտանիքով տեղափոխուում էր տան տիրոջ բնակարանը և երևաց վերևում, նրա վրա կրակ բացին: Գնդակը թաղեց պատի մէջ նրա գլխի վերևում: Ես հէնց այնտեղ էի: Կանայք հիստերիկաբար հեծկըլտացին: Ձը կամենալով գնդակահար լինել իմ սեփական բնակարանում, ես ուղևորեցի քաղաք: Փողոցներում մահացու լուռութիւն էր տիրում: Տեղեկացայ, որ գերեզմանոցում դիակների տնակում 100 մեռել կայ: Հեռախօսի զանգը տալիս եմ Միքայէլեան հիւանդանոց. այնտեղ կայ 25 սպանւած և 75 վիրաւոր. փողոցներում էլ կան թափւած դիակներ 50-ի չափ (խմբագրութեան ծառայողների հաշուով): Նիկօլաևսկի փողոցով գնալիս ես տեսայ թէ ինչպէս 4 պրիստաւանների աչքի առաջ և կօզակների դիմացը, իմ ետևում սպանեցին մի հայի, գնդակով ծակելով նրա գլուխը: Արեան զօրեղ հոսանքը ողողեց մայթը . . . : Մարդասպան թուրքը, արժանանալով ամբոխի խրախուսանքին, անյայտացաւ բերդում . . . : Հեռախօսով զանգ եմ տալիս նահանգապետի բնակարանը, որպէսզի զօրք խնդրեմ մի խումբ թուրք երեխաներին հալածելու (բոլորն էլ ատրճանակներով զինւած), որոնք այլանդակութիւններ են անում գերեզմանատան փողոցներում, ապակիներ են կոտրատում, անց ու դարձ անողներին սպառնում են զէնքերով, զարմօններ են ածում և վայրենի աղաղակներ բարձրացնում: Ինձ չեն պատասխանում: Վվեդիխսկի փողոցում մի կանաւի մէջ ընկած է մի սպանւած հայ երեխայի դիակ . . . Մալականի այգում արդէն երկրորդ օրն է ընկած է սպանւած մի բժշկի դիակ: Այսօր իմացայ, որ սպանւած է գիմնագիստ Լեբեդիւր: Ընդհանուր առմամբ առ այժմ բոլոր զոհերի թիւը համարում են 250: Ինչ կը լինի յետոյ, չը գիտեմ: Վախենում են թալաններից և սովից: Այս րոպէիս գնում եմ բողոքելու պրօկուրօր Վօրօնօվի մօտ վարչութեան անտարբեր և անմասն վերաբերմունքի դէմ դէպի կատարւած դէպքերը: Երբ յանդիմանում են զինւորներին, թէ ինչո՞ւ չեն ձերբակալում և զինաթափ անում կողոպտիչներին, զինւորները պատասխանում են «մեզ չէ հրամայւած խառնել» . . . : Ներեցէք անշնորհ գրելուս համար. ժամանակ չէ այդ մասին մտածելու: Արիւնդալի սարսափները, որ տեղի են ունենում փողոցում, բառացի կերպով քարացնում են մարդու կամքը և միտքը . . . Վը գ . . . Վը գ . . . մի միայն գնդակի այդ ձայներն են լսում: Մի անտրոջ թախիժ ճըս:



շում է մարդու սիրաւը. զարհուրելի՛ է, զարհուրելի՛ . . .»

«Պօստից, ուր աշխատանքը դադարած է, ես դուրս եկայ արտիստ Մօրսկու հետ (միայն նա յանդգնեց ուղեկցել ինձ)։ Մալախանի այգու միջով մենք եկանք դէպի Պարապետ և այնտեղից էլ Նիկօլանսկի փողոցով դէպի Բազարնի փողոցի խորքը, երէկայ սարսափների վայրը։ Մանօթ հայերից իմացայ, որ Մալախանի այգում սպանւած է բժիշկ Կարաբէգովը։ Այնտեղ էլ իմացանք, որ յատկապէս կատաղի պարտիզանական ընդհարումներ տեղի են ունեցել ամսի 7-ին Ղանիթափայում, Տօրգօվի և Հայոց փողոցներում։ Կողոպտւած են Բուդաղեան, Մայիլեան և ուրիշ առևտրականները։»

«Նիկօլանսկի փողոցի մօտ, Բազարնի փողոցում մենք տեսանք թուրք ամբողը, որը պաշարել էր մի հայի խանութ, ուր երկու օր նստած էին 3 հայեր։ Դուռը կոտրելով՝ թուրքերը միահամուռ կրակ (զալպ) բաց արին դէպի խանութի ներսը մի քանի անգամ իրար ետևից, բայց ապարդիւն։ Այդ կրակի ձայնին եկան կօզակները և հայերին շրջապատեցին տարան . . . : Գնում ենք առաջ. թալանւած խանութների դռները փակւած են. փողոցի սալայատակի վրա թափւած են անագին քանակութեամբ կոտրատւած ապակիներ և փաթաթելու թղթեր . . . : Մօտենում ենք Եկեղեցական փողոցին. «Ճանտագիա» բաղնիսից սկսած դէպի ներս մինչև ծայրը, մի վերստաշափ տեղ, նա ամբողջապէս ծածկւած է թուրքերով։»

—Ռուսները կարճո՞ղ են անցնել, հարցնում ենք թուրքերին։

—Կարելի է, կարելի է . . . :

«Բայց և այնպէս մենք չը յանդգնեցինք աւելի առաջ անցնել, որովհետև արդէն մթնում էր (երեկոյեան ժամը 6-ն էր)։ Կանգնելով Եկեղեցական և Բազարնի փողոցների անկիւնում, մենք դիտում էինք, թէ ինչպէս ամբողի առաջին շարքերը մօտեցան Թումայեների տանը («Ճանտագիա») մօտ, շրշերով նաֆթը ձեռքերնին։ Թուրքերից շատերը կտուրը մօզլցեցին և այնտեղից նաւթը լցրին տան վրա։ Ներքևից նոյնպէս նաւթը շաղ էին տալիս փեղկերի և դռների վրա։»

• «Շուտով բորբոքեց կրակը և օդի մէջ սկսեցին թռչել մայթերից դէպի լուսամուտները կրակի լեզուները։»

«Տան վերին յարկից լաւեցին զէնքի պայթումներ և աղաղակ-

ներ՝ «օգնեցէք, օգնեցէք» . . . ներքեկից էլ զէնքերն սկսեցին կայ-  
ծեր փայլել և գնդակները սկսեցին տեղալ դէպի լուսամուտները:»

«Այն ինչ ամբոխն աւելի և աւելի գազանանում էր, զէնքի  
պայթումները աւելի և աւելի յաճախ էին լսոււմ, ծուխը և կրակը  
սաստկանում էին, սպառնալով ծխախեղդ անել կամ խորովել պա-  
շարածներին:»

«Սարսափը պատեց մեր հոգին, տեսնելով պաշարածների վի-  
ճակը: Մեզ մօտ կանգնած էր Թումայկների ոռու աղախինը, որից  
իմացանք, որ Թումայկների տանը բնակւում են և վրացիներ:»

«Շուտով բոցը բռնեց ամբողջ տունը . . . : Մթնեց և թուր-  
քերը մեզ խնդրեցին հեռանալ . . . : Ստիպւած էինք հնազանդ-  
ւել: Ճանապարհին Բազարնի փողոցում մենք գտանք մի չաղ  
հայի դիակ, թուրքական փափախը գլխին և շատ նման թուրքի:  
Մեր հարցին, թէ մի՞թէ սա հայ է, թուրքերը պատասխանեցին,  
այո, հայ է, որը փորձել էր երեսը ներկելով և թուրքի զգեստ  
հագնելով խաբել թուրքերին:»

«Տուն գալով, երբ տանիքը բարձրացայ, ես տեսայ Թումայկնե-  
րի տան վրա ահագին լոյս և լսեցի այն կողմից եկող անընդհատ  
հրաձգութեան ձայները . . . : Սարսափելի էր . . . ըստ երևոյթին  
սկսեց այն Բարդուղիմեան գիշերը, որին երէկ սպասում էին . . .»

«Փետրվարի 9-ի ցերեկւայ ժամը 11-ին, ոռու արտիստ Պ.  
Մօրսկու հետ միասին Պարապետից, որի մօտ փուած էին երկու  
ձիերի դիակներ, ուղևորեցինք դէպի Վօրօնցովեան փողոցը, որ-  
պէսզի գնանք հասնինք Բաբաջանովի և Լազարեանի տան  
հրդեհի վայրը: Ճանապարհին, «Մադրիդ» հիւրանոցի մօտ  
մենք տեսանք մի ոռու աղջկայ այլանդակւած դիակը: Նա դեռ  
բռնած ունէր ձեռքին գալեսներ և մի շիշ գինի, որ փախցրել էր  
այդտեղ գտնուող հայի մի գինետուն կողոպտելու ժամանակ: Ինչպէս  
մեզ հաղորդեցին դրացիները, թուրքերի հետ միասին գինետունը  
թալանում էին և «բօսեակները», որոնց թոււմն էր և սպանւած  
կիներ: Մօտենալով Բաբաջանովի տանը, Եկեղեցական փողոցում,  
մենք տեսանք մի զարհուրելի պատկեր: Տան առաջի ամբողջ սա-  
լայատակը բռնւած էր կտորտանքով. այդտեղ փուած էին 4 թուր-  
քի դիակներ անկանոն կերպով: Ամբողջ տունը, իսկապէս երկու  
տուն, Բաբաջանեանի և տիկ. Լազարեանի (№ 93 և 95) ներկա-  
յացնում էր մի միապաղաղ, այրւած աւերակ:»

«Շէնքի պատերը նախշւած էին գնդակների հազարաւոր փոսիկներով: Շէնքի ներսում պատկերն աւելի զարհուրելի էր: 17-ի չափ դիակներ իրար վրա կուտակել էին, այլակերպւած, ածխացած: Նրանց մէջ կային 5 երեխաների դիակներ: Դրանք Ադամեանի, Բարաջանեանի, Քաղէոսեանի և ուրիշների ընտանիքներն էին: Կան ուռւներ և վրացիներ էլ: Ոստիկանութեան ասելով Բարաջանեանի տներում սպանւել են գնդակներից և հրդեհից 24 հոգի, բայց այդ թիւը իրականից պակաս է, որովհետև բացի յիշեալ 17 այրւածները առաւօտեան այնտեղից տարել են 12 դիակ և 4 հատ էլ դեռ ընկած էին փողոցում, ընդամենը 33 զոհ: Բարաջանեանի տան մօտից մենք գնացինք Վօրօնցովի փողոցով դէպի բարձր: Մարդու սարսուռ է պատճառում Ասլանեանի կողոպտւած ամբողջ տունը: Ժամը 11 շն էր: Շամախու թաղի կողմից մեր ականջին էին հասնում թուրքերի վայրենի աղաղակները. նրանք Դուբայի մէյդանում շրջապատել և կրակ էին գցում Լալայեանի տունը:»

«Երբ մենք մօտեցանք, հրդեհն արդէն լափում էր լուսամուտների վերին մասերը, տան բոլոր դռներն ու շրջանակները կտորատւած էին, իսկ իրերը փողոց դուրս թափւած և այրւած . . . : Ամբոխը փոթորկում էր, որոնելով նոր զոհեր, ծարաւելով արեան: Շուտով երկրորդ Զուգահեռական փողոցի վերևի կողմից հրաձգութիւն լսեց, լսեց նաև փշրուող ապակիների խշշոցը և փողոցի սալալատակի վրա կազմեց մի խարոյկ, չը գիտեմ ում տանից դուրս նետւած իրերից . . . : Շուտով եկան կօզակները . . . : Այնտեղից մենք նորից իջանք Լալայեանի տան մօտ: Յանկարծ ձախ կողմի փողոցից, Վլասով կօշկակարի խանութի ետևից լըսեցին զէնքի որոտներ. վազում ենք այնտեղ և տեսնում, թէ ինչպէս հայի տունը ներս խուժած թուրք ամբոխը տանջում և մորթոտում է տան բնակիչներին:»

«Ահա լուսամուտից դուրս թռաւ մի արհեստաւորի արիւնաշաղախ դիակը, յետոյ դուրս թռան բարձր, աթոռներ: Ամբոխը թափեց նրանց վրա և սկսեց ամեն ինչ պատառոտել և կտորատել . . . իսկ բակի մէջ այդ պահուն որոտում էին զէնքերը: Երբ նրանք հանդարտեցին, մենք բակը մտանք և այնտեղ տեսանք արեան մէջ լողացող 7 դիակ . . . : Զգալով, որ ջղերս ինձ դաւաճանում են, ես քաշ տուի ընկերոջս տուն: Սակայն հազիւ մենք

անց էինք կացել երկու փողոց, երբ Հալայեանի տան մօտ գէնքեր որոտացին: Մենք յետ նայեցինք և մեր աչքի առաջ տեղի ունեցաւ հետեւեալ ցնցող տեսարանը. Ղուբայի մէյդանի վրա բացուող Հալայեանի տան մեծ դռնից դուրս եկան մի խումբ թուրքեր, որոնք օղակի նման շրջապատել էին Հալայեանին և նրա կնոջը, որը փաթաթուել էր իր ամուսնուն: Թուրք ամբօր վայրենի ոռնոցներով յարձակեց Հալայեանի պաշտպանների վրա, ողի մէջ փայլեցին խէնջարները, որոտացին հրացանները, բայց Հալայեանը դեռ շարունակում էր առաջ շարժել . . . և յանկարծ պատկերը խիստ կերպով փոխեց. Հալայեանին քշող օղակը պատուեց և նրան մէջքից վիրաւորեցին մի քանի գնդակով . . . : Նա վայր ընկաւ և առաջ էր շարժուում չորեքթաթ տալով. նրա կինը թեքուեց նրա վրա և իր մարմնով պաշտպանում էր նրան մարդասպանների հարեւոյնից: Բայց որոտացին էլի մի քանի հարեւոյն, ուղիղ դէպի տիկին Հալայեանի մէջքը և նա երեսի վրա վայր ընկաւ: Սև մազերի խիտ կոյտը ծածկեց այդ հերոսուհու դէմքը:»

«Ձարհուրանքից սառեց իմ սիրտը և ես համարեա վազելով դիմեցի դէպի տուն:»

«Ճանապարհին մեզ պատահեցին այն երկու հայերի դիակները, որոնք դուրս թոան Շամախու: Ճանապարհին կողոպտուող տանից և ուզեցին ազատել կօզակների ձիերի ոտքերի արանքում: Կօզակները քշեցին ձիերը հեռացան և այդ հայերին պատառ պատառ արեց կատաղած ամբօրը:»

Այժմ տեսնե՞ք ճրպիսի մանրամասնութիւններ տալիս է թուրք ակնատեսը «Бакин. Извест.» լրագրի մէջ:

«Պատահած ծանօթ թուրքերը առաջարկեցին ինձ փոխել եւրոպական գլխարկը և դնել թուրքական գդակ, որովհետեւ, ասացին նրանք, ձեզ կարող են հայ համարել և սպանել: Մինչև առաւօտ քաղաքում տեղի ունէր ցանցառ հրացանաձգութիւն: Երկրորդ քաղաքամասում, ուր ապրում եմ և ես, մահմեդականները ամբողջ գիշերը պատրաստուում էին պատերազմի: Վաղ առաւօտից (7-ին) սկսեց արդէն սաստիկ հրաձգութիւն և հայերի տների ու խանութների աւերումը: Փողոցներում երևում էին համաշարիներ (պարսկահպատակ), որոնք բեռնաւորեալ էին հայերից թալանած մանուֆակտուրային ապրանքներով: Հրաձգութիւնը ժամ ժամի վրա սաստկանում էր, սպանւածներն ընկնում էին արիւնահոս և

ոչ ոք չէր վերցնում տանում նրանց: Շրջակայ գիւղերը ուղարկւեցին ձիաւորներ, որ առաջարկեն անյապաղ քաղաք գալ: Արդէն փետրվարի 8-ի կէսօրին, քաղաքի թուրքական մասի այս ու այն տեղերում, երևում էին բերդան հրացաններով և խէնջարներով զինւած գիւղացիներ: Յերեկայ ժամը 1-ին լուեցին հրացանի ձայներ, ես տանից գուրս վազեցի, իջայ Բազարնայեա փողոցը, և տեսայ որ Յերկովնայեա փողոցում Բաբաջանովի տունը (№ 98) շրջապատւած է թուրքերով: Տան մէջ պաշարւածներն էլ կրակում էին երրորդ յարկից, բայց նրանց արձակած գնդակները չէին կարող մէկին վնաս պատճառել, քանի որ պաշարողներին խփելու համար պէտք էր, որ նրանք դուրս հանէին իրանց գլուխները պատուհաններից, որպէսզի նշան բռնելու հնարաւորութիւն ունենային, իսկ այդպիսի բան պաշարւածները չէին կարող անել, վախենալով թէ կը սպանւեն: Վերջապէս պաշարւածներից մէկը դուրս եկաւ պատշգամբ և հրացանի հարւածով վիրաւորեց մի թուրքի, բայց ինքն էլ գնդակահար լինելով ընկաւ փողոցը: Պաշարողները և պաշարուողները փոխադարձ հրաձգութիւնը շարունակում էին: Ամբոխից մէկը առաջարկեց հրդեհել տունը. իսկոյն բերին մի տակառ նաւթ և ածելով պաշարւած տան մուտքի վրա, կրակեցին: Երեկոյեան ժամը 6-ի մօտ ամբողջ տունը կրակի մէջ էր: Ժամը 9-ին ամեն ինչ այրւեց, բացի ներքնայարկից: Թուրքերը վճռեցին ներս մտնել և խուզարկել ներքնայարկը: Այստեղ մեծ արկղներ կային. մի լէկզի խէնջարը ներս մխեց, երևաց, որ այդտեղ արկղների մէջ ծածկւած են դժբախտ մարդիկ: Կատաղած ամբոխը վրա յարձակւեց և գտաւ 9 հոգի: Ես չեմ կարող նկարագրել այն սարսափը, որ երևում էր գտնւած զոհերի դէմքին . . . : Նրանց մէկ մէկ դուրս էին բերում և ամենքի աչքի առաջ կտառում էին:»

«Այդ նոյն տեղը ամբոխը գտաւ 10 թագնւած կանանց. նրանց վերցրին տարան մի ինչ որ տեղ. մէկը, մօտ 50 տարեկան մի կին, աղաղակում էր ազատել իր որդուն, որ միակ կենդանի էր մնացել այրւած տանը: Այդ վայրկեանին բոլոր ներկայ եղողները նկատեցին մօտեցող մի մութ մարդկային պատկեր, որը բարձրացնելով վերարկուի փէշերը և նրանցով ծածկելով իր գլուխը, գալիս էր այրւող տան բակից: Պառաւ մայրը տեսնելով նրան՝ ճշաց և ընկաւ: Նա նանաչեց, որ մօտեցողը իր որդին է: Այս դժբախտը

չէր կարողացել մնալ այրւող տան գաղտնի անկիւնում և ողջ ողջ չայրւելու համար վճռեց դուրս գալ, յոյս դնելով պաշարողների գթասրտութեան վրա . . . : Բայց ամբոխը ուրախանալով, որ մի նոր զոհ է գտել, վրա յարձակեց և մի ակնթարթում կտոր կտոր արաւ նրան: Դժբախտ մայրը, որի վրա ոչ ոք ուշագրութիւն չէր դարձնում, ընկաւ ծխացող գերանների մօտ և ուշաթափւեց, կրակը դանդաղ կերպով մօտեցաւ նրան, հագուստը այրւեց և դժբախտը ուշքի չը գալով նոյնպէս այրւեց վայրենի գազանացած ամբոխի աչքի առաջ:»

«Тифлис. Инс.» լրագրի թղթակիցը սկսում է այսպէս:

«Ո՛չ, ո՛չ, ես չեմ կարող պատմել ձեզ այնտեղ տեսածի տասնորորդ, հարիւրերորդ մասն անդամ:»

«Պէտք է աչքով տեսնել այդ բոլորը, որ գոնէ կարելի լինի աղօտ կերպով ներկայացնել այնտեղ պատահած արիւնահեղ դրաման:»

«Զօրքերը ոչինչ չեն կարող անել, ոստիկանութիւնը անզօր է ճնշելու ապստամբութիւնը:»

«Պատրուկները հանդիպելով արիւնարբու թուրքերին, թողնում էին նրանց անցնել իրանց մօտով, չը խլելով նրանց զէնքերը: Բայախանայից և Բագուի նաւթահանքերից շարժւեց բանւոր հայերի ամբոխը իրանց հաւատակիցներին օգնելու համար. ամբոխին զինաթափ արին և չը թողին ներս մտնել քաղաք:»

«Սարունչից եկած են մեծ քանակութեամբ զինւած թուրքեր:»

«Ընդհանուր համոզմունք է տիրում, որ հայերի այդ բոլոր կոտորածը, այդ սարսափելի սպանդանոցը մէկը կազմակերպել է: Բոլոր թուրքերը մինչև փողոցային վերջին համբալը զինւած են խէնջարներով, բերուղներով, բեռուներով. շատերի մօտ տեսել են արքունական նմուշի բեռուներն: Ո՞րտեղից ունէին թուրքերը այդ բեռուները—անյայտ է: Ժամ առ ժամ սպասում էին, որ կոտորածը կը սկսւի Բալախանում և ուրիշ նաւթահանքերում:»

«Օղբ թնդում էր գազանացած ամբոխի վայրենի ազազակներով:»

«Ամեն տեղ հեծեծանք, լաց և արտասուք . . . :»

«Ամեն տեղից լաւում են հրացանաձգութիւններ:»

«Կատարւում է մի ինչ որ հռեւի, սարսափելի բան:»

«Արիւնահեղ դէպքերի առաջին օրը հիւանդանոց են բերւած 34 դիակ: բոլորը հայեր են, մէկը միայն վրացի: Բոլորը խփած են թիկունքից: Թուրքերը ետեից էին գնդակահար անում:»

Թուրքական այսօրինակ գազանութիւններից ազատ չմնացին նաև նաւթահանքերը: Ահա ականատեսի մի փոքրիկ նկարագրութիւն («Մշակ»):

«Ահա Փէթօև և ընկ-ից մի մարդ դուրս եկաւ և դանդաղ քայլում էր դէպի մեզ: Դա մեր բանւորն էր, որ առաւօտեան գնացել էր գրասենեակ:»

«Վերջապէս եկաւ նա և ծեծեց դուռը, մենք բացինք և ինչ տեսանք. ախ, Աստուած, ես նկարագրել չեմ կարող, երեսր արիւն, շորերը արիւն, մատները արիւն, կարծես թէ կարմիր ներկով լինէր ներկւած:»

«Կոտորեցին»:

«Սա եղաւ նրա առաջին խօսքը: Պեղծը վիրաւորել էր երեք տեղից՝ ականջից, կրծքից և մէջքից և աղաչում էր հասցնել իրան հիւանդանոց:»

«Ես գնացի կոտորածի տեղը: Սարսափելի տեսարան:»

«Մարդկային սպանդանոց, ահա այն տեսարանը, որին ես ուրիշ կէրպ չեմ կարող անւանել:»

«Եւ իմ աչքերս մթնեցին, գլուխս պտտեց, ուզում էի ուշաթափուել, բայց ինձ զսպեցի մի կերպ: Առաջին անգամ իմ աչքիս ընկաւ մի խեղճ, նիհար, փոքրիկ ծերունի, որին գնդակի երեք հարւածներից բաց, սրով կտրատել էին և գրուխը գատել մարմնից:»

«Գնդակների պակաս թողածը լրացրել էին սրերով, այնպէս, որ դժւար էր լինում ճանաչել նրանց: Այո, սպանդանոց էր այդ, բայց այլ տեսակի սպանդանոց, ուր մարդ մտնելիս երբէք չէք կարող արցունքը պահել, տեսնելով յօշոտւած և այլանդակւած դիակներ:»

Ինչ պատկեր էր ներկայացնում Բագուի գերեզմանատունը այդ սոսկալի դէպքերից յետոյ, լսենք դարձեալ ականատեսին:

«Այստեղ այնտեղ թափթփւած են անթիւ դիակոյտեր, մերկ, գնդակահար, բայց աչքերը դէպի անողորմ երկիրքը յառած. անշունչ դիակները կարծես գանգատուում էին անսասման բարձրութեան վրա գտնուող այն էակին, որը տեսել էր այդ բոլորը և լուս,

անտարբեր դիտել իւր բարձրութիւնից:»

«Ահա այստեղ, դիակոյտերից մէկի վրա ընկած է մի յղի կին. բարբարոսները դաշոյնի մի քանի հարւածով պատուել էին թշուառ կնոջ արգանդը և երեխան դուրս հանելով զցել դիակի մօտ,—ծանօթ պատկեր, որ մենք հարիւրաւոր անգամներ կարգացել ենք պատմութեան արիւնոտ էջերում:»

«Ահա մի երիտասարդ, դեռ ևս անբխ, անմօրուք, երեսն ի վայր ընկած. թշուառի մարմինը ամբողջապէս ծածկւած է զընդակների վէրքերով:»

«Ահա այն կողմը ընկած է մի սևացած, ածուխ դարձած դիակ, որը հրդեհւած տներից մէկի միջից են հանել:»

«Եւ շարունակ այս ու այն կողմը փուլած են անթիւ դիակներ, մերկ, հաշմանդամ: Գերեզմանատան ծառաները շտապ շտապ հորեր են փորում և դիակները մէջը թափում . . . :»

«Առանց արտասուքի, առանց սարսուռի չէ կարելի նայել դիակների այդ անազին կոյտերին, այդ անմեղ զոհերին:»

Այդպիսի սոսկալի տեսարանների դիմաց, երբ մարդու միտքը քարանում է, արիւնը սառչում երակների մէջ, միմիայն մի հարց է ծագում. ո՞վ ստեղծեց մի այդպիսի դժոխք:

Այս հարցին հետևեալ ձևով է պատասխանում վրաց «Յնօբիս Փուրցելի» լրագիրը:

«Այսօր, երբ ամբողջ Ռուսաստանը սթափուում է իրան կաշկանդող խոր քնից, երբ ամեն տեղ տիրում է ընդհանուր շարժում լաւագոյն ապագայ ստեղծելու համար, այսօր, այս ընդհանուր ոգևորութեան ժամանակ, Բագուի դէպքերը, այս վերին աստիճանի ցաւալի անհամաձայնութիւնը իբրև զարհուրելի դիսսօսանս են ներկայանում մեզ:»

«Այս դէպքերի դիմաց մարդու սիրտը պատուում է, լքում և արիւնը երակներում սառչում: Չես հաւատում, երանգ է, թէ իրականութիւն. չէ որ այս բոլորը համահաւասար է սեփական ամենաթանկագին իղձերից հրաժարելուն. չէ որ այս նշանակում է ոտնակոխ անել մարդու սրբութիւն սրբօքը, իղէալը:»

«Եւ յետոյ, երբ է տեղի ունենում այդ բոլորը—այն ժամանակ, երբ պիտի վերջ տրւի բռնութեան, երբ պիտի ոչնչացեն այսօրայ կարգերը, երբ մեր երևակայութեան մէջ արդէն այնքան պարզ նկատուում է մարդկային ազատ կեանքը, երբ հար-



կաւոր է, որ բոլոր կովկասեան ազգերը ձեռք ձեռքի տւած եղբայրաբար կուեն կովկասեան արշալոյսի համար: Եղբայրական միութեան, համաձայնութեան դաշինքի փոխարէն արիւնահեղութիւն եղբայրների և եղբայրասպան պատերազմ:»

«Միթէ սա էր հարկաւոր մեզ այսօր, միթէ սա էր մեր պատասխանը մեր թշնամիներին . . . : Ո՞վ զարթեցրեց չար և խաւար ուժերը, ո՞վ զինեց իրար դէմ երկու հարևան ազգերին, ո՞վ և ի՞նչը յարուցեց եղբայրասպան կոտորածը—թող ամենասաստիկ քննութիւնը պատասխան տայ այս հարցերին:»

Ահա և «Бакинск. Извест.» ուս լրագրի պատասխանը:

«Այն սարսափները, որ տեղի ունէին Բագուի կենտրոնական փողոցներում այս չորս օրերի ընթացքում, ոչ մի կերպով նկարագրել հնարաւոր չէ: Նոյն իսկ յայտնի թուրքական զազանութիւնները Հայաստանում նսեմանում են մարդասպանութեան, բռնութիւնների, ջարդերի, հրձիգութիւնների և թալանումների վայրենի բռնկումների առաջ:»

«Ի՞նչը առաջացրեց այդ անմիտ սպանդանոցը, մինչև այժմ խաղաղ բնակիչների այդ ոչնչացնող փոխադարձ պատերազմը:»

«Այս հարցի որոշ պատասխանը կարող է տալ, ի հարկէ, միայն գործի բոլոր հանգամանքների խնամքով և անկողմնապահութեամբ կատարւած քննութիւնը: Նա միայն կարող է ցոյց տալ և արդարութեան ձեռքը յանձնել այս սոսկալի տրագեդիայի մեղաւորներին և պատրաստողներին, մի տրագեդիայի, որի պատրաստման լուրերը մեր խմբագրութեան մէջ պտտում էին համարեա մի ամիս առաջ, յունվարի 9-ին Պետերբուրգում տեղի ունեցած դէպքերից յետոյ անմիջապէս:»

«Ռուսաստանում տեղի ունեցող հասարակական շարժման արձագանքները, բնականաբար, չէին կարող չարտայայտել ժողովրդական մասսայի տրամադրութեան մէջ. այդ արձագանքների այս կամ այն կերպով բացատրելը կարող էր դառնալ այն ազդեցիկ նիւթը, որի համար բաւական էր և մի կայծ, որ նա բռնկէր և դառնար ամեն ինչ լափող մի հրդեհ: Այդպիսի կայծի դերը կատարել է դրսից մասսայի վրա պատւաստած մոլորութիւնը, որով միայն և կարելի է բացատրել արիւնահեղ ընդհարումը:»

Ահա և «Մշակի» պատասխանը:

«Տարիների ընթացքում մի սարսափելի թոյն էր պատրաստ-

ումամ մեր երկրում: Ազգամուտութեան, օտարակերութեան, փոխադարձ թշնամութիւնների թոյնը:»

Այս էր ընդհանուր կարծիքը, ընդհանուր մեզադրանքը ուղղած միմիայն և միմիայն ազմինխտրացիայի դէմ:

Որ արիւնալի դէպքերի ժամանակ զօրքը հրաժարուում էր գէնքի դիմելուց՝ ասելով «մեզ չի հրամայւած արձակել», այդ ապացուցւած է մեր առաջ բերած նկարագրութիւնների մէջ: Որ պահակները և ոստիկանները հրաժարուում էին ուղեկցել պաշտպանութիւն խնդրող հայերին և եթէ ուղեկցում էին, միմիայն գումարներ և յաճախ մեծ գումարներ ստանալով, նոյնպէս անթիւ փաստեր կան:

Բայց լսենք փաստերի հզօրագոյնը: Սալեանեան գնդի օֆիցեր կապիտան Բախտամովի մի բացատրութիւնը, տպւած «*Вак. ИЗВѢС.*» լրագրում:

«Փետրվարի 7-ի առաւօտեան Սալեանեան գնդի 2-րդ վաշտը իմ հրամանատարութեամբ քաղաք կանչւեց անկարգութիւնների պատճառով: Կէսօրին մօտ իմ վաշտը, ազմինխտրացիայի հրամանով, բաժանւեց առանձին առանձին փոքրիկ խմբերի՝ մի քանի զուգահեռական փողոցների վրա հսկելու համար, սկսած Հայոց փողոցից և վերջացած Պարսկական փողոցով:»

«Ցերեկայ ժամը 2-ի մօտ, անցնելով զինւորների հետ Բազարնայա փողոցով, ես հանդիպեցի մի խումբ թուրքերի, որոնք Ասիական փողոցի անկիւնում կողոպտում էին մանուֆակտուրային մի խանութ և այդտեղ էլ տեսայ 2-րդ քաղաքամասի պրիստաւին, որը մի քանի ոստիկանների հետ կանգնած էր թալանւող խանութի մօտ: Երբ սկսեցի յանդիմանել, թէ նա ինչձև միջոցներ ձեռք չէ առնում կողոպտողների դէմ, պրիստաւը պատասխանեց, թէ բաւականաչափ ոյժ չունի. իսկ երբ ես խնդրեցի թոյլ տալ ինձ կրակ բաց անել, պրիստաւից ստացայ մերժում: Համարելով ստիպւած անզորձ ներկայութիւնը մի այդպիսի քանի մէջ անհամապատասխան օֆիցերի արժանաւորութեանը, ես իմ զինւորներով անցայ Ցիցխանովեան փողոցը, որպէս զի հաւաքեմ զինւորների միւս խմբերը և ունենալով ձեռքի տակ աւելի մեծ թւով զինւորներ, ազդեմ և ցրեմ կողոպտողների խմբերը: Սոստովանում եմ, սրանով ես հասայ աչքի ընկնող հետևանքների. մինչև երեկոյ ինձ մի քանի անգամ յաջողւեց դադարեցնել անկարգու-

թիւնները համոզիչ խօսքերով, իսկ երբ խօսքը չէր ազդում, ես ցրւում էի խմբերը հրացանի կոթերով: Միւս օրը վաշտիս հետ հազիւ ես դուրս էի եկել միենոյն փողոցները, երբ յետ կանչւեցի քաղաքացիական վարչութեան միջնորդութեան համաձայն, որ հիմնած էր ոստիկանութեան այն զեկուցման վրա, որի մէջ ասւած էր, որ ես, իբր թէ, իմ վաշտին հրացան եմ արձակել տւել մահմեդական ամբոխի վրա և դրանով գոգոել մահմեդականներին, մինչդեռ ոչ այդ օրը, ոչ ամսի 7-ին ես և իմ վաշտը մի հատ հրացան անգամ չենք պարպել:»

Բագուի այսօրինակ գազանութիւնների մէջ, աղմինխտրացիայի կատարած դերը միանգամայն լրիւ դարձնելու համար առաջ ենք բերում սենատոր Կուզմինսկու կարծիքը:

«Բագուում այն կարծիքն է տարածւած, որ փետրվարեան ջարդը կազմակերպել է աղմինխտրացիան: Այդ կարծիքը առանձնապէս արմատացել էր հայ ազգաբնակչութեան մէջ: Եւ յիրաւի, ասում է սենատոր Կուզմինսկի—աղմինխտրացիայի վարմունքը կոտորածի ժամանակ կատարելապէս նպաստաւոր հող ստեղծեց նոյնանման լուրերի ծագման համար: Սկսինք հէնց այն բանից, որ դեռ փետրվարից շատ առաջ սպասում էին ընդհարման թուրքերի և հայերի մէջ. աղմինխտրացիան շատ լու տեղեակ այդ բանին, սակայն նա միջոցներ ձեռք չառաւ նրա առաջը առնելու համար: Ոստիկանութիւնը չը զինւեց, չնայելով որ նրա պինման համար որոշւած կրեդիտը գործադրւած չէր: Փետրվարի 7-ին, երբ Գարդր արդէն նշանաւոր չափերի հասաւ, ընդհարւած ժողուուրդների հոգևորականութիւնը նահանգապետի ներկայութեամբ պատրաստականութիւն յայտնեց անյապաղ խաղաղութեան թափօր կազմակերպել, նահանգապետը պլատօնական համաձայնութիւն տւեց այդ բանին, բայց յայտնի չէ թէ ինչո՞ւ նրա անյապաղ իրագործմանը արգելք եղաւ: Նոյն պլատօնական ձևով նահանգապետը համաձայնեց Բագուի զարնիգօնի հրամանատարի կարծիքի հետ, թէ անհրաժեշտ է ճնշել յուզմունքը զէնքի ուժով, բայց աւարառունների դէմ զէնք գործածելու համար զօրքերի հրամանատարի խնդրած և օրէնքով պահանջուող զբաւոր թոյլտուութիւնը նահանգապետը կտրական կերպով մերժեց: Ապա անկարգութիւնների թունդ ժամանակը, երբ նահանգապետը (նրա հետ և ոստիկանութեան ուրիշ պաշտօնեաները) քաղաքում պտոյտներ

էր անում, ակներև խրախուսանքով էր վերաբերում թուրքերին և նրբութեան հասցրած մեղմ խօսքերով և բարեկամական բարեսրտութեամբ «յորդորում էր» նրանց դադարեցնել կոտորածը, այն ինչ հայերի հետ նա խիստ էր և բժախնդիր: Երբ պաշարւած և պաշտպանող հայերը աղերսում էին փրկել իրանց, նահանգապետը սառնասրտութեամբ պատասխանում էր նրանց «ինքներդ մի կրակէք և ձեզ վրա էլ չեն կրակի»: Դեռ գա քիչ է. նահանգապետը հրամայեց վերադարձնել մի քանի դէպքերում թուրք մարդասպաններից խլած հրացանները այն հիման վրա, որ նրանք զէնք կրելու թոյլատուութիւն ունէին:»

Այսպէս հանգամանօրէն գործին ծանօթանալուց յետոյ Կուզմինսկի, այնուամենայնիւ, բացասում է տարածւած կարծիքը ջարդը քաղաքական դիտումներով կազմակերպելու նկատմամբ: Բայց ի հարկէ նա այլ կարծիք յայտնել չէր կարող:

Մեր առաջ բերած իրերի դասաւորութիւնը և անհերքելի փաստերի շարքը ոչ մի կասկած չեն թողնում մի սուկալի քաղաքական ծրագրի գոյութիւնը այս ջարդի մէջ, որը նոյն տակտիկայով ծուռ ուտացու և տարածւեց ջարդերի միւս վայրերը:

Ապա ի՞նչ էր շինում հայը այդ գազանութիւնների ժամանակ, անշուշտ հարց կը տայ ընթերցողը:

«Փետրվարի 6—9-ի հայկական կոտորածի ժամանակ քաղաքում թագաւորում էր կատարեալ կամայականութիւն և քաղաքացիները, իսկապէս հայերը, անձի և գոյքի ապահովութիւն չունէին: Այս պատճառով հայ երիտասարդութիւնից կազմւեցին կամաւոր խմբեր իւրաքանչիւրը 5—15 հոգուց բաղկացած, որոնք զինւած էին խէնջարներով և բեռուներներով հայոց թաղերը, փողոցները և տները պաշտպանելու համար: Այդ խմբերը օր ու գիշեր պահպանում էին իրանց մասերը զինւած թուրքերի յարձակումներից. նրանց յաճախ յաջողում էր յետ մղել այդ յարձակումները: 10 հոգուց բաղկացած մի այդպիսի խումբ պահպանում էր «Վակզալի» մասը Տելեֆօնեան փողոցից սկսած մինչև Ստանիսլաւեան, Բալախանեան և Կանիթափայի փողոցները: Տեղեկանալով, որ Սարունչուց երկաթուղով քաղաք են գալիս զինւած թուրքեր, իհարկէ ոչբարի դիտաւորութիւններով, այդ խումբը վճռեց հսկել Սարունչու գնացքներով եկողների վրա: Փետրվարի 9-ին, ժամը 4-ին, կէսօրից յետոյ, Սարունչուց եկան բազմաթիւ զինւած

թուրքեր. հայ խումբը գնաց նրանց դէմ և սկսեց կրակել ընդ-  
ւերներից. թուրքերը պատասխանեցին իրանց կողմից, բայց տես-  
նելով, որ դիմադրութիւնը հայերի կողմից յամառ է, յետ վերա-  
դարձան և սկսեցին հրաձգութիւն կայարանից, սակայն չը հա-  
մարձակելով ցած գալ:»

«**Вакин. Извѣс.**» լրագրի այս փոքրիկ նկարագրութիւնը մի  
թոյլ պատկերն է այն ուժեղ դիմադրութեան, որ երևան հանեց  
Բազուի հայ երիտասարդութիւնը Հ. Յ. Դաշնացութեան զեկավա-  
րութեամբ, գազանացած խուժանի դէմ, կանգնեցնելու անմեղ  
թափուղ արեան հոսուժը, մի հոսում, որը տւեց սոսկալի թւեր:

Երեք օրւայ ընթացքում սպանւել էին. հայեր՝ 205, թուրքեր՝  
111, վիրաւորւել էին. հայեր՝ 121, թուրքեր՝ 128. շուրջ 565, բացի  
անյայտ ֆնացած զոհերը:

205 սպանւած հայերից—7ը կանայք էին, 20ը երեխաներ և  
13ը ծերունիներ:

Բացի այս կողոպտւել էին 451 հայերին պատկանող կայքեր  
և 62 էլ թուրքերին պատկանող:

Այս բոլորից, բնականաբար, պիտի ստեղծէր մի ծովացեալ  
զայրոյթ, որը պիտի փնտռէր մի յանցագործ և պայթէր նրա  
զլիւին իր ամբողջ թոյնով: Այդպէս էլ եղաւ:

Մարտի 29-ին «**Кавказъ**»-ի մէջ տպւեց հետեւալ պաշտօ-  
նական հաղորդագրութիւնը, որը առաջ ենք բերում քաղաքօրէն:

«Փետրվարի 6—9-ը Բազում տեղի ունեցած դէպքերից յի-  
տոյ, տերրօրիստների քաղաքում ցրւած պրօկլամացեանների մէջ  
յայտարարւած էր, թէ կօմիտետի կողմից մահւան են դատա-  
պարտւած Բազուի նահանգապետ իշխան Նակաշիձէն և Բազուի  
ոստիկանութեան պաշտօնեաներ՝ ոստիկանապետ կապիտան Դե-  
մինսկին, պրիտաւ կապիտան Մամեդբէկովը, պրիտաւի օգնա-  
կան Սուլթանովը և թաղական վերակացուներ՝ իշխան Միքելիձէն  
և Շահթախտինսկին:»

«Մարտի 16-ին սպանւեց թաղային վերակացու իշխան  
Միքելիձէն: Մարտի 22-ին սպանութեան փորձ արեցին պրիտ-  
աւ Մամեդբէկովի վրա:»

Իսկ մայիսի 11-ին նոյն «**Кавказъ**»-ի պաշտօնական բաժ-  
նում տպւեց հետեւալը:

«Այսօր, ցերեկւայ ժամը 3 և 15 ըոպէին, Բազուի նահան-

գապետ իշխան Նակաշիձէն կառքով տուն էր վերադառնում գեներալ-նահանգապետ Ամիրխօրիի մօտից: Միքայէլեան փողոցի անկիւնում, «Մետրօպօլ» հիւրանոցի դիմաց նահանգապետի կառքի մէջ նետեցին մի ուումը, որի պայթումից սպանւեց իշխան Նակաշիձէն:»

Իշխան Նակաշիձէն ընկաւ, խղճի մի անհուն թեթևութիւն զգաց Կովկասի հայ ժողովուրդը:



# ԵՐԿՐՈՐԴ ԿՈՏՈՐԱԾԸ ԲԱԳԻՈՒՄ

20—30 ՕԳՈՍՏՈՍԻ 1905 թ.

Փետրվարեան արիւնալի դէպքերից յետոյ թէև Բագուն, շարժումների և այդ շարժման որպէս հակադիր ուժ խուլիզանական սխրագործութիւնների այդ հնոցը, խաղաղեց, բայց այդ մի խաղաղութիւն էր, նման ծովերի վրա ալեկոծումից առաջ տեղի ունեցող խաղաղութեան:

Ջանքերը՝ ուղղած Բագուի կարմիր օրերի կրկնելու դէմ ապարդիւն էին անցնում և գնալով այդ քաղաքի մթնոլորտի մէջ պատրաստուում էր մի նոր փոթորիկ աւելի կորստաբեր և աւելի ահաբեկիչ, քան նոյն իսկ առաջինը:

Փետրվարեան արիւնոտ օրերից յետոյ Բագուի թուրքերը ուղղակի անտանելի էին դարձել. նրանց հետ, ինչպէս ասում են, խօսել չէր լինում: Քաղաքային խորհրդարանում փողոցային թուրք սրիկանների ձեռքով վարչութեան ծառայողների ծեծելը, զինւած խմբերով նաւթահանքերում շրջագայելը ու սրան նրան մահւան սպառնալիք կարդալը, վերջապէս օրը ցերեկով դեմօնստրատիւ կերպով սպանութիւններ կատարելը, այս բոլորը գալիս էին ապացուցելու, որ ներկայ դրութիւնը երկար շարունակել չէր կարող: Այսպէս Բագուի թղթակիցները գծագրում էին պատկերը, նախ քան երկրորդ կոտորածը:

Տեղի ունեցան զարհուրելի դէպքեր Շուշում, դրութիւնը աւելի ևս վատթարացաւ, մի փոքրիկ առիթ, և ահա պատրաստ էր բռնկւելու Բագուն երկրորդ անգամ:

Օգոստոսի 20-ին ձիաքարշի ծառայողները գործադուլ յայտարարեցին: Մի ըրպէ Բագուի աղմինիստրացիայի առաջ ցցեց ընդհանուր գործադուլի ուրւականը մի կողմից, թուրք խուլիզանական հարիւրակների բանակը միւս կողմից: Իսկ այդ երկուսի

կողքին՝ մի փրկութեան դուռ, որի անունն էր ցեղային թշնամութիւն:

Ադմինիստրացիան ձիաքարշի վրա կանգնեցրեց զինւորներ և սկսեց երթեկեկութիւնը, բայց ոչ երկարատև. յայտնեցին ձիաքարշի ծառայողները կանգնեցնելու երթեկեկութիւնը. տեղի ունեցաւ նրանց և զօրքի մէջ ընդհարում, նաև մի քանի հրաձգութիւն, որից քաղաքում առաջ եկաւ իրարանցում և սկսեց նորից հայ-թուրքական կոտորածը իր սարսափներով: Դրանից յետոյ գործադուլի մասին խօսք այլևս տեղի չունեցաւ. հայերն ու թուրքերը կոտորում էին միմեանց:

Թէ ի՞նչպէս գաղանացած մարդիկ Բագում և Բագուի նաւթային շրջաններում կոտորում էին միմեանց, թէ ի՞նչպէս նորից սկսեց հոսել արիւնը, անմեղ արիւնը, և թէ ի՞նչպէս հրդեհը մէկ այս և մէկ այնտեղ սկսեց իր լափումները անխնայ, դրանց մանրամասն նկարագրութիւնները տալ չարժէ. այդպիսի նկարագրութիւններ շատ կան այս երեսների մէջ. առաջ կը բերենք ղէպքերը փաստացի լուսաբանութիւններով:

Ընդհարումը իր սոսիւլի կրակով քաղաքի զանազան մասերում միաժամանակ սկսեց օգոստոսի 20-ի երեկոյեան ժամը 5-ից: Փոքրիկ ընդմիջումներով հրացանաձգութիւնը տևեց ամբողջ գիշեր և դադարեց առաւօտեան ժամը 8-ին: Զինւորական ուժը կարող եղաւ միմիայն կարճ ժամանակով դադարեցնել հրացանաձգութիւնը. նա վերսկսեց նորից 21-ի երեկոյեան և շարունակեց ամբողջ գիշեր:

Օգոստոսի 22-ին քաղաքում չը դադարեց հրացանաձգութիւնը. կատաղած ամբոխը չէր խնայում նոյն իսկ զօրքերին, որը իր հերթում պատասխանում էր խմբային կրակով: Մինչև այդ զոհերի թիւը հաշուում էին 400, որից 270-ը՝ թուրքեր և 130-ը՝ հայ, ռուս, վրացի և այլ ազգեր:

Այդ նոյն օգոստոսի 22-ին կոտորածը քաղաքից անցաւ նաւթահանքերը, բայց սոսկալի հրդեհումներով միասին:

Բալախանին հրդեհեց մի քանի տեղերից միաժամանակ: Հրեղէն բոցերը լափել սկսեցին հանքերը մէկը միւսի յետևից: Անարխիան թագաւորեց ամեն տեղ. կոտորածը հասաւ գագաթնակէտին, որի ժամանակ ընկան բազմաթիւ զոհեր:

Հրդեհը անցաւ նաև Սարունչի, Բամանի և Բիբիէյբատ:



Վերջինում կատարւեցին սոսկալի ոճիրներ. ամբողջ պատառ պատառ արեց մի խումբ հայերի. կրակը արշաւեց աջ ու ձախ:

Նաւթահանքերում հայերի դրութիւնը դարձաւ կրիտիկական: Գազանացած ամբողին օգնում էր հրդեհը իր հոսումով. այդ պայմաններում էլ հայերին զինաթափ էին անում և ապա տեղափոխում քաղաք: Տեղափոխութիւնը կօզակների կողմից կատարւում էր մեծ փրկանքներով: «Յ կօզակներ մի ընտանիք Բալախանիից կայարան տեղափոխելու համար սակարգութիւնից յետոյ համաձայնեցին 80 բուբլի ստանալու պայմանով. բայց երբ հնար եղաւ դէսից դէնից հաւաքել միմիայն 70 ռ., նրանք խիստ դժգոհ մնացին»—գրում է մի ականատես:

Իսկ այն, ինչ որ տեղի ունեցաւ Սօվէտ Սընգզի շինութիւնների հետ, միմիայն զայրոյթ կարող էր ազդել. բաւական չէ, որ այդտեղ գտնուում էին դպրոցը, հիւանդանոցը, այլ և ապաստան էին գտել մօտ 6000 հրից ու սրից փախած մարդիկ: Ահա մութ մարդկանց դրդումով թնդանօթի բերանները ուղղեցին դպրոցի ու հիւանդանոցի շէնքերին և չը նայած հիւանդանոցի բժիշկ Շէյինի թախանձանքին—չը հաւատալ չարախօսութիւններին, թընդանօթածիզ օֆիցերը հրաման տւեց և թնդանօթը երեք անգամ որոտաց, որի ռումբերից մէկը ընկաւ դասարաններից մէկի մէջ և պայթելով ջարդ ու փշուր արեց սեղանն ու նստարանները, իսկ միւսն ընկաւ գրադարանի մէջ: Դրանից յետոյ սկսեցին զինաթափ անել պաշտպանութիւն գտած մարդկանց:

Բոլոր հայերի գոյքը կրակի և կողոպուտի մատնւեց: Կողոպտում էին մեծ մասամբ համաշարիները, որոնք տեղական թուրքերին ծառայում էին մի տեսակ թնդանօթային մսի տեղ: Յարձակման ժամանակ առաջ էին ընկնում համաշարիները և յարձակման տեղից եկող գնդակներին զոհ գնում, իսկ կողոպուտը կիսելիս առաջ էին գալիս թագնւած արիստօկրատները և լաւ բաժինը խլում համաշարիներից: Այս կերպ նկարագրում էր «Baku» լրագիրը Բալախանիի թալանը:

Զոհերի թիւը հնար չը կար ստուգելու. թուրքերը ծածկում էին այդ:

Հայերը կարողացան պաշտպանւել համախմբումներով:

Այդպէս չէր նախկին Առաքելեանի գործարանում: Այդտեղ եղող 10 հայ բանւորներ, յուսալով ոռւս բանւորների պաշտպա-

նութեանը, չը գնացին Մանթաշեանի գործարանը. բայց լէկզի պահապանի մատնութեամբ յանձնեցին ամբոխին և տանջանքներով մէկիկ-մէկիկ սպանեցին: Այսպիսի դէպքեր կատարել էին մի քանի տեղերում ևս:

Լէկզիները յետ չէին մտում թուրքերից ոչ սպանութիւնների և ոչ էլ կողոպուտների մէջ:

Պակաս դեր չէին խաղում նաև ոռու բանւորները, թէև այդպիսի խուլիգանների թիւը շատ մեծ չէր:

Նաւթահանքերում հրդեհը շարունակուում էր սոսկալի չափեր ընդունելով. նա լափում էր պատահածը անխնայ: Հրդեհին զոհ գնացին նաև փոխարքայի մի քանի նաւթահորերը: Օգոստոսի 23-ին Կիսլօվօղսկից փոխարքան հեռագրեց գեներալ-նահանգապետ Ֆաղդէեվին—«չը սահմանափակել խաղաղացմամբ, այլ անյապաղ դիմել ամենակտրական գործողութիւնների ապստամբների դէմ, հալածելով նրանց մինչև վերջ»:

Օգոստոսի 24-ին քաղաքում տեղի ունեցաւ թնդանօթածըգութիւն դեռ չը խաղաղած ամբոխին սարսափահար անելու համար և շրջեց խաղաղարար թափօրը, բայց դարձեալ ապարդիւն: Այդ նոյն օրը Բալախանիում նոր հրդեհներ ծագեցին. իսկ օգոստոսի 26-ին «Սաուչաստնիկ» ընկերութեան նաւթահորը պաշարեց ամբոխով և հրդեհեց: Այդտեղ եղող հայերը, մօտ 300 հոգի, ստիպած էին դուրս գալ և պաշտպանողական մի շղթայ կազմելով՝ մէջ տեղ կանանց և երեխաներին առած, հեռանալ սպառնացող հրդեհից, որոնց մի մասը ոստիկանատուն հասնելով զինաթափ արեց սպաննալիքի տակ:

Պառը դրութիւնը շարունակուում էր նաև քաղաքի մէջ. այս և այն տեղից, այս և այն տանից հրացաններ պարպելը նոյն իսկ զօրքերի վրա չէր դադարում: Այդպիսի մի կրակ բացեց անցնող զօրքերի վրա օգոստոսի 27-ին Ալիևի տանից, որը ենթարկեց ուժեղ կոծութեան, որից և սպանեց Ալիևի որդին:

Մոլեգնած, զազանացած ամբոխին հեշտ չէր զսպել: Բազուում և նաւթահանքերում խաղաղութիւնը վերականգնելու համար շատ անգամ թնդանօթը խօսեց և երբ մի փոքր մտքերը խաղաղեցին և սարսափը անցաւ, նոր հաշի առնեց այն աւերը, որին ենթարկել էր Բագուն:

Մի շարաթւայ մէջ աւերող ձեռքը սրբել, ոչնչացրել էր

նաւթային կուլտուրայի մեծ մասը. տասնեակ տարիների հազարաւոր աշխատող ձեռքերի արդիւնքը ջնջւել էր իսպառ. հազարաւոր բանւորներ զրկւեցին աշխատանքից, գործից, ապրելու բոլոր միջոցներից: Շատերը նրանցից շարաթննորով գիշերում էին փողոցներում, պատերի տակ, քաղցին ու սովին մատնւած: Նրանց մասին հոգացող չը կար. նրանք թողնւած էին բաղդի կամքին:

---

Բագուի նաւթային շրջանը բռնում է աւելի քան 2500 դեւսեստին տարածութիւն, որից մշակւած է միմիայն 1000 դեւսեստինը: Այդ հազար դեւսեստին հողի վրա, միմեանց կողքի, մի քանի ըայծններում, որպէս անտառ, բուսել են 3000-ից աւելի վիշկաներ. բայց աւերող կրակը լափել և տեղը թողել էր միմիայն 1763 հատը:

Նօբէլի հանքերից ազատւել էր երկու երորդը, Կասպեան-Չերնօմօրեան ընկերութեան՝ կէսը, Մօսկւա-Կովկասեան ընկերութիւնից այրւել էր միմիայն 4 վիշկա: Բեկինդօրֆինը անֆնաս էր: Վարանցով-Դաշկօվի վիշկաներից այրւել էր 7-ը: Շիրակինը՝ ազատւել էր կէսը: Խալիֆի փոքր ֆիրման քիչ էր ֆնասւել: Անֆնաս ֆնացել էին «Պօլակ»ը, Ստրուէրի մեքենագործարանը, Մուսա Նադիեւի և Ասադուլաևի ֆիրմաները:

Գրասենեակներով հանդերձ ամբողջովին այրւել էին. Կասպիական ընկերութիւնը, Բուճօ, Թումաև, Արշալոյս, Մանթաշև, Փիթօև, Միրզօև, Կրասիլնիկօվներ, Մելիքով, Արամազդ, Ադամով, Տէր Յակոբովներ, «Վօտան» գործարանները. Շիրվան, Կովկասեան, Կավկազ, Սաուչաստնիկ, Բադուգա, Պետրով, Բալախանեան ընկերութիւնները. իշխան Գագարին, Գալպերին և շատ ուրիշ ֆիրմաներ:

Այրւել և կողոպտւել էին՝ Յակոբովի, Դրուժբայի, Չախմախչևների, Գօլդլիւստի, Դիլդարովների, Աղխէնի, Տէր Յովհաննիսեանների պահեստանոցները, նաև Բամանիի ամբուլատօրեան և Բեկինդօրֆի թատրոնը:

Մօտաւոր հաշուով ֆնասը հասնում էր 25 միլիօն ռուբլու, որի շատ մեծ մասը հասել էր հայ ֆիրմաներին, որովհետև հէնց նրանց դէմ էլ ուղղւած էր եղել հրդեհը, թէև հրեղէն լեզուները լափել էին պատահածը անխտիր:

Աւելի ծանր դրութիւն, ինչպէս մի փոքր առաջ էլ յիշեցինք, ստեղծւեց բանւորութեան համար: Բալախանիում աշխատում են մօտաւորապէս 30,000 բանուորներ: Ողոստոսից սկսած մինչև յունվար ամիսը նաւթահանքերը, մեծ մասամբ, կանգ առան: Չորս ամիս շարունակ 30,000 բանւոր մատնեց զրկանքների: Եթէ իւրաքանչիւր բանւորի օրավարձը հաշւելու լինենք միջին չափով 80 կոպէկ, ուրեմն Բալախանիի բանւորութիւնը կորցրեց մօտ երեք միլիօն բուրլի օրավարձ:



# ԵՐՐՈՐԴ ԿՈՏՈՐԱԾԸ ԲԱԳԻՈՒՄ

20—25 ՀՈԿՏԵՄԲԵՐԻ 1905 Թ.

Բագուն մի անգամ էլ կոտորածի բեմ հանդիսացաւ. այդ մեղսոտ քաղաքի փողոցներում մի անգամ էլ անմեղ արիւնը հոսեց, գեղեցիկ շինութիւններ հրդեհի զոհ գնացին:

Բագուի երրորդ կոտորածը ուշագրաւ է առանձնապէս այն տեսակէտից, որ առաջին երկու կոտորածների ժամանակ վարագոյրի տակ կազմւող ծրագրները այս անգամ երևան եկան բացարձակօրէն:

Նւ եթէ դուք ուշադրութեամբ հետեւէք այդ կոտորածի ընթացքին, կը տեսնէք, թէ ինչպէս նա լոյս է սփռում այն բոլոր ջարդերի վրա, որոնք պարբերաբար տեղի էին ունենում այս և այն տեղերում թուրքերի ձեռքով:

Հոկտեմբերի 17-ին հրատարակեց քաղաքական ազատութիւն խոստացող կայսերական յայտնի մանիֆեստը, մանիֆեստ՝ արցունքի և արեան:

Տօնում էր այդ օրը լայնածաւալ Ռուսաստանը, դարաւոր խաւարի ու բռնութեան տակ հեծող բազմամիլիօն ժողովուրդը, տօնում էր և Բագուն:

Հոկտեմբերի 19-ին Պարապետի վրա հաւաքեց անագին ժողովուրդ, որը բազմաթիւ կարմիր դրօշակներ պարզած, փառահեղ միտինգից յետոյ, դիմեց բանտ՝ քաղաքական յանցաւորներին ազատելու համար. սակայն բանտի պահակը կրակ բացեց ժողովրդի վրա, որից սպանեցին և վիրաւորեցին տասից աւելի մարդիկ: Արիւնով էր հարթւում այն ճանապարհը, որտեղից պիտի անցնէին քաղաքական յանցաւորները և անցան նրանք, բայց ոչ բոլորը. Նակաշիձէի սպանութեան մէջ մեղադրողները,—5 հայեր և 2 դեմօկրատներ, չարժանացան մանիֆեստի շնորհին:

Այդ նոյն օրը երեկոյեան պահուն «Դաշնակցութիւնը» առիթից օգտւելով, «կեցցէ ազգերի համերաշխութիւնը» մակագրութիւն կրող սպիտակ դրօշակ պարզած մեծ հանդիսով շրջեց թուրքական թաղերը:

Եւ այդպիսով հոկտեմբերի 19-ը մթնեց ազատութեան առաջին հմայքների ոգևորիչ տպաւորութիւնների տակ:

Սակայն այլ առաւօտ ծագեց Բագուի, մասնաւորապէս հայերի վրա հոկտեմբերի 20-ին: Ի՞նչեր էին կատարւել այդ մէկ օրւայ ընթացքում, Աստուած գիտէ. խաւար գիշերւայ մէջ ծնունդ էր առել սև ըհակցիան. իսկ Բագուն իր տականքներով, իր մութը, անգիտակ մասսաներով, ներկայացնում էր խուլիզանական մի հնոց:

Այդ օրը կազմեց հայրենասէրների մանիֆեստացիան, որի շուրջը խմբեցին Բագուի տականքները—թուրքեր, կօզակներ, լէկզիներ և ոռւս պատրիօտներ: Ահա այն քառադաս խուժանը, որ կայսեր պատկերը առած դուրս էին եկել նախորդ օրւայ տպաւորութիւնը ջնջելու, կարմիր շարժումը խեղդելու համար:

Օդը լցեց ըհակցիօն տէմպով, մթնոլորտը ծանրացաւ որպէս կապարը, քաղաքի փողոցները դատարկեցին: Ասպարէզը մնաց կոպիտ ուժին, հրդեհումներին. մանիֆեստացիայի անւան տակ կատարեց մի նոր ջարդ:

Նորից տեղի ունեցաւ հայկական կոտորածը, բայց աւելի ձևակերպւած, այսպէս ասած, լեզալ կոտորած:

Թուրքին միացել էր այս անգամ լէկզին, պատրիօտ ոռուսը, կօզակը, որոնք վերցրած իւղոտ լաթեր, նաւթի բանկաներ, հանդերձ հրդեհածգութեան բոլոր պարագաներով, շրջում էին երաժշտական խմբի ուղեկցութեամբ:

Եւ ջարդերն ու հրդեհումները սկսեցին, դիմադրութիւն չը գտնելով իշխանութիւնների կողմից:

Հայրենասիրական թափօրը կանգ առաւ նախ Տարզովայեա փողոցում, ուր յարձակման և կողոպուտի ենթարկեցին Մէլիքեանի լուսանկարչական արհեստանոցը և Սաղաթէլեանի տունը. վերջինս ենթարկեց նաև ումրակոծութեան. պատճառաբանելը հեշտ էր. պատուհաններից, իբր, կրակել էին: Եւ ահա զալպերը մի կողմից, կողոպուտը՝ միւս, աւերում ու սպանում էին պատահածին անխնայ:

Թափօրը վերսկսեց հոկտեմբերի 21-ին: Նիկոլաևեան փողոցում հրդեհեցին Միրզաբէկեանի, Շագիրդանեանի, Բուզուղեանի և շարքով ընկած 13 հոյակապ տներ: Այդ փողոցում սպանեց շատ հայերի թոււմ նաև Մեսրոպը քահանայ Պոռխոռունին:

Հոկտեմբերի 22-ին նորից վերսկսեց թափօրը և այս անգամ կողոպտեցին և հրդեհեցին մի շարք տներ Բալախանեան և Ստանիսլաւեան փողոցների անկիւնում: Մէջ ընդ մէջ խօսում էր և թնդանօթը:

Այդ նոյն օրը կողոպտեցին, ի միջի այլոց, Պետրոսեանի, Առաֆեւեանի և Արզումանեանի խանութները:

Հրդեհումները, կողոպտումներն ու սպանութիւնները շարունակեցին մինչև հոկտեմբերի 24-ը: Այդ օրը խուլիգանների մի խումբ յարձակեց հայոց անկելանոցի վրա և հրդեհեց չորս տուն: Անկելանոցում սպանեցին 6 կին և երեխաներ. սակայն ներսից տեղի ունեցաւ ուժեղ դիմադրութիւն և խուլիգանները փախան, թողնելով տասնեակներով դիակներ անկելանոցի շուրջը: Մի յարձակում էլ եղաւ Միրզաբէկեանի ծխախոտի գործարանի վրա, բայց յետ մղեց:

Նման ցոյցեր, կոտորածներ տեղի ունեցան նաև Բայիլովում, ուր եկեղեցում մազթանը կատարելուց յետոյ խուժանը, բաղկացած պատրիօսներից, թուրքերից և լէկզիններից, կայսեր պատկերով և ազգային դրօշակներով ուղևորեց դէպի քաղաք միանալու մեծ թափօրին: Այդ տեղի ունեցաւ հոկտեմբերի 21-ին:

Ճաշից յետոյ, ժամը 4-ին, խուլիգանները փոքրիկ խմբերով վերադարձան Բայիլով բնոնաւորւած թալանի իրերով, իսկ նրանցից շատերը նաև հարբած դրութեան մէջ. հասկանալի է, կողոպտած էին նաև խմիչքների խանութներ: Փողոցներում այդ խմբերը գազանութիւններ գործեցին:

Ահա մի խեղճ հայ մշակ. «Бей его армяшкы», գողաց մօտեցող խումբը և անմեղ մարդը պատառ պատառ եղաւ:

Ահա: մի հայ կին երեխան գիրկը կանգնած դռանը. գազանացած ամբոխը լկտի հայհոյանքներով այդ կնոջը իր երեխայով առաւ ոտների տակ և տրորեց: Նման գազանութիւնների զոհ գնացին Բիրէէյրաթում վեց հայ մշակներ: Բացի այդ Բայիլովում գազանացած ամբոխը յարձակեց և ուզում էր այրել ոռու Նազարովի տունը, ուր ապրում էին 300-ի չափ հայեր: Նրանք

հազիւ կարողացան փախչել, ազատել. թէև նրանցից երեքը դարձեալ ընկան ամբոխի ձեռքը և սպանւեցին գազանաբար: Զօրքը ազատեց այդ տունը հրդեհից:

Հոկտեմբերի 24-ին ժողովրդի կրկնակի դիմումներից յետոյ Տաղդէնը հրամայեց դադարեցնել հայրենասիրական թափօրները և Բագուն մի փոքր խաղաղւեց. բայց ինչ, ամբողջ թաղեր 20-ից աւելի հոյակապ տներով մոխիր էին դարձել, բազմաթիւ խանութներ կողոպտւել և աւերւել էին: Կորուստը միլիօնների էր հազնում:

Մարդկային զոհերի թիւը նոյնպէս մեծ էր. քաղաքում սպանւել էին 60-ից աւելի մարդիկ, իսկ Բայիլովում՝ 35. վիրաւորներ աւելի շատ էին. ի հարկէ նրանք մեծ մասամբ հայեր էին—անմեղ հայեր:

Սակայն նողկալին այնքան կոտորածն ու աւերը չէր, որքան այն, որ այս դէպքում էլ ադմինիստրացիան չքմեղ ձևացաւ, չը նայած ամենից շատ գործում էին թնդանօթները և կօզակների զալպերը:

Եւ ադմինիստրացիայի չքմեղութիւնը ձևակերպւեց: Այդ աւերումների որպէս ղեկավար նոյեմբերի սկզբին բանտարկւեց թուրք խուլիգանների գլխաւոր Ասլան Աշուրովը: Բայց մի քանի օրից յետոյ, պատմում են, զարնիգօնի գլխաւոր գնդապետ Տօլմաշովը դիմել էր հայերին և առաջարկել դադարեցնել Աշուրովի դէմ սկսած դատը, նախազգուշացնելով, որ կարող են ոչ ցանկալի բարդութիւններ առաջ գալ:

Ճարպիկ կերպով կազմում էին բոլոր կոտորածները, ճարպիկ կերպով չքմեղ ձևանում և այդ բոլորը տանում կապում հայ-թուրքական ընդհարումների հետ:

Ով զազխր պօլիտիկա . . .

---


Բագում տեղի ունեցող այս օրինակ կոտորածները արձագանք չը գտան հայաբնակ Գեօկչայի և Շամախիի գաւառներում, թէև հայերի թիւը այդ տեղերում խիստ աննշան էր:

Կոտորածներ տեղի չունեցան շնորհիւ նրա, իբրև թէ թուրքերի մեծ մասը սիւննի լինելով հակառակ էին ընդհարումներին, բացատրում են շատերը: Սակայն այդ չէր պատճառը, այլ այն, որ այդտեղ պրօվակացիան չէր գործում և կառավարութիւնը



շահ չունէր մի այդպիսի տեղ կոտորած սարքելուց: Լոկ այդ հանգամանքը բաւական եղաւ առաջն առնելու այն ընդհարումների, որոնք մի քանի անգամ նկատելի դարձան այդ շրջաններում և Շամախի քաղաքում:

Այս մի աւելորդ ապացոյց էր այն բանի, որ առանց կառավարութեան գիտութեան կոտորածներ և ընդհարումներ տեղի չէին ունենում:



## ԵՐԵՒԱՆԻ ՆԱՅԱՆԳ.

Երևանի նահանգը ընկած է Անդրկովկասի հարավային ծայրում, ունենալով սահմաններ՝ հարավարևմտեան ամբողջ երկարութեամբ Պարսկաստանը, սահմանագիծ ծառայելով Արաքսը, իսկ միև կողմերից Կարսի շրջանը, Թիֆլիսի և Գանձակի նահանգները:

Երևանի նահանգը բռնում է 23,500 քառակուսի վերստ տարածութիւն, ունենալով մեծ մասամբ լեռնային աղքատ բնութիւն, զուրկ անտառներից: Փոքր մասը միայն, առանձնապէս Արաքսի և Արփաչայ ու Նախիջևան գետերի հովիտները ներկայացնում են պտղաբեր, արգաւանդ դաշտեր՝ պիտանի բարձր կուլտուրական բերքերի մշակութեան համար:

Երևանի նահանգի ազգաբնակչութեան ընդհանուր թիւը, համաձայն 1897 թ. միօրեայ վիճակագրութեան, հասնում է 829 հազարի \*), որից հայերը կազմում են 434 հազար, թուրքերը՝ 352 հազար և զանազան ազգութիւններ՝ 43 հազար: Ամբողջ նահանգում հաշոււմ են 1,301 գիւղ, որից հայաբնակ են 342-ը. հայ գիւղերը բազմամարդ են:

Նահանգը բաժանւում է եօթ գաւառների:

---

\*) Ամբողջ հովաստում հայերի թիւը հասնում է 1130 հազարի, որից 434 հազարը ապրում են Երևանի նահանգում, 294 հազարը՝ Գանձակի նահանգում, 219 հազարը՝ Թիֆլիսի նահանգում, 73 հազարը՝ Կարսի շրջանում, 50 հազարը՝ Բագուի նահանգում, 14 հազարը՝ Բաթումի շրջանում, իսկ 46 հազարը՝ Յնացեալ նահանգներում:

Հայ և թուրք ժողովուրդների համեմատական թւերը Երևանի նահանգի 7 գաւառներում վերցրած 1897 թ. միօրեայ վիճակագրութիւնից հազարների հաշուով:

№№	Գ Ա Ի Ա Ռ Ն Ե Բ.	Ընդհան. թիւը	Հայերը	Թուրքերը	Զանազ. ազգեր.
1	Այէքսանդրապօլի . .	165	137	7	21
2	Նոր-Բայազետի . .	122	81	38	3
3	Լջմիածնի . .	124	76	45	3
4	Սուրմալուի . .	89	27	55	7
5	Երևանի . .	152	58	87	7
6	Շարուր-Դարալագեազ .	76	21	55	—
7	Նախիջևանի . .	101	34	65	2
	Բոլորը միասին . .	829	434	352	43

Հետեւելով Երևանի նահանգում տեղի ունեցած ընդհարումների ընթացքին, նկատուում է հետեւեալը:

Հայ-թուրքական ընդհարումը այստեղ մեծ ծաւալ չէ ստացել և այնքան տևողական բնակորութիւն չի կրում, ինչպէս, օրինակ, Գանձակի նահանգում:

Ձը հրաժարելով այն կարծիքից, որ մենք յայտնեցինք այս գրքի յառաջաբանում կառավարութեան դերի նկատմամբ այս, խնդրում, կասենք, որ Երևանի նահանգում հայ-թուրքական ընդհարման աւելի մեծ ծաւալ չընդունելուն \*) նպաստեցին երկու հանգամանքներ:

Նախ՝ որ Երևանի նահանգում, ինչպէս տեսանք մեր վերը բերած թւերից, հայ ազգարնակութիւնը կազմում է խոշոր մեծամասնութիւն, միանգամայն դէմ լինելով ընդհարումներին: Այս կարծիքը աւելի ակնբեր է դառնում, երբ ուշի ուշով հետևում

\*) Պաշտօնական տեղեկութիւնների հիման վրա Երևանի նահանգի կըրած գոյքային ֆուսների քանակը, համաձայն կողոպուած գիւղացիների ներկայացրած ցուցակների, հասնում է 3,881,537 ռ., իսկ մասնաժողովների ցուցակներով՝ 1,839,521 ռ.

ենք ընդհարումների ընթացքին տարբեր գաւառներում: Այսպէս ամենախոշոր աւերիչ ընդհարումները տեղի ունեցան Նախիջևանի և Շարուր-Դարալագեազի գաւառներում, ուր թուրք ազգաբնակութիւնը կազմում է բացարձակ մեծամասնութիւն:

Ընդհարումները աւելի թոյլ չափով արտայայտեցին Երեւանի և Էջմիածնի գաւառներում, ուր հայ ազգաբնակութիւնը համեմատաբար մեծ թիւ է կազմում:

Իսկ Ալէքսանդրապոլի և Նոր-Բայազէտի գաւառներում, ուր հայերը բացարձակ մեծամասնութիւն են կազմում, ընդհարումներ միանգամայն տեղի չունեցան:

Երկրորդ՝ Երևանի նահանգը, որպէս հարաւային ծայրագաւառ, կազմում է երկու ասիական պետութիւնների—Պարսկաստանի և Տաճկաստանի սահմանագիծը: Այդ սահմանագծի վրա ապրում են թափառական աւազակաբարոյ ցեղեր, որոնք յաճախ տեղացի քրդերի հետ միացած կողոպուտի յուսով արշաւում են սահմանից ներս:

Բացի այդ, Տաճկաստանը այնքան էլ հաշտ աչքով չի նայում Ռուսաստանի Կովկասի տիրապետութեան վրա, չը հրաժարուելով այն մտքից, որ այդ երկիրը երբ և իցէ նորից կանցնի իր ձեռքը:

Ահա այսպիսի դրութիւնների շնորհիւ այդ սահմանը կարելի է համարել ընդ միշտ անապահով:

Այդ սահմանի վրա մի տարր, որին Ռուսաստանը կարողանար վստահել, հայ ժողովուրդն է, որին նա, յամենայն դէպս, պիտի խնայէր իր շահերի տեսակէտից: Սրա լաւ ապացոյցը կարող է ծառայել Սուրմալուն—Տաճկաստանի սահմանակից այդ գաւառը, ուր հայերը որքան էլ փոքրաթիւ, այնուամենայնիւ այնտեղ խոշոր ընդհարումներ տեղի չունեցան և միանգամ բռնկւած ընդհարումը անմիջապէս զէնքով ճնշւեց:

Թերևս Նախիջևանի—Պարսկաստանին սահմանակից այդ գաւառում տեղի ունեցող սոսկալի աւերը զար հերքելու մեր այս կարծիքը, սակայն չը պիտի մոռանալ այդ գաւառի նկատմամբ նախ այն, որ այդտեղ մեծ դեր խաղացել են կալաճատէր խաները, որոնք ահագին ազդեցութիւն ունեն թուրք մասսայի վրա և երկրորդ այն պագրոմը և հրդեհը, որ տեղի ունեցան Նախիջևանի թուրքաց բազարում կօզակների ձեռքով և այն կոտորածը, որ տեղի ունե-

ցաւ, նոյնպէս կօզակների ձեռքով, մի օր յետոյ Ջահրի գիւղում. այդ, մեր կարծիքով, ոչ այլ ինչ էր, եթէ ոչ ուղղումն մի սխալ գործողութեան:

Այս փոքրիկ ակնարկից յետոյ մենք անցնում ենք բուն դէպքերին, սկսելով Երևան քաղաքից, թոյլ տալով, որ փաստերը իրենք գան պարզաբանելու, թէ ինչպէս ընդհարումները առաջ էին տարւում բաւական վարպետօրէն, չը մոռանալով հիմնական խնդիրները:



## Ե Ր Ե Ի Ա Ն

Երևանը նահանգական քաղաք է ընկած Հրազդան (Ջանգի) գետի վրա, իր բլրապատ շրջակայքով, որի հարաւային կողմից բացւում է Արարատեան ընդարձակ դաշտը Մասիսի սրածայր գագաթներով, որոնք որպէս մի զոյգ հսկաներ իշխում են հեռաւոր տարածութիւնների վրա:

Երևանը այնքան էլ գեղեցիկ քաղաք չէ. նրա մի քանի մասերը մինչև այսօր էլ կրում են իրենց վրա պարսկական խաների տիրապետութեան օրերի կնիքը: Սակայն նրա զարդը կազմում է հարուստ բուսականութիւնը, ծառազարդ պարտէզներն ու ընդարձակ տարածած խաղողի այգիները, որոնց մէջ թաղած գարնան ամիսներին նա նմանում է մի դրախտի:

Երևանը թէև յայտնի իր սուր փոփոխական և անառողջ կլիմայով, ներկայանում է արտահանութեան մի վայր և մթերքների ու դրամի շրջանառութեան յարմար կենտրոնատեղի, մանաւանդ երկաթողու գծի կառուցելուց յետոյ, որով այժմ նա կապւած է Թիֆլիսի և Պարսկաստանի հետ:

Շնորհիւ այգիների և պտղատու պարտէզների Երևանը արտահանում է ամենաընտիր կօնեակ, գինիների մի քանի տեսակներ, թարմ պտուղներ և մանաւանդ կօնսերվաներ: Բացի այդ, նահանգի ամենամեծ հարստութիւն կազմող բամբակի առուծախքը, որի շրջանառութիւնը հասնում է աւելի քան հինգ միլիօն գումարի, կատարւում է Երևանի շուկայում, ահագին զարկ տալով քաղաքի վաճառականական գործին:


Քաղաքը մի ընդարձակ և երկար Աստաֆեան անուն կրող փողոցով բաժանւած է երկու մասի, որոնցից մէկում գլխաւորապէս ապրում են թուրքեր, իսկ միւսում հայեր, թէև հայ ու թուրք մի քանի տեղերում ապրում են խառն: Այսպէս Դամբրուլաղը, մի մեծ, բայց յետ մնացած թաղը, ընկած քաղաքի

հարաւարեւելեան մասում, զուտ թրքաբնակ է. Պանլըղբաղը՝ կանոնաւոր փողոցներով և շինութիւններով, ընկած քաղաքի հակառակ մասում, զուտ հայաբնակ է. իսկ մի քանի թաղերում, ինչպէս են Շահարը, Շէնթաղը, Կօնդը և Զորագիւղը, հայ և թուրք ապրում են խառը: Ինչ վերաբերում է շուկային, որը գտնւում է քաղաքի ներքին մասում, այդ արդէն ընդհանուր է:

Մեծ առևտուրը գտնւում է հայերի ձեռքում, իսկ մանր առևտուրը և զանազան զբաղմունքներ՝ թուրքերի: Թուրքերի զբաղմունքների մի ճիւղը կազմում է թէյատներ (ղայֆախանա) պահելը, ուր բուն են դնում թուրք ժողովրդի զբաղմունք չունեցող, անհանգիստ տարրերը, ինչպէս գինետները հայերի մէջ:

Այս թէյատներից, ահա, առաջին անգամ բացւեցին հայերի վրա ատրճանակներ, ինչպէս այդ կը տեսնենք իր տեղում:

Երևանի ազգաբնակչութեան ընդհանուր թիւն է 29,000, որից 13,500ը հայեր են, 13,000ը թուրքեր, իսկ 2,500ը զանազան ազգեր:



# ԱՌԱՋԻՆ ԸՆԴՀԱՐՈՒՄԸ ԵՐԵՒԱՆՈՒՄ

20—22 ՓԵՏՐՎԱՐԻ 1905 Թ.

Բազուի փերտրվարեան սարսափներից անցել էր ամբողջ երկու շաբաթ: Յուզմունքներ բուրբովին նկատելի չէին Երևանի հայ և թուրք ժողովուրդների մէջ: Գաւառներում ազգաբնակութեան տրամադրութիւնը աւելի ևս խաղաղ էր:

Բազուի սարսափները ոչ միայն թշնամութիւն չէին ստեղծել, այլ և առաջ էին բերել բունն զայրոյթ, որը մի առանձին թափով արսայայտուում էր երկու ժողովուրդների մէջ Բազուի գազանութիւնները կազմակերպողների դէմ: Դեռ աւելին կասենք. այդ գազանութիւնները կարծէք մօտեցրել էին երկու ժողովուրդներին միմեանց: Բազուից ստացւող սոսկալի նկարագրութիւններ պարունակող լուրերն ու հեռագրները յաճախ մտքերի և բարեկամական զգացմունքների փոխանակութեան առիթ էին դառնում նրանց մէջ այդ ծանր օրերում:

Մի խօսքով, չը կար պատճառ մտածելու, որ կարող են տեղի ունենալ նման արիւնալի ընդհարումներ երկու դրացի ժողովուրդների մէջ նաև Երևանում:

Այսպէս էր դրութիւնը արտաքուստ. ի՞նչ էր ծրագրուում ներքուստ՝ չը գիտենք . . .

Փետրվարի 20-ը կիրակի էր, հայերի համար աշխատանքից ազատ օր: Զմեռայ կապանքներից նոր ազատած երկնակամարը մերթ ընդ մերթ հնարաւորութիւն էր տալիս արեգակին ճառագայթներ կաթեցնել կէս եւրոպական և կէս ասիական քաղաքի վրա: Բնութեան այդ շուտանցուկ ժպիտը սովորականից աւելի թւով ժողովուրդ էր գրաւել շուկայ, ուր Երևանի հայ ազգաբնակութիւնը շտապել էր կիրակնօրեայ պաշար գնելու համար: Այդ շուկան կամ տեղական բառով, մէյդանը այն տեղն է, ուր ամենից շատ շվուում են հայ և թուրք տարրերը:



Եւ անա ուղիղ առաւօտեան ժամը 10-ին, առօրեայ սովորական զբաղմունքի միջոցին, երբ մարդու մտքով ընդհարման մասին կասկած անգամ չէր կարող անցնել, յանկարծ պայթեց մի սոսկալի իրարանցում: Շուկայից դէպի թաղերը ձգող բոլոր փողոցներով կատաղի փոթորկից էլ ուժգին թափով հոսում է մարդկային հեղեղը սարսափած, շնչասպառ աղաղակելով. «Թուրքերը մէլդանում հայերին կոտորում են»: Բոպէսպէս խաղաղ քաղաքը աղմկեց, կերպարանափոխ եղաւ. հայերը փախան իրենց մասը, թուրքերը՝ իրենց և մի վայրկեանի մէջ շուկան դատարկեց, ամայացաւ: Թէ այդ բոպէին որպիսի մի սարսափ էր տիրել քաղաքին, այդ նկարագրել անկարելի է:

Քաղաքային հիւանդանոցին մօտեցան մէկը միւսի յետևից կառքեր գնդակահար, արիւնաներկ վիրաւորներով: Շուտով նրանց թիւը հասաւ 14-ի, որոնցից 11-ը՝ 3 սպանւած և 8 վիրաւոր, հայեր էին, իսկ 1 սպանւած և 2 վիրաւոր՝ թուրքեր: Փաստը ակնբեր էր. թուրքերի կողմից տեղի էր ունեցել անսպասելի յարձակում:

Առիթ չկար: Գլխաւոր շուկայից մի փոքր հեռու ցախի մէյդան կոչւած տեղում հրկու թուրքեր կուել էին և ատրճանակներ կրակել ու միմեանց վիրաւորել: Ահա հէնց այդ վայրկեանին դուրս էին եկել մօտակայ թէյատնից թուրքեր և այդտեղ եղող հայերի վրա ատրճանակներ կրակել: Այդ տրաքոցների հետ միաժամանակ շուկայի երկու այլ կէտերում, այն է մասվաճառների (ղասաբխանայի) շարքում և Զառաբի քարվանսարայի մուտքի մօտ եղող թէյատններից նոյնպէս դուրս էին եկել թուրքեր և կրակել աջ ու ձախ հայերի վրա: Եւ այս բոլորը տեղի էր ունեցել ընդամենը մի քառորդ ժամում:

Հայերի վրդովմունքին չափ չկար: Բազուի թուրքական գազանութիւններից յետոյ Երևանում դարձեալ թուրքերն էին կոտորածի պատճառ դառնում: Բայց ընդհանուր շահը մի անգամ ևս հարկադրեց հային լռել: Դուրս եկան երկու կողմերից ազդեցիկ մարդիկ և շրջեցին փողոցները՝ ամենքին հաշտութիւն քարոզելով: Ապա քաղաքային խորհրդի դահլիճում հաւաքեցին երկու կողմերից բաւականաչափ մարդիկ, ուր կազմեց հանգստացնող հեռագիր նահանգի մի քանի կենտրոնները ուղարկելու համար և ընտրեց երկու կողմերից հաւասարաչափ թւով մի բազմամարդ խաղաղարար մարմին քաղաքի մէջ շրջելու և կարգ պահպանելու համար:

Այդ օրը նոր ընդհարումներ այլևս տեղի չունեցան:

Բացեց յաջորդ առաւօտը, ճերմակ առաւօտ. քաղաքը ծածկած էր միապաղաղ ձիւնի հաստ շերտով: Փողոց դուրս եկած խաղաղարար յանձնաժողովի անդամները համոզում էին խանութատէրերին բացել խանութները և գործի մնալ: Եւ շուկան բացեց. բայց շատ կարճատև էր այդ բացումը:

Ժամը 9-ը հազիւ կար, երբ տեղի ունեցաւ նախորդ օրւայ իրարանցումը աւելի մեծ չափով: Շուկայում պայթեցին ատրճանակներ. խոնկած ամբոխը սկսեց փախչել գլուխը կորցրածի պէս. շուկան մի ակնթարթում դատարկեց և բոլոր խանութները փակեցին:

Նորից սպանւած էին երկու հայեր: Այս լուրը մի այնպիսի յուզում առաջ բերեց քաղաքային այգու մօտ խմբւած հայերի մէջ, որ վերջիններից մի քանիսը կրակ բացին մի խումբ անցորդ թուրքերի վրա: Ատրճանակներ պայթեցին նաև ոստիկանատան մօտ, Աստաֆեան փողոցում և քաղաքի զանազան մասերում: Մի վայրկեան օդը լցեց տրաքոցներով և վառօդի ծխով: Այս բոլորը տեսեց ընդամենը մի ժամ, որի ընթացքում ընկած զոհերի թիւը պերագանցեց նախորդ օրւայ զոհերի թւին, սակայն այս անգամ թուրք զոհերի թիւը մեծ էր: Հայերից սպանւել էր մէկը և վիրաւորւել էին 6-ը, իսկ թուրքերից սպանւել էին 7-ը և վիրաւորւել 12-ը:

Դրութիւնը այժմ լուրջ դարձաւ. քաղաքը բաժանւեց երկուսի, նման զինւած երկու բանակների, թէև մասսաների մէջ ընդհարումներ առաջացնելու ոչ մի տրամադրութիւն չկար:

Երրորդ օրը, փետրվարի 22-ին, տեղի ունեցաւ կրօնական-թափօրը, օրինակ վերցնելով Բագուից, և ըստ երևոյթի մտքերը սկսեցին աստիճանաբար խաղաղւել, թէև անհատական սպանութիւններ մի քանի օր տեղի էին ունենում քաղաքի այս և այն մասում:

Երևանի առաջին ընդհարումը տարաւ երկու կողմերից 54 սպանւածներ ու վիրաւորներ. մի քանի հայ խանութներ և կաշէգործարաններ կողոպտւեցին և կեանքը քաղաքում, ինչպէս և առևտուրը, 5 օր շարունակ կանգ առաւ:

Որպիսի պատճառ արդեօք կարող էր հիմք ծառայել այսպիսի արիւնահեղ ընդհարման:

Անա այս հարցին պատասխանելու համար մենք առաջ կը բերենք երկու դէպք, որոնք սերտ կերպով կապուած են Երևանի անցքերի հետ:

Ինչպէս մենք տեսանք, Բագուի փետրվարեան սարսափներէց յետոյ առաջին հայ-թուրքական ընդհարումը տեղի ունեցաւ Երևանում: Մենք տեսանք նոյնպէս, որ Բագուի դէպքերը սկսեցին Պարապետի վրա Բարսե ազգանունով մի թուրքի սպանութիւնով, որը յարձակել էր մի խումբ հայերի հետ կանգնած մի հայ զինուորի վրա և վիրաւորել նրան. մինչդեռ Երևանում նման որևէ միջնադէպ տեղի չունեցաւ:

Սակայն Երևանում ընդհարումից մի օր առաջ տեղի ունեցաւ մի սպանութիւն, որը անագին լոյս է սփռում այս խնդրի վրա:

Երևանում ապրում էր Ուրազով ազգանունով մի ռուս բժիշկ, որը, շնորհիւ պաշտօնական շրջանների հետ իր ունեցած կապերի, հասել էր մինչև նահանգական բժշկի աստիճանի: Այդ բժիշկը երկար տարիներ ապրելով Երևանում և տուն ու տեղի տէր դառնալով, շատ մօտից ուսումնասիրել էր տեղական բարբառները, վարք ու բարքը: Նա շատ լաւ ճանաչում էր հայ ժողովրդին իր ձգտումներով և թուրք ժողովրդին՝ իր հակումներով: Այդ բոլորից յետոյ նա յայտնի էր որպէս ծայրահեղ հայատեաց, իսկ թուրքերին բարեկամ մարդ, միևնոյն ժամանակ համարուելով իսկական ռուս մարդ իր նեղ հասկացողութեամբ:

Փետրվարի 19-ին երեկոյեան ժամը 7-ին քաղաքի մէջ սպանեց յիշեալ բժիշկ Ուրազովը, իսկ յաջորդ առաւօտ փետրվարի 20-ին տեղի ունեցաւ թուրքերի յարձակումը հայերի վրա:

Բացի այս, ընդհարման առաջին օրը, երբ հայ և թուրք ներկայացուցիչներ հաւաքեցին քաղաքային խորհրդի դահլիճը խորհրդակցելու քաղաքի խաղաղութեան մասին, միաձայն վճռեցին զիմել նահանգապետին և խնդրել ժամանակաւոր կերպով հեռացնել պաշտօնից ոստիկանապետ Բալուևին և նրա տեղ նշանակել մէկ ուրիշին: Թէև այս առաջարկը նահանգապետի կողմից մերժեց, բայց անվստահութեան փաստը մնաց փաստ:

Անա այն երկու դէպքերը, որոնք որոշ չափով լոյս են սրբում Երևանի առաջին ընդհարման վրա:



# ԵՐԿՐՈՐԴ ԸՆԴՀԱՐՈՒՄԸ ԵՐԵՒԱՆՈՒՄ

23—26 ՄԱՅԻՍԻ 1905 Թ.

Երևանի երկրորդ ընդհարումը, որը աւելի երկարատև եղաւ և արիւնալի քան առաջինը, աւելի ևս անսպասելի էր: Նախ՝ առաջին ընդհարման մեղքը ծանրանում էր թուրքերի վրա. այդ բանը խոստովանում էին նոյն իսկ իրենք թուրքերը: Երկրորդ՝ առաջին ընդհարման ժամանակ աւելի չափով զոհեր ունեցան թուրքերը, թէև առիթը նրանք տւին: Եւ երրորդ՝ առաջին ընդհարումից յետոյ հայերը ոչ մի առիթ բաց չէին թողնում թուրքերի հետ լաւ յարաբերութիւնների մէջ լինելու համար:

Այսպէս, մարտի 21-ին Գելբալայի մուշտէյղի մահաւան առիթով հազարաւոր հայ ժողովուրդը իր բոլոր դասակարգերով այցելութիւն կատարեց մզկիթում համախմբւած թուրք ժողովրդին իր ցաւակցութիւնը յայտնելով, ուր երկու կողմերից տեղի ունեցան բազմաթիւ ճառախօսութիւններ համերաշխութեան մասին:

Երևանի երկրորդ ընդհարումը անսպասելի էր և այն տեսակէտից, որ նա տեղի ունենալով Նախիջևանի թուրքական բարբարոսութիւններից անմիջապէս յետոյ, յուզմունքներ սպասելի էին հայերի կողմից. մինչդեռ այդ պայմաններում էլ նրանք գործ էին զնում ամեն մի զգուշութիւն ընդհարումների առիթ չը տալու համար:

Բայց ի զուր. ճարպիկ ձեռքը գործում էր և տգէտ թուրք մասսան խրախուսանք գտնելով գալիս էր գազանութիւնների վրա նոր գազանութիւններ աւելացնելու:

Բագուի և Երևանի փետրվարեան առաջին ընդհարումներից երեք ամիս անց, մայիսի 10-ին, կոտորածն ու աւերը բռնկւեց Նախիջևանի գաւառում: Այդտեղ կատարւող բարբարոսութիւնները ցնցեցին ամբողջ Կովկասը: Երկու շաբաթ շարունակ մէկը միւսից սոսկալի լուրեր տարածւում էին Կովկասի բոլոր ծայրե-

րը՝ ծանր վիշտ պատճառելով անկեղծ ու անարատ սրտերին: Հասկանալի է, թէ որքան ծանր կը լինէր Նախիջևանին այնքան մօտ ընկած Երևանի հայ ժողովրդի վիշտը:

Ահա, այդ ծանր վշտերի տակ, մայիսի 23-ի ցերեկայ ժամը 2-ին պայթում է Երևանի շուկայում երկրորդ ընդհարումը: Յուզմունքն ու յուսահատութիւնը երբէք այնպէս ուժեղ թափով չէին արտայայտուել հայ ժողովրդի մէջ, ինչպէս այս անգամ: Փախչում էին հայերը մի արտասովոր իրարանցումով. փախչում էին շատերը նոյն իսկ առանց խանութները կողպելու. փախչում էին նոյնպէս թուրքերը. տեսարանը սրտաճմլիկ էր:

Ահա և կառքերը դիակներով ու վիրաւորներով. մէկ, երկու, երեք, հինգ, տաս—բոլորը հայեր:

Հայերի վրդովմունքին չափ ու սահման չկար: Մի վայրկեան հնձուում էին անմեղ կեանքեր. յանցաւորները չէին ձերբակալուում: Եւ մինչդեռ հայերը խմբւած ոստիկանատան շուրջը յուզմունքից չը գիտէին ինչ անել, այդ վայրկեանին քաղաքային սյգու \* միջով անցան մի խումբ թուրքեր: Դրանք թէյատներում բուն դրած յայտնի «դաստաներից» էին, որոնք անցնում էին արանների տակ գէնքեր պահած մի առանձին ինքնավատահութեամբ: Ոստիկանութիւնը տեսնում էր այդ և լուռ էր, մինչև որ հայերը նրա ուշադրութիւնը դարձրին այդ դաստայի վրա: Եւ մինչդեռ մի ոստիկան մօտեցաւ և մէկի ձեռքից առաւ հրացանը, միւսները խուսափեցին, որոնց յետևից հայերը կրակ բացին, բայց անհետևանք: Այս բոլորին լուռ հանդիսատես էր ոստիկանութիւնը:

Երեկոյ եղաւ. գնալով զոհերի թիւը աւելանում էր: 21 վիրաւորներից երկուսը միայն թուրքեր էին և մի մի ասօրի ու հրէայ, մնացեալ 17-ը հայեր էին. բացի այդ սպանւած էին նաև 8 հայեր:

Հայերի զայրոյթին չափ չկար. անմեղ մարդիկ շուկայի այս և այն կէտում թէյատներից և ալլ անկիւններից վայրկենաբար բացւող կրակներից ընկել էին սպանւած և վիրաւոր:

Անցաւ ծանր ու անքուն գիշերը: Զայրոյթն ու վիշտը հնարաւորութիւն չը տւին հայերին աչք փակել: Այդ զայրոյթը աւելի մեծացաւ, երբ առաւօտեան հայերի մի շարք խանութների վրա գտան

\*) Քաղաքային սյգին գտնուում է ոստիկանատան գիմաց:

խաչածև նշաններ, մանաւանդ երբ յայտնի դարձաւ, որ գիշերը փորձել էին խանութները հրդեհել:

Խորհրդաւոր ձեռքը գործում էր. թուրք մասսան չէր գիտակցում դրութիւնը և հայերի լուութիւնը համարելով վախկոտութեան նշան, աւելի ևս երես էր առնում: Գաւառներից նոյնպէս նկատելի էր թուրք մասսայի շարժումը դէպի քաղաք: Թուրք մասսան զսպելու համար պէտք էր ոյժ ցոյց տալ. ահա այն դառն իրողութիւնը, որ գալիս էր հային ևս ոճրագործ դարձրնելու:

Եւ հայի կուտակած գայրոյթը պայթեց:

Առաւօտեան ժամը 11-ից սկսեց մի սարսափելի որոտ. կրակում էին ատրճանակներից և հրացաններից. կրակում էին հրապարակներից, փողոցներից, դիրքերից, լուսամուտներից և կտուրներից: Գնդակներ սուլում էին աջ ու ձախ ամեն կողմից. սուլում էին նաև քաղաքի բարձր թաղերից: Մի խօսքով պայթոցների ժխորը ծանրացել էր քաղաքի վրա մի խլացուցիչ թափով:

Այդ ձևի հրացանաձգութիւնը շարունակեց ամբողջ օրը փոքրիկ ընդմիջումներով. թուրքերը փակեցին իրենց տների մէջ, հրապարակը մնաց հայերի ձեռքին: Սակայն հրացանաձգութիւնը տներից և դիրքերից շարունակւում էր: Անշուշտ հարց կը ծագի, միթէ՞ քաղաքում զօրք չկար: Չօրք կար, կային նաև պահակներ, բայց նրանք լուկ հանդիսատեսի դերուձն էին:

Սոսկալի հրացանաձգութիւնը ընդմիջումներով շարունակեց նաև 24-ի գիշերը և 25-ի առաւօտը, մինչև որ ժամը 11-ին ուռւմբը պայթեց մի թուրքի տան մէջ՝ տանելով զոհեր:

Ահա այդ ժամանակ միայն խստիւ կարգադրեց դադարեցնել կրակը, որից յետոյ մի կօզակ գնդակահարեց մի հայի և քաղաքը խաղաղեց:

Թէ որքան զոհեր ունեցան թուրքերը այդ 24 ժամ շարունակ թափուող գնդակների տակ, ճիշտ յայտնի չէ: Եթէ նայենք պաշտօնական թւերին 35 սպանւածներ և մի այդքան էլ վիրաւորներ էին ունեցել նրանք. սակայն սարսափը շատ մեծ էր, այնքան մեծ, որ թուրքերը մի ամբողջ շաբաթ սովից նեղւելով հանդերձ չէին վստահանում դուրս գալ տներից:

Ահա այս սարսափի շնորհիւ Երևանը խաղաղեց, շրջակայներից սպառուող խուժանը կանգ առաւ և նոյն իսկ մի քանի գա-

ւառնեւում տեղի ունեցող դէպքերը սանձահարեցին:

Չը մոռանանք յիշել, որ այս ընդհարման ժամանակ մի քանի հայերի խնուրթներ թեթև կերպով կողոպտեցին թուրքերի ձեռքով, իսկ մի քանի թուրքերի տներ կողոպտեցին հայերը: Հայ ժողովրդի տականքը շատ հեշտութեամբ իւրացրեց թուրք մասսայից վերցրած կողոպուտի այլանդակ օրինակը:

Ճիշտ է, մայիսի 25-ին հրացանաձգութիւնը քաղաքում դադարեց, բայց սարսափը, փոքրիկ ընդհարումները և անհատական սպանութիւնները մի ամբողջ շաբաթ շարունակուում էին:

Երթևեկութիւնը գաւառների հետ դադարեց. քաղաքի մէջ զգալի եղաւ պաշարի մեծ կարիք. խառն ազգաբնակութեան մասերից սկսեց տեղափոխութիւնը: Հայ և թուրք տարրերը զատեցին և համախմբեցին, բազմաթիւ տներ մնացին անտէր անտիրական: Բազազխանան նոյնպէս դատարկեց. շատ հայեր տուն տեղափոխեցին իրենց խնուրթի ապրանքը հրդեհումներից ազատ պահելու համար: Շուկան ամայացաւ և քաղաքի մասերում նոր շուկաներ ստեղծեցին: Մի քանի տեղերում շինեցին պատնէշներ: Մի խօսքով քաղաքի տեսքը միանգամայն փոխեց, իսկ գիշերները թագաւորում էր մի գերեզմանային լուրթիւն:

Ազգաբնակութեան համար ստեղծեց մի ծանր կացութիւն, մանաւանդ թուրք ազգաբնակութեան համար, որի մի խոշոր ազգատ մասը փոխադարձ օգնութեան բացակայութեան շնորհիւ տառապում էր քաղցից:

Ահա այն դրութիւնը, որը ստիպեց Երևանի թուրքերին ազադակ բարձրացնել, Բագու դիմել, Շէյխ-ուլ-խալամին կանչել և վերջապէս հայերից հաշտութիւն խնդրել, խոստովանելով և ներկայացուցիչների ստորագրութեամբ վաւերացնելով, որ Երևանի ընդհարումների պատճառը իրենք են եղել:

Հաշտութեան բանակցութիւնները տեղի ունեցան նահանգապետի մօտ: Հայերը թուրքերից պահանջում էին խաղաղ մնալ, իսկ նահանգապետից՝ զինաթափ չանել հայերին և հեռացնել իրենց պաշտօններից ոստիկանապետին և պրիտաւ Մամեդ-բէկին. իսկ թուրքերը նահանգապետից պահանջում էին յայտարարել զինւորական դրութիւն և հայ գաղթականներին հեռացնել քաղաքից:

Չը նայած այն բանին, որ երկու կողմերի առաջարկութիւն-

ները, բացի գաղթականների արտաքսումից, ընդունեց նահանգապետի կողմից, բայց և այնպէս թուրքերը շարունակեցին տների մէջ փակւած մնալ, մինչև որ Շէյխ-ուլ-իսլամը մայիսի 31-ին Նախիջևանից, այդ արիւնաներկ գաւառից, եկաւ:

Առաջարկութիւն եղաւ նոր թափօր կազմել, սակայն հայերը այս անգամ մերժեցին, յայտարարելով որ իրենք առանց թափօրի էլ իրենց հաշտւած են համարում, եթէ միայն թուրքերը ընդհարումների նոր առիթներ չեն տալ: Ահա դրանից յետոյ միայն թուրքերը վստահացան դուրս գալ շուկայ:

---

Երկրորդ ընդհարման ժամանակ երևան եկան երկու ոռու թղթակիցներ Սինակեիչ և Սեօմին, որոնք Թիֆլիսի թերթերի մէջ հետեւեալ ձևով լուսաբանեցին Երևանի այս երկրորդ ընդհարումը:

«Երևանի կեանքի շատ փաստեր ցոյց են տալիս, որ այստեղ, ինչպէս և ուրիշ տեղերում, ընդհարումները հայերի և մահմեդականների մէջ տեղի էին ունենում ոչ թէ կրօնական կամ տնտեսական, այլ քաղաքական հողի վրա: Հայերի թշնամութիւնը թուրքերի հետ ոչ թէ երկու ազգերի թշնամութիւն էր, այլ երկու կուսակցութիւնների: Առաջադիմական կուսակցութիւն կազմում էին հայերը, որպէս աւելի կուլտուրական տարր և հատ-հատ ինտելիգենտ մահմեդականներ: Իսկ մահմեդական մասսան յետադէմ, տգէտ տարր է և կազմում է մի տեսակ սև հարիւրեակ» — Գրում է Սենակեիչ:— Ապա շարունակելով նկարագրել, թէ ինչպէս մայիսի սկզբներին Բագուից թուրք ազիտատօրներ գալով Երևան հող էին պատրաստում կոտորածի համար, թէ ինչպէս պրօփակացիայի բնաւորութիւն ունէր գործակալութեան հեռագիրը (Կենգերլիսկու ուղարկածը) Նախիջևանի և Երևանի դէպքերի առիթով, աւելացնում է. «Իշխանութիւնները ընդհարման առաջնառնելու ոչ մի միջոց գործ չէին դնում»:

Եւ ապա նորից նկարագրելով, թէ ինչպէս թուրքերը նախապատրաստւած յարձակում գործեցին հայերի վրա մի քանի տեղերում միաժամանակ՝ վիրաւորելով և սպանելով տասնեակներով հայերի և դրանից յետոյ թէ ինչպէս սկսեց մահմեդական և հայկական ուժերի մօբիլիզացիա, բացականչում է. «Այդ բոլոր անցած գնացածի վրա ոստիկանութիւնը և զօրքերը կատարելապէս անտարբեր էին նայում, ոչինչ միջոցներ ձեռք չառնելով



և չը միջամտելով կոտորածին:»

«Աչքի առաջ ունենալով ընկերակցիս ի մի հաւաքած փաստերը և մտաբերելով վկաների ցուցմունքների անվերջ շարքը, մենք ակամայ համեմատում էինք մեր մտքի մէջ Երևանում կատարւած անցքերը այն դէպքերի հետ, որոնք տեղի ունեցան Քիշինկոում, Գոմելում, Բագլում, ըստ ամենայնի նմանութիւնը զարմանալի էր:»

Այս տողերն էլ գրում է Սեօմին:

Եւ իսկապէս սրանք ճիշտ լուսարանութիւններ էին Երևանի անցքերի:



# ԵՐՐՈՐԴ ԸՆԴՀԱՐՈՒՄԸ ԵՐԵՒԱՆՈՒՄ

18 ՍԵՊՏԵՄԲԵՐԻ 1905 Թ.

Մայիսեան դէպքերը մոռացութեան տրւեցին, քաղաքը կենդանացաւ, կանոնաւոր երթևեկութիւնը սկսեց նոյն իսկ դէպի Հրազդանի միւս ափին ընկած այգիները:

Ահա այդ այգիների ճանապարհի վրա սեպտեմբերի 18-ին կիրակի օրը ցերեկայ ժամը 3-ին մի քանի հայերի և թուրքերի մէջ կռիւ ծագեց, որի ժամանակ թուրքերից մէկը սպանեց:

Այդ դէպքից երկու ժամ անց, քաղաքի շուկայում, ուր մայիսից ի վեր լինում էր դրագունների պահակը, խմբուում են մի քանի հայեր և թուրքեր հետաքրքրւած այգիների ճանապարհին պատահած սպանութեան հանգամանքներով: Ահա այդ համախումբումը ցրելու համար երկու դրագուններ վայրենաբար վրա են պրծնում նագայկաներով. խմբւած մարդիկ շփոթւած սկսում են այս ու այն կողմը փախչել: Քաղաքային այգու մօտից երկու թուրքեր տեսնելով շուկայում տեղի ունեցած այդ թեթև իրարանցումը և կարծելով որ ընդհարում կայ, մերկացնում են սրերը և յարձակուում այդտեղ եղող հայերի վրա, որոնք իրենց հերթում հանում են ատրճանակները և կրակում:

Ահա այդտեղից հրաձգութիւնը վայրկենապէս տարածեց քաղաքի զանազան ծայրերը և շփոթն ու իրարանցումը ընդհանուր դարձաւ: Բարեբախտաբար Երևանումն էր գտնուում այդ ժամանակ գեներալ-նահանգապետ Նապալիօնը, որը ականատեսների պատմելով, դուրս թռաւ իր բնակարանից մի ակնթարթում:

Անմիջապէս դուրս եկան դրագունները, բռնեցին բոլոր փողոցների ծայրերը, ստիպելով ամենքին տուն մտնել: Մի ժամից յետոյ փողոցները մաքրւել էին մարդկանցից և քաղաքը բոլորովին խաղաղւել էր:

Այդ կարճատև ընդհարումը այնուամենայնիւ ունեցաւ երկու տասնեակ զոհեր. սպանւեցին 8 թուրք, 2 հայ և վիրաւորւեցին 8 հայ, 3 թուրք:

Այսպէս մի անգամ ևս մտքերը յուզւեցին և յոգնած կեանքը աղմկեց, բայց նոր ընդհարումների երկիւղ տեղի չունէր, բոլորը՝ հայ թէ թուրք վստահ էին, որ Նապալիօնի օրօք ընդհարումներ չեն թոյլատրւի, թէև այդ դէպքից յետոյ միմիայն 6 օր Նապալիօնը վարեց նահանգապետի պաշտօնը:



## ԶՈՐՐՈՐԴ ԸՆԴՀԱՐՈՒՄԸ ԵՐԵՒԱՆՈՒՄ

27 ՄԱՅԻՍԻ և 8—9 ՅՈՒՆԻՍԻ 1906 Թ.

Նախ քան չորրորդ ընդհարման անցնելը մենք կը յիշենք մի երկու դէպք, որոնք տեղի ունեցան մինչև այդ:

Դեկտեմբեր ամսում Ռուսաստանի քաղաքական հորիզոնի վրա խոշոր դէպքեր կատարեցին: Երկրորդ ընդհանուր գործադուլի հետ միաժամանակ մի քանի կենտրոններում ինչպէս Մօսկվայում, Բաստօվում, Նովօրօսիյսկում և այլ քաղաքներում տեղի ունեցան ապստամբական ցոյցեր: Նման շարժումներ նկատելի դարձան նաև Կովկասի մի երկու քաղաքներում: Այս բոլորը եկան մի նոր հարած հասցնելու ողու բիւրօկրատիայի խարխուլ շէնքի հիմքերին: Եւ ահա նորից ասպարէզ եկաւ նրա փրկութեան քաղաքականութիւնը—ցեղային պայքարը:

Հայ-թուրքական շրջաններում նոր յուզմունքներ տեղի ունեցան: Այդ շրջաններից մէն էր նաև Երևանը: Թուրք խռովարար տարրերը միացած թշնամութեան թոյնը սերմանող ողու հայրենասէր ճիւղներին հետ մտքերի այնպիսի խմորումն առաջ բերին, որ մասսային ընդհարումը անխուսափելի դարձաւ Երևանում: Ազգաբնակչութիւնը լարած կերպով ըոպէ առ ըոպէ սպասում էր փոխադարձ յարձակման:

Այդ դրութեան մէջ էր Երևանը, մանաւանդ դեկտեմբերի 28—29-ին:

Սակայն Ռուսաստանում ըէակցիան յաղթանակեց. բռնկած ապստամբութիւնը ճնշեց և ողու բիւրօկրատիան մի պահ շունչ առած, թուլացրեց զսպանակը և ընդհարումներ տեղի չունեցան:

Ահա յուզմունքի այդ միջոցին էր, երբ քաղաքի մէջ երկու կողմերից անհատական սպանութիւններին զոհ գնացին աւելի քան տասն անմեղ մարդիկ:

Աւելի խորհրդաւոր մի դէպք տեղի ունեցաւ քաղաքում մայիսի 2-ին:

Այդ օրը երեկոյեան պահուն քաղաքային այգուն մօտեցաւ մի կառք, որի միջից կասկածելի մարդիկ ատրճանակներէց կրակեցին անցորդների վրա և կառքը սրարշաւ քշելով անհետացան: Մի ակնթարթում հայ և թուրք իրար անցան և սկսեց փախուստը ատրճանակների տրաքոցների հետ միասին, որի ժամանակ սպանւեցին երեք թուրք և վիրաւորուեցին մի հայ և մի թուրք:

Չր մոռանանք յիշել, որ այդ օրը քաղաքային խորհրդարանում կատարուեալ էր երկու պատուիրակների ընտրութիւն Պետական Դումայի պատգամաւորական ընտրութեանը մասնակցելու համար:

Միանգամայն պրօվակացիայի բնոյթ կրող այդ դէպքը թէև ծաւալ չը ստացաւ, բայց բաւականաչափ զոգոտում առաջ բերեց թուրքերի մի որոշ շրջանի մէջ, որոնք խորհրդաւոր զգուշութեամբ կարողացան ծածկել իրենց վրդովմունքը մինչև մայիսի 27-ը, այն է Երևանի չորրորդ ընդհարման օրը:

Մայիսի 27-ի առաւօտեան ժամը 9-ին շուկայում, կշիռի հրապարակի վրա, ուր սովորաբար խնւած է լինում բաւականաչափ ժողովուրդ, երկու թուրքեր զիտաւորեալ կերպով կռիւ սարքեցին, որը և առիթ ծառայեց յանկարծակի յարձակման և կոտորածի:

Այս անգամ յարձակման տակտիկան փոխուած էր. զնդակների տեղ գործում էր սառը զէնքը. դաշոյնը լուռ անխօս ծակում էր ու անցնում: Իրարանցումը շատ կարճ տևեց, նոյն իսկ անաղմուկ, ինչպէս այդ յատուկ է դաշոյնամարտին: Հրացանաձգութիւն շատ քիչ տեղի ունեցաւ. մի բոպէում շուկան դատարկեց. հայ և թուրք թաղերը քաշուեցին: Դաւազրութիւնը կատարեալ էր:

Զօրքը դուրս եկաւ. կարգը վերականգնեց. սակայն 36 զոհներից յետոյ, ինչպէս այդ լինում էր ամեն անգամ: Այդ կարճատև և միևնոյն ժամանակ լուռ կոտորածը տևեց 22 սպանուած, որից՝ 13-ը հայ, 7-ը թուրք, 1-ը մալական և 1-ը հրէայ և 14 վիրաւոր, որից՝ 7-ը հայ, 4-ը թուրք և մնացեալը օտարազգի:

Այս անսպասելի կոտորածից յետոյ շուկան մի ամբողջ շաբաթ փակ մնաց. սակայն կեանքը աղմկեց նորից յունիսի 8-ին:

Տեղի ունեցաւ մի նոր ընդհարում ուժեղ հրացանաձգու-

թեամբ, բայց կարճատև: Այս անգամ զօրքը դուրս եկաւ խիստ պատւէրներով: Յռովութիւնը դադարեց երեք տասնեակ զոհերից յետոյ. սպանւեցին 10 մարդ, որից՝ 5-ը թուրք, 3-ը հայ, 1-ը քուրդ, 1-ը հրէայ, և վիրաւորւեցին 19 մարդ, որից՝ 13-ը թուրք, 6-ը հայ:

Ուժեղ հրացանաձգութիւնը վերսկսեց յունիսի 9-ին, բայց առանց զոհերի: Վերսկսեց նաև երեկոյեան դէմ, որի ժամանակ թուրքերի մասում մի յայտնի թուրքի տանից պահակների վրա կրակ բացեց, որի պատճառով այդ տունը զօրքերի կողմից ենթարկւեց հրացանաձգութեան և կողոպուտի:

---

Ահա այս դէպքը եկաւ զսպելու առ ժամանակ խռովութիւնները: Մի վայրկեան թուրք մասսային պատկերացաւ երկդիմի քաղաքականութեան ողջ պատկերը:

Սակայն նա շարունակում էր մնալ անգիտակ. նա վերջնականապէս չէր կարողանում ըմբռնել այն մեքենայութիւնները, որի նոյն իսկ իրեն համար կորստաբեր ընթացքին ինքը անգիտօրէն ուժ էր տալիս:

Այդ սոսկալի էր . . .



## ՆԱԽԻՋԵԻԱՆԻ ԳԱԽԱՌ

Նախիջևանի գաւառը ընկած է Երևանի նահանգի հարաւային ծայրում, որի սահմաններն են՝ հիւսիսային կողմից Շարուր-Դարալագեագի գաւառը, արևելեան կողմից Գանձակի նահանգի Զանգեզուր գաւառը, իսկ արևմտեան և հարաւային կողմից Արաքսը, որը կազմում է միևնոյն ժամանակ Պարսկաստանի սահմանագիծը:

Նախիջևանի գաւառի մակերևոյթը, ինչպէս այդ յատուկ է Կովկասի բնութեանը, լեռնոտ է և ներկայացնում է կատարների, բլուրների և բազմաթիւ ձորակների մի խառնուածք զուրկ անտառներից: Հարաւարևմտեան մի մասը միայն, որը թեքում է դէպի Արաքսը, փոքր ինչ տափարակ է, որի մի քանի շրջանները, շնորհիւ դաշտային տաք կլիմայի և ոռոգման, արտադրում են բամբակ, խաղող և այլ կուլտուրական բերքեր:

Նախիջևանի գաւառը Երևանի նահանգի այն գաւառների թւին է պատկանում, ուր թուրք տարրը կազմում է բացարձակ մեծամասնութիւն, մի հանգամանք, որը և առաջացրել է անօրինակ կողոպուտ և աւեր բարբարոսութիւններով հանդերձ գաւառի մեծագոյն մասում:

Գաւառի ազգաբնակչութեան ընդհանուր թիւն է 101 հազար, որից հայերը՝ 34 հազար, թուրքերը՝ 64 հազար և զանազան ազգեր՝ 2 հազար: Հայերը կազմում են ազգաբնակչութեան 34<sup>0</sup>/օր:

Նախիջևանի գաւառը կազմւած է բուն Նախիջևան և Գողթան գաւառամասերից:

Ամբողջ գաւառի 170 գիւղերից հայաբնակ են 60-ը, որից 40-ը ընկած են բուն Նախիջևանի գաւառամասում, իսկ 20-ը՝ Գողթանում:

Բացի այդ հայերը ապրում են նաև Նախիջևան և Օրդուբաթ քաղաքներում, վերջինում փոքր չափով:

Հ Ա Յ Գ Ի Ի Ղ Ե Ր Ն Ե Ն :

№ №	Գ Ի Ի Ղ Ե Ր Ի Ա Ն Ո Ի Ն Ն Ե Ր Ը	1886 թ. վիճակագ.		Մատու- ղատուն հայեր.
		տուն թուրքեր.	տուն հայեր.	
		*)	*)	**)
1	Հօրաղիգ .	—	81	90
2	Աղխաչ .	17	19	25
3	Օղբին .	26	13	20
4	Ալմայու .	—	53	70
5	Սէս (Սէրս) .	—	48	50
6	Սուլթան-բէկ .	—	80	90
7	Զնաբերդ .	20	90	160
8	Ջահրի (Ջահուկ) .	306	170	250
9	Նազարարադ (Դամրզնդան) .	—	64	90
10	Դիդուվար .	32	12	20
11	Գեօմուր .	—	105	160
12	Գժաձոր .	—	64	110
13	Նորս-Մազրա .	5	28	75
14	Նորս .	—	99	160
15	Առինջ .	—	44	70
16	Ղարաբարա .	—	22	60
17	Բադամու (Մեծոփ) .	20	62	80
18	Քալխալ .	—	58	80
19	Ալազեօզ-Մազրա .	—	61	70
20	Ուզուն-օրա-իւխարի .	24	32	45
21	Մամարզա-ղիգա .	14	16	30
22	Քիւլթափա .	—	86	130

\*) Այս տեղեկութիւնները բերած են պաշտօնական հրատարակութիւններին: 1897 թ. միօրեայ վիճակագրութիւնը դեռ ևս չի հրատարակած:

\*\*) Այս տեղեկութիւնները մերն են:



23	Պալիտու . . .	—	30	35
24	Քեարիմ-բէկ-դիզա . . .	—	16	25
25	Կուլի-բէկ-դիզա . . .	—	39	45
26	Շիմահմուդ . . .	—	136	170
27	Եարմջա . . .	—	125	140
28	Այլարադ . . .	—	71	95
29	Հաջիվար . . .	—	44	60
30	Կարախանբէկլու . . .	—	113	130
31	Թմբուլ . . .	50	122	150
32	Եմխանա . . .	—	112	145
33	Թազաքէնդ (Աստապատ) . . .	65	283	400
34	Կարմիր Վանք . . .	—	19	30
35	Ղաղանչի . . .	—	99	165
36	Նորաշէն . . .	50	40	70
37	Աբրակունիս . . .	—	77	140
38	Արազին . . .	43	36	50
39	Գզնութ . . .	13	195	270
40	Զուլֆի . . .	—	90	120
41	Փարադաշտ . . .	—	35	100
42	Շուրութ . . .	12	59	120
43	Գեաղ (Գեաղարաջուր) . . .	—	21	55
44	Մարվան (Նազրվան) . . .	—	38	65
45	Ալահի . . .	—	37	50
46	Բիստ . . .	63	52	100
47	Փառակա . . .	10	54	90
48	Ազա-վերին . . .	—	124	150
49	Ազա-նեբքին . . .	40	24	30
50	Դէր . . .	—	68	90
51	Բամիս . . .	—	28	50
52	Յղնա (Չանանար) . . .	—	77	135

53	Քաղաքիկ .	.	—	34	40
54	Տանակերտ	.	—	65	90
55	Դիսար	.	15	13	15
56	Վարակերտ	.	—	62	70
57	Ագուլիս-վերին .	.	61	137	260
58	Ագուլիս-ներքին.	.	—	107	160
59	Հանդամէջ	.	10	28	30
60	Կարճևան .	.	—	37	75

Նախիջևանի գաւառում, ինչպէս և ամեն տեղ, հայ-թուրքական ընդհարումները,՝ աւելի ճիշտն արտայայտած թուրքական յարձակումները, տեղի ունեցան նախ քաղաքի մէջ և ապա ալիքանման տարածւեցին գաւառի բոլոր հայաբնակ շրջանները այս կարգով.

- 1) Նախիջևան գետի ստորին հովիտ:
- 2) Ջահրի գետի հովիտ:
- 3) Նախիջևան գետի վերին հովիտ:
- 4) Ալինջա գետի հովիտ:
- 5) Շուռութ և Գիլան գետերի հովիտ:

Սկսենք նախ քաղաքից:



# ԿՈՏՈՐԱԾԸ ԵՒ ԿՈՂՈՊՈՒՏԸ ՆԱԽԻՉԵՒԱ- ՆՈՒՄ

12 ՄԱՅԻՍԻ 1905 Թ.

Նախիջևանը գաւառի կենտրոնավայրն է՝ բուսականութեամբ, այգիներով և պողատու պարտէզներով հարուստ, բայց կեղտոտ մի քաղաք, ընկած Նախիջևան գետի վրա, Արաքսին և Պարսից սահմանին շատ մօտ: Շատ ու քիչ վայելուչ տպաւորութիւն թողնում է հայերի թաղը:

Այդ քաղաքը մինչև այժմ էլ իր վրա կրում է Պարսկաստանի տիրապետութեան ժամանակների կնիքը, խանական կարգերը մինչև այժմ էլ թագաւորում են այդտեղ: Թուրք ժողովուրդը ոտի կանգնելով և խորը գլուխ տալով պատուում է Նախիջևանի նախկին խաների այժմեան յաջորդներին, ընդունելով նրանց խօսքը անպայման հեղինակաւոր:

Նախիջևանում հայերը բաւական փոքր թիւ են կազմում, ընդամենը 2,500. մինչդեռ ազգաբնակչութեան ընդհանուր թիւն է 9,000: Հայ ծխերի թիւը հասնում է 500-ի, որոնք ապրում են քաղաքի զանազան մասերում թուրքերով շրջապատւած այս կարգով. 300 ծուխ ապրում են Սուրբ Գէորգի թաղում, ուր գտնւում են յաջորդարանը և ծխական դպրոցը, 100 ծուխ՝ Ամբարի թաղում, 60-ը՝ Երեք Խորանի, իսկ մնացեալ 40-ը՝ քաղաքից դուրս մի առանձին թաղում, որը կոչւում է Թաղաքէնդ:

Քաղաքի առևտուրը գլխաւորապէս կենտրոնացած էր հայերի ձեռքում: Աւելի քան 190 մանր ու մեծ հայի խանութներ գետեղած էին Հայի, Հաջի Աբասի չարսուններում և Խանի քարվանսարայում, չորս կողմից շրջապատւած թուրքերի բազմաթիւ խանութներով և խաժամուժ ամբոխով:

Ահա այստեղից էլ բռնկւեց Նախիջևանի հրդեհը:

Հայ-թուրքական ընդհարումների ոչ մի վայր այնպիսի զըր-

կանքներ չը կրեց, ինչպէս Նախիջևանը՝ իր շրջակայքով, և այդ շնորհիւ այն հանգամանքի, որ միամիտ հայ ժողովուրդը իր յոյսը դրած կառավարութեան և զօրքի պաշտպանութեան վրա, ինքնապաշտպանութիւնից զուրկ, անակնկալի բռնեց թուրք խուժանի կողմից:

Նախիջևանի գաւառը, մասնաւորապէս քաղաքը, հայ-թուրքական ընդհարումների հէնց սկզբից համարեց վտանգաւոր: Դեռ ևս Երևանի փետրվարեան դէպքերի ժամանակ Նախիջևան եկան Երևանի խաներից մէկը և Գարեգին վարդապետը յուզած մտքերը խաղաղացնելու նպատակով: Եւ ըստ երևոյթին շրջանը առ ժամանակ խաղաղեց. սակայն այդ մի խաղաղութիւն էր, որ պահպանուում էր միմիայն հայերի կողմից եղած ջանքերի շնորհիւ:

Այսպէս, ծագած որևէ վէճի ժամանակ արդար թէ անարդար հայը պիտի լինէր զիջող կողմը, դրացի թուրքին չը վիրաւորելու համար: Որևէ գործ սկսելու դէպքում հայը նախ պիտի խորհրդակցէր իր ծանօթների հետ և ապա սկսէր, մի գուցէ իր ձեռնարկութիւնը այս կամ այն ազդեցիկ թուրքի շահերին դիպչելով դժգոհութիւն առաջ բերէր: Եւ յաճախ լինում էին դէպքեր, երբ որևէ հայ թողնում էր իր մտադրութիւնը, համոզւած լինելով, որ դրանով դժգոհութիւն առաջ կը բերի թուրք շրջանների մէջ:

Այսպիսի օրինակներից կը յիշենք մէկը միայն:

Մետաքսի գործարանատէր Սարգսեանները ուզեցին մի նոր ձևի բաղնիք շինել: Չը նայած այն բանին, որ դրա մէջ աւելի շահ ունէին հայերը, հնարաւորութիւն ստանալով ազատել թուրքերի անմաքուր բաղնիքներից, այնուամենայնիւ, յարմար դատեց թողնել նրա կառուցումը, ի նկատի ունենալով, որ այդ նոր բաղնիքը խաների դժգոհութիւնը կը յարուցէր, խլելով նրանց բաղնիքների յաճախորդների մի որոշ մասը:

Այս և սրանից էլ աւելի տարօրինակ զիջողութիւնների ուժով հայերը պահպանում էին խաղաղութիւնը: Սակայն այս ձևի խաղաղութիւնն էլ երկար չը տևեց: Քանի մօտենում էր մայիսը, այնքան աւելի մթնոլորտը դառնում էր ճշող, այնքան աւելի թուրք ժողովրդի շարժումները դառնում էին կասկածաւոր, մինչև որ մի դէպք եկաւ վերջ դնելու բռնազբօսիկ խաղաղութեանը, եկաւ կարճելու՝ մի կողմից հայ ժողովրդի ծանր մտորումների, միև

կողմից՝ թուրք խուժանի ընչաքաղց ակնկալութիւնների տևողականութիւնը:

Մայիսի 6-ի երեկոյեան ժամը 8-ին Նախիջևանի և Այլարադ գիւղի մէջ տեղ, Ղզզրմն անուն կրող ազբիւրի մօտ, սպանւեց Նախիջևանցի մի թուրք, Տաթուլա հաջի Բայրամ Ալի օղլին, ազգական ազգեցիկ Ասադ ադա Կինգերլինսկուն:

Այդ սպանութիւնը, որ մինչև այսօր էլ չի պարզւած թէ ում ձեռքով կատարւեց, թուրքերը վերագրեցին Այլարադ գիւղի հայերին, իսկ հայերը այժմ էլ հաւատացած են, որ նա զոհ գնաց իր հաւատակիցների վրէժխնդրութեան ինչ որ ընտանեկան պատուի պատճառով: Ինչ և իցէ այդ սովորական սպանութիւնը, որ պիտին միշտ տեղի է ունենում հայ-թուրքական բնակավայրերում, առիթ դարձաւ նախամտածւած գրգռում առաջ բերելու համար սպանւածի հօրը փողոց դուրս բերել վրէժխնդրութեան աղաղակներով, որը միանգամայն յուզեց թուրք ժողովրդին: Անա այստեղից էլ սկսւեցին մի շարք անհատական սպանութիւններ:

Մայիսի 7-ի առաւօտեան ժամը 8-ին քաղաքի մէջ, պօստային կայարանի դիմաց, ստրաժնիկների բնակարանի մօտ, բացայայտ կերպով մի քանի թուրքեր յարձակեցին Այլարադցի Միսակ Մահտեսի-Բարայիանի վրա և տեղն ու տեղը սպանեցին. բացի այդ նոյն միջոցին քաղաքի ծայրում սպանւեց Հաջիվար գիւղացի մի արհեստաւոր:

Այս դէպքերը մի այնպիսի սարսափ ու յուզմունք առաջ բերին քաղաքում, որ հայերը խանութները կողպեցին և քաշւեցին իրենց տները, հեռադրելով նահանգապետին և զանազան մարդկանց տեղի ունեցող յուզմունքների մասին:

Մայիսի 8-ին քաղաքի շրջակայքում սպանւեց նորից մի հայ գիւղացի, իսկ քաղաքի մէջ մահացու կերպով վիրաւորւեց Ազատ Մանուչարեանը:

Մայիսի 9-ին Շխմանմուդ գիւղի հանդում ընդհարում տեղի ունեցաւ հայերի և մի քանի ջահրեցի թուրքերի մէջ ցորենի արտերը ուտեցնելու պատճառով, որի ժամանակ թուրքերից մէկ հոգի սպանւեց և մէկ հոգի էլ վիրաւորւեց:

Մայիսի 10-ին այս դէպքի պատրւակով բաւականաչափ ջահրեցի թուրքեր քաղաք թափւելով և գաւառապետին բողոքե-

լով, վերադարձան դիւզ, յարձակելով և քշելով Շխմահմուդի հանդից գիւղի նախիրը:

Այդ նոյն օրւայ, այն է մայիսի 10-ի գիշերը թուրքերը մտան Նախիլու գիւղի առաջին հարուստ Նաչատուր Բարասեանի տունը, ընտանիքը սրի քաշեցին և գոյքը կողոպտեցին:

Ահա այս մի շարք սպանութիւններից յետոյ մայիսի 11-ին յուզմունքը Նախիջկանում գագաթնակէտին էր հասել, երբ քաղաք մտան փոխ-նահանգապետ Տարանօվսկին, Նախիջկանի քաղաքագլուխ Ջաֆար-Կուլի խանը, որը Երևան էր գտնուում այդ ժամանակ, Երևանի քաղաքագլուխ Յ. Մելիք-Աղամալեանը և Երևանի փոխանորդ Կարապետ վարդապետը, որոնք ուղարկւած էին Երևանից մտքերը խողողացնելու համար:

Փոխ-նահանգապետի և Ջաֆար-Կուլի խանի ներկայութիւնը, մէկը որպէս բարձր պաշտօնեայի, իսկ միւսը որպէս թուրքերի մէջ ամենահեղինակաւոր մարդու, բաւական էր յուզումները մեղմելու և նոյն իսկ զսպելու համար: Այն ինչ հէնց այդ գիշեր փորձ եղաւ խուժել Աղամեանի տունը, սակայն որը չը յաջողեց շնորհիւ նրա, որ դարպասը ներսից չը բացին, նկատելով կասկածաւոր մարդկանց բախումը:

Մինչդեռ այս բոլորը տեղի ունէր Նախիջկանում, մայիսի 11-ին Ռուսաց գործակալութեանը Երևանից ոճիարկեց հետեւեալ հեռագիրը:

«Երևան մայիսի 11-ին. Նախիջկանից հաղորդում են, որ Բագուի դէպքերից յետոյ մահմեդականները ամեն ջանք գործ էին դնում լաւ յարաբերութիւններ պահպանել հայերի հետ, այն ինչ հայերը զանազան գիւղերում սպանեցին մի քանի մահմեդականների: Տրամադրութիւնը երկիւղ ազդող է և եթէ հայերը չը դադարեն զինւած յարձակումներ գործել մահմեդականների վրա, այն ժամանակ շատ յաճախակի կը դառնան մասսային անկարգութիւնները ամբողջ նահանգում:»

Ահա այս բովանդակութեամբ և այս հոգով հեռագիր ուղարկում էր Երևանում մասնաւոր փաստաբանութեամբ պարապող Նախիջկանի ազդեցիկ թուրքերից մէկը, Մամեդ-բէկ Կենգերլինսկին: Այս հեռագիրը գալիս էր նախապատրաստելու մտքերը, պատրաստող բարբարոսութիւնները արդարացնելու համար:

Մայիսի 12-ին դրութիւնը Նախիջկանում մնաց նոյնը, չը

նայած Երևանից եկող հեղինակաւոր անձանց ներկայութեան: Հայերը չը վստահացան տներից դուրս գալ և խանութները բացել, վտանգը դեռ ևս անցած չը համարելով: Ահա զգուշութիւնների այս միջոցին տեղի ունեցաւ առաջին ոճիրը:

Փոխ-նահանգապետ Տարանօվսկին, Զաֆար-Կուլի խանը և նրա եղբայր Րահիմ խանը կանչեցին հայ վաճառականներին՝ Աղամեանին, Պալաթեանին և միւսներին, համոզեցին խանութները բացել, երաշխաւորելով նրանց գոյքն ու նրանց կեանքը:

«Մենք կը տանք մեր գլուխը, եթէ ձեզանից մի մազ անգամ պակսի», արտասանեցին այս խօսքերը երկու պատւաւոր խաները:

Կասկած տանել այլ ևս անկարելի էր և հայերի խանութները բացեցին, թէև ոչ բոլորը:

Դրանից յետոյ շատ կարճ ժամանակ տևեց, յանկարծ աղմուկը բարձրացաւ և փոթորիկը պայթեց:

Շուկան թափւեց խաժամուժ ամբոխը վայրենի ազդակներով: Հրացանների և ատրճանակների պայթոցների հետ միաժամանակ շողողացին սրերը: Բացւած խանութների տէրերը ընկան հէնց իրենց խանութների շէմքերի վրա. փակւած խանութների դռները խորտակեցին և ջարդ ու փշուր եղան. իսկ Պանի քարուանսարան, ուր գտնուում էին ամենամեծ հարուստ խանութները, հրդեհի բոցերին մատնեց: Եւ ապա սկսեց կողոպուտը, խաժամուժ ամբոխի կողոպուտը, որին մասնակցում էին ամենքը, ամենքը:

Հայերի ունեցած 195 զանազան տեսակի խանութներից 180-ը ամբողջովին կողոպուտ գնացին. շուկայում եղող հայերից ազատւեցին քչերը, այն էլ վէրքեր ստացած. աւելի քան 50 հոգի ընկան տանջանքերով. մի քանիսը նոյն իսկ մնացին Պանի քարվանսարայում բռնկւած հրդեհի բոցերի մէջ և այրւեցին: Դրանց թուումն էին Պալաթեանը և Կարապետ Աղամեանը, այն Աղամեանը, որը հաւասարաչափ յարգւած էր թուրքերից, որի զգուշութիւնները հասնում էին ծայրահեղ վախկոտութեան, թոյլ չը տալով այս և այն տեղ ուղարկող հեռագրների մէջ մտցնել թուրք բառը, «բարի» զրացիներին չը վիրաւորելու համար և որի կեանքը երաշխաւորեցին պատւաւոր խաները իրենց գլխով: Միամիտ հաւատացող մարդը՝ Քընկաւ, իսկ երաշխաւորող գլուխները կենդանի մնացին:

Ահա այս բոլորը կատարեց խաների հիւրասիրութիւնը գտած փոխ-նահանգապետ թեթևամիտ Տարանօլսկու և երկու խաների ներկայութեամբ, հանդիսատես աչքերի առաջ:

Զօրքը օգնութեան հասաւ շատ ուշ. նա վարժութեան էր գնացել քաղաքից բաւական հեռու մի դաշտում և երբ նա եկաւ, արդէն ամեն բան վերջացել էր: Մի ամբողջ ժողովուրդ կորցրել էր իր ունեցածը. դեռ ևս երկու ժամ առաջ հարուստ համարւած հայր մնացել էր մի կտոր հացի կարօտ:

Սակայն զօրքի գալուց յետոյ էլ փոխ-նահանգապետի ներկայութեամբ կողոպուտը շարունակեց դեռ երկար ժամանակ:\*) Այդ նոյն միջոցին, երբ շուկան կողոպուտում ու հրդեհում էր անարգել կերպով, թուրքերի մի այլ խուժան յարձակեց Քազաքէնդ քաղաքամասի վրա: Պաշտպանելու և թաղը կողոպուտից ազատելու հնարաւորութիւն չունենալով, հայերը մի երկու վիրաւորներով փախան Շխմահմուդ, իրենց ունեցած չունեցածը թողնելով խուժանին, որը ամբողջ թաղը աւերեց մի անասելի կերպով:

Նախիջևանի շուկայի վրա խուժող ամբոխին հայերի կողմից դիմադրելու խօսք լինել չէր կարող, մանաւանդ երբ նրան աջակցում էին ոստիկանական ստորին թուրք պաշտօնեաները: Հայերը ինքնապաշտպանութեան համար շատ քիչ միջոցներ ունէին, եղածներով հազիւ պաշտպանում էին թաղերը, յետ քշելով մի քանի յարձակումներ, որ լինում էին թաղերը խուժելու նպատակով: Հէնց այդ յարձակումների միջոցին էլ թուրքերը տւին մի քանի մարդկային զոհեր:

Ահա Նախիջևանում բռնկւած այս փոթորիկը մի չը տեսնւած արագութեամբ տարածեց ամբողջ գաւառը, աւելի և աւելի մեծ ծաւալ ընդունելով: Երկու շաբաթ շարունակ այս և այն տեղ պարբերաբար կրկնւում էին յարձակումները կողոպուտներով և հրդեհումներով հանդերձ. այդ բոլոր ժամանակ քաղաքում շարունակւում էր լարւած դրութիւնը, զրկանքների ու սարսափների վրա աւելացնելով քաղցը և անճարութիւնը:


---

\*) Կողոպուտած ապրանքներից, որոնց արժէքի գումարը հասնում էր մօտ մէկ ու մի քառորդ միլիօնի, բաւական չափով դուրս հանեցին թուրքերի խանութներից, և բացի այդ վկայում են, որ կողոպուտի փայ ու բաժինից զուրկ չէին մնացել նաև ամենայայտնի մարդիկ:



Նախիջևանի այս սոսկալի դրամայից 5—6 օր անց Ջաֆար-Կուլի խանի բակում նւագում էր զինւորական երաժշտութիւնը. թեթևամիտ Տարանօվսկին զւարճանում էր խաների ապարանքներում. թուրք սրիկաները կառքեր նստած անց ու դարձ էին անում հայերի թաղերով, հայերի հասցէին տգեղ ու լկտի ակնարկներ և լպիրշ քրքիջներ արձակելով, իսկ հայերը դառը կսկիծով և ճնշած սրտով տանում էին այս բոլորը:

Եւ այս համարւում էր հաշտութեան ակտը:



# ԱԽԵՐՈՒՄՆԵՐԸ ՆԱԽԻՋԵՒԱՆ ԳԵՏԻ ՍՏՈՐԻՆ ՀՈՎՏՈՒՄ

12—15 ՄԱՅԻՍԻ 1905 թ.

Նախիջևան գետը սկիզբն առնելով գաւառի հիւսիսարևելեան սահմանը կազմող Արիգլի լեռնաշղթայից հարաւարևմտեան ուղղութեամբ մի պտոյտ կազմելով, գալիս թափոււմ է Արաքսի մէջ: Սրա մի մեծ ճիւղը կազմոււմ է Ջահրի գետը, որը հոսելով Դարալագեազի լեռներից, գալիս խառնոււմ է Նախիջևան գետին: Ալագեօզ-Մազրա գիւղից փոքր ինչ ցած:

Նախիջևան գետը իր ճիւղերով և մի քանի արհեստական առուներով կեանք է տալիս Նախիջևանի գաւառամասին, իր հովիտների վրա խնամելով բազմաթիւ մանր ու մեծ գիւղեր:

Այդ կենսատու գետի ստորին հովտում, ուր գտնոււմ է նաև Նախիջևանը, ընկած են շարքով 15 հայարնակ գիւղեր, այն է՝ Ուզուն-օբան, Մամարգա-դիզան, Քիւլթափան, Խալիլուն, Քեարիմ-բէկ-դիզան, Կուլի-բէկ-դիզան, Շիմահմուղը, Եարմջան, Այլարաղը, Հաջիվարը, Կարախանբէկուն, Թմբուլը, Եմխանան, Թազաբէնդը և Կարմիր Վանքը:

Այս շրջանում թուրք գիւղերի մէջ իրենց աղմկայոյց բարքով աչքի էին ընկնում Նէհրամը և Ղահաբը:

Ահա քաղաքին բաւական մօտ և նրա շուրջը ընկած այս գիւղախմբի վերարեմամբ տեղի ունեցան նոյն ձևի յարձակումներ թուրք խուժանի կողմից, որը քաղաքում բռնկւած խռովութիւնների հետ միաժամանակ գլուխ բարձրացրեց նաև գաւառում, համոզւած լինելով, որ սպանութիւններն ու կողոպուտները արգելքի չեն հանդիպելու կառավարութեան կողմից:

Մայիսի 12-ին յարձակման ենթարկւեցին Ուզուն-օբա, Մամարգա-դիզա և Թազաբէնդ գիւղերը, Դրանցից առաջին երկուսը,

որոնք թրքախառն էին և թոյլ գիւղեր, անկարող լինելով դիմադրել յարձակմանը, մի քանի գոհեր տալով փախան Շխամամուղ, որոնց ամբողջ գոյքը ինչպէս և կենդանիները կողոպտւեցին ու քշւեցին: Իսկ վերջին գիւղը, այն է Թազաքէնը, կարողացաւ դիմադրել և յետ քշել յարձակումը, թէև թուրքերը այնուամենայնիւ կարողացան դաշտից քշել բաւականաչափ տաւարներ:

Մայիսի 13-ին յարձակում տեղի ունեցաւ Հաջիվար, Բիւլթափա, Բեարիմ-բէկ-դիզա, Կուլի-բէկ-դիզա և Ղարախանբէկու գիւղերի վրա:

Հաջիվարը թէև քաղաքին բաւական մօտ, բայց գտնւելով Բադաշխա և Շաքարարադ թուրք գիւղերի մէջ ժողովուրդը փախաւ քաղաք առանց դիմադրութեան, զուրկ լինելով ինքնապաշտպանութեան միջոցներից և գիւղը հիմնովին կողոպտւեց ու աւերւեց յիշեալ թուրքերի ձեռքով, որոնք քանդեցին տարան մինչև անգամ դռներն ու լուսամուտները և եկեղեցու զարդերը: Այսքանով չը բաւականացած, նրանք հրդեհեցին 10-ից աւելի տներ:

Հաջիվարը ունեցել էր՝ բացի 5 վերաւորները, 5 էլ սպանւածներ. դրանք էին՝ Ստեփան Պօղոսեան, 25 տ., Թադէոս Թորոսեան, 25 տ. և Վարդան Պետրոսեան, 50 տար. քաղաքում սպանւած. 70 տարեկ. ծերունի Տէր Յովհաննէսը գիւղում սպանւած, իսկ 6 տարեկան Սաչատուր Վարդանեանը սրտաճաք եղած:

Բիւլթափան, Բեարիմ-բէկ-դիզան, Կուլի-բէկ-դիզան և Կարախանբէկուն նոյնպէս ենթարկւեցին կողոպուտի, բայց ոչ այն չափով, ինչ չափով Հաջիվարը: Այս գիւղերը կիսով չափ ազատ մնացին կողոպուտից շնորհիւ այն բանի, որ կարողացան դիմադրութիւն ցոյց տալ խուժանին: Կուլի-բէկ-դիզայում ինքնապաշտպանութիւնը կազմակերպեց գիւղի ուսուցիչը: Կարախանբէկուն շնորհիւ մի քանի երիտասարդների կորուստ քիչ ունեցաւ: Թուրքերը կարողացան քշել նախիրը, այն էլ դաշտից:

Մայիսի 14-ին յարձակման ենթարկւեց Եարմջան: Առաջին անգամ մի քանի երիտասարդների շնորհիւ կարելի եղաւ յարձակումը յետ մղել. սակայն խուժանը վերադարձաւ նոր ուժով և նոր թափով, որից ժողովուրդը յուսահատւած փախաւ դէպի Շըխամամուղ, իսկ թուրքերը ներս խուժեցին գիւղը և սկսեցին կողոպտել գիւղի մի մասը:

Այդ ժամանակ Եարմջա էր եկել Մեսրոպը արքեպիսկոպոսը

Հագարանփրկիչ մասունքով, որը եկեղեցուց միւս իրերի հետ կողոպտեց և նորից յետ բերեց:

Մայիսի 14-ին յարձակում տեղի ունեցաւ նոյնպէս Թմբուլի վրա:

Թմբուլը բաւական մեծ գիւղ է հարուստ և օրինաւոր տներով, ընկած քաղաքից դէպի հարաւ 3—4 վերստի վրա: Այդտեղ ապրում են 50 տուն թուրք և 120 տուն հայ բնակիչներ: Գիւղը ընկած է մի բլուրի ստորոտին, ուր բարձրի մասում թուրքերի թաղն է, իսկ ցածի մասում հայերի թաղը: Բացի այդ Թմբուլին շատ մօտ ընկած են Բուլգան, Կարաչուզ և մանաւանդ Ղօշադիզա թուրք գիւղերը: Չը մոռանանք յիշել նաև այն, որ Թմբուլցի իւրաքանչիւր արական անդամը պարտք է համարում իր կեանքի մեծ մասը օտարութեան մէջ անցկացնել, յաճախ օտարութեան մէջ էլ մեռնել: Թմբուլի վրա եղած յարձակումը շատ ուժեղ էր: Յիշեալ գիւղերի մի քանի հարիւր հոգուց բաղկացած խուժանը պաշարեց գիւղը ցածի կողմից, իսկ տեղացի թուրքերը սկսեցին գնդակահարել հայերին իրենց թաղի յարմարաւոր դիրքերից: Հայերի փոքրաթիւ զինւած երիտասարդները անկարող լինելով ամբողջ գիւղը պաշտպանել, ժողովուրդը քաշեց գիւղի կենտրոնական մասը մի քանի մեծ տների մէջ, որից աւելի սիրտ առած թուրքերը խուժեցին գիւղի մէջ և սկսեցին կողոպտել ու հրդեհել տները:

Գիւղի փողոցներում կողոպտուտի և հրդեհի հետ միասին զընդակների, սրերի և նոյն իսկ կացինների հարւածների տակ ընկան 20-ի չափ հայեր: Ճիշտ է սպանւեցին մի քանի էլ թուրքեր, բայց փոքրաթիւ հայ կուռղները ստիպւած էին ծանր, անհաւասար և նոյն իսկ յուսահատ կռիւ մղել, մինչև որ նրանց օգնութեան հասան Եմխանայից հայերը, իսկ քաղաքից զօրքը, որ և կարելի եղաւ խուժանին յետ մղել և գիւղը ազատել անխուսափելի աւերումից, թէև մինչև այդ արդէն կողոպտուել էին աւելի քան 50 տուն, որի կէսից աւելին զոհ էր գնացել նաև հրդեհին:

Յարձակման ենթարկւեցին նաև Քալիլուն, Եմխանան և Շիմահմուղը, բայց այս գիւղերը շնորհիւ ինքնապաշտպանութեան ազատ մնացին կողոպտւոններից: Իսկ առանձնապէս Շիմահմուղը հանդիսացաւ այն միակ տեղը, ուր մի շարք աւերումների ենթակայ գիւղերի ժողովուրդները կարողացան կոտորածներից

փախչել և այդտեղ առժամանակ պատսպարան գտնել: Ութ, տաս գիւղերի հազարաւոր ժողովրդին մի անկիւն, մի կտոր հաց տալու ընդունակ էր միմիայն հարուստ ու մեծ Շխմահմուզը. թէև այդ հարուստ գիւղում էլ մի քանի օրից յետոյ պաշարը այն աստիճան սպառւեց, որ այդ ահագին սարսափահար եղած ժողովուրդը մի պահ էլ սովի տանջանքներին մատնւեց:

Այսպիսով Նախիջևան գետի ստորին հովտի 15 գիւղերից երկուսը միայն ազատ մնացին մասսային յարձակումներից, որոնցից մէկը Կարմիր Վանքն էր, ընկած Արաքսի ափին սահմանապահ պօստերին կից, իսկ միւսը՝ Այլարազը, որ յայտնի էր իր քաջ տղաներով: Մնացեալ 13 գիւղերը անխտիր ենթարկւեցին մասսային յարձակումների և աւելի կամ պակաս չափով աւերւեցին ու կողոպտւեցին:



# ԱՒԵՐՈՒՄՆԵՐԸ ԶԱՀՐԻ ԳԵՏԻ ՀՈՎՏՈՒՄ

12—15 ՄԱՅԻՍԻ 1905 Թ.

Զահրի գետի հովտում ընկած են Նախիջևան գաւառամասի 10 հայաբնակ գիւղեր, այն է՝ Հօրադիզը, Աղխաչը, Օղրինը, Ալմալուն, Սէսը, Սուլթան-բէկը, Զնաբիրդը, Զահրին, Նազարարազը և Դիզուվարը:

Գիւղերի այս խումբը ցրած գաւառի հիւսիսային լեռների և ձորերի մէջ, շրջապատւած բազմաթիւ մանր ու մեծ թուրք գիւղերով, ենթարկւեց կողոպուտի և աւերի ոչ պակաս բարբարոսաբար քան Նախիջևան գետի ստորին հովտում ընկած գիւղախումբը:

Այս շրջանում յարձակումների և կողոպուտների մէջ առաջնակարգ դեր վերցրել էին իրենց վրա երեք անհանգիստ թուրք գիւղեր՝ Զահրին, Քօկը և Իթղոանը, իրենց քամակից տանելով մնացեալ գիւղերի խուժանը:

Նախիջևանի խռովութիւնների հետ միաժամանակ մայիսի 12-ին խռովութիւններ, լի բարբարոսութիւններով, ծագեցին Զահրիում:

Զահրին կամ Զահուկը Նախիջևանի շրջանի ամենամեծ գիւղն է, որը ոչ մի բանով չի ուզում յետ մնալ քաղաքից: Նա ընկած է Նախիջևանից դէպի հիւսիս 14 վերստ հեռաւորութեան վրա, Զահրի գետի ձախ ափին, իր հարուստ այգիներով և ընդարձակ վարելահողերով: Այդ գիւղում ապրում են 230 տուն հայ և 550 տնից աւելի թուրք բնակիչներ: Հայերի թաղը ընկած է գիւղի հարաւարեւելեան կողմում, թէև մի քանի տասնեակ տներ ընկած են թուրքերի տների հետ խառը: Հայերը բաւական լաւ վիճակ ունէին, տները գեղեցիկ, ապրուստի ձեւը ոչնչով չը տարբերուող քաղաքացու կեանքից, նոյնպէս՝ տարազով:

Թուրքերն էլ իրենց նիստ ու կացով, ապրուստի եղանակով տարբերում էին միւս թուրք գիւղերի ժողովուրդներին: Սրանք առանձին ձգտում ունէին կապեր պահել քաղաքի թուրքերի հետ, ազդեցութիւն ունենալ շրջակայքի վրա, ղեկավար հանդիսանալ խոշոր դէպքերի ժամանակ, մի խօսքով ճիգ էին թափում իշխողի դերում լինել և այդ նրանց յաջողում էր: Օրինակ, հայը Ջահրիում համարում էր հպատակ բառի բուն նշանակութեամբ. նրա լեզուն կարճ էր և խօսքը անարժէք. այս բանին քիչ չէր նպաստել նաև այն հանգամանքը, որ նրա թարմ ուժերը ձգտում էին դէպի օտարութիւն, ասպարէզը թողնելով կանանց:

Ջահրին ունէր նաև իր շուկան 50-ի չափ խանութներով, ուր որոշ տեղ բռնում էին հայերը իրենց ընդարձակ առևտրով և արհեստներով: Թուրք խանութների շարքում առանձնապէս աչքի էին ընկնում թէյատները, թուրք մասսայի այդ ժողովատեղիները, ուր ամեն բան կայ, բացի մտաւորն ու բարոյականը, ինչպէս հայերի մէջ՝ գինետները:

Ահա այս հպարտ և ինքնավստահ Ջահրին իր առաջադէմ մարդկանցով, իր տանուտէր Աբաս-Չալ օղլիներով աւելին արեց, քան նոյն իսկ Նախիջևանը:

Իեռևս մայիսի 10-ին, ինչպէս մենք տեսանք, Ջահրիի թուրքերը քնցին Շխմահմուդ գիւղի նախիրը:

Մայիսի 11-ին այստեղի հայերի դրութիւնը այնքան կրիտիկական դարձաւ, որ նրանք մի կողմից դիմեցին քաղաք օգնութիւն խնդրելու, իսկ միւս կողմից գիշերը աննկատելի կերպով թուրքախառն մասերից քաշեցին հայկական թաղը:

Իսկ մայիսի 12-ի առաւօտեան ժամը 11-ին, հէնց որ քաղաքի յարձակման լուրը տեղ հասաւ, ինչպէս կազմ պատրաստ մի բանակ՝ խուժանը թափեց խանութների և հայերի տների վրա հրացանների որոտով, հրդեհումների նիւթերով:

Հրդեհի ծուխն առաջին անգամ բարձրացաւ Խէչան Մահտեսի Մարգարեանի երկու յարկանի տներից: Հրդեհ երևաց նաև նրա շարքի տներում. սկսեց ստակալի կողպուտը խանութներում և այս շրջանի հայերի տներում միաժամանակ: Ի՞նչ եղաւ այդտեղ ֆուցած 20-ի չափ հայ ընտանիքների հետ, յայտնի չէ: Խէչան Մահտեսի Մարգարեանը, Ջահրիի այդ առաջին հարուստը, վստահացած տանուտէր Աբաս-Չալ օղլու վրա, մնաց իր տներում, հա-

մոզելով և պահելով իր հետ նաև 20 հայ ընտանիքների, որոնց մեծ մասը գոհ գնաց բարեկամ թուրքերի բարբարոսութիւններին, ինչպէս այդ կը տեսնենք յետոյ:

Հրդեհն ու կողոպուտը խանութներում և թուրքական թաղի սահմաններում եղող հայերի տներում անարգել կերպով շարունակեց ամբողջ օրը: Իսկ հայ ժողովուրդը, խմբւած հայոց թաղի մի քանի մեծ տների մէջ, պաշտպանեց շնորհիւ մի քանի երիտասարդների, որոնք բաւական շնորհալի կերպով յետ էին քշում մի քանի անգամ կրկնուող յայձակումները դէպի կողոպուտից ազատ մնացած այդ թաղը: Զինւած հայ երիտասարդների թիւը մեծ չէր, 5—6 հոգի ընդամենը, բայց նրանք կարողացան հայերի թաղը պաշտպանել մայիսի 12-ին և 13-ին, որի ժամանակ մէկ մէկ փախչում գալիս էին թուրքերի մասում մնացած հայերից՝ սարսափահար եղած, յաճախ և վիրաւոր կին, մարդ, սոսկալի բաներ պատմելով այնտեղ կատարւածներից, մինչև որ 14-ին քաղաքից եկան Ջաֆար-Կուլի խանը և Կարապետ վարդապետը:

Հոգատար խանը և պրիստաւը հայերին հաւատացնելով, որ նրանց դեռ ևս չը կողոպուտւած տները պետական կնիքով կը կնքեն և ոչ ոք չի համարձակւի ձեռք տալ այդ կնիքներին, համոզեցին նրանց տեղափոխել Շխամհմուդ: Այդ նոյնը աւելի վստահ կերպով պնդում էր պրիստաւը, որը դէպքի ամբողջ ժամանակ 10 ստրաժնիկներով Ջահրիում գտնւելով ոչ մի դրական քայլ չարեց կողոպուտի առաջն առնելու համար: Եւ ցաւալին այն էր, որ այդ դատարկ խոստման միամտութիւն ունեցաւ հաւատալ նաև Կարապետ վարդապետը: Եւ ինչ էք կարծում. հայերը դեռ ոտները չէին դուրս դրել գիւղից, որ թուրք խուժանը յարձակեց և սկսեց կողոպուտը ազատ մնացած ահագին թաղում: Հայերը, ի հարկէ, յետ չը դարձան, բայց պնացին ուշ ու միտքը ձգած դէպի իրենց տունն ու տեղը, նրանց միջի հարուստ գոյքը, որոնց երկու օր պահպանում էին խնամքով: Այդ բոլորը նոյնպէս կողոպուտեց. այդ բոլորը նոյնպէս խուժանի ձեռքով վերածւեց մի ժխորի:

Այժմ տեսնենք ինչ պատահեց այն 20 տուն հայերի հետ, որոնք մնացին իրենց տներում, վստահանալով թուրքերի բարեկամութեան վրա:

Նաչան Մահտեսի Մարգարեանը իր ընտանիքով սպանեց հէնց իր տան մէջ տների հրդեհման հետ միաժամանակ. սպանեց նաև



նրա տղան՝ 25 տարեկան քաջ Երանոսը, սակայն ուժեղ դիմադրութիւնից և երկու թուրքեր սպանելուց յետոյ:

Մի քանի ընտանիքներ այդ նոյն ձևով սպանւեցին իրենց աների մէջ յարձակման առաջին վայրկեանում: Բայց կային դրանցից աւելի բաղաւորները, որոնք մի օրով աւելի էին ապրել:

Սէիդի տղա Միր-Ասլանը երկու եղբայրներ՝ Արզար և Ասոնդ Քադէոսեաններին և Գրիգոր Մկրտչեանին իրենց ընտանիքներով տարաւ Մօլլա Ալոնց տուն իբր պաշտպանելու, սակայն յաջորդ առաւօտը յայտնւեց Քեալըալայի Արդուլլա Ասադ օղլին և պահուած տեղից դուրս քաշելով Արզարին և Գրիգորին ասաց. «Գնանք, գալուան ձեզ կանչում է»: Եւ երբ նրանց դուրս բերեց բակը, այդտեղ խմբւած խուժանը յարձակւեց և սրախողխող արեց երկուսին էլ նրանց կանանց և երեխաների աչքի առաջ, որոնց ճիչն ու աղաղակը անգոր եղան գազանացած խուժանի գութը շարժել:

Այդ նոյն վիճակին ենթարկւեց նաև Ասոնդը Իբրահիմ Քեալըալայի Հասան օղլու և նրա արիւնարբու ընկերների ձեռքով. բայց այդտեղ կատարւեց արտասովոր մի դէպք: Ասոնդի կինը—Շողեբը—խելագարի պէս նետւեց ամուսնու վրա, վերցրեց, շալակեց մեռած կարծեցեալ արիւնաշաղախ վիրաւորին և անհետացաւ քաջ տղամարդու պէս. և ինչ էք կարծում, Ասոնդը առողջացաւ շնորհիւ իր հերոս կնոջ—Շողեբի:

Այսօրինակ և սրանից էլ աւելի բարբարոսաբար ընկան Ջահրիում 51 հոգի մարդ, կին, երեխայ, որոնց անւանացուցակը բերում ենք գրքին կից: Կենդանի մնացածները աւելի տանջանքներ կրեցին, քան ընկածները. սրանց տանջանքները բարոյական էին. կանանցից շատերը ենթարկւեցին բռնաբարութիւնների: Այսպիսի դժբաղդների թւին պատկանում էին մայր և աղջիկ 45 տարեկան Մարինան և 25 տարեկան Սօփիան, երկուսն էլ ամուսնացած կանայք:

Մայիսի 25-ին, երբ Ջահրեցիները վերադարձան գիւղ, տեսարանը սոսկալի էր: Տները կրում էին չինգիպխանեան աւերի հետքերը: Դիակները դեռ ևս անթաղ այս և այնտեղ հազիւ հողով ծածկւած օգբ դարձրել էին անտանելի: Մի քանի տեղ դիակները թափւած էին կոյտերով: Մի հորի մէջ ձգւած էին 7 թէ 9 դիակներ, որտեղից երկուսը միայն դուրս բերելուց յետոյ այլևս անկարելի լինելով տանել լուծւած դիակների գարշահոտութիւնը,

հորը լցրին և դարձրին եղբայրական գերեզման:

Ահա այսօրինակ ոճրագործութիւնների ղեկավար հանդիսացել էր Զահրիր տանուտէր Աբաս Զալ օղլին, որը, ականատեսների վկայութեամբ, կարմիր զգեստ հագած առաջնորդում էր խուժանին դէպի շահատակութիւններ և որը ոռու արդարադատութեան կողմից ճանաչեց անմեղ ու անպարտ:

Զահրիր առաջին օրւայ կոտորածի ու կողոպուտի յաջորդ երեք օրերի ընթացքում, այն է մայիսի 13-ին, 14-ին և 15-ին մասսայական յարձակումների ենթարկւեցին Նազարաբազը, Դիդուվարը, Սէսը, Սուլթան-բէկը, Օղբինը և Աղխաչը: Ինքնապաշտպանութիւնից զուրկ այս վեց գիւղերը անկարող լինելով յետ մղել յարձակումները, շատ թոյլ դիմադրութիւնից յետոյ և նոյն իսկ առանց դիմադրութեան փախան գիւղերից, եղած-չեղածը թողնելով խուժանի քմահաճոյքին:

Դրանցից առաջին երկուսի, այն է Նազարաբազի և Դիդուվարի ժողովուրդները փախան Շխմահմուդ և երկու գիւղերն էլ մաքուր կողոպուտեցին:

Սէսի և Սուլթան-բէկի ժողովուրդները փախան Դարալագեագի սահմանը և ապաստան գտան Մարտիրոս գիւղում: Այս գիւղերը նոյնպէս մաքուր կողոպուտեցին, իսկ Սուլթան-բէկը ունեցաւ նաև չորս մարդկային զոհեր:

Աղխաչի և Օղբինի ժողովուրդները փախան Հօրադիգ գիւղը, տանելով իրենց հետ թեթև իրերը: Այն բոլորը, ինչ որ կարելի չեղաւ տանել, կողոպուտեց տեղացի թուրքերի ձեռքով:

Այս շրջանի երեք գիւղերը միայն շատ ու քիչ ազատ մնացին մեծ կողոպուտներից: Դրանք էին. Ալմալուն, որը կարողացաւ մի քանի օր կրկնուող յարձակումները քաջաբար յետ մղել կորուստներով: Այս գիւղից թուրքերը քշեցին միմիայն մի սուրու ոչխար:

Հօրադիգը, որը շնորհիւ իր յարմար դիրքերի ոչ միայն տեղից չը շարժւեց, այլ և պատասպարեց Աղխաչ և Օղբին գիւղերի ժողովուրդներին:

Եւ Զնաբերդը, մի մեծ ու քաջ գիւղ, որը մինչև վերջն էլ կանգուն մնաց, չը նայած այն բանի, որ այդտեղ եղող 20 տան չափ թուրքերը դեռ ևս մայիսի 10-ին իրենց իրերով տեղափոխւելով շրջակայ կարաբաղլար և Խօկ գիւղերը, կազ-

*մակերպեցին մի շարք յարձակումներ Զնաբերդի դէմ:*

*Ճիշտ է, թուրքերը Զնաբերդի վրա գործած յարձակումների ժամանակ կարողացան գիւղի հանդից քշել 300-ի չափ ոչխար, 140-ի չափ տաւար և սպանեցին երկու մարդ, բայց գիւղին մօտենալ անկարող եղան և քաջ զնաբերդցին իր մեկուսութեան մէջ մինչև վերջն էլ մնաց անընկճելի:*



# ԱՒԵՐՈՒՄՆԵՐԸ ՆԱԽԻՋԵՒԱՆ ԳԵՏԻ ՎԵՐԻՆ ՀՈՎՏՈՒՄ

12—18 ՄԱՅԻՍԻ 1905 Թ.

Նախիջևան գետի վերին հովտում և նրա ձիւղերի վրա ընկած են 9 հայաբնակ գիւղեր, այն է՝ Ալագեօզ-Մազրան, Խալխալը, Բաղամուճն, Ղարաբաբան, Առինջը, Նորսը, Նորս-Մազրան, Գժածորը և Գեօմուրը: Վերջին վեց գիւղերը գտնուում են Շահապունեաց ձորի լանջերի վրա, միմեանց հետ կապւած լեռնային ճանապարհով, սակայն զուրկ սայլերի երթևեկութեան հնարաւորութիւնից: Դրանցից ամենահեռաւոր և բարձր գիւղը Գեօմուրն է, ընկած Սալվարզի գագաթի ստորոտում, պաշտպանութեան համար գեղեցիկ բլուրների վրա:

Այս շրջանում կան 20-ից աւելի թուրքաբնակ գիւղեր, որոնց մէջ կողոպուտները ղեկավարողի դեր էին կատարում Շահբուզի, Բիւլուզի և Մահմուդաւանի թուրքերը, որոնք չափփոխելով շրջակայ ձորերն ու գագաթները, ասպատակում էին հայ գիւղերը:

Յարձակումներն ու կողոպուտները այս շրջանում բռնկւեցին մայիսի 13-ին, այն է՝ Նախիջևանի և Զահրիի կոտորածից մի օր յետոյ, որոնք կրկնւեցին մի քանի օր պարբերաբար:

Կոտորածների սարսափը և մասսաների տարերային շարժումը ղէպի կողոպուտն ու աւերը այնպէս կաշկանդել էին բաղդի կամքին թողնւած այս շրջանի հայ ժողովրդի միտքը և ուղեղը, որ նա մտքով անգամ չէր անցկացնում, թէ կարելի է դիմադրել խուժանին: Եւ անա մէկը միւսի յետևից դատարկւում էին այս գիւղերը և կողոպուտում ու հրդեհւում անօրինակ կերպով:

Այդ ինը գիւղերից երկուսը, այն է՝ Խալխալը և Ալագեօզ-Մազրան, գտնւելով դաշտային մասում և աւելի մօտ Շխմահմուդին, այդտեղ էլ փախաւ ժողովուրդը, մի քանի զոհեր տալով, որից յետոյ երկու գիւղերն էլ հիմնովին կողոպուտեցին և աւերւեցին:

Ղարաբաբան, որը գտնուում է Նախիջևան գետի ձախ ափին, Շահապունեսաց ձորի մի գեղեցիկ հովտում, նոյնպէս հիմնովին կողոպտուեց: 59 տնից և 308 շնչից բաղկացած ժողովուրդը քաշելով գիւղին կից «փոսի մէշան» և սուգ ու սարսափի մէջ այնտեղ էլ գիշերելով, ականատես եղաւ խուժանի վանդալական գործողութիւններին, մինչև որ ծանր գիշերւայ սև քօղը քաշեց և նա՛յդ մերկ ու պլոկւած ժողովուրդը, բռնեց Գեօմուրի ճամբան մի աղեկտուր վայնասունով, անկարող լինելով քաղաք կամ նոյն իսկ Շիմահմուդ հասնել:

Առինջը մի շատ գեղեցիկ գիւղ, ընկած Ղարաբաբայից դէպի հիւսիս 3 վերստի վրա, Քիւքի ձորակի բերանում, երկու բլուրների մէջ, կարողացաւ խուժանին դիմադրել միմիայն մի օր: Երկրորդ օրը 67 տնից և 500 շնչից բաղկացած ժողովուրդը անկարող լինելով այլևս պաշտպանել 5 հրացանով, ութը գոհեր տալուց յետոյ դարձեալ փախաւ Գեօմուր, հարուստ գիւղը, հարուստ կայքն ու տընտեսութիւնը թողնելով խուժանին:

Առինջը կորցրեց—450 տաւար, 2,000 ոչխար և գառ, 200 ձի, էշ, դաթիր և աւելի քան 1,500 հատ մեղրի փեթակներ:

Ղարաբաբայից արևելք 5 վերստ հեռաւորութեամբ դէպի վեր ձորի լանջերը գտնուում է Նորս-Մազրան: Այդ գիւղը թուրքախառն է և ունէր 78 տուն—540 շնչից բաղկացած հայ և ընդամենը 10 տուն թուրք բնակիչներ: Նոյն խուժանը, որ հաւաքւած շրջակայ թուրք գիւղերից կողոպտեց Ղարաբաբան և Առինջը, յարձակեց նաև Նորս-Մազրայի վրա և կողոպտեց ամբողջովին: Ժողովուրդը նոյնպէս փախաւ Գեօմուր, այս շրջանի հալածւած հայ ժողովրդի ծւարը: Գիւղում մնացին 20 տուն հայեր՝ վստահացած համագիւղացի թուրքերի պաշտպանութեանը, բայց թէ դրանց հետ ինչ պատահեց, այդ կը տեսնենք յետոյ:

Նորս-Մազրայից փոքր ինչ հարաւ Զիարաթ, Գիւնէյ-թափա և Գեօթուրգեան անուններ կրող գագաթների խառնւածքի մի ժայռոտ և քարքարոտ ձորակի վրա ընկած է Նորսը: Նա և գեղեցիկ է, և հարուստ, և բազմամարդ: Գիւղը ունէր 160 տուն—1,200 բնակիչ, բաւականաչափ երիտասարդ ուժեր, բայց ինքնապաշտպանութեան համար չը կազմակերպւած:

Հարուստ և մեծ Նորսի վրա, բնականաբար, մեծ էլ խուժան եկաւ. գիւղը մի ամբողջ օր կարողացաւ դիմադրել խուժանին և

յետ քշել նրան կորուստներով և անշուշտ նա մինչև վերջն էլ կը պաշտպանէր; եթէ կուող ուժերը մի ղեկավարող մարդ ունենային և եթէ տեղի չունենար մի դաւաճանութիւն:

Մի նորսեցի հայ—Աւագ Մարգարեան անունով—թուրքերի հետ միացած և մի նոր յարձակում ծրագրած հեռի հեռ գիւղ մտաւ աղաղակելով. «փախէք, թուրքերը անագին ուժով գալիս են»: Այս աղաղակը յուսահատութիւն ու շփոթ առաջացնելով անգլուխ Նորսի ժողովրդի մէջ, սկսեց մի չը տեսնւած իրարանցում և փախուստ: Պուժանը կոխեց գիւղը այն ժամանակ, երբ դեռ ևս շատերը չէին կարողացել գիւղից փախչել: Ժողովրդի սուգ ու շիւանը և սար ու ձոր ընկնելը սոսկալի տեսարաններ ստեղծեց:

Զոհրաբ Պօղոսեանի 80 տարեկան մայրը իր 5 մանր թոռներով, անկարող լինելով փախչել, սրախողխող եղաւ գիւղում և ձգեց մի հորի մէջ: 16 տարեկան պատանի Մկրտիչ Միրունեանը, 70 տարեկան ծերունի Մկրտիչ Ալէքսանեանը և Առաքել Թաթոյեանի 25 տարեկան կինը սարսափից սրտածաք եղան և մեռան: Պուղօսեանի և Յակօ Թորոսեանի մի մի տարեկան ծծկեր երեխաները նետուեցին գետը իրենց հարազատ մայրերի ձեռքով, որոնք շնչասպառ եղած այլևս չէին կարողանում փախչողների յետևից գնալ: Եւ մանուկ դիակները ջուրն առաւ ու տարաւ:

Այսպիսի սրտածմլիկ պատահարների զոհ գնացին 15 հոգի, և բացի այդ, չորս ընտանիքներ մահաւան սարսափի տակ կրօնափոխ եղան:

Նորսի ժողովուրդը երկու մասի բաժանւած՝ մէկը փախաւ Գեօմուր, իսկ միւսը իրեն ձգեց Նորս-Մազրա, ուր երկու շաբաթ ապրելուց յետոյ դարձեալ քօչեց Գեօմուր: Նորս-Մազրայի 20 տուն հայերը այս անգամ էլ չուզեցին Գեօմուր գնալ:

Հարուստ Նորսը կողոպտուեց մի չը տեսնւած ձևով. թուրքերը տարան. 2,000 տաւար, 6,000 գառ ու ոչխար, 750 ձի, էջ, շորի, 1,000 մեղրի փեթակներ և գիւղի բոլոր գոյքը. պատերի մէջ չը մնաց ոչ դուռ և ոչ լուսամուտ, կողոպտուեց նաև հարուստ եկեղեցին և նրա գաղտնի պահարանը, գիւղացիների պահած անագին ապրանքներով լեցուն. իսկ այդ բոլորից յետոյ հրդեհեցին մի շարք տներ:

Նորս-Մազրայից դէպի հիւսիսարևելք 7—8 վերստի վրա, բաւական մօտ Գեօմուրին, Թոխլի-դայա գագաթի ստորոտում,

ընկած է Գժաձորը 110 տուն, 890 շունչ ժողովրդով:

Լեռնային կլիմայի և անառիկ բարձունքների մէջ կռած ու կոփւած գժաձորցիին էլ չը կարողացաւ պաշտպանել խուժանի յարձակումներէրց: Նա նոյնպէս փախաւ Գեօմուր մի քանի զոհեր տալով. նա նոյնպէս կողոպտեց, նա նոյնպէս կորցրեց իր գոյքը, իր կենդանիները և ամեն ինչ:

Այսպէս Ղարաբաբայի, Առինջի, Նորս-Մազրայի, Նորսի և Գժաձորի—այդ 5 գիւղերի ժողովուրդը, աւելի քան 3,400 հոգի, եկան խմբեցիին Գեօմուր, սարերի մէջ կորած այդ գիւղը, տեղացի 161 տուն, 1195 շունչ ժողովրդի հետ միասին կազմելով 4,600 հոգի:

Գեօմուրն էլ ենթարկեց պաշարման, այն էլ մի քանի անգամ. բայց նա կարողացաւ յետ քշել յարձակումները շնորհիւ իր լաւ դիրքերի, իր կուռղ ուժերի, թէև խուժանը կարողացաւ քշել գիւղի տաւարն ու ոչխարը: Ամենամեծ յարձակումը Գեօմուրի վրա տեղի ունեցաւ յունիսի 8-ին, երբ Սալվարդի շղթան եկան բռնեցին Չանգեզուրի և Զիվանշիրի թափառական, այն է Ալիանցի, Մազմազակցի, Մէյթիլցի, Մարջանցի ցեղերը:

Գեօմուրը իր պատսպարած ահագին գաղթականութեան հետ միասին պաշարեց մի խիստ օղակով: Մի կողմից եկան շղթայեցիին քոչւոր ցեղերը, իսկ միւս կողմից տեղացի թուրքերի ահագին խուժանը: Տեղի ունեցաւ մի յամառ կռիւ. Գեօմուրը իր մի քանի տասնեակներով կարողացաւ պաշտպանել այդ օրը: Բայց յարձակումը վերսկսեց յաջորդ օրը աւելի մեծ ուժով. գիւղի վիճակը դարձաւ դժուարին. յուսահատութիւնը տիրեց ժողովրդին և բոպէն կրիտիկական էր, երբ Չանգեզուրից հասաւ կօզակների մի հարիւրեակ: Կուռի ընթացքը փոխեց. հայերը միացած զօրքի հետ հակադարձակ եղան և Գեօմուրի շրջակայքը մաքրեց խուժանից:

Այս ժամանակ Գեօմուրը գտնուում էր նեղ վիճակում. հացի պաշարը բոլորովին սպառուել էր, անխուսափելի սովը կեանքեր կը խլէր, եթէ Չանգեզուրը մի օր ևս հացով ու ալիւրով օգնութեան չը հասնէր:

Յունիսի 9-ին մի բարբարոս գործողութիւն տեղի ունեցաւ Նորս-Մազրա գիւղում, այն գիւղում, ուր ինչպէս տեսանք, թուրքերի պաշտպանութեանը վստահացած մնացին 20 տուն հայեր:

Ահա այդ 20 տուն հայերի վրա Գեօմուրի պաշարումից դատարկածնոն վերադարձող թուրք խուժանը եկաւ իր բարկութիւնը թափելու:

Դրանցից 19 հոգի, 14-ը տղամարդ, 4-ը կին, իսկ մէկը՝ 2 տարեկան մի մանուկ, ընկան տանջանքներով: Կենդանի մնացածները, որոնցից 11-ը վիրաւորներ, գլուխ ազատելով փախան Գեօմուր, իսկ գեղեցիկ հարսները առեանգեցին: Մեզ տւին այդ առեանգւած հարսներից չորսի անունները, որև առաջ ենք բերում այստեղ:

Չորս տարւայ հարս 22 տարեկան Օվսաննա Նաւասարդեանին առեանգեց համագիւղացի Գիւլուլ Ֆարգալի օղլին, տարաւ Մանմուղ-Աւան գիւղը Հուսէին Անմադ օղլու տունը և բաց թողեց մի օր պահելուց յետոյ:

Երեք տարւայ հարս 18 տարեկան Մազթաղ Գէորգեանին առեանգեց համագիւղացի Ղայբալի Ֆարգալի օղլին, տարաւ Մանմուղ-Աւան Աղաւալի Քեալբալայի Հուսէին օղլու տունը, որտեղից դժբաղդ Մազթաղը փախաւ երեք օր մնալուց յետոյ:

Հինգ տարւայ հարս 25 տարեկան Անուշ Կիրակոսեանին առեանգեցին համագիւղացի Սալի Ալլահեար օղլին և Ջարբար Ղասում օղլին, տարան Քիւլլուզ գիւղը Բաբա Ղուլի օղլու տունը, որտեղից Անուշը փախաւ 8 օր պահելուց յետոյ:

Երկու տարւայ հարս 15 տարեկան Ուստիանա Յովհաննիսեանին առեանգեցին մանմուղաւանցի Քեալբալայի Ղասում Մամադ Ջաֆար օղլին և Սուրապէրդի Մամադ օղլին, տարան Քիւլլուզ դարձեալ Բաբա Ղուլի օղլու տունը և բաց թողին 5 օրից յետոյ:

Ահա մի քանիսը այն անթիւ ու անհամար փաստերից, որոնք տեղի էին ունեցել երկու-երեք շաբաթների ընթացքում:

Այսօրինակ գործողութիւններին ղեկավար առանձանապէս հանդիսացել էին Ղարաբաբայի հասարակութեան տանուտէր Աբաս-Կուլի Քեալբալայի-Հէյդար օղլին և քիւլլուզեցի անտառապահ (ЛѢСНОЙ ОБЪѢЗДЧИКЪ) Մաշադի Ղարաբէկը:

Այս շրջանի 9-ը գիւղերից մէկը միայն ազատ մնաց կողպուտից ու աւերից, այդ Բադամլուն էր, 120 տուն բնակիչներով, որի մի քառորդ մասը թուրքեր էին, ընկած Առինջից 6—7 վերստ դէպի արևմուտք:

Բադամլուն երթարկեց յարձակման մայիսի 14-ին Առինջի հետ միաժամանակ:



Այդ օրը թուրքերը քշեցին գիւղի նախիրը, սակայն աւելի քան 80—90 տուն հայ ժողովուրդը փրկւեց կոտորածից շնորհիւ նրա, որ իր ամբողջ կազմով ընդունեց մահմեդական կրօնը: Մահւան և կոտորածի սարսափի տակ տեղի ունեցաւ կրօնափոխութեան ծիսակատարութեան ակտը իր մանրամասնութիւններով: Նոր դաւանափոխները ածիլեցին գլուխները, ձեռքերի մատերը ներկեցին հինայով, փոքրիկ մանուկներին թլպատեցին, և անունները փոխարինեցին թուրքական անուններով:

Այսպէս, գիւղի ծխատէր քահանային, Տէր Թաղէոսին, կարգեցին նոր հաւատակիցների վրա մօլլա, անւանելով Աշրաֆ Աղա. նրան օգնական տւին գրագիր Մելիքսէթ Ստեփանեանին, որոնք սովորեցնում էին նոր հաւատակիցներին հետեւեալ աղօթքը. «Ջանարթ կուսըլ էյարամ կուրբաթան իլ Ալլահ» որ, կը նշանակէ Աստուծոյ կամքով մաքրւեցինք և հաւատի եկանք:

Մկրտիչ Մինասեանին անւանեցին Աւդլլա բէկ:

Չորս տարեկան Ծաղիկին անւանեցին Չէյնար և քեարին արին (նշանադրեցին) Քեալրալայի Հուսէինի տղայի, Ռիզայի հետ: Իսկ Նօվրուզի աղջկան—9 տարեկան Չէյնարին—քեարին արին Միքայէլ Մկրտչեանի հետ:


Այսպիսի օրինակներ մէկ էլ տեղի էին ունեցել մարդասպան Սուլթան Համիդների սպանդանոցում—Տաճկահայաստանում:

Մի, թէ երկու շարաթ անցաւ, դրութիւնը փոխւեց. Բաղամլուի հայերը թողին առ երես ընդունած մահմեդականութիւնը, մոռացեցին կրօնափոխութեան դատարկ ծէսերի յիշողութիւնները, բայց չը մոռացեցին այն զրկանքները, որ կրել էին միւս գիւղերը կոտորածների, լլկանքների, կողոպուտների և աւերումների պատճառով:

Երբ յունիսի վերջերին Գեօմուր խմբւած հայ ժողովուրդները վերադարձան իրենց գիւղերը, անդուռ, անլուսամուտ և դատարկ տներ ի մէջ նրանց կրած աղքատութիւնը առասպելների շարքն անցաւ: Ղարաբաբա գիւղում հայ կինը ջրի համար խեցի անգամ չուեննալու պատճառով, աչքերից արցունք քամելով, իր որդու ձեռքից բռնած տանում էր աղբիւրի մօտ և ձեռքի բռներով ջուր լամայնում նրան ու վերադառնում տուն: Քաղցի մատնւած այդ ժողովրդին տալիս էին առ ժամանակ զօրանոցների ինչ որ հին ալիւրներ, որից առաջացան ստամոքսային հիւանդութիւններ:

Իսկ նրա մերկութիւնը ծածկելու և անհրաժեշտ կարիքները հոգալու համար Երևանից հասցնում էին հին հագուստների և տնային կարասիների ահագին նուիրարբերութիւնը:

Այսպէս էր իրականութիւնը Ռուսաստանի երկնակամարի տակ:



# ԸՆԴՀԱՐՈՒՄՆԵՐԸ ԱԼԻՆՁԱ ԳԵՏԻ ՀՈՎ- ՏՈՒՄ

ՄԱՅԻՍ 1905 Թ.

Նախիջևան գետից դէպի արևելք Ալանգեօզի շրթայից սկիզբըն առնելով և հարաւային ուղղութեամբ հոսելով թափուում է Արաքսի մէջ Ալինջա կամ Երնջակի գետը:

Այս գետի հովտում, բազմաթիւ թուրք գիւղերի հետ խառն, որոնց մէջ առանձնապէս աչքի են ընկնում Միլախը և Բանանիարը, ընկած են վեց հայաբնակ գիւղեր, այն է՝ Ղազանչին, Նորաշէնը, Աբրակունիսը, Արազինը, Գզնութը և Ջուլֆին:

Նախիջևանում և նրա շրջականերում բռնկւած թուրքական գազանութիւնները իրենց հետեանքներով արձագանք գտան նաև այս շրջանում, թէև ոչ այն չափով, ինչ չափով այդ տեղի ունեցան միւս շրջաններում:

Թուրք մասսան շարժւեց, ահագին խմբերով նա յարձակւեց այս և այն գիւղերի և նրանց սահմանների վրա կողոպտելով, քանդելով այն բոլորը, ինչ որ կարելի էր լինում: Եւ այդ բոլորը տեղի ունեցաւ Նախիջևանի դէպքերի հետ միաժամանակ մայիսի 12, 13 և 14-ին:

Այստեղ կատարւած դէպքերի մանրամասնութիւնները մենք չենք տալ, նկարագրութիւններ միւս շրջանների մասին շատ տւինք, ընդհանուր պատկերն այն էր, ինչ որ տեսանք. առաջ կը բերենք փաստերը մի քանի ամփոփ նախադասութիւններով:

Ջուլֆին՝ ընկած Արաքսի ափին, կարողացաւ պաշտպանւել յարձակումներից և ունեցաւ կենդանիների թեթև կորուստ:

Գզնութը—300 տուն ունեցող այդ մեծ գիւղը—պաշտպանւելով մի քանի անգամ կրկնուող յարձակումներից, ունեցաւ միմիայն կենդանիների կորուստ և 3-էլ մարդկային զոհեր:

Աբրակունիսն ու Արազինը կրեցին բաւական խոշոր վը-

նասներ: Առաջինում կողոպտւեց 60 տուն, իսկ երկրորդում՝ 38 տուն, բացի այդ նրանք կորցրին իրենց կենդանիները:

Նորաշէնը—164 տնից բաղկացած այդ գիւղը—հիմնովին կողոպտւեց, թալանւեց և ժողովուրդը մատնւեց ծանր զրկանքների:

Իսկ Ղազանչին—գետի վերին հոսանքի վրա ընկած այդ գիւղը—տասն օր կրկնուող յարձակումների դէմ պաշտպանւեց մի այնպիսի հերոսութեամբ, որ ամբողջ գաւառը պատկառանքով էր յիշում այդ անունը. նա ունեցել էր 2 մարդկային զոհեր:



# ԸՆԴՀԱՐՈՒՄՆԵՐԸ ՇՈՒՌՈՒԹ ԵՒ ԳԻԼԱՆ ԳԵՏԵՐԻ ՀՈՎՏՈՒՄ

ՄԱՅԻՍ 1905 Թ.

Ալինջա գետից դէպի արևելք, Գողթան գաւառամասի արևմտեան սահմանի վրա, իր բազմաթիւ ճիւղերով տարածած Շուռութ և Գիլան գետերի հովտում, նոյնպէս թուրք գիւղերով խառն, ընկած են Գողթանի տասն հայաբնակ գիւղերը, այն է՝ Փարադաշտը, Շուռութը, Գեաղը, Մարւանը, Ալահին, Բիստը, Փառական, Վերին-Ազան, Ներքին-Ազան և Դէրը:

Այս շրջանումն էլ մասսային յարձակումներ տեղի ունեցան, բաց ոչ բոլոր գիւղերի շուրջը:

Այդ տասն գիւղերից չորսը, Մարւանը, երկու Ազանները և Դէրը ազատ մնացին յարձակումներից:

Փարադաշտը, Շուռութը, Բիստը և Փառական թէև ենթարկւեցին յարձակումների, բայց կարողացան նրանց յետ քշել և շատ քիչ փնսններ կրել: Այնպէս որ այս չորս գիւղերը կորցրին միմիայն իրենց կենդանիները: Բացի այդ՝ Շուռութի մօտ կողոպտւեց Ս. Ստեփաննոսի վանքը իր ջրաղացով, իսկ Փառական ունեցաւ երկու մարդկային զոհեր:

Այս շրջանի տասն գիւղերից միմիայն երկուսը, այն է՝ Գեաղը և Ալահին ենթարկւեցին սոսկալի կողոպուտի:

Գեաղը ունէր 55 տուն. այդ բոլորը հիմնովին կողոպտւեց. նա ունեցաւ նաև երեք մարդկային զոհեր:

Ալահին ունէր 46 տուն. այդ էլ հիմնովին կողոպտւեց: Ժողովուրդը երկու օր շարունակ դիմադրութիւն ցոյց տալուց յետոյ ականատես եղաւ իր գոյքի, իր տուն ու տեղի վանդալական կողոպուտներին և 12 ընտիր զոհեր տալուց յետոյ ստիպւած եղաւ թողնել աւերած գիւղը և քօշել Շուռութ ու Բիստ:

Գիլան գետից դէպի արևելք, Կօնզուրօ-Ալանգեօզի լեռնաշղթա-  
թախից սկիզբն առնելով գալիս թափուում են Արաքսը 5 փոքրիկ  
գետակներ: Այդ 5 գետակների վրա ընկած են Գողթանի տասն  
հայաբնակ գիւղերը և Օրդուբաթը:

Ճղնա գետի վրա ընկած են Րամիսը և Ճղնան:

Վանանդ գետի վրա՝ Քաղաքիկը, Տանակերտը և Դիսարը:

Ագուլիս գետի վրա՝ Վահրակերտը, Վերին-Ագուլիսը և Ներ-  
քին-Ագուլիսը:

Օրդուբաթ գետի վրա՝ Հանդամէջը և Օրդուբաթը:

Եւ Կարճեան գետի վրա՝ Կարճեանը:

Այս տասն գիւղերը և Օրդուբաթը ազատ մնացին մասսայա-  
կան յարձակումներից և կողոպուտներից, թէև անհատական  
սպանութիւնները և մասնակի դէպքերը կրկնուում էին այս և այն  
տեղ:

Ահա այն միակ բաղդաւոր շրջանը Նախիջևանի ամբողջ գա-  
ւառում, որը կարողացաւ մի քանի անգամ առաջ եկած յուզմունքը  
կանգնեցնել, սպասելիք աղէտների առաջն առնել:

---

Վերջացնելով Նախիջևանի գաւառում բռնկւած աղէտի հա-  
մառօտ յիշատակութիւնը, մենք տեսնում ենք հետևեալ սոսկալի  
պատկերը:

Բացի Նախիջևան քաղաքը և նրա Թագաբէնդ քաղաքամասը,  
այդ գաւառի 60 հայաբնակ գիւղերից 16-ը միայն ազատ մնացին  
մասսայական յարձակումներից. մնացեալ 44-ը լայն ասպարէզ  
դարձան կողոպուտների, բռնութիւնների և սպանութիւնների,  
որոնցից առանձնապէս 20 գիւղ հիմնովին կողոպուեցին և  
աւերեցին: Ահա այդ գիւղերի ցուցակը իր անփոփ կորուստ-  
ներով բերում ենք սրան կից:

Այս սոսկալի աւերումների շարքում մի թուրքաբնակ գիւղ  
միայն աւերեց: Այդ 80 տուն ընակիչ ունեցող Իթղուանն էր, ըն-  
կած Ջահրի գետի վերին հովտում, յայտնի իր անհանգիստ  
բնաւորութեամբ:

Իթղուանը Նախիջևանի գաւառի խոռվութիւնների հէնց առա-  
ջին օրից հանդիսանալով ռազմական մի վայր, տեղ տեց շըր-  
ջակայ անհանգիստ տարրերին, կազմակերպելով մի շարք յարձա-  
կումներ հայ գիւղերի վրա: Այսպէս Իթղուանի յարձակումների

շնորհիւ դատարկւեցին Աղխաչ և Օղբին գիւղերը. իսկ Սէսը և Սուլթան-բէկը բոլորովին կողոպտւեցին և ժողովուրդը հազիւ կարողացաւ փախչել Մարտիրոս գիւղը: Այսքանով չը բաւականացած Իթղուանը ձեռնարկեց մի շարք յարձակումներ նաև Դարալագեազի, առանձնապէս Մարտիրոս գիւղի վրա: Ահա հէնց այդ գիւղերի գինւած հայերի մի մեծ խումբ մայիսի 30-ին յարձակւեց Իթղուանի վրա, ուր թուրքերը 3 ժամ յամառ դիմադրութիւնից յետոյ փախան, մեծ զոհեր տալով, որից յետոյ գիւղը կողոպտւեց և ընկաւ. մի քանի հայ գիւղերի աւերման պատճառ դարձող Իթղուանը նոյնպէս աւերեց: Այդ անհանգիստ գիւղը ենթարկւեց նոյնպիսի բարբարոսութիւնների, որպիսի բարբարոսութիւններ գործել էր նա մի շարք հայ գիւղերում: Այդտեղ ընկան 36 հոգի, իսկ ոմանց ասելով նոյն իսկ 100-ից աւելի մարդիկ

Ապա ինչ էր շինում աղմինիստրացիան այն ժամանակ, երբ ամբողջ գաւառում գիւղերը աւերում էին գիւղերի յետևից և արիւնը շարունակում էր հոսել:

Ահա այս հարցի մի փոքրիկ լուսաբանութիւնը կուզէիք տալ:

Նախիջևանի արիւնոտ դէպքերի սկզբից մենք տեսանք Երեւանի փոխ-նահանգապետ Տարանօվսկուն իր ամբողջ այլանդակութեամբ: Նա երկու շաբաթի չափ այդ արիւնոտ գաւառում մնալուց յետոյ հեռացաւ, տանելով իր հետ մի քաղցր յիդրոլութիւն, բերանի մի համ ու լազաթ խաների ճոխ հիւրասիրութիւնից:

Ապա մայիսի 18-ին Նախիջևան հասաւ գեներալ Ալիխանովը, որպէս գլխաւոր կարգադրող: Նա նոյնպէս իջևանեց խաների մօտ և բանից դուրս եկաւ, որ նա նոյն իսկ խաների փեսան է: Ալիխանովը Նախիջևան մնաց մօտաւորապէս 2 ամիս և հեռացաւ այնտեղից, տանելով իր հետ հայերի ծովացեալ նզովքը:

Տարանօվսկու և Ալիխանովի ժամանակ չարագործները ոչ միայն չէին պատժուում, այլ և խրախուսանք էին գտնում անպատիժ մնալով: Գլխաւոր ոճրագործները, որոնց թւում և Ջահրիի գալաւան—Աբաս Չալ օղլին—ազատ շրջում էին: Ուստիկանական թուրք պաշտօնեաներին փոխանակ հեռացնելու, նորերն էին նըշանակուում. դրանցից մէկն էր Չարաբաբայի, այդ աւերած շրջանի նոր նշանակւած պրիստաւը՝ Բէիւք խանը: Իսկ նախիջևանում զօրքի մէջ եղող հայ զինւորներին ջոկում, ուղարկում էին

հայ գիւղերը, նրանց ներկայութիւնը քաղաքում համարելով անյարմար: Մի խօսքով այդ երկու պաշտօնեաների ներկայութիւնը հայ ժողովրդի համար աւելի ծանր էր, քան նոյն իսկ կոտորածը:

Բոլորովին այլ դիրք բռնեց պրինց Նապալիօնը, որը նշանակեց Երևանի զինւորական նահանգապետ դեռ ևս Ալիխանովի օրով: Անաշառ ասպետ Նապալիօնը երբ այցելեց Նախիջևան, հայերը ազատ շունչ քաշեցին: Մի քանի շարագործներ, որոնց թւում նաև Աբաս Զալ օղլին, բանտարկեցին: Յարձակում գործող խուժանի վրա կրակ բացող զինւորները արժանացան պրինցի գովեստին: Բացի այդ, պրինցը խոստացաւ միջնորդել ինքնապաշտպանութեան համար վնասւած հայ գիւղերին զէնք տալ: Խոստացաւ նոյնպէս վճարել հայերի փաստը թուրքերի հաշին և խիստ պատժել յանցաւորներին: Սակայն այդ խոստումները մնացին անկատար. նա սեպտեմբերի 24-ին թողեց Երևանի նահանգապետութեան պաշտօնը:

Անա ազմինիստրացիայի այսպիսի տակտիկան թուրք անհանգիստ տարրերին մի այնպիսի վստահութիւն ներշնչեց, որ նրանք սկսեցին յարձակել նոյն իսկ կօզակների վրա՝ զէնքեր խլելու նպատակով, որը և վերջացաւ երկու խոշոր պագրօմներով և բարբարոս գործողութիւններով:

Թուրքերի կողմից կօզակների վրա եղած մի երկու յարձակումները զօրքի մէջ յուզում առաջ բերին: Այդ յուզմունքը աւելի ևս հող գտաւ նոյեմբերի 27-ին Նախիջևանի շուկայում մի քանի կօզակների և թուրքերի մէջ տեղի ունեցած ընդհարման պատճառով:


Նոյն այդ գիշեր, ժամը 10-ին, Նախիջևանի շուկայում սպանւեց թուրք գիշերապահը, իսկ խանութների շարքում յայտնւեց հրդեհ: Այրւում էին թուրքերի խանութները. հայերը ամեն ինչ կորցրել էին վաղուց: Մայիսին հրդեհ ձգողները թուրքերն էին, իսկ այժմ՝ կօզակները: Մայիսին կողոպտում էին թուրքերը, իսկ այժմ՝ կօզակները, և կօզակները կողոպտեցին մի չը տեսնւած ձևով, որոնց աջակցում էին մի խումբ հայեր: Յաջորդ օրը շուկայի ամբողջ կէս մասը չը կար այլ ևս:

Նոյեմբերի 29-ին սկսեց հրդեհ, կողոպուտ և կոտորած նաև Զահրի գիւղում: Թուրքերը գնդակ արձակեցին մի զինւորի վրա. նոյն թուրքերի գործած բարբարոսութիւնները հայերի դէմ համ-



բերութեամբ տանող զօրքը դուրս եկաւ համբերութիւնից այդ մի գնդակի պատճառով և սկսեցին բարբարոսութիւնները: Երկու օր շարունակ թուրքերը դիմադրում էին աննպատակ. երկու օր շարունակ զօրքը կոտորում, հրդեհում ու կողոպտում էր գիւղը, որին մասնակցում էին նաև հայերը: Եւ այդպէս, Զահրին ընկաւ թալանւած ու մրոտւած. ամբողջ գիւղը հրդեհի զոհ էր գնացել. իսկ նրա փողոցներում թափւած էին բազմաթիւ դիակներ: Թուրքերը ունեցան աւելի քան 170 զոհեր:

Այս ևս կոզակների գործն էր, երկրի խաղաղութիւնը պահպանող կոզակների գործ, թէև անունը գարձեալ մնաց հայ-թուրքական ընդհարում:



# ՑՈՒՑԱԿՆԵՐ

ՆԱԽԻՋԵԻԱՆԻ ԳԱԽԱՌԻ ԱԿՏԻՎՈՒՄՆԵՐԻ:

**Նախիջևանի գաւառի աւերածների պատկերը ներկայացած վարդապետի ձեռքով**

№№	ԳԻՒԴԵՐԻ ԱՆՈՒՆՆԵՐԸ	Տուն ընակիչ	Յարձակումը եղել է 1905 թ.		Վողման մասեր	Այլու տներ
			մայիս	յունիս		
1	Նախիջևան .	450	12	—	180	10
2	Քաղաքէնդ .	40	12	—	40	1
3	Հաջիվար .	60	11-13	—	60	12
4	Իւխարի-ուզուն-օբա .	45	12	—	45	1
5	Դիդուվար .	20	13	—	20	
6	Նազարաբաղ .	90	13	—	90	10
7	Ջահրի .	250	12	—	250	12
8	Մամարգա-դիդա .	30	12	—	30	
9	Պալխալ .	80	13	—	80	—
10	Ալագեօզ-Մազրա .	70	14	—	70	6
11	Նորս .	160	15	—	160	12
12	Ղարաբաբա .	60	13	—	60	—
13	Առինջ .	70	14	—	70	—
14	Գժածոր .	110	16	—	110	1
15	Նորս-Մազրա .	75	15	9	75	—
16	Գեալջարաջուր .	55	12-13	—	55	—
17	Նորաշէն .	70	13	—	70	—
18	Սուլթան-բէկ .	90	13	—	90	—
19	Սէս .	50	14	—	50	—

\*) Աղուսակը մեր կազմածն է Մեսրոբ վարդապետի ընդարձակ տեղ տեղեկութիւններ, մեր բերածներն են:

Պաշտօնական տեղեկութիւնների հիման վրա Նախիջևանի գաւառի ների ներկայացրած ցուցակների, հասնում է 2,729,173 բուբուլ, իսկ յանձ

Նախիջևանի գաւառում աւերած են միմիայն երկու թուրքական Կօզակների ձեռքով աւերած է նաև Նախիջևանի թուրքական բազարը:

**Երևանի զինուորական նահանգապետ Լիւի Նապալիօնին Մեսրոբ  
1905 թուի յուլիսին: \***

Կողմուտած եկեղեցիներ	Սպանւածներ	Վերստի- մարտու- ածներ	Քշած են կենդանի- ները	Կորուստի քանակը ըւրբլիներով	Ժողովուրդը փախաւ
	49	12	—	1,285,366	—
1		2	Բ ու լ ո ը ղ ի ն կ ո ղ ո պ տ ւ ա ծ գ ի ւ ղ ե ը	33,249	Շխմահմուզ
1	1	4		50,449	Քաղաք
1	2	1		40,913	Շխմահմուզ
1	1	1		9,181	„
1	2	1		107,311	„
1	51	13		393,535	Շխմահ., Այլաբ., քաղաք
1	3	1		16,412	Շխմահմուզ
1		2		68,991	„
1	2	4		82,442	„
1	15	4		անյայտ	Գեօմուր
1	2	—		43,931	„
1	2	—		103,447	„
1	2	—		72,719	„
1	20	11		19,448	„
1	3	—		46,977	Փարադաշտ և Բխտ
—	1	—	անյայտ	„ „	
1	3	—	„	Մարտիրոս	
1	—	—	„	„	

եկազրից հանւած: Գիւղերի տների թւերը, ինչպէս և մի քանի լրացուցիչ

կրած գոյքային քնասների քանակը, համաձայն կողմուտած գիւղացի-  
նաժողովի ցուցակով՝ 1,340,893 ըւրբլու:

գիւղեր—Իթղոանը՝ հայերի ձեռքով, իսկ Ջահրին՝ կօզակների:

20	Ալահի .	50	14-18	—	50	—
21	Եարմջա .	140	14	—	54	—
22	Թմբուլ .	150	15	—	55	39
23	Քիւլթափա .	130	13-16	—	32	—
24	Քեարիմ-բէկ-ղիզա .	25	12-13	—	25	—
25	Կուլի-բէկ-ղիզա .	45	13	—	45	—
26	Աբրակունիս .	140	11-14	—	60	6
27	Արազին .	50	12-13	—	38	—
28	Կարմիր Վանք .	30	12-13	—	—	—
29	Բիստ .	100	13-16	—	—	—
30	Մարվան .	65	17	—	4	—
31	Շխմահմուդ .	170	10	—	—	—
32	Խալիլու .	35	10-11	—	1	—
33	Եմխանա .	145	—	6	—	—
34	Զնարերդ .	160	12	—	—	—
35	Բաղամուլ .	80	12,13,31	1	—	—
36	Գեօմուր .	160	17-20	8	—	—
37	Ղազանչի .	165	10 օր.	—	—	—
38	Շուրութ .	120	14-20	—	—	—
39	Փարազաշտ .	100	15-22	—	—	—
40	Գզնութ .	270	12,13,20	—	—	—
41	Ջուլֆի .	120	—	—	—	—
42	Աղխաչ .	25	—	—	25	—
43	Հանդամէջ .	30	—	26	—	—
44	Ալմալու .	70	26	—	—	—
45	Փառակա .	90	24	—	—	—
46	Բամիս .	50	24	—	—	—
47	Կարախանբէկուլ .	130	13	—	—	—
48	Աստապատ .	400	12	—	—	—
49	Օղբին .	20	—	—	20	—

1	12	—		„	<b>ՇՈՒՐՈՒԹ և Բիստ</b>
1	1	2		„	
—	20	9			
—	1	—		„	
1	—	—		„	
—	—	—		10,273	
—	—	—	<b>քշւած</b>	20,325	
—	—	—	<b>քշւած</b>	<b>անյայտ</b>	
—	—	—		<b>անյայտ</b>	
—	—	—	<b>քշւած</b>	5,852	
1	—	—		<b>անյայտ</b>	
—	—	—	<b>քշւած</b>		
—	4	1		„	
—	—	—			
—	2	1			
—	—	—		3,630	
—	2	1		<b>անյայտ</b>	
—	2	—		„	
—	—	—	<b>քշւած</b>	1,800	
—	—	—		<b>անյայտ</b>	
—	3	—	<b>քշւած</b>	600	
—	—	—		<b>անյայտ</b>	
1	—	—	<b>քշւած</b>	„	<b>Հօրադիդ</b>
—	4	—			
—	—	—	<b>քշւած</b>		
—	2	—	<b>քշւած</b>	„	
—	1	—	<b>քշւած</b>	„	
—	—	—	<b>քշւած</b>	3,868	
—	—	—	<b>քշւած</b>	1,200	
—	—	—	<b>քշւած</b>	<b>անյայտ</b>	<b>Հօրադիդ</b>

**ՑՈՒՑԱԿ ԼԱՔԻՉԵՒԱՆԻ ԳԱԻԱՌԻ ԱՒԵՐԻԱՄ ԳԻՒՂԵՐԻ 1)**

№ №	ԳԻՒՂԵՐԻ ԱՆՈՒՆՆԵՐԸ	ՏՈՒՆ հայ	ՏՈՒՆ թուրք	Հայ բնակիչ	Յարձակույթ եղել է 1905 թ.		Սպանւածներ
					Մայիս	Յունիս	
				2)			
1	Նախիջևան .	450	—	—	12	—	50
2	Թմբուլ .	130	40	650	15	—	20
3	Աստապատ .	500	50	2200	15	—	1
4	Եմխանա .	145	3	800	—	6	—
5	Ալահի .	85	—	520	13	—	8
6	Բիստ .	60	60	300	13	—	—
7	Հաջիվար .	60	—	280	13	—	5
8	Ջահրի .	250	600	1010	12	—	52
9	Գեօմուր .	161	—	1195	—	8	1
10	Գժաձոր .	110	—	890	16	—	4
11	Նորս .	160	—	1203	14-17	—	15
12	Նորս-Մազրա .	78	10	540	14	—	19
13	Առինջ .	67	—	500	13	—	8
14	Ղարարարա .	59	—	308	13	—	3
15	Ալազեօզ-Մազրա .	64	—	400	14	—	2
16	Քիւլթափա .	150	—	1000	15	—	1

1) Ինչպէս Նախիջևանի գաւառում, այնպէս էլ Երևանի նահանգի կուսի բացառութեամբ:

2) Շնչահամարներն առաջ են բերւած համաձայն այն ցուցակների:

3) Նախիջևանում կողոպտւած և աւերածները խանութներ են:

4) Ճորենի ցանքերը չը ջրուելու և չը խնամուելու պատճառով կոր-

5) Մի դեսիատին տեղը տալիս է 30 փ. մաքուր բամբակ:

6) Մի դեսիատին տեղը տալիս է 500 խուրձ եօնջա:

7) Առաջ բերած կոտորակները  $\frac{1}{4}$ ,  $\frac{1}{2}$  և  $\frac{3}{4}$ , ցոյց են տալիս բերքի տեսակը ցոյց են տալիս, որ բերքը ամբողջովին փչացել է:

ԵՒ ՆՐԱՆՑ ԴԱԵՏԱՅԻՆ ԿՈՐՈՒՍՏՆԵՐԻ—ՄԵՐ ԿԱԶՄԱԾԸ:												
Վերականգնողական	Տուն	Տուն ամբողջ	Ք Շ Ի Ա Ծ Ե Ն					Դաշտային կորուստներ դեպի արտաքին հաշվով			Կապիտալի փոխանակումներ	
			Տառար	Ոչխար	Գառ	Զի	Էշ, ջորի	Ցորեն	Բամբակ	Եօնջա		
												Տառար
12	3) 180	8	—	—	—	—	—	—	4) —	5) —	6) —	—
7	55	11	80	30	—	24	—	200	100	—	—	—
—	—	—	15	300	—	1	—	—	—	—	—	—
—	—	—	—	—	—	—	—	—	—	—	—	—
5	55	3	450	1800	—	68	—	15 <sup>1</sup> / <sub>4</sub>	—	20	600	—
—	—	—	300	500	—	—	—	—	—	—	—	—
5	60	10	380	800	—	13	—	200	20	10	—	—
15	250	6	800	500	—	3	—	400 <sup>1</sup> / <sub>3</sub>	80 <sup>1</sup> / <sub>2</sub>	20	—	—
1	—	—	50	500	—	30	—	200 <sup>1</sup> / <sub>4</sub>	—	100 <sup>1</sup> / <sub>2</sub>	—	—
1	110	1	100	300	—	18	—	150 <sup>1</sup> / <sub>4</sub>	—	100	200	—
4	—	12	2000	4000	2000	150	600	800 <sup>1</sup> / <sub>4</sub>	—	110	1000	—
11	—	—	500	1200	600	25	150	80 <sup>1</sup> / <sub>4</sub>	—	8 <sup>1</sup> / <sub>2</sub>	—	—
—	—	8	450	1800	800	—	225	200 <sup>1</sup> / <sub>4</sub>	—	25	1500	—
—	—	3	200	450	300	—	5	30 <sup>1</sup> / <sub>2</sub>	—	5	—	—
4	—	5	450	100	—	15	800	100 <sup>3</sup> / <sub>4</sub>	—	25	—	—
—	—	—	10	18	—	—	30	300 <sup>1</sup> / <sub>4</sub>	—	15	—	—

միև շրջաններում աւերած գիւղերը նորից վերաբնակած են մի եր-

րով աւերած գիւղերում ալիւր էին բաժանում:

ցրել են բերքի քառորդ, յաճախ կէս մասը:

այն մասը, որը փչացել է, իսկ առանց կոտորակների առաջ բերած թը-



## ՇԱՐՈՒՐ-ԳԱՐԱԼԱԳԵԱԶԻ ԳԱԻԱՌ

Երևանի նահանգի 7 գաւառներից ամենափոքրը Շարուր-Դարալագեազի գաւառն է, ընկած նահանգի հարաւային մասում, որի սահմաններն են, հիւսիսից՝ Երևանի և Նոր-Բայազետի գաւառները, հարաւից՝ Նախիջևանինը, արեւելքից՝ Գանձակի նահանգի Զանգեզուր գաւառը, իսկ արեւմուտքից՝ Արաքսը, որը կազմում է Պարսկաստանի կամ Մագուի խանութեան սահմանագիծը:

Շարուր-Դարալագեազի գաւառը լեռնային կազմածք ունի, մանաւանդ հիւսիսային և արեւելեան մասերը, որոնք ներկայացնում են կատարների, լեռների և անհամար ձորերի մի զանգւած, բաւական աղքատ բուսականութեամբ. իսկ հարաւարեւմտեան մի փոքր մասը, որը տարածւում է մինչև Արաքսի ափերը, դաշտավայր է, հարուստ բարձր կուլտուրայի բերքերով:

Գաւառը բաղկացած է երկու գաւառաւանքներից—Դարալագեազից կամ պատմական Վայոց Ձորից, որը բռնում է գաւառի լեռնային երեք քառորդ մակերևոյթը և Շարուրից, որը բռնում է դաշտային տափարակ մասը, ձգւելով մինչև Սաղարակի և Նախիջևանի հարթութիւնները:

Շարուր-Դարալագեազի ամբողջ գաւառը ոռոգւում է մի հատիկ—Արփաչայ գետով, որը սկիզբն առնելով գաւառի հիւսիսարեւելեան սահմանի լեռնաշղթաներից դէպի հարաւարեւմտեան սահմանը պտոյտների կազմելով և բազմաթիւ մանր ու մեծ գետակներ ընդունելով իր մէջ, գալիս տարածւում է Շարուրի դաշտը, կեանք տալով նրան:

Գաւառի ազգաբնակչութեան ընդհանուր թիւն է 76 հազար, որից թուրքերը՝ 55 հազար, իսկ հայերը՝ 21 հազար: Հայերը այս գաւառում ամբողջ նահանգի մէջ կազմում են ամենափոքր մասը, այն է՝ 21<sup>0</sup> օ-ը:

Շարուր-Դարալագեազի 163 գիւղերից հայաբնակ են 33-ը, որից 8-ը գտնւում են Շարուրի գաւառաւանքում, իսկ 25-ը՝ Դարալագեազի: Դրանք են.

**ՇԱՐՈՒՐԻ ԳԱՒԱՌԱՄԱՍՈՒՄ**

№-ը	Գիւղերի անունները	1886 թ. վիճակագր. տուն	Մատաղատուն	Շունչ
1	Ուլիանորաշէն . . .	183	220	1260
2	Դաշարխ . . .	30	32	210
3	Թաղաքէնդ . . .	—	33	210
4	Փարչի (50 տ. թուրք)	18	20	110
5	Նանլուխլար . . .	150	180	1050
6	Ալաքլու . . .	86	120	760
7	Վարմազիար . . .	136	170	1045
8	Քէշտազ (30 տ. թուրք)	56	71	350

**ԴԱՐԱՆԱԳԵԱԶԻ ԳԱՒԱՌԱՄԱՍՈՒՄ**

1	Ղուշխլար . . .	53	90	788
2	Գնդեվազ (20 տ. թուրք)	38	67	727
3	Այար . . .	34	45	317
4	Արփա . . .	72	80	554
5	Հերհեր (95 տ. թուրք)	54	80	610
6	Դայլախլու . . .	12	13	126
7	Մալիշկա . . .	126	160	1298
8	Բաշքէնդ . . .	43	65	672
9	Օրթաքէնդ . . .	54	115	1016
10	Քէշիշքէնդ . . .	119	155	1405
11	Քարազլուխ . . .	55	124	946
12	Թառաթումք . . .	28	48	370
13	Էրզափին . . .	40	70	600
14	Հասանքէնդ . . .	34	87	580
15	Ղոյթուլ . . .	83	123	1066
16	Այնազուր (Աղանաձոր)	47	97	980
17	Ռինդ . . .	43	50	501
18	Ելփին . . .	78	110	785
19	Մարտիրոս . . .	106	160	1319
20	Փաշալու . . .	69	120	884
21	Փոռ . . .	56	50	350
22	Ազաղէք . . .	72	110	919
23	Ենգիջա . . .	30	50	583
24	Կնիշիկ . . .	47	55	560
25	Նաշիկ . . .	90	110	960

Շարուր-Դարալագեազի գաւառում հայ-թուրք. ընդհարումներ տեղի ունեցան թէ Շարուրի և թէ Դարալագեազի գաւառամասերում:

\*) Այս տեղեկութիւնները մերն են, առաջ բերած այժմեան հաշուով:

# ԱԻԵՐՈՒՄՆԵՐԸ ՇԱՐՈՒՐԻ ԳԱՒԱՌԱՄԱՍՈՒՄ

29—31 ՄԱՅԻՍԻ 1905 Թ.

Շարուրի պողաբեր և արգաւանդ դաշտում բաւական խիտ կերպով ընկած են 54 գիւղեր, որոնցից, ինչպէս վերը տեսանք, ութը միայն հայաբնակ են:

Այդ ութը գիւղերից վեցը, այն է՝ Դաշարիսը, Թագաքէնդը, Փարչին, Խանլուխլարը, Ալաքլուն և Վարմազիարը խմբւած գտրնւում են դաշտավայրի արևելեան մի սիրուն թեք մակերևոյթի վրա, որտեղից արդէն սկսւում է Դարալագեագի սարահարթը: Այս վեց գիւղերը՝ շնորհիւ բամբակ, բրինձ և խաղող արտադրող դաշտերի և ժողովրդի աշխատասիրութեան, ունէին օրինակելի տնտեսութիւն: Սիրուն արտաքին և գեղեցիկ տներ աչքի էին ընկնում մանաւանդ Վարմազիար գիւղում:

Այս գիւղախմբից դէպի արևմուտք, մի փոքր հեռու դաշտավայրում, թուրք գիղւերով շրջապատւած, գտնւում է թուրքախառն Քէշտազ գիւղը:

Իսկ դէպի հիւսիս, 10 վերստ հեռաւորութեամբ, Օղլան-Ղաւա բլրի ստորոտին, Արփաչայի այն հոսանքի վրա, ուր գետը գուրս պրծնելով Դարալագեագի լեռների ժխորից, բաժանւում է բազմաթիւ առուների և տարածւում ընդարձակ դաշտավայրը, գտնւում է Ուլիանորաշէնը:

Այս շրջանի ութ գիւղերի մէջ ամենահարուստը և ամենամեծը Ուլիանորաշէնն էր, իր 220 տուն բնակիչներով, իր բամբակի և բրնձի առաջնակարգ հողերով, ընկած մի շարք այն է՝ Համգալի, Մահմեդ-քէնդ, Բաշնորաշէն, Զէյվա, Դուղանպա և այլ թուրք գիւղերին կից:

Ահա Նախիջևանի գաւառի աւերումներից և Երևանի մայրսեան ընդհարումներից յետոյ, աւերումների ասպարէզ դարձան այդ ութը գիւղերը:

Այս շրջանում, ինչպէս և Նախիջկանի գաւառում, յուզման նշաններ նկատելի դարձան դեռ ևս Բագուի և Երևանի փետրվարեան դէպքերի ժամանակ:

Պատճառները հասկանալի էին. այստեղ էլ հայ տարրը համարուում էր անվստահելի, այստեղ էլ ադմինիստրացիան խեթ աչքով էր նայում նրա վրա, որից թուրք անգիտակ մասսան խրախուսւած, կանգ չէր առնում ոչ մի միջոցի դէմ, ոչնչացնելու այն աշխատանքը, որ դրել էր այդ անկիւնում աշխատաւոր հայ ժողովուրդը: Ինչպէս ադմինիստրացիայի համակրութիւնը, այնպէս էլ թւահան գերակշռութիւնը թուրքերի կողմն էր:

Փետրվարեան յուզմունքը անցաւ մի թեթև դէպքով. Բաշորաշէնի ) շուկայում սպանւեցին երկու հայեր:

Յուզմունքն իրը այս շրջանում աւելի մեծ չափեր ընդունեցին մայիսին, Նախիջկանի աւերումներից յետոյ, երբ տեղի ունեցաւ Երևանի ընդհարումը՝ թուրքերի համար կորստաբեր հետևանքներով:

Ճիշտ է, մինչև մայիսի 29-ը մասսայական դէպքեր դեռ ևս տեղի չունէին, բայց դրութիւնը այնքան լուրջ էր, որ հայերը թուրքերի գիւղերի միջով դադարել էին երթևեկել, իսկ նոր նոր երթևեկող երկաթուղու գնացքով Նախիջկանից Երևան շտապող Շէյխուլ-իսլամը և Կարապետ վարդապետը կարևոր համարեցին իջնել Բաշորաշէն, հրաւիրել թուրք ժողովրդին և յորդորել խաղաղութիւն ու համերաշխութիւն:

Բայց հէնց որ երկու կրօնաւորները հեռացան, հակառակ նրանց յորդորների յաջորդ օրը և եթ թուրք մասսան շարժւեց, Շարուրի մի բուռն ժողովրդի գլխին պայթեց փոթորիկը:

Առաջին զոհը եղաւ Ուլիանորաշէնը, միայնակ ընկած այդ մեծ գիւղը:

---

Մայիսի 30-ին շրջակայ գիւղերից մի ահագին խուժան եկաւ պաշարեց գիւղը երեք կողմերից: Ուլիանորաշէնցին ցոյց տուեց դիմադրութիւն և ուժեղ դիմադրութիւն. նա այնքան էլ հեշտութեամբ չուզեց թողնել իր գոյքը: Կուռղ տղամարդիկ շատ չէին, բայց նրանք ցոյց տւին մի հերոսական քաջութիւն: Անհաւա-

---

\*) Բաշորաշէնը թուրքաբնակ գիւղ է և շրջանի ադմինիստրացիայի կենտրոնավայր:

սար կռիւր տեւց մի քանի ժամ: Խուժանը գնալով մեծացաւ: «Վախկոտ» հայերի գնդակները և թուրքերի տւած մի քանի զոհերը աւելի ևս յուզեցին խուժանին: Ուլիանորաշէնը նեղեց, գիւղի հարաւային ծայրից ժողովուրդը սկսեց փախչել. խուժանը մօտեցաւ տներին նաւթով և հրձիգութեան նիւթերով: Սկսեց հրդեհը մի քանի տներից. կազմակերպւած հրձիգները թրջում էին տակաոներով բերած նաւթի մէջ դաշտից հաւաքած եօնջայի չորացած խուրձերը, վառում և այդպէս նետում բակերի ու տների ներսը: Այս գործողութիւնը ղեկավարում էին Բաշնորաշէնի մի քանի յայտնի և անւանի թուրքեր:

Հայ ժողովուրդը սուգ ու շիւանով քաշեց Օղլան-Ղալա, գիւղի թիկունքին կպած վահանի պէս ամուր կուրծք ունեցող այդ բլուրի վրա, հազիւ իր չոր գլուխն ազատելով: Մի քանի հրացանաւորներ, հերոսաբար դիմադրելով խուժանին և նրա շարքերից գետին գլորելով բաւական մարդիկ, հնարաւորութիւն տւին ժողովուրդին քաշել բլրի գագաթը, որից յետոյ միայն իրանք նահանջեցին, անկարող լինելով այլ ևս դիմադրել խուժանին: Սակայն նրանցից մէկը, Մատթէոս Մովսէսեանը, այդ քաջ տղամարդը, իր տան տանիքի վրա մինչև վերջը կուելով, գնդակահար եղաւ և մեռաւ:

Այս բոլորից յետոյ միայն ամբոխը թափեց գիւղը և սկըսեց կողոպուտն ու հրդեհը մեծ չափով:

Երեք օր շարունակ հազարաւոր խուժանը, մեծ թէ փոքր, մարդ թէ կին, էջերով, ձիերով և մէջքի վրա, կրեց Ուլիանորաշէնի հարստութիւնը, երեք օր շարունակ հրդեհը լափեց ու անցաւ անագին գիւղը և երեք օր շարունակ սովի ու ծարաւի մատնւած անագին ժողովուրդը բլուրի վրայից ականատես էր այդ բարբառոս գործողութիւններին:

220 տներ և տասնեակ խանութներ բոլորովին կողոպուեցին, 220 տներ և տասնեակ խանութներ հրդեհեցեցին և մոխիր դարձան: Այդպիսի աւեր ու հրդեհ մենք չը տեսանք և ոչ մի տեղ, այդ մի կատարեալ դժոխային գործողութիւն էր:

Ուլիանորաշէնի նիւթական ֆաբրիկան հրդեհեց և անհետացաւ: Նրա կորուստը հասնում էր 600,000 ռ. և բացի այդ, Ուլիանորաշէնը ունեցաւ 30,000-ից աւելի դաշտային կորուստ, շնորհիւ դաշտերի անխնամ և անջուր մնալուն:

Այսպէս, ահա, ուլիանորաշէնցիին ամեն ինչից զրկւած, երկու ամիս շարունակ Օղլան-Ղալայի կրծքին կպած՝ ցրտին, արևի ճառագայթներին և քաղցին ենթակայ, տարափոխիկ հիւանդութիւններով բռնւեց և բազմաթիւ զոհեր տւեց:

Ուլիանորաշէնը յարձակման ժամանակ ունեցել էր չորս զոհ, դրանք էին՝ Բայաթ Մահտեսի-Բաղալեանը, 70 տար., Մատթէոս Մովսէսեանը, 35 տար., Գրիգոր Սահակեանը, 60 տար., և 90 տար. Սէյրօ անունով մի կուրացած պառաւ կին, նաւթով այրւած: Թուրքերը ունեցել էին մինչև 30 զոհ:

Ուլիանորաշէնի վրա տեղի ունեցած յարձակման հետ միաժամանակ յուզմունքներ նկատուեցին նաև միւս հայ գիւղերի շրջակայքում: Մասսայական խուժումները անխուսափելի դարձան դաշտավայրի բոլոր ծայրերից: Խաղաղասէր թուրքերից մէկը, Մամեդ-բէկ Շահ-Հուսէին-բէկովը, հայերին զուշացրեց տեղի ունեցող յուզմունքներից: Քէշտազ, Թազաքէնդ, Դաշարխ, Ալաքլու և Վարմազիար գիւղերից ժողովուրդը շտապեց քոչել Խանլուխլար՝ այդ կենտրոնական և մեծ գիւղը: Փարչին կպած լինելով Խանլուխլարին, չը քոչեց: Ալաքլուի և Վարմազիարի ժողովուրդը դեռ ևս իր գոյքը չէր տեղափոխել Խանլուխլար, երբ խուժանը եկաւ պաշարեց մի անգամից այդ երկու գիւղերը:

Սուժանին դիմադրելը անհնարին էր: Գիւղերը ենթարկւեցին կողոպուտի. ինչ որ կարելի էր տանել, ամբոխը տարաւ, նոյն իսկ դռներն ու լուսամուտները, ինչ որ կարելի չէր տանել, ջարդ ու փշուր եղաւ, ոչնչացաւ. այնպէս որ այգիներով հարուստ այդ երկու գիւղերում կտորատուեցին հարիւրաւոր գինու կարասներ և այլ պարագաներ: Այդ բոլորից յետոյ խուժանը հրդեհեց այդ երկու գիւղերի ամենալաւ տները:

Այս բոլորը տեղի ունէր մայիսի 30-ի երեկոյեան:

Մայիսի 31-ի վաղ առաւօտեան ակերւեց և հրդեհեց Դաշարխը: Նոյնը տեղի ունեցաւ նաև Քէշտազ գիւղի հետ: Եւ ապա խուժանը եկաւ պաշարեց Խանլուխլարը ու Փարչին, ուր խմբւած էին եօթը գիւղերի, մօտ 4000 հոգուց բաղկացած, ժողովուրդը:

Այդ ահազին բազմութեան համար սկսեց մի ծանր դրութիւն: Գնալով թափւեց եկաւ չորս կողմից թուրք խուժանը: Հայերից կազմւեց դիմադրողների մի ուժեղ խումբ. նրան միացաւ

այդտեղ եղող 100-ից աւելի զօրքը, և սկսեց յամառ ու տևողական կռիւր երկու կողմերից:

Այդ ժամանակ Խանլուխլար էին գտնուում գաւառապետի օգնականը և մասի պրիստաւը, որոնց ներկայութիւնը կարծէք ոչ մի նշանակութիւն չունեցաւ խուժանի համար: Պաշարումը և կռուիւր շարունակեց մայիսի 31-ի ամբողջ օրը, վերսկսեց նաև յունիսի 1-ին. զօրքի փամփոռուտը, սստում են, սպառեց և նա կռիւր թողած, անցաւ գիւղի դպրոցի մօտ խմբւած կանանց և երեխաների բազմութիւնը պաշտպանելու: Գաւառապետի օգնականը քաշեց մտաւ մի տուն և չէր ուզում այնտեղից դուրս գալ: Խուժանին դիմադրելու համար դիրքերում ֆնացին միմիայն հայերը:

Այդ պայմաններում էլ կռիւր դեռ երկար շարունակեց, մինչև որ նոր զօրքեր հասան և խուժանին հալածեցին մեծ կորուստներով: Մինչև այդ Նախիջևանից եկաւ նաև Ալիխանովը—թուրքական բարբարոսութիւնները ճնշելու համար Թիֆլիսից ուղարկւած այդ գեներալը:

Անցաւ մի օր, երկու օր, Քէշտաղից, Դաշարիսից, Ալաքլուից և Վարմազիարից բարձրացող ծուխը դադարեց. այդ գիւղերը դարձան անմարդաբնակ ու աւերակ. թուրք խուժանը քաշեց, հանդարտեց. այդ խուժանից կողոպտւած իրերով բանդարկւած 98 մարդիկ, որոնց թւում նաև խուժանին առաջնորդող դրօշակակիր մօլլան, ազատ արձակեցին և որպէս ոչինչ չևղած, գեներալ Ալիխանովը վերադարձաւ Նախիջևան:

Նա իր պարտականութիւնը կատարել, վերջացրել էր . . .

---

Ճիշտ է, այդ գիւղերի աւերման և Խանլուխլարի պաշարման ժամանակ հայ ժողովուրդը ունեցաւ ընդամենը մի քանի սպանւածներ, բայց նա զոհեր տւեց յետոյ:

4000 ժողովուրդը անկարող լինելով դուրս գալ Խանլուխլարից, երեք ամիս շարունակ ապրեց այդ գիւղում սոսկալի նեղութիւնների մէջ: Նա կերակրւում էր լոկ հացով, նա պարկում էր մերկ յատակների և բացօդեայ տանիքների վրա. սարսափելի նեղածքը առաջ բերեց գիւղում գարշահոտութիւն, և այդ տարադիր ժողովրդի մէջ բուն դրին տարափոխիկ հիւանդութիւնները, տանելով բազմաթիւ զոհեր—մանաւանդ մանուկ սերնդից:

Յուլիս ամսին շրջագայող սանիտարական խումբը, որին

միացած էինք և մենք, չը գտաւ և ոչ մի մանուկ, որ առողջ լինէր. նրանք բոլորը տառապում էին այս կամ այն հիւանդութիւնից:

Սրանից աւելի վատթար դրութեան մէջ գտնուում էր Ուլիանորաշէնի ժողովուրդը, որը դեռ ևս ապրում էր Օղլան-Ղալա բլրի կրճքին կաած՝ կապերտներից, ջէջիմներից շինած հովանիների տակ:


Շարուրի հայ ժողովրդի տառապանքը սրանով չը վերջացաւ. շարաթներ շարունակ նա անկարող լինելով ազատօրէն դաշտ դուրս գալ, անջուր և անինամ մնալուց ահագին ֆլամաներ կրեցին նրա այգիները, հացահատիկների, բամբակի և բրնձի ցանքերը և աստիճանաբար ցամաքեցին նրա ձմրան ապրուստի միջոցները:

Աւելի վատթար էր Քէշտազի ժողովրդի դրութիւնը, որը հրաժարելով այլ ևս գիւղ վերադառնալ, ձգեց երեսի վրա ամեն ինչ—և արտ, և այգի, և գերադասեց ապրել այս և այն գիւղում, սրա և նրա դրանը: Իր սեփական տնտեսութիւն ունեցող գիւղացին վերադասուում էր այժմ մշակութեան օրավարձը:

Ահա թէ կեանքի որպիսի անապահովութիւն ստեղծել էր հայ գիւղացու համար:

Այս եօթը գիւղերից սպանւել էին 11 մարդ: Դրանք էին. Խանլուխլարից՝ Սարգիս Յակոբեանը, 55 տար., Ալաքլուից՝ Լևոն Խաչատրեանը, 13 տար., Քէշտազից՝ Մովսէս Խուրոսեանը, 70 տար., Դաշարխից՝ Յովհաննէս Մէլիք Առաքելեանը, 25 տար., Մեսրոպ Բաղդասարեանը, 30 տար., Վարմազիարից՝ Առաքել Մահտ. Ստեփանեանը, 20 տար., Իսրայէլ Մնացականեանը, 27 տար., Գէորգ Յակովբեանը, 25 տար., Կարապետ Ենօքեանը, 42 տար., վերջին վեցը սպանւեցին Ախուրի թուրք գիւղի մօտ, Խաչիկ գիւղից վերադառնալիս, ուր փախել էին յարձակումների ժամանակ:

Բացի այս, Վարմազիարից սպանւել էին այդ դէպքերից դեռ ևս առաջ Ղազար Ղազարեանը, 25 տար. և Սմբատ Յակովբեանը, 25 տարեկան:





# ԸՆԴՀԱՐՈՒՄՆԵՐԸ ԴԱՐԱԼԱԳԵԱԶԻ ԳԱԽԱ- ՌԱՄԱՍՈՒՄ

ՄԱՅԻՍ — ՅՈՒՆԻՍ 1905 թ.

Շարուր-Դարալագեագի 163 գիւղերից 109-ը գտնուում են Դարալագեագի գաւառամասում, որից, ինչպէս վերը տեսանք, 25-ը հայաբնակ են: Դարալագեագ գաւառամասի ամբողջ երկարութեամբ ձգւում է Արփաչայ գետը, երկու կողմերից ընդունելով բազմաթիւ մանր ու մեծ գետակներ: Աջ կողմից գալիս խառնըւում են ի միջի այլոց Հերհեր, Մալիշկա, Ալագեօզ և Ելփին, իսկ ձախ կողմից՝ Մարտիրոս, Ազադէք և Կնիշիկ գետակները:

Արփաչայ գետի վերին հոսանքի և նրա յիշեալ ճիւղերի լեռնահովիտներում ընկած են հայաբնակ գիւղերը այս կարգով:

Արփաչայի բուն հոսանքի վրա, վերից սկսած՝ Ղուշշի-Բիլակ, Գնդեվազ, Այար և Արփա գիւղերը:

Աջ կողմից խառնուող գետակների վրա՝ Հերհերը, Դայլախլուն, Մալիշկան, Բաշքէնդը, Օրթաքէնդը, Քէշիշքէնդը, Քարագլուխը, Թառաթումբը, Էրդափինը, Հասանքէնդը, Ղոյթուլը, Այնազուրը, Ռինդը, Ելփինը:

Իսկ ձախ կողմից խառնուող գետակների վրա՝ Մարտիրոսը, Փաշալուն, Փոռը, Ազադէքը, Ենգիջան, Կնիշիկը և Սաչիկը:

Հայ գիւղերը, փոքր բացառութեամբ, ընկած են միմեանցից բաւական հեռու և շրջապատւած բազմաթիւ թուրք գիւղերով: Բացի այդ, ամառները Դարալագեագի լեռները չւում-գալիս են Արաքսի ափերից քրդեր, Շարուրի և Սաղարակի տափարակից՝ թուրքեր և Զիբրայիլի հարթութիւններից՝ այլ և այլ ցեղեր: Այդպիսի եայլադատելիներ հիւսիսային մասում յայտնի է Այրիջան, իսկ հարաւային մասում՝ Եագիւրդը:

Ահա այն պայմանները, որոնց մէջ գտնւելով այդ շրջանի

հայ ազգաբնակութիւնը, անխուսափելի կերպով կանգնած էր ընդհարումների առաջ:

Ընդհարումները սկսեցին հարաւային սահմաններից անմիջական շփման մէջ լինելով Նախիջևանի գաւառի հետ, ուր բռնկեցին խռովութիւնները:

Այդ խռովութիւնների հետ միաժամանակ, այն է 12-ից մինչև 20-ը մայիսի, խլրտումներ ծագեցին Դարալագեազի բոլոր մասերում: Տեղական թուրք տարրերը, միացած թափառական ցեղերի հետ, մի շարք յարձակումներ գործեցին հայաբնակ գիւղերի վրա:

Մարտիրոս գիւղը, որը ընկած է Նախիջևանի սահմանին բաւական մօտ, կարողացաւ յետ մղել յարձակումը, թէև արօտատեղիներից թուրքերը յաջողեցրին քշել աւելի քան 300 ոչխար:

Յարձակման ենթարկեց նաև Փաշալուն. այդ գիւղն էլ պաշտպանեց և յարձակումը յետ մղեց. բայց նոյնպէս ունեցաւ կենդանիների կորուստ, ինչպէս և Մարտիրոսը:

Գնդեվազը և Հերհերը ամբողջ Դարալագեազում միակ թուրքախառն գիւղերն են:

Իրանցից առաջինի, այն է Գնդեվազի հայերը կողոպտեցին շատ հապճեպ կերպով: Համագիւղացի քիւրանները, որոնք փորձում էին դրսից եկող կողոպտիչների առաջն առնել, ոչ պակաս չափով կողոպտեցին և իրենք: Նրանց դիմադրութեան նպատակը յայտնի դարձաւ. նրանք արգելում էին դրսեցիներին, որպէս զի ամբողջ կողոպուտը իրենց մնայ: Եւ այդպէս խնամակալւած՝ Գնդեվազի հայը փառաւոր կերպով կողոպտեց, միևնոյն ժամանակ տալով 2 մարդկային զոհեր:

Հերհերը մի փոքր այլ վիճակ ունեցաւ: Այդտեղ թուրքերը այնքան էլ չէին շտապում կողոպտել հայերին, նրանց ունեցածը համարելով իրենց արդար բաժինը, մինչև որ Դարալագեազում կազմակերպեց ինքնասպաշտպանութեան խումբ, որից յետոյ Հերհերի թուրքերը ստիպւած էին մեղալականներով շահել բաւական անախորժութիւններ ճաշակած համագիւղացի հայերի սիրտը:

Դայլախլու փոքրիկ գիւղի ժողովուրդը փախաւ Փոռ. դատարկ մնացած տները հրդեհեցին և աւերեցին:

Առանձնապէս ծանր դրութիւն ստեղծեց Էրզրափին, Քարազլուխ և Թառաթումբ գիւղերի համար: Մի կողմից անհանգիստ

Հօրսը իր շրջակայ թուրք գիւղերով, միւս կողմից Այրիջան իր թափառական ցեղերով, այդ գիւղերը հրկար ժամանակ պահում էին պաշարւած դրութեան մէջ: Հայ գիւղացիին թողած իր դաշտային աշխատանքները, իր տուն ու տեղը, իր տնտեսութիւնը, գէնքը ձեռքին դիրքեր գրաւած գիշեր ցերեկ հսկում էր գիւղերի սահմանների վրա և տոկուն կռիւներով յետ մղում պարբերական յարձակումները:

Ձը նայած այդ բոլորին, թուրքերը, այնուամենայնիւ, կարողացան քշել թառաթումբի 1000 զլխից աւելի ոչխարը:

Յարձակման ենթարկւեց նաև Ղոյթուլը, որտեղից թուրքերը քշեցին 500-ից աւելի ոչխար, բայց հայերը հալածեցին նրանց և կարողացան ոչխարների մեծ մասը յետ բերել:

Յուզմունքները աւելի մեծ չափով տեղական թուրք տարրերի և թափառական ցեղերի մէջ տեղի ունեցան մայիսի վերջերին Շարուրի հայ գիւղերի աւերման հետ միաժամանակ: Ամբողջ շրջանի հայ ժողովուրդը սարսափի մէջ ընկաւ. դրութիւնը ստիպեց նրան համախմբել եղած ուժերը մի հրկու դաշնակցական փորձառու մարդկանց ղեկավարութեան տակ և ինքնապաշտպանութեան մի սուար խումբ յուզմունքների այդ ծանր օրերին ասպարէզ եկաւ պաշտպանելու փոքրաթիւ հայ ժողովրդին սպառնացող վտանգից:

Ուրտունքների առաջին վայր նորից հանդիսացաւ Մարտիրոս գիւղը իր սահմաններով. այս անգամ էլ ղեկավարի դեր կատարում էր Նախիջևանի գաւառի Իթղուան գիւղը, այն Իթղուանը, որը, ինչպէս տեսանք Նախիջևանի ղէպքերը նկարագրելիս, գլուխ անցած մի շարք թուրք գիւղերի խուժանին, կողոպտել էր Օղբինի և Աղխաչի հայերին՝ փախցնելով նրանց Հօրադիզ, կողոպտել և աւերել էր Սէսը և Սուլթան-բէկը, ժողովրդին հալածելով մինչև Մարտիրոս, որից յետոյ մի յարձակում էլ գործել էր Մարտիրոսի և Փաշայուլի վրա:

Ահա այդ նոյն անհանգիստ գիւղը նորից համախմբեց իր շուրջը անհանգիստ տարրերը հայ գիւղերի վրա յարձակում գործելու նպատակով: Առանձնապէս վտանգաւոր դրութիւն ստեղծւեց սահմանին մօտ եղող Նախիջևանի գաւառի Ալմայու գիւղի

համար, որը բաւական երկար ժամանակ կարողացել էր քաջաբար պաշտպանւել:

Մինչդեռ մայիսի 30-ին Իթղոանը պատրաստուում էր յարձակում գործել հայ գիւղերի վրա, ինքը պաշարւեց չորս կողմից հայերով:

Ահագին աւերումների պատճառ եղող և անհանգիստ Իթղոանը նոյնպէս աւերւեց. մի օրւայ յամառ կուից յետոյ ժողովուրդը փախաւ բազմաթիւ գոհեր տալով, գիւղը ամբողջովին կողոպտւեց, թուրքերի տներից դուրս բերւեցին հայերից տարած ահագին քանակութեամբ իրեր:

Սխրագործութիւնների սիրահար Իթղոանը ընկաւ, ընկաւ սխրագործութիւններով:

Մինչդեռ կեանքի և գոյքի անապահով իրականութիւնը ստիպում էր Դարալագեազի մի բուն հայ ժողովրդին աւերել Իթղոանը, այդ վտանգաւոր կենտրոնը անվտանգ դարձնելու համար, մի այլ տեղ թուրքերը շարունակում էին կողոպտւան ու աւերը:

Այսրը, նկատելով կասկածաւոր շարժումներ Ղուրդղուլաղ, Ղուրբանքեասըլան և Չաթմա գիւղերում, փախաւ Մալիշկա, որից յետոյ գիւղում մնացած իրերը կողոպտւեցին:

Ելփինը գոհ գնաց մի մեծ խաբեբայութեան: Յունիսի 2-ին Չիվա գիւղի մի քանի պատաւոր թուրքեր համերաշխութեան առիթով խորհրդակցութիւն էին կատարում հայերի հետ, երբ գիւղը թափւեցին դարան մտած մի քանի հարիւր թուրքեր: Անակընկալի եկած հայերը գլուխները կորցրին. գիւղը ենթարկւեց սոսկալի կողոպուտի. թուրքերը տարան այն ամենը, ինչ որ կարելի էր՝ սկսած ջուլ ու փալասից մինչև վերջին կարասին: Տարան նաև գիւղի բոլոր կենդանիները, այն է՝ 700-ի չափ ոչխար, 450-ի չափ տաւար և 80-ի չափ ձի ու ջորի:

Ելփինում սպանւեցին երեք հոգի, այն է՝ Թէոս Տէր Յարութիւնեանը, Մնացական և Յովհաննէս Եղիեանները, որոնց մասին պատմում են, չուզելով թոյլ տալ գիւղի կողոպուտը, ընկան գէնքը ձեռքերին, մի քանի թուրքեր սպանելուց յետոյ:

Ապա յունիսի 8-ից սկսած մինչև 15-ը Մարտիրոսի վրա տեղի ունեցան մի շարք յարձակումներ, կազմակերպւած—ինչպէս տեղացի թուրքերից, այնպէս էլ եկւոր թափառականներից:

Ականատեսների վկայութեամբ յունիսի 8-ի յարձակմանը

մասնակցում էին 2000-ից աւելի կուռղ մարդիկ, որոնց դէմ զինւած հայերի հետ միասին դուրս եկաւ պրիստաւը 50 կօզակներով և ստրաժնիկներով: Մարտիրոսի հետ միաժամանակ յարձակումների ենթարկեց նաև Փաշալուն, բայց ինչպէս Մարտիրոսը, այնպէս էլ նա, կարողացան բոլոր յարձակումները յետ մղել, ունենալով միմիայն տաւարների և ոչխարների կողոպուտներ:

Այդ մի շարք անյաջող յարձակումներից յետոյ, որի ժամանակ թուրքերը անագին թւով մարդկային զոհեր էին տւել, Մարտիրոսի շրջանը խաղաղեց:

Բայց էրզրափինի, Քարազլիսի և Թառաթումբի շրջանը չը խաղաղեց:

Այրիջայի քրդերը մի կողմից, Հօրսը իր շրջակայ թուրք գիւղերով միւս կողմից, երկար ժամանակ այդ երեք գիւղերը սարսափի տակ էին պահում, մինչև որ հայերը մի փոքր ուժ կենտրոնացնելով յուլիսի 5-ին և 10-ին, Այրիջայում երկու ուժեղ ընդհարումներ ունենալով քրդերի հետ, ստիպեցին նրանց իրենց իւրդերը փոխել:

Այրիջայի այդ երկու ընդհարումները, որի ժամանակ քըրդերը բաւական զոհեր էին տւել, թուրքերի վրա թողին զսպիչ ազդեցութիւն:

Դարալագեագը խաղաղեց, մանաւանդ թուրք, քիւրդ և այլ թափառական ցեղերի սարերը թողնելուց յետոյ: Հայը առ ժամանակ հանգստութիւն գտաւ, բայց նա մոռանալ չը կարողացաւ Հօրսը, այն Հօրսը, որը անագին դեր էր խաղացել հայ գիւղերի վրա եղած յարձակումների և կողոպուտների մէջ:

Հոկտեմբերի 27-ին հայերի մի մեծ խումբ յարձակեց Հօրսի վրա: Թուրքերը մի փոքր դիմադրելուց յետոյ փախան՝ 40-ից աւելի զոհեր տալով. գիւղը ենթարկեց կողոպուտի, հրդեհի և աւերման. հայերը վարեցցին այդ գիւղի հետ թուրք խուժանին յատուկ եղանակով:

Հօրսը աւերեց, բայց այդ Դարալագեագի հայերին էժան չը նստեց: Մի շաբաթւայ մէջ ադմինիստրացիան բանդ ուղարկեց մի շարք հայերի. բացի այդ, 6—7 հայ գիւղերից բռնի կերպով դուրս քաշեց անագին թւով կենդանիներ և Բաշնորաշէն տանելով կէս, նոյն իսկ քառորդ գնով վաճառեց և դրամները առատօրէն բաժանեց Հօրսի թուրք ժողովրդին:

Այսպէս էլ պիտի լինէր, յանցաւորները պիտի պատժէին, աւերողները պիտի տուժէին յօգուտ աւերւածների. սակայն հայերին տանջում էր ադմինիստրացիայի այն երկդիմի և խայտառակ վերաբերմունքը, որ նա նոյն կերպ չէր վարւում թուրքերի հետ, երբ վերջինները կողոպտում էին հայ գիւղերը: Այդ նոյն ադմինիստրացիան ականատես էր եղել Գնդեվազի, Այարի և Ելփինի աւերումներին և լուռ մնացել. նա լուռ մնաց նոյն իսկ այն դէպքում, երբ Հօրսի աւերումից բաւական անց, նոյեմբերի 12-ին, թուրքերը յարձակւեցին և քշեցին Այարի 62 տաւարը:

Ահա, ադմինիստրացիայի այս խայտառակ տակտիկան աւելի ևս խրախուսում էր թուրք տգէտ մասսային դէպի կողոպուտները:

Դարալագեազի դէպքերի թոււմ չը պիտի մոռանալ մի անուն ևս. այդ Սաչիկ գիւղն է, ընկած միախնակ դէպի Շարուրի դաշտը, որը թէև մասսայական յարձակումներից ազատ մնաց, բայց բաւականաչափ զոհեր ունեցաւ այս և այն տեղում:

Այսպիսի զոհերի 9 անուններ միայն մեզ յայտնի են. դրանցից երկուսը—Մկրտիչ Թադէոսեանը և Թորոս Պետրոսեանը—սպանւեցին Եայիջի թուրք գիւղում, իսկ 7-ը, այն է՝ Աղաբաբ Աղաբաբեանը, Միքայէլ Պետրոսեանը, Սաչատուր Մատթէոսեանը, Մամբրէ Սիմօնեանը, Սմբատ Անդրէասեանը, Գալուստ Մանուկեանը և Չահրեցի Ստեփան Մարգարեանը սպանւեցին Ենգիջա գիւղում յունվարի 4-ին, երկաթուղու գնացքին սպասելու ժամանակ:



**ՇԱՐՈՒՐ-ԴԱՐԱԼԱԳԵԱԶԻ ԱԻԵՐԻԱԾ ԳԻՒՂԵՐԻ ՑՈՒՑԱԿԸ, ԱՌԱՋ**

№ №	Գ Ր Ի Ի Ղ Ե Ր	Տուն թուրք	Տուն հայ	Հայ բնա- կիչներ	Յարձակումը եղել է 1905թ.		Սպանուած
					Մայիս	Ցուն.	
1	Քանդուխլար .	—	180	1050	31	1-2	1
2	Վարմազիար .	—	170	1045	31	—	6
3	Ալաքլու .	—	120	760	31	—	1
4	Քէշտազ .	45	71	350	31	—	1
5	Դաշարխ .	—	32	210	31	—	2
6	Թագազիւղ .	—	33	130	31	—	—
7	Փարչի .	56	20	110	31	—	—
8	Ուլիանորաշէն .	—	220	1260	30-31	—	4
9	Գնդեվազ .	20	67	727	12	—	2
10	Այար .	—	45	317	—	—	—
11	Ելփին 5) 6) 7)	—	110	785	—	—	3

1) Ցորենի ցանքերը չը չըւելու պատճառով կորցրել են բերքի բա-

2) Մի գեսիատին տեղը տալիս է 300 փ. չալթուկ (չը մաքրած բրինձ):

3) Մի գեսիատին տեղը տալիս է 30 փ. մաքուր բամբակ:

4) Մի գեսիատին տեղը տալիս է 500 խուրձ եօնջա:

5) Առաջ բերած այս ցուցակը լրիւ չէ:

6) Շարուր-Դարալագեազի գաւառում միմիայն մի թուրքաբնակ գիւղ է

7) Պաշտօնական տեղեկութիւնների հիման վրա Շարուր-Դարալագեազիւղացիների ներկայացրած ցուցակների, հասնում է 867,210 ր., իսկ յանձ-

ԲԵՐԱԾ ՆԱԵՒ ԴԱՇՏԱՅԻՆ ԿՈՐՈՒՍՏՆԵՐԸ ՄԵՐ ՏԵՂԵԿԱԳՐԻՑ									
Վերաբերող	Տուն թվան.	Տուն այրուծ	Ք շ լ ա ծ ե ն			Դաշտային կորուստ դե- սիատինի հաշվով			
			Տաւար	Ոչխար	Չի	Ցորեն 1)	Չալ- թուկ 2)	Բամ- բակ 3)	Եօնջա 4)
—	—	1	—	—	1	100	—	20	16
1	170	52	9	—	1	50	—	30	4
—	120	28	30	—	—	50	5	40	4
—	71	2	3	—	—	30	—	16	1
—	32	3	—	—	—	30	—	30	10
—	—	—	—	—	—	20	10	30	4
—	—	2	—	—	—	5	3	2	—
5	220	220	550	30	2	20	60	30	8
—	—	—	—	—	—	—	—	—	—
—	—	—	62	—	—	—	—	—	—
—	110	—	450	700	80	—	—	—	—

որդ, յանախ կէս մասը:

աւերել, այդ 100 տուն ունեցող չօրսն է:

զի գաւառի կրած գոյքային քանակը, համաձայն կողողաւած նաժողովի ցուցակով 420,358 բ.:



# ԸՆՀԱՐՈՒՄՆԵՐԸ ԵՐԵՒԱՆԻ ԳԱՒԱՌՈՒՄ

ՄԱՅԻՍ—ՅՈՒՆԻՍ 1905 թ.

Երևանի գաւառը ընկած է Սուրմալուի, Էջմիածնի, Նոր-Բայազէտի և Շարուր-Դարալագեազի գաւառների կենտրոնում և ներկայացնում է նահանգի սիրտը, եթէ հաշի չառնենք նրա հարաւարմտեան Պարսից սահմանագիծ կազմող մի փոքր մասը:

Գաւառի հիւսիսային մասը լեռնոտ է, լեռնոտ է նոյնպէս և արևելեանը, ձգւելով մինչև Աղմաղանի և Դաւաբոյինի լեռնաշղթաները, իսկ արևմտեան և հարաւային մասերը դաշտային են, որոնք մի երկար գծով տարածւում են Արաքսի ափերի ուղղութեամբ: Դաշտային մասերը ունեն խիստ տաք կլիմայ և այն տեղերը, որոնք ոռոգւում են, արտադրում են թանկագին բոյսեր, այն է՝ բամբակ, բրինձ, խաղող և պտուղներ:

Երևանի գաւառը ոռոգւում է չորս գետերով, դրանք են՝ Հրազդանը, Գառնի, Վէդի և Զանախչի գետերը, որոնք բազմաձիւղ տարածւելով դաշտավայրը, թափւում են Արաքսի մէջ:

Երևանի գաւառի ազգաբնակչութեան ընդհանուր թիւն է, հետը հաշւած նաև քաղաքը, 152 հազար, որից հայերը՝ 58 հազար, թուրքերը՝ 87 հազար և զանազան ազգեր՝ 7 հազար: Հայերը կազմում են ազգաբնակչութեան 38<sup>0</sup> օ-ը:

Գաւառի 221 գիւղերից 70-ը միայն հայաբնակ են, մի քանի տեղերում ընկած թուրք գիւղերի հետ խառը. բացի այդ, յիշեալ 70 գիւղերից աւելի քան 15-ը թուրքախառն են:

Երկու ժողովուրդների թւական և շփման այսպիսի պայմաններում բնական պէտք էր համարել ընդհարումները այն օրից, երբ Նախիջևանի բարբարոսութիւններից յետոյ քաղաքը երկրորդ անգամ խռովութիւնների բեմ հանդիսացաւ:

Եւ ընդհարումները Երևանի մայիսեան դէպքերից յետոյ ար-  
ձագանք գտան նաև գաւառում:

Երևանից դէպի արևելք ընկած են մի շարք հայաբնակ և  
թուրքաբնակ գիւղեր: Մայիսի 23-ին քաղաքում տեղի ունեցած  
ընդհարումը յուզմունք առաջ բերեց այս շրջանում: Այս յուզմուն-  
քից վախեցած տասը տունն ընակիչ ունեցող Ղարաչի-Բուլաղ գիւղի  
հայերը ստիպւած էին տեղափոխել Շօռ-Բուլաղ հայ գիւղը:

Մայիսի 24-ին քաղաքում կրկնող ընդհարումների պատճա-  
ռով այդ շրջանի թուրքերը, նաև սար դուրս եկած քրդերը, հայ  
գիւղերի միջով ձգւող ճանապարհը թողնելով, խումբ-խումբ դիմե-  
ցին քաղաք մի շրջապտոյտ գծով, որի վրա ընկած էր Շօռ-Բու-  
լաղը:

Մայիսի 25-ին Շօռ-Բուլաղ տեղափոխուած դարաչի-բուլաղցի  
հայերը ստիպւած եղան այդտեղից քոչել Զրվէզ: Քոչեցին նաև  
Շօռ-Բուլաղի հայերը, թւով 20 տուն, տեսնելով սպառնացող վը-  
տանգը. բայց տնային գոյքերը տեղափոխելու ժամանակ քաղաքից  
վերադարձող մի խումբ քրդերի և թուրքերի ձեռքով սպանւեց  
աւդալլարցի Յարութիւնը, որի սայլի վրա եղած իրերը կողոպ-  
տելուց և եզները քշելուց յետոյ, կողոպտիչները անցան Շօռ-Բու-  
լաղ և հրացանաձգութեան բռնւեցին այդտեղ եղող հայերի հետ:  
Վերջինները ստիպւած եղան շատ իրեր թաղել գետնի տակ և  
շտապով հեռանալ գիւղից:

Այդ միջնադէպի վրա քոչեցին հայ գիւղերի սահմաններում  
ընկած երկու թուրք գիւղերի, այն է Քիւզաջիի և Քիւլլուջայի  
ժողովուրդները:

Այս բոլորը տեղի ունէր Մայիսի 25-ին:

Այդ նոյն օրւայ գիշերը թուրքերը ճրագներով մտան Շօռ-  
Բուլաղ և պահւած տեղերից հանելով թագցրած իրերը, կրեցին  
տարան:

Իսկ մայիսի 26-ին հայերը յարձակւեցին Մանգիւս թուրք  
գիւղի վրա, ուր խմբուած բաւական թուրքեր և քրդեր՝ սպառ-  
նական դիրք էին բռնել դէպի Թէջրաբակ հայ գիւղը:

Մանգիւսի շուրջը տեղի ունեցաւ տաք կռիւ. թուրքերը ան-  
կարող լինելով դիմադրել հայերին, փախան գիւղից՝ 4 թէ 5 գոհեր  
տալով. զոհեր ունեցան նաև հայերը—մէկ սպանւած և 2 վիրաւոր:

Թուրքերի փախչելուց յետոյ Մանգիւսը ենթարկւեց կողոպուտի:

Մանգիւսի ընդհարումից յետոյ դրուժիւնը աւելի ևս լարւեց: Դամագիրմագ, Թուրիա և Քեամալ գիւղերից քոչեցին թուրքերը, իսկ Բէզակլու և Զառ գիւղերից քոչեցին հայերը: Այդ երեք թուրք գիւղերում մնացած գոյքը կողոպուեց հայերի ձեռքով, իսկ Քեամալից քչեցին նաև 200-ի չափ ոչխար:

Նախիջևանի թուրքական բարբարոսութիւնները ունեցան կրթիչ ազդեցութիւն. կողոպուտի նողկալի երևոյթը եկաւ նւիրագործելու նաև հայ գիւղացին, բարքերը ընդունեցին այլանդակ կերպարանք:

Այսպիսով երկու կողմերից աւելի քան տասն գիւղեր բաւական ժամանակ դարձան աւերակ և անմարդաբնակ, իսկ դաշտերը ոտի տակ գնացին:

Ընդհարումներ տեղի ունեցան նաև Գառնի գետի հովտում:

Երևանից 25 վերստ դէպի հարաւ Գառնի կամ Ազատ գետի ստորին հովտում ընկած են միմեանց կից բազմաթիւ գիւղեր, մեծ մասամբ հայաբնակ, իսկ մի քանիսը թուրքախառն: Դրանցից ամենամեծ և հարուստ գիւղը Ղամարլուն է—400 տուն հայ և 150 տուն թուրք բնակիչներով: Ղամարլուն ունի բաւական բանուկ շուկայ, գլխաւորապէս հայ առևտրականներով. այստեղ լինում է մասի պրիստաւը և սահմանապահ գունդը:

Ղամարլուից դէպի արևելք գտնուում է Մասումլու թուրքաբնակ գիւղը, դէպի հարաւ՝ Իւվա և Դարդալու հայաբնակ գիւղերը, որոնցից յետոյ գալիս է Վէդի գետի հովիտը՝ բազմաթիւ թուրք գիւղերով. իսկ դէպի արևմուտք՝ Նովրուզլու հայաբնակ գիւղը, որը թուրքերով և քրդերով բնակւած Մասիսի ստորոտներից բաժանուում է Արաքսով:

Այս պայմանների մէջ միանգամայն հասկանալի էր դառնում այն անձնավստահութիւնը, որ նկատուում էր Ղամարլուի թուրք խոովարար տարրերի մէջ ընդհարումների ժամանակ:

Եւ դրան էլ պիտի վերագրել այն տարօրինակ երևոյթը, որ համեմատաբար փոքրաթիւ թուրք ժողովուրդը սարսափի տակ էր պահում բազմահայ այդ շրջանը:

Դեռ ևս Երևանի փետրվարեան դէպքերի ժամանակ Ղամար-

լուի հայերը երկիւղի մէջ ընկան, իսկ Նախիջևանի կոտորածի միջոցին այդ երկիւղը կրկնապատկւեց:

Մայիսի 23-ին, երբ քաղաքում տեղի ունեցաւ թուրքերի յանկարծակի յարձակումը հայերի վրա՝ տանելով երկու տասնեակ զոհեր, Ղամարլուում թուրքերի մէջ այնպիսի բացայայտ շարժում նկատուեց, որ հայերից մի քանիսը ստիպւած եղան խանութներում եղած ապրանքները տեղափոխել իրենց տները. նոյն կերպ վարւեցին նաև մի քանի թուրքեր: Շուկան դատարկուեց. երկու ժողովուրդներ կենտրոնացան իրենց թաղերում: Չը նայած այն բանին, որ երկու օր շարունակ այդ երկու ժողովուրդների մէջ շփումն չը կար, բայց և այնպէս մայիսի 26-ին սկսեց ուժեղ հրացանաձգութիւն երկու կողմերից: Հրացանաձգութեան առիթ ծառայեց այն, որ մի թուրք գնդակ արձակեց մի 17 տարեկան հայ տղայի վրա:

Հրացանաձգութիւնը երկու կողմերի դիրքերից շարունակուեց ամբողջ օրը և գիշերը, բայց քիչ զոհերով:

Մայիսի 27-ին յայտարարուեց զինւորական դրութիւն, շնորհիւ որի հրացանաձգութիւնը դադարեց:

Մայիսի 28-ին Սուրմալուի գաւառից և Պարսկաստանից բաւականաչափ թուրքեր Արաքսն անցնելով՝ յարձակուեցին Նովրուզլու գիւղի վրա: Ղամարլուից օգնութեան գնացին մի քանի զինւած հայեր, նաև սահմանապահ զինւորների խումբը: Թուրքերը փախուստի դիմեցին, տանելով գիւղի դաշտում եղած 20-ի չափ տաւարը: Այդ ընդհարման ժամանակ սպանուեցին թուրքերից 3 մարդ, իսկ հայերից՝ 2-ը—այն է՝ մի երիտասարդ Լևոն Յովհաննիսեան անունով և մի նախըջի:

Նոյն օրը թուրքերի մի մեծ բազմութիւն, խմբւած Բէլիք-Վէդիից և նրա շրջակայ գիւղերից, յարձակում գործեց Դարղալու գիւղի վրա: Հայերը հագիւ կարողացան իրենց ձգել Իւվա. Ղամարլուից և միւս հայ գիւղերից օգնութեան հասան հայերը այն ժամանակ, երբ գիւղը արդէն կողոպտուում էր: Մի ժամի չափ տևող հրացանաձգութիւնից յետոյ թուրքերը փախան աւելի քան 10 զոհերով, որից յետոյ հայերը փոխադարձաբար յարձակուեցին արդէն դատարկւած Մասուլու գիւղի վրա և տները կողոպտեցին հիմնովին:

Այս դէպքերի միջոցին թուրքախառն գիւղերից շատ թուրք

ընտանիքներ քոչեցին, իրենց հետ տանելով տնային գոյքը և վերադարձան շրջանը խաղաղւելուց յետոյ:

Հայ գիւղերի մի խումբ ընկած է գաւառի հարաւարեւելեան մասում՝ շրջապատւած բազմաթիւ թուրքաբնակ գիւղերով: Իրանք են. Վէդի գետի հովտում՝ Ռէհանլուն—60 տուն, Դաւալուն—400 տուն. Շերեմետեվի «Արագդայեան» կոչւող կալւածքում՝ Խուտօր, Սպահան և Սմօ նոր հիմնւած փոքրիկ գիւղերը, իսկ Վէդի ու Չանախչի գետերի վերին լեռնահովիտներում՝ Ղարախաչը—60 տ., կէսը թուրք, Չէնջրլուն—130 տ., Բիրալուն—45 տ., Քէշիշվէրանը—30 տ., Ղաշխան—40 տ. և Ներքին Չանախչին—90 տուն:

Այս շրջանում հայերին թուրքերի անխուսափելի յարձակումներից պաշտպանելու համար Ղարախաչ ուղարկեց բաւակահաչափ զօրք, բայց զօրքի ներկայութիւնն էլ չօգնեց այդ շրջանին:

Մայիսի վերջերին և յունիսի սկզբներին տեղի ունեցան մի արք յարձակումներ այս և այն գիւղերի սահմանների վրա ոչխարի հօտեր ու նախիրներ քշելու նպատակով: Այսպէս, թուրքերը քշեցին Ղարախաչի հայերի սուրուն. քշեցին նաև Քէշիշվէրանի սուրուն—450 գլխից բաղկացած: Իսկ յունիսի 6-ին բաւակահաչափ թուրքեր յարձակեցին և քշեցին Բիրալուն գիւղի ամբողջ նախիրը: Հաւարի դուրս եկած շրջակայ գիւղերի հայերը և զօրքը ոչ միայն նախիրը յետ բերին, այլ և թուրքերին հալածելով մինչև Շէյթան-Դարասի կոչւող ձորը, նրանց մի ջարդ տւին: Այդ ձորում թուրքերը թողին 42 դիակ: Չոհեր ունեցան նաև հայերը, բայց շատ քիչ, ընդամենը 2-ը:

Ահա այս կտրուկ միջոցը բաւակահաչափ զսպող ազդեցութիւն թողեց շրջակայ թուրք ազգաբնակչութեան վրա:

Չը նայած այս բոլորին, Ռէհանլուն, Խուտօր, Սմօ և Սպահան գիւղերի հայերը անհնարին գտնելով ապրել իրենց գիւղերում, քոչեցին Դաւալուն, երեսի վրա թողնելով իրենց դաշտերը, մինչև որ շրջանը խաղաղւեց:

Յուզմունքներ առանձնապէս նկատելի դարձան Ուլուխանլու թուրք գիւղում:

Ուլուխանլուն Երևանի գաւառի ամենամեծ գիւղն է, աւելի քան 500 տուն բնակիչներով, ընկած Երևանից 15 վերստ դէպի

հարաւ երկաթուղու գծի վրա (առաջին կայարանը) իր անհանգիստ բարձրով:

Շնորհիւ այդ գիւղի՝ հայերի երթեկուծիւնը երկաթուղով մի ժամանակ դարձաւ վտանգաւոր և նոյն իսկ անհնարին: Թուրքերը մտնում էին գնացքների մէջ և հայ ճամբորդներին ենթարկում խուզարկութեան. իսկ յունիսի կիսին ճամբորդներից մի քանիսը նոյն իսկ կողոպտեցին, որից յետոյ Ուլուխանլու կայարանը առնւեց պահակ զինւորների հսկողութեան տակ:

Իրանից յետոյ Ուլուխանլուն առիթներ էր փնտռում ընդհարել դրացի Նորագիւղի հայերի հետ: Յունիսի 22-ին այդ երկու գիւղերի նախըջիները և պահապանները կուեցին, որի ժամանակ մի հայ վիրաւորեց, իսկ մի թուրք սպանեց: Ահա այդ դէպքը քիչ մնաց մի խոշոր ընդհարման պատճառ դառնար, որի առաջը կարելի եղաւ առնել մեծ ջանքեր թափելուց յետոյ:

Ձը նայած այս բոլորին, պէտք է ասած, Երևանի գաւառում ընդհարումները այնքան մեծ ծաւալ չը ստացան, որքան սպասուում էր և այդ շնորհիւ այն հանգամանքի, որ քաղաքի մայիսեան դէպքերը ունեցան թուրքերի համար կորստաբեր վախճան: Քաղաքում թուրքերը չը զսպէէին հայերի կրակից, քաղաքի թուրք խռովարար տարրերը չը խրատէին հայերի ակամայից տըւած դասից, ամբողջ գաւառը կը դառնար ընդհարումների բեմ, Երևանի գաւառի հետ նաև միւս գաւառները կը հանդիսանային թուրք մասսաների հեղեղումների մի վայր: Սա ընդհանրացած կարծիք է. փաստ է և այն, որ բոլոր գաւառներում գլուխ բարձրացրած թուրք տգէտ ամբոխը խաղաղեց, երբ լուր հասաւ, որ քաղաքում հայերը թուրքերին նեղեցին:

Այսպէս էր, տարաբաղդաբար, իրականութիւնը. թուրք մասսան իր շահը գիտակցելու փոխարէն տեղի էր տալիս միմիայն և միմիայն ուժի առաջ:

Բայց Երևանի գաւառը ազատ մնալով խոշոր մասսայական ընդհարումներից և աւերումներից, ազատ չը մնաց այն նողկալի մարդորսական սիստեմից, որին զո՞ գնացին երկու կողմերից բազմաթիւ անմեղ մարդիկ:

Մարդասպանութեան այդ սոսկալի ձևին սկիզբ դրեց Վէդի գետի ստորին հովտում ընկած Քիչիկ-Վէդի թուրք գիւղը:


Յուլիսի 22-ին Դարդալուի գիւղացիներ՝ ծխատէր քահանայ

Տէր Յովնաթան Տէր Դաւթեանը, տանուտէր Ալէքսան Մխիթարեանը և մի երրորդ գիւղացի Խորվիրապի վանքը գնալու ժամանակ Քիչիկ-Վէդի գիւղի մօտ կենդանի գողացւեցին: Բոլոր միջոցները անգոր եղան գտնել այդ երեք մարդկանց դիակները:

Այդ դէպքից մի քանի օր անց Ղամարլուէ շրջանում անհետացաւ Չըլըխանլու գիւղացի Սուլէյման-բէկ Իսմիխան օղլին իր երկու ընկերներով:

Այնուհետև փոփոխակի մէկ այս և մէկ այն կողմից անհետանում էին մարդիկ անմեղ ու անպարտ և բազմաթիւ ընտանիքներ զրկւում էին իրենց կերակրող ձեռքերից:

Այս խայտառակ և նողկալի երևոյթը, անմիտ վրէժխնդրութեան այս անմիտ սխտեմը, գնալով ընդունեց մեծ չափեր, տարածեց միւս շրջանները, խլելով երկու կողմերից տասնեակներով և աւելի չափով զոհեր, որոնց վերջ դնել երկար ժամանակ կարելի չէր լինում:



ճուլցակ Երևանի գաւառի այն գիւղերի, որոնց ժողովուրդը փախել կամ խոշոր ֆեւաններ է կրել ընդհարումների ժամանակ:<sup>1</sup>

**Հ Ա Յ Գ Ի Ի Ղ Ե Ր**

№№	Գ Ի Ի Ղ Ե Ր Ի Ա Ն Ո Ի Ն Ն Ե Ր Ը	Տ ու ն	Ք ո շ ա ծ	Կ ո ղ ո յ ն ի ս լ ա ծ
1	Ղարաչի-Բուլաղ .	10	քոշ.	—
2	Շօռ-Բուլաղ .	20	,,	կող. <sup>2</sup>
3	Բէզաքլու .	45	,,	—
4	Զառ .	40	,,	—
5	Դարղալու .	155	—	կող.
6	Ռէհանլու .	48	քոշ.	—
7	Խուտօր .	—	,,	—
8	Սմօ .	.	,,	—
9	Սպահան .	—	,,	—

**Թ Ո Ի Ր Ք Գ Ի Ի Ղ Ե Ր**

1	Քիւղաջի .	12	քոշ.	—
2	Քիւլլուջա .	46	,,	—
3	Մանգիւղ .	40	,,	կող.
4	Դամագիրմաղ .	41	,,	, <sup>2</sup>
5	Թութիա .	52	,,	, <sup>2</sup>
6	Քեամալ .	47	,,	, <sup>2</sup>
7	Մասոււմլու .	67	—	,,

<sup>1</sup>) Պաշտօնական տեղեկութիւնների հիման վրա Երևանի գաւառի կրած գոյքային ֆեւանների քանակը, համաձայն կողոպտւած գիւղացիների ներկայացրած ցուցակների, հասնում է 164,025 ը., իսկ յանձնաժողովի ցուցակով՝ 46,026 ը.:

<sup>2</sup>) Մասնաւոր չափով կողոպտւած:



# ԸՆԴՀԱՐՈՒՄՆԵՐԸ ԷԶՄԻԱԾՆԻ ԳԱԽԱՌՈՒՄ

ՄԱՅԻՍԻ 24—5 ՅՈՒՆԻՍԻ 1905 Թ.

Էջմիածնի գաւառը ընկած է Ալէքսանդրապօլի, Նոր-Բայազէտի, Երևանի և Սուրմալուի գաւառների մէջ տեղ, արևմտեան կողմից կազմելով Կարսի շրջանի սահմանը:

Գաւառի հիւսիսային բաւական ընդարձակ մասը լեռնային է և ձգւում է Արագածի լայնանիստ փէշերի վրա, իսկ հարաւային մասը տափարակ է և տարածւում է մինչև Արաքսի ափերը, ներկայացնելով կուլտուրական բերքերի հարուստ դաշտավայր:

Էջմիածնի գաւառը ոռոգւում է Արաքսից վերցրած առուներով և Քասախ կամ Արարան գետի ջրերով:

Գաւառի ազգարնակութեան թիւն է 124 հազար, որից հայերը՝ 76 հազար, թուրքերը՝ 45 հազար և զանազան ազգեր՝ 3 հազար: Հայերը կազմում են ազգարնակութեան 61<sup>0</sup> օր:

Գաւառի 219 գիւղերից 88-ը հայաբնակ են և ընկած այս և այնտեղ թուրք գիւղերի հետ խառը, մի երկու շրջաններում միայն նկատելի է երկու ժողովուրդների շերտաւորումն:

Էջմիածնի գաւառում մի շրջան միայն մասսայական ընդհարումների բեմ դարձաւ, այն էլ մեծ չափով: Այդ Աշտարակի շրջանն էր, ուր հայ և թուրք ապրում են խառը:

Էջմիածնից դէպի հիւսիս, Արագածի փէշերի վրա, Քասախի և նրա ճիւղերի հովիտներում ընկած են հետևեալ հայաբնակ գիւղերը. Աշտարակ—401 տուն, Մուղնի—35 տ., Կարբի—132 տ., Օհաննու-Վանք—69 տ., Իլանչալան—44 տ., Ղալաչի—45 տ.:

Թուրքախառն գիւղեր. Փարբի—21 տ. թուրք, 86 տ. հայ, Սաղմոսավանք—14 տ. թուրք, 10 տ. հայ, Ղօթուր—11 տ. թուրք, 17 տուն հայ:

Չուտ թուրքաբնակ գիւղեր. Փաթրինջ—61 տ., Ագարակ—69 տ., Քիչիկ-քէնդ—36 տ., Թաքիա—85 տ., Նազրվան—58 տ.,

Ուշի—142 տ., Պերսի—34 տ., Անգրսակ—20 տ., Քիւրդալու—11 տ., Համամլու 61 տ.:

Բացի այս, Արագածի փէշերի վրա ամառայ ամիսներին չուժ գալիս են բաւականաչափ քրդեր իրենց հօտերով, իսկ Ղարնի-Նարըղի փէշերի վրա, Քիւրդալու և Համամլու գիւղերին մօտ, իջնում է էջմիածնի գաւառի 310 տուն ունեցող Չօրանքեարա գիւղի օբան, ամբողջ շրջանում յայտնի իր համբաւով:

Ահա այն շրջանը, ուր տեղի ունեցան ընդհարումները:

Բագուի և Երևանի փետրվարեան դէպքերը Աշտարակի շրջանի վրա ոչ մի ազդեցութիւն չունեցան: Բայց ազդեցութիւն ունեցան Նախիջևանի գաւառի դէպքերը, ուր անպատիժ կերպով բազմաթիւ հայ գիւղեր կողոպտեցին, հրդեհեցին և աւերեցին: Ազդեցութիւն չունեցաւ մանաւանդ մայիսի 23-ի Երևանի թուրքերի յարձակումը հայերի վրա, որի լուրը սենսացիօն կերպով տարածեց թուրքերի մէջ գաւառներում:

Ահա այդ ազդեցութեան տակ մայիսի 24-ի առաւօտեան Աշտարակի հանդում հայ գութանաւորների վրա յարձակեցին Չօրանքեարայի թուրքերը, որոնք ժամանակաւոր կերպով իրենց վրանները խփել էին Աշտարակի հողերի սահմանների մօտ: Այդ լուրը Աշտարակ հասնելով՝ հայերը օգնութեան գնացին և միւս կողմից դիմելով հասարակութեան տանուտէր Մահմադին, որը կառավարութիւնից նշանակւած և նրա ըէժիմին խիստ շահաւէտ մի անձն էր և որը այդ ժամանակ գտնուում էր Աշտարակում, խնդրեցին շտապել դէպքի տեղը, և որպէս պաշտօնեայի հանդարտեցնել չօրանքեարեցիներին, որին թուրքերը անպայման կը լսէին. սակայն տանուտէր Մահմադը, վերցրած երկու թուրք ստրաժնիկների, փոխանակ դէպքի տեղը գնալու, Մուղնի գիւղի արտերի միջով ճանապարհը ծոց դէպի Քիչիկ-քէնդ և Ուշի: Երկու աշտարակցի երիտասարդներ, որոնք հետևում էին Մահմադին՝ ստուգելու համար նրա ուր գնալը, նկատելով Մահմադից և ստրաժնիկներից, ենթարկեցին նրանց կողմից հրացանաձգութեան: Կրակել սկսեցին նաև երիտասարդները: Այդ հրացանաձգութեան ժամանակ սպանեց երիտասարդներից մէկը, այն է՝ Արշակ Փիլումեանը և մէկ ստրաժնիկ—Փաշա-բէկ անունով:

Եւ մինչդեռ Աշտարակից գութանաւորներին օգնութեան գը-

նացողներին կարելի եղաւ յետ քշել Չօբանքեարայի երկու խումբ թուրքերին առանց որևէ մարդկային զոհերի, տանուտէր Մահմադը այդ երկու սպանութիւնների պատճառ դառնալուց յետոյ մըտաւ թուրք գիւղերը և թուրք ժողովրդին գոգոնց հայերի դէմ:

Ահա այս գոգուման հետևանքը եղաւ այն, որ յարձակումներից վախենալով մի և նոյն օրը Մուղնու հայերը քոչեցին Աշտարակ, իսկ Գիշիկ-քէնդի թուրքերը քոչեցին Ուշի, որից յետոյ փոխադարձ անվստահութիւնը աստճանաբար աճելով առաջացրեց լուրջ ընդհարումներ:

Մայիսի 25-ին թուրքերն անցան Լարդավանք գիւղի սահմանը և փորձեցին ոչխարի սուրուն քշել, բայց Եղվարդից հասնող օգնութեան շնորհիւ կարելի եղաւ նրանց հալածել:

Մայիսի 27-ին սար բարձրացող բաւականաչափ քրդեր եկան Աշտարակի մօտով անցան գնացին: Եւ մինչդեռ քուրդ քոչւորների այդ շարժումը կատարեց առանց որևէ միջնադէպի, մի մասնաւոր դէպք մի մեծ ընդհարման պատճառ դարձաւ:

Մայիսի 28-ին Դօթուր գիւղում բոլորովին մասնաւոր հաշից առաջացած վէճի ժամանակ մի հայ սպանեց Աջօ անունով մի քրդի:

Այս սպանութեան առիթով Դօթուրի հայերը դիմեցին Աշտարակ պրիստաւին, իսկ թուրքերը լուր տարան քրդերին, որոնք եկան պաշարեցին Դօթուրը: Սրանց աջակցելու համար եկան նաև ուշեցի թուրքեր: Շրջակայ հայ գիւղերից հասնող օգնութեան շնորհիւ կարելի եղաւ քրդերին և թուրքերին ցրել: Չը նայած դրան, խառնակ դրութիւնից օգտւելով Դօթուրցի թուրքերը քշել տւին հայերի 120 տաւարը և 500-ի չափ ոչխարը:

Սակայն այն հանգամանքը, որ պրիստաւը Դօթուր համեմտով ոչ մի միջոց ձեռք չառաւ տաւարն ու ոչխարը յետ բերելու, հայերը աւելի ևս առիթ ունեցան գոգուելու:

Այդ գոգումը նկատելով Դօթուրի հայերը խորհուրդ տւին համագիւղացի թուրքերին քոչել Ուշի, բայց թուրքերից մէկը— Ալլահվէրդի անունով— արգելք ելաւ այդ բանին: Թուրքերի յամառութիւնը տեսնելով ստիպւած եղան քոչել այդտեղի հայերը:

Մայիսի 29-ին բաւականաչափ հայեր եկան պաշարեցին Դօթուրը, թուրքերից պահանջելով գնալ Ուշիից յետ բերել տաւարն ու ոչխարը, խոստանալով ոչ մէկի մազին էլ չը գիպչել: Թուր-

քերից երկու հոգի գնացին դէպի Ուշի, իբր հայերի պահանջը կատարելու համար, իսկ Ալլահվէրդին բոլոր թուրքերին հաւաքելով իր տան մէջ պաշտպանողական դիրք բռնեց: Եւ մինչդեռ հայերը սպասում էին տաւարներին և ոչխարներին, յանկարծ Ուշիի կողմից յայտնեցին զինւած խմբեր, որոնք գալիս էին Ղօթուրի թուրքերին օգնութիւն ցոյց տալու: Սկսեց հրացանաձգութիւն երկու կողմերից միաժամանակ, հրացանաձգութիւն սկսեց նաև Ալլահվէրդիի տան միջից, որից սպանեցին երկու հայեր: Մի ժամի չափ տևող կռից յետոյ թուրքերը յետ փախան, իսկ հայերը գիւղը խուժելով և կանանց ու երեխաներին հեռացնելով Համամու, 15-ի չափ թուրք տղամարդկանց սպանեցին, որոնցից մի քանիսը մնացին Ալլահվէրդու տան հրդեհի բոցերի մէջ: Սպանեց նաև Ալլահվէրդին գիւղի ծայրում փախչելու ժամանակ: Այնուհետև թուրքերի տները—թւով 15—կողոպտեցին, դռները, լուսամուտները և նոյն իսկ ծածկի փայտերը հանեցին ու տարւեցին. Ղօթուրի թուրքական մասը փոխարկեց աւերակների:

Այս դէպքի վրա մայիսի 30-ին Սաղմոսավանքի թուրքերը Համամու փոխադրելով իրենց ընտանիքները և տնային իրերը՝ գիւղի մէջ դիրքեր գրաւեցին, որից հայերը վախենալով՝ քաշեցին եկեղեցին, և երեք օր շարունակ ստիպուած էին փակւած մնալ այնտեղ:

Այդ նոյն օրը տեղի ունեցաւ հետևեալ դէպքը. սայլի վրա պարկեցրած բժշկելու համար Աշտարակ էին տանում Ղօթուրի կռի ժամանակ վիրաւորւած օշականցի Օհանին: Երբ սայլը անցնում էր Ուշիի սահմանով՝ ուշեցի թուրքերը յարձակեցին և խլելով սայլը՝ հրդեհեցին, որի բոցերի մէջ այրեց վիրաւոր Օհանը:

Ահա այդ օրը ընդհարման շրջանը եկաւ զաւտապետը, շըրջեց մի քանի հայ և թուրք գիւղեր և՝ վերադարձաւ ոչինչ չարած. երկու կողմերն էլ այն համոզման եկան, որ ասպարէզը թողնւած է ուժերի չափւելուն և այդպէս էլ եղաւ:

Մայիսի 31-ին ուշեցիք կտրեցին Մուղնի, Կարբի և Օհաննու-Վանք գիւղերի ջրերը. բացի այդ, փակեցին նաև Աբարան տանող ճանապարհը. երթեկութիւնը առ ժամանակ դադարեց այդ գծով, մանաւանդ երկու զագնաֆարցի հայերի սպանութիւնից յետոյ:

Յունիսի 2-ին Չորանքեարայի, Քիւրդալոււի և Համամլոււի թուրքերը մօտենալով Քասախի ձորակին, կրակ բացին ձորակի հակառակ ծայրին ցցած Սաղմոսավանքի վրա, որտեղից թուրքերը արդէն քաշել էին:

Իսկ ուշեցի թուրքերը գնացին Իլանչալանի վրա, որտեղից հայերը յետ մղելով նրանց՝ եկան հրդեհեցին ճանապարհի վրա գտնւող ուշեցի Մօսու տունը և խանութը:

Յունիսի 3-ին չորանքեարէցիք և համամլուեցիք յարձակեցին Ափնագիւղի ծայրին գտնւող մի ջրաղացի վրա և սպանեցին ջրաղացպանին. օգնութեան գնացող հայերը իրենց հերթում սպանեցին երեք թուրքերի և մնացեալին փախցրին: Սակայն այս բոլորը փոքրիկ երևոյթներ էին համեմատութեամբ այն դէպքերի, որոնք տեղի ունեցան յետոյ, շնորհիւ աղմինիստրացիայի դիտաւորեալ անգործունէութեան:

Յունիսի 4-ին ուշեցի թուրքերը, միացած բաւականաչափ քրդերի հետ, թւով աւելի քան 200 հոգի, յարձակեցին Իլանչալանի վրա: Իլանչալանից գնացած հաւարին թափեցին եկան շրջակայ գիւղերից զինւած հայեր, որոնք ոչ միայն յետ քշեցին թուրքերի յարձակումը, այլև հալածելով նրանց մինչև Ուշի, պաշարեցին այդ գիւղը երկու կողմերից:

Կարճ դիմադրութիւնից յետոյ շփոթ ու իրարանցում ընկաւ թուրքերի մէջ, երբ հայերը մի ծայրից ներս խուժեցին գիւղը: Թուրքերը փախան մեծամեծ զոհերով, որոնց թիւը, ասում են, հարիւրի էր հասնում: Կին ու երեխայ, ծեր ու մանուկ գիւղից դուրս պրծան մի վայնասուն բարձրացրած. Ուշին աւերւեց, հրդեհեց, քար ու քանդ եղաւ. մի գիւղ ևս Շնջեց, աղմինիստրացիան դարձեալ չը կար:

Ուշիի աւերը այնպիսի սարսափ ձգեց թուրքերի վրա, որ յունիսի 5-ին մի շարք գիւղեր մի կողմից հապճեպով դատարկւում էին, իսկ միւս կողմից կողոպտւում և հրդեհւում հայերի ձեռքով:

Այրւած գիւղերն էին Նազրվանը և Թաքիան, իսկ կողոպտւածները՝ Պերսին, Անգրսակը, Քիւրդալուն, Համամլուն և Չորանքեարայի օրան: Այսպիսով Աշտարակի շրջանում 9 թուրք գիւղերի ժողովուրդը կողոպտւեց, աւերւեց և չղերն ընկաւ:

Այդպէս էլ կը լինէր, ասպարէզը թողնւած էր ուժեղին.

հայերը այդ շրջանում ուժեղ էին, որոնք Նախիջևանի թուրքական գազանութիւններից օրինակներ վերցրած՝ կողոպտում, աւերում էին թուրք գիւղերը:

Ահա այս բոլորից յետոյ յունիսի 6-ին յայտնեց գաւառապետը կօզակներով. բանդարկեցին բազմաթիւ հայեր, մի քանի հայ գիւղեր ենթարկեցին զօրքերի խստութիւններին և սկսեց տուգանքների շրջանը:

Աւերւածն ու քանդւածը խեղճ թուրք ժողովուրդն էր, իսկ տուգանքները գնում էին գանձարանի օգտին:

Սլրտումներ և յուզմունքներ մի քանի անհատական սպանութիւններով տեղի ունեցան նաև Էջմիածնի և Փարաքարի շուրջը. բայց նրանք մասսայական դէպքեր չառաջացրին: Այս շրջանում խաղաղասիրական տարրը յաղթող էր, խաղաղութեան գործին քիչ չէր նպաստում և մի ազդեցիկ թուրք, որը շրջելով թուրք ժողովրդի մէջ՝ համոզում էր հանգիստ մնալ: Դա Էջմիածնի գաւառի կալւածատէր Մուսա-խան Մակինսկին էր:



Ցուցակ էջմիածնի գաւառի այն գիւղերի, որոնց ժողովուրդը ընդհարումների ժամանակ փախել կամ խոշոր փասաներ է կրել 1):

**Հ Ա Յ Գ Ի Ի Ղ Ե Ր**

№ №	Գ Ի Ի Ղ Ե Ր Ի Ա Ն Ո Ւ Ն Ն Ե Ր Ը	Տ ու ն	Ք ո չ չ ա ծ	Կ ող ու ղ ա լ ա ծ	Ա լ ե Ր ա ծ	Կ ո տ ո լ ա ծ
1	Ղօթուր .	17	քոչ.	կող.	—	—
2	Մուղնի .	35	,,	—	—	—

**Թ Ո Ի Ր Ք Գ Ի Ի Ղ Ե Ր**

1	Ուշի .	142	,,	կող.	աւեր	կոտ.
2	Ղօթուր .	11	,,	,,	,,	,,
3	Նազրվան .	58	,,	—	,,	—
4	Թաքիա .	85	,,	—	,,	—
5	Պերսի .	34	,,	կող. 2)	—	—
6	Անգրսակ .	20	,,	,, 2)	—	—
7	Քիւրդալու .	11	,,	,, 2)	—	—
8	Համամլու .	61	,,	,, 2)	—	—
9	Քիչիկ-քէնդ .	36	,,	—	—	—

1) Պաշտօնական տեղեկութիւնների հիման վրա էջմիածնի գաւառի կրած գոյքային փասաների քանակը, համաձայն կողոպուտի գիւղացիների ներկայացրած ցուցակների, հասնում է 121,149 ը., իսկ յանձնաժողովի ցուցակով՝ 32,244 ը.:

2) Մասնաւոր չափով կողոպուտի:

# ԸՆԴՀԱՐՈՒՄՆԵՐԸ ՍՈՒՐՄԱԼՈՒԻ ԳԱԽԱՌՈՒՄ

2—4 ՅՈՒՆԻՍԻ 1906 թ.

Սուրմալուի գաւառը ընկած է Երեւանի նահանգի հարաւարե-մտեան մասում, հիւսիսային և արեւելեան կողմերից կից Էջմիած-նի և Երեւանի գաւառներին, իսկ արեւմտեան և հարաւային կողմե-րից ամբողջ գծի երկարութեամբ կազմելով Տաճկաց սահմանը:

Գաւառի հարաւային և արեւմտեան մասերը լեռնոտ են, ձրգ-ւած երկու Մասիսների, Բարդղղեան լեռների և Սինալի լանջերի վրա, իսկ հիւսիսային և հարաւային մասերը դաշտային են, տա-րածւելով մինչև Արաքսի ափերը: Գաւառի լեռնային մասը շատ աղքատ է բուսականութիւնից, հետևապէս և գետերից. տափա-րակները ոռոգւում են Արաքսից հանած առուներով, որի շնորհիւ արտադրում են բամբակ, խաղող և այլ բերքեր:

Սուրմալուի գաւառի ազգաբնակչութեան ընդհանուր թիւն է 89 հազար, որից 27 հազարը հայեր են, իսկ մնացեալ 62 հազարը՝ թուրքեր և քրդեր: Հայերը կազմում են ազգաբնակչութեան 30<sup>0</sup>/<sub>0</sub>-ը:

Գաւառի 229 գիւղերից 23 միայն հայաբնակ են, այն էլ մի քանիսը թուրքախանս:

Դրանք են.

№№	ԳԻՒՂԵՐԻ ԱՆՈՒՆՆԵՐԸ	1886 թ. վիճակ.	Մատա-ղատուն
1	Կողբ	355	500
2	Աբասգեօլ—4 տ. թուրք	41	65
3	Գիւլլուջա	87	135
4	Մօլլաղամար	53	80
5	Խալֆալու	116	180



6	<i>Խոշխարար</i>	80	130
7	<i>Իգդիր</i>	360	530
8	<i>Իգդիր-Մաւա—84 տ. թուրք .</i>	78	130
9	<i>Բահարլու</i>	122	230
10	<i>Հախվէրիս</i>	121	170
11	<i>Ալիդամար</i>	126	250
12	<i>Բլուր</i>	186	300
13	<i>Զաքրլու —37 տ. թուրք</i>	30	35
14	<i>Փանիկ</i>	141	230
15	<i>Էվջիւար</i>	170	270
16	<i>Ալէթլու</i>	89	150
17	<i>Նաջաֆալի—11 տ. թուրք</i>	54	70
18	<i>Ղազիղշլաղ—52 տ. թուրք</i>	42	60
19	<i>Քէջրլու</i>	101	160
20	<i>Մուրշուդալի—7 տ. թուրք .</i>	77	90
21	<i>Ալիջան</i>	86	140
22	<i>Դաշբուրուն</i>	180	280
23	<i>Ալիդըզլու .</i>	58	75

Այս գիւղերից առաջինը—Կողբը—ընկած է գաւառի հիւսիս-արեւմտեան մասում, հոչակաւոր համանուն աղահանքերի մօտ, բոլորովին մեկուսացած հայ գիւղերից:

Յաջորդ երեք գիւղերը, այն է՝ Աբասգեօլը, Գիւլլուջան և Մօլլադամարը նոյնպէս մեկուսացած են և գտնուում են հիւսիս-արեւմտեան լեռնոտ սահմանի վրա Բալղ-Գեօլի մօտ:

Վերջին երկու գիւղերը, այն է Դաշբուրունը և Ալիդըզլը դարձեալ մեկուսացած՝ գտնուում են գաւառի արեւելեան կողմում:

Իսկ մնացեալ 17 գիւղերը ընկած են տափարակի վրա՝ համախմբւած սակայն թուրք գիւղերի հետ միասին:

Հարիւրաւոր թուրք գիւղեր՝ բռնած գաւառի ամբողջ մակերևոյթը և քիւրդ գիւղեր՝ փռած մանաւանդ լեռնային մասերում, ներկայացնում էին այդ մի բուռն հայ ժողովրդի համար լուրջ վտանգ, եթէ այս գաւառում աղմինիստրացիայի տակտիկան տարբեր չը լինէր:

Այն հանգամանքը, որ Սուրմալուն գտնուում էր Տաճկաց—Ռուսաստանի կովկասեան տիրապետութեան վրա խեթ աչքով նայող այդ կառավարութեան և բազմաթիւ քրդական աւազակաբարոյ ցեղերով բնակեցրած սահմանի վրա, կրկնում ենք, ինչպէս և մի այլ տեղ յիշեցինք, ստիպեց կառավարութեանը կտրուկ միջոցների գիմել խռովութիւնների առաջն առնելու համար:

Սուրմալուի գաւառում յուզմունքներ նկատեցին դեռ ևս 1905 թ. գարնան, Նախիջևանի և Երևանի մայիսեան դէպքերի ժամանակ: Տաճկահպատակ քրդեր անցնում էին սահմանը և տեղացի քրդերի ու թուրքերի աջակցութեամբ քշում էին հայ գիւղերի նախիրները և ոչխարի հօտերը: Միմիայն մայիսի ընթացքում քշեցին Տաշբուռուն գիւղի նախիրը 200 գլխից բաղկացած, Իգդիրմաւայի տաւարները 40 հատից աւելի և Պալֆալուի ոչխարը աւելի քան 300 գլխից բաղկացած:

Բացի այդ՝ տեղի ունեցան նաև մի շարք սպանութիւններ և մանր աւազակային դէպքեր:

Այսպէս, զարադոյինցի թուրքերը օրը ցերեկով սպանեցին Ալիջանի դորուղչուն:

Յունիսի սկզբին Հուսէին գիւղի թուրքերը Մուրշուզալի գիւղի հայերից 2 եզ փախցնելուց յետոյ, շնորհիւ իրենց ազդեցիկ մարդկանցից մէկի—Ալի բէկի, քիչ մնաց մի մեծ ընդհարում առաջ բերէին:

Օգոստոսի մէջ Մալաքլու գիւղի թուրքերը հանդում ջուր անելիս սպանեցին Զաքրլու գիւղացի Մարտիրոս Սահրադեանին, 35 տար. իսկ դրանից երկու օր անց Փանիկ գիւղի սահմանին մօտ եղող մի ջրաղացում սպանեցին 3 մալաքլուցի թուրքեր:

Հոկտեմբեր ամսում Ղարխուն գիւղի մօտ մի քրդի վրանում քնած ժամանակ նենգութեամբ սպանեց տաշբուռունցի Նահապետը, գիւղի ամենաբաջ և սիրւած մարդը:

1906 թ. յունվարի 24-ին 3 կողբեցիներ Փուրսաղ գիւղի մօտ

ենթարկւեցին մի քանի թուրքերի յարձակման. տեղի ունեցաւ հրացանաձգութիւն, որի ժամանակ սպանւեց թուրքերից մէկը, այն է աւազակ Ջալիլը: Այդ դէպքի վրա կառավարութիւնը խիստ ուշադրութիւն դարձրեց և քիչ էր ֆնում որ հայերին յանձնէին զինւորական դատարանի:

Մարտ ամսի մէջ Քիւլլուկ գիւղի մօտ ծանր վիրաւորւեց Մօլլաղամար գիւղացի Հայրապետ Գրիգորեանը, որին թուրքերը կարծեցին մեռած, բայց որը ազատւեց մի հրաշքով:

Մայիսի 9-ին Հախվէրիսի հանդում շուր անելիս սպանւեցին՝ Գրիգոր Յակովրեանը—25 տար. և Նիկողոս Կիրակոսեանը—26 տար. իսկ այդ դէպքից 10 օր անց, մայիսի 19-ին, սպանւեցին Հախմահմադ գիւղացիներ՝ Մաշադի Հէյդարը և Հաջի Իսմայիլը, որի համար Բլուր գիւղը ենթարկւեց մեծ տուգանքի:

Եւ այսպէս, հայ-թուրքական ընդհարումների առաջին օրւանից անցնում էր ամբողջ տարի ու կէս, իսկ այդ թուրքաշատ գաւառում մասսային խոշոր ընդհարումներ տեղի չունեցան, մինչև որ մի դէպք եկաւ ապացուցելու, թէ ինչպէս ազմիրնիստրացիան դէմ էր որևէ ընդհարման այդ գաւառում և թէ ինչպէս նրան հնարաւոր էր ճնշել ամեն մի շարժում, եթէ միայն նա ցանկանար . . .

Սուրմալուի դաշտային մասը, ինչպէս տեսանք, ոռոգւում է Արաքսից հանած առուններով: Այդ առունները անցնում են բաւական հեռաւոր և դժուարին տեղերով, որոնց մաքրելու համար տարէն մէկ թէ երկու անգամ հայ և թուրք գիւղացիներ խառը դուրս են գալիս մի երկու օրով աշխատելու:

Յունիսի 2-ին որոշւած էր բանդը նորոգել և առունները մաքրել և բլուրցի մի քանի հայեր շտապում էին այնտեղ, երբ Հախմահմադ գիւղի մօտ ենթարկւեցին թուրքերի յարձակման: Երեք հոգի հայերից սպանւեցին, որոնցից երկուսի դիակները անհետացրին, իսկ մէկը թէև վիրաւոր, բայց կարողացաւ փախչել և լուր բերել: Գաւառապետը հասաւ բանդը այն ժամանակ, երբ այնտեղ եղող հայերը փախչում էին՝ խուսափելով հետապնդող թուրքերից: Չը նայած գաւառապետի գալուն, բանդի աշխատանքները դադարեցին և գիւղացիները՝ հայ թէ թուրք վերադարձան գիւղերը:

Ահա այդտեղից վերադարձող թուրքերի վրա Բլուրի և Ջաքըլուի մօտերքում յարձակւեցին հայերը և սպանեցին նրանցից 10 հոգու:

Այս դէպքը արդէն յուզեց թուրքերին և յունիսի 3-ին Եայ-իլի գիւղում խմբւած թուրքեր և քրդեր—աւելի քան 100 լաւ զինւած մարդիկ—յարձակում գործեցին Ալիդամարի վրա:

Երբ լուրը Իգդիր հասաւ, պատմում են ականատեսները, կօզակների կօմանդիրը դէպքի տեղը ուղարկելով կօզակներ, խրստիւ կարգադրեց գնդականարել, ովքեր որ լինին խռովարարները: Եւ այդպէս էլ եղաւ: Կօզակները հասնելով Ալիդամար և նկատելով դաշտում թուրքերին և քրդերին, որոնք գնդակներ էին արձակում հայերի վրա, կրակի կապեցին նրանց, որից սպանւեցին 7 հոգի, իսկ 14 հոգի վիրաւորներ մի քանի առողջների հետ միասին ձերբակալեցին և բերւեցին Իգդիր: Այդ վիրաւորներից երկուսը նոյնպէս մեռան: Բռնւածների մէջն էր մի քուրդ բէկ Շամշադինովների ցեղից, որոնք տխրահոշակ Բօգուսլաւսկու օրով Սուրմալում թագաւորում էին իրենց շահատակութիւններով:

Ճիշտ է, ինչպէս Շամշադինովը, այնպէս էլ միւս բռնւածները բաց թողնւեցին, բայց շնորհիւ այն կտրուկ միջոցի, որին դիմեց զօրքը հէնց առաջին վայրկեանից, սպասուող խոշոր ընդհարումները տեղի չունեցան և թուրքերն ու քրդերը հանդարտեցին:

Այս դէպքից յետոյ թէև կատարւեցին նորից մի քանի սպանութիւններ թուրքերի կողմից, ինչպէս քանաքեռցի հիւան Ալէքսան Յարութիւնեանի սպանութիւնն էր Ղարաղալայի կայարանում յունիսի 17-ին. մօլլադամարցիներ Կարապետ Գօլօզեանի և Յակովբ Մարտիրոսեանի սպանութիւնը Փուրսաղ գիւղի մօտ յունիսի 23-ին և դաշքուրունցի Սեդրակ Հայրապետեանի սպանութիւնը Ջաննաթարաղի թուրքերի ձեռքով իր այգում սեպտեմբերի 9-ին. բայց մասսայական ընդհարումների երկիւղը ընդմիշտ վերացել էր. մի հատիկ դասը խելքի էր բերել խռովարարներին:

---

Երևանի նահանգի եօթը գաւառներից երկուսը միանգամայն ազատ մնացին ընդհարումներից. դրանք էին Նոր-Բայազէտի և Ալէքսանդրապօլի գաւառները, որոնք յայտնի են որպէս բազմահայ գաւառներ:

Այսպէս, Նոր-Բայազէտի գաւառի ազգաբնակութեան ընդհանուր թիւն է 122 հազար, որից հայերը՝ 81 հազար. իսկ Ալէք-

սանդրապօլի գաւառի ազգաբնակութեան ընդհանուր թիւն է 165 հազար, որից հայերը՝ 137 հազար: Այլ խօսքով Նոր-Քայազէտի գաւառում հայերը կազմում են ընդհանուր ազգաբնակութեան 66<sup>0</sup>/<sub>0</sub>-ը, իսկ Ալէքսանդրապօլի գաւառում՝ 83<sup>0</sup>/<sub>0</sub>ը: Նոր-Քայազէտի գաւառում հաշւում են 135 գիւղ, որից հայաբնակ են 58-ը. իսկ Ալէքսանդրապօլի գաւառում՝ 164 գիւղ, որից հայաբնակ են 120-ը:

Ահա խաղաղութեան պատճառը այդ գաւառներում:




## ԳԱՆՁԱԿԻ ՆԱՀԱՆԳ

Գանձակի նահանգը, ինչպէս և Երևանինը, ընկած է Անդրկովկասի հարաւային ծայրում, հարաւային կողմից կազմելով Պարսկաստանի սահմանագիծը, իսկ միւս կողմերից, որպէս սահմանակից շրջաններ, ունենալով Երևանի և Թիֆլիսի նահանգները, Դաղստանի շրջանը և Բազուի նահանգը:

Գանձակի նահանգը բռնում է 38,300 քառակուսի վերստ տարածութիւն, որի հարաւային և արեւմտեան մասերը ներկայացնում են մի խիստ լեռնոտ երկիր, պատած վիթխարի կատարներով, խորունկ ձորերով և յաճախ ընդարձակ կուսական անտառներով, ուր գլխաւորապէս ապրում են հայեր. իսկ հիւսիսային և արեւմտեան մասերը, ընկած Քուր գետի երկու ափերի վրա, ներկայացնում են հարթ դաշտավայրեր, տեղ տեղ հարուստ ջրանցքներով և բարձր կուլտարական բերքերի մշակութեամբ, իսկ տեղ տեղ նման մերկ անապատներ:

Գանձակի նահանգի ազգաբնակչութեան ընդհանուր թիւը, համաձայն 1897 թւի միօրեայ վիճակագրութեան, հասնում է 878 հազարի, որից թուրքերը կազմում են 554 հազար, հայերը՝ 294 հազար և զանազան ազգութիւններ՝ 30 հազար: Ամբողջ նահանգում հաշւում են 1613 գիւղ, որից հայաբնակ են 390-ը:

Նահանգը բաժանւած է ութ գաւառների:



Հայ և թուրք ժողովուրդների համեմատական թւերը Գանձակի նահանգի 8 գաւառներում՝ վերցրած 1897 թ. միօրեայ վիճակագրութիւնից հազարների հաշուով:

№ №	Գ Ա Ի Ա Ռ Ն Ե Ր	Ընդհան. թիւը	Թուրքեր	Հայեր	Զանազան սպգեր
1	Գանձակի .	162	105	43	14
2	Շուշու .	139	63	74	2
3	Զանգեզուրի .	138	74	63	1
4	Նուխու .	120	92	20	8
5	Ղազախի .	112	64	44	4
6	Զիվանշիրի .	73	53	20	—
7	Արէշի .	67	53	14	—
8	Զիրբայիլի .	67	50	16	1
Բոլորը միասին		878	554	294	30

Մեր շօշափած խնդրի տեսակէտից Գանձակի նահանգը բոլորովին այլ պայմանների մէջ է գտնուում, քան Երևանինը, և հէնց այդ ուրոյն պայմանների շնորհիւ էլ հայ-թուրքական ընդհարումները այս տեղ աւելի մեծ ծաւալ են ստացել և աւելի տեղական բնաւորութիւն կրել, քան Երևանի նահանգում:

Որո՞նք են այդ տարբեր պայմանները:

Նախ՝ Գանձակի նահանգը Տաճկաստանի սահման չէ կազմում, հետեապէս սահմանային մտահոգութիւն և նրա հետ կապւած հայ տարրի փայփայումը չէր կարող այստեղ այնպիսի տեղ գտնել, ինչպէս Երևանի նահանգի նկատմամբ:

Երկրորդ՝ մասնաւոր կալւածատիրութիւնը Գանձակի նահանգում տարածւած է աւելի մեծ չափով, քան Երևանի նահանգում: Նահանգի բոլոր գաւառներում, բոլոր գաւառների բոլոր մասերում վիստում են թուրք կալւածատէր բէկեր և աղալարներ, որոնք ներկայացնում են մի մի տէրեր, իշխաններ իշխողի բոլոր

ձգտումներով: Ճիշտ է, կան նաև հայ կալւածատէր բէկեր, բայց նրանք այնքան մեծ թիւ չեն կազմում և բարեբախտաբար այն ազդեցութիւնը չունեն հայ գիւղացիութեան վրա, ինչ որ թուրք բէկը՝ թուրք գիւղացիութեան վրա:

Թէ Գանձակի նահանգում մասնաւոր կալւածատիրութիւնը որ չափով է զարգացած, այդ մասին մի գաղափար տալու համար առաջ կը բերենք մի փոքրիկ թւական համեմատութիւն, քաղելով այդ «сборникъ статист. данныхъ о землевлад. въ пяти губерн. Закавказ. края 1899 г.» պաշտօնական հրատարակութիւնից:

Գանձակի նահանգում մասնաւոր սեփականատէրերը ունեն 631 հազար դեսիատին հող, որից 314 հազարը գտնւում է նրանց անմիջական տիրապետութեան տակ, իսկ 317 հազարը՝ գիւղացիների ձեռքում (надѣль): Մինչդեռ Երևանի նահանգում մասնաւոր սեփականատէրերը ունեն ընդամենը 120 հազար դեսիատին հող, որից իրենց անմիջական տիրապետութեան տակ գտնւում է միմիայն 19 հազար դեսիատինը, իսկ 101 հազարը՝ գիւղացիների ձեռքումն է:

Երևանի նահանգում պետական հողերի վրա ապրող գիւղացիները կազմում են 64<sup>0</sup>/<sub>0</sub>, մինչդեռ Գանձակի նահանգում այդ <sup>0</sup>/<sub>0</sub>-ը իջնում է մինչև 45-ի:

Սրանք թւեր են, պերճախօս թւեր, որոնք լոյս են սփռում Գանձակի նահանգում տեղի ունեցած այնքան խոշոր և տևողական դարձած ընդհարումների վրա:

Կայ մի երրորդ հանգամանք ևս, այդ երկու ժողովուրդների թւական տարբերութիւնն է:

Գանձակի նահանգում, ինչպէս տեսանք վերը մեր առաջ բերած թւերից, թուրք ժողովուրդը կազմում է մի ճնշող մեծամասնութիւն՝ իր անգիտութեամբ ենթակայ կողմնակի ազդեցութիւնների և ներշնչումների:

Գանձակի նահանգում բազմաթիւ թուրք ժողովրդի հետ խառը ապրում է համեմատաբար փոքրաթիւ հայ ժողովուրդ: Հայաբնակ գաւառամասերի և շրջանների ճանապարհները անցնում են թուրքաբնակ տեղերով, մանաւանդ տափարակներում, ինչպէս են Աղդամի և Զիւանշիրի դաշտերը, ուր ապրում են բացառապէս թուրքեր: Ընդհարումները բռնկւելուց յետոյ թուրքերը ձգտել են ճանապարհները փակել, երթևեկութիւնը և մթերքների տեղափո-




խութիւնը կանգնեցնել, հայերին կղզիացնել ու այդպիսով նրանց ճնշել: Իսկ հայերը ընդհակառակը, աշխատել են զէնքի ուժով ճանապարհները պահել, իսկ անհնարին դէպքում նոր ճանապարհներ բացել, ինչպէս այդ տեղի է ունեցել առանձնապէս Շուշին Գանձակի հետ կապելու նպատակով, թէկուզ դրա համար հարկաւոր լինէր մի շարք թուրքական գիւղեր աւերել:

Ահա թէ ինչպիսի կարիք ստիպել է հայ ժողովրդին հրապարակ գալ իր բոլոր ռազմական ուժերով և ոչ պակաս գազանաբար քանդել, աւերել, ոչնչացնել թուրքի գոյքը, թուրքական գիւղերը:

Եւ իսկապէս, երբ շրջում էք Գանձակի նահանգում տեղի ունեցած ընդհարումների շրջանները, և դիտում աւերած ինչպէս հայ, այնպէս էլ թուրք գիւղերը և նրանց աշխարհագրական դիրքերը, ձեզ համար միանգամայն լուսաբանւում է այն յամառ կըռուիւր, որ տեղի է ունեցել երկու դրացի ժողովուրդների մէջ յատկապէս այդ ճանապարհների շուրջը:

Այս փոքրիկ լուսաբանութիւնից յետոյ այժմ անցնենք այդ տխուր անցքերին՝ ժամանակագրական կարգը պահպանելու համար սկսելով նախ Շուշի քաղաքից:



## Թ Ո Ւ Ծ Ի

Միւնիքը շատ է հարուստ լեռներով և կատարներով, բայց նրա ամենամեծ զարդը կազմում է Ղարաբաղի լեռնաշղթան, որը երկար ու բարակ ձգւելով ընդարձակ տարածութիւնների վրա, կազմում է Զանգեզուր, Շուշի և Զիրբայիլ գաւառների միացման սահմանագիծը:

Այդ շղթայի հարաւային մի զոյգ գագաթներ—մէկը 7000, իսկ միւսը 8000 ոտնաչափից էլ ավելի բարձրութիւն ունեցող—կոչւում են Գիրս: Գիրսի հիւսիսային հեռաւոր փէշերի վրա երեք կողմերից անդնդախոր ձորերով պատած՝ ամուր, շերտաւոր, կռած ու կոփած կուրծքերով, որպէս ձուլւածքը, բարձրանում է մի հսկայ սարահարթ:

Ահա այդ աննման ձուլւածքին ամբողջ Ղարաբաղը Ղալա է կոչւում: Իսկապէս դալա, ամրոց, բերդ, ուր բազմած Շուշին, որպէս սրաթև արծիւր, մի առանձին հպարտութեամբ, իշխում է իր առաջ ձգւած տարածութիւնների վրա:

Եւ իսկապէս, Շուշին—կարծր քարերից կերտւած չոր ու ցամաք այդ բարձրութիւնը—այնքան գեղեցիկ տեսք ունի, այնպիսի գեղեցիկ տեսարաններ կան նրա առաջ ձգւած, որ մարդ հիանում է նրանով:

Շուշին առաջին անգամ տեսնողը բացականչում է «պատերազմների և սխրագործութիւնների մէջ փառք որոնող որպիսի մի մարդ դրել է այդ քաղաքի հիմքը . . . »

Եւ այդպէս էլ է. ծագումով անյայտ, բայց մի յաջող դիպւածով իշխանութիւն ձեռք բերած և աշխարհակալական ձգտումներով տոչորւած Փանահ-խանը 1752 թւին Վարանդայի Մէլիք-Շահնազարից այդ սարահարթը վերցնելով և նրա աջակցութեամբ այդ բնական ամրութիւնների վրա նոր արհեստական պարիսպներ կանգնեցնելով՝ նպատակ դրեց կուրի միջոցով ձեռք ձգել Ղա-

րաբաղի հայ մէլիքների կալւածները, որպիսի կոիւններով նա զբաղւեց մինչև իր կեանքի վերջը:

Երկու գետակներ—մէկը Ղայրալի, իսկ միւսը Քարինտակ անուններով—հոսում են Շուշու երկու կողմերից, համանուն ձորակների միջով: Դրանք կառկառ գետի սկզբնական երկու ճիւղերն են, որոնք Սանքէնդ ականից մի փոքր հեռու խառնուում են միմեանց:

Շուշու մակարդակը արևելեան կողմից թեքւած է դէպի ցած, իսկ արևմտեան և հարաւային կողմերից, ընդհակառակը, բարձրանալով՝ ներկայացնում է կոփածոյ ժայռերի մի փոքրիկ շղթայ Գեաւուր-ղայա անունով:

Ահա այդ շղթայից սկսած դէպի ցած տարածւում է քաղաքը, որի վերին մասում ապրում են հայերը, իսկ ներքին մասում թուրքերը, թէև մի քանի տեղերում նրանք ապրում են և խառը:

Շուշին թէև գաւառական քաղաք է համարւում, բայց իր արտաքինով աւելի գեղեցիկ է քան Գանձակը և Երևանը և ազգաբնակչութեան թւով էլ ոչ այնքան պակաս նրանցից:

Շուշին արդիւնաբերութեան և արտահանութեան տեսակէտից աղքատ վայր է: Արգաւանդ դաշտավայրերը ընկած են հեռու, իսկ լեռնային մասերը ճանապարհների բացակայութեան շնորհիւ անմշակ են: Առևտրի միակ շրջանառութեան նիւթ կազմում է շերամը:

Այս հանգամանքը ստիպել է տեղական թարմ ուժերին ասպարէզ փնտոել իր միջավայրից դուրս:

Շուշի քաղաքի ազգաբնակչութեան ընդհանուր թիւն է 33 հազար, որից հայերը՝ 18 հազար, թուրքերը՝ 14 հազար և զանազան ազգեր՝ 1 հազար, այնպէս որ այստեղ հայերը կազմում են մեծամասնութիւն:

Հայերի քաղաքամասը բաղկացած է մի քանի թաղերից: Վերի մասը, դէպի հարաւ, կոչւում է Գեաւուր-ղայայի թաղ. նրանից փոքր ինչ ցած՝ Կազարմայի թաղ, որտեղ գտնւում են Վերին կամ Երևանի Դռները և որտեղից անցնում է Գորիսի խըճուղին: Հիւսիսային մասը, ցցւած Ղայրալի ձորի վրա, կոչւում է Քամու Ջրաղացի թաղ. նրանից ցած դէպի ներքին գերեզմանատունը՝ Ղումլուղի թաղ. իսկ հարաւարևելեան մասը՝ Հին Հանգստարանի թաղ և Բաղոնց Ձորեր:


Այս թաղերի և թուրքական մասի մէջտեղում ընկած է

հայերի շուկան—Մեծ Մէյդանը, որը կոչուում է նաև Թոփխանա:

Թոփխանայից սկսած մինչև Հին Հանգստարանի թաղը, Աղաբէկանց ձորը, և Ցածի Մէյդանը, որտեղից արդէն սկսւում է Թուրքաց թաղը, շառաւիղաձև ձգւում են երեք մեծ՝ այն է Թատրոնի, Ազուլեաց եկեղեցու փողոցները և Փօստի փողոցի շարունակութիւնը, մէջտեղ կազմելով երկու մեծ կւարտալներ: Թատրոնի փողոցի վրա գտնւում էր Թամիրեանի թատրոնը. Ազուլեաց եկեղեցու փողոցի վերին շարքում՝ Ղազանչեցոնց եկեղեցին, իսկ ցածի շարքում՝ Ազուլեաց եկեղեցին իր գեղեցիկ խանութներով:

Ահա այն երեք փողոցները, որոնք կազմում էին քաղաքի զարդը և որոնք իրենց մէջ ամփոփում էին աւելի քան 400 տներ և լեցուն խանութներ, այժմ ներկայացնում են աւերակների մի կոյտ. կանգուն մնացել են միմիայն երկու եկեղեցիները:

Թուրքերն էլ ունեն աւերակներ, բայց անհամեմատ քիչ: Թուրքերից աւերւած ու հրդեհւած են Երևանի Դռների մօտ 20 տուն, հին հանգստարանի շրջանում՝ 15, Թատրոնի փողոցում՝ 7, Աղաբէկանց Ձորում՝ 17 և Դիքտան-Ղուռուի շրջանից սկսած մինչև Ղումլուղ և Քեօշարլու թաղերը՝ աւելի քան 100 տուն:



# ԱՌԱՋԻՆ ԸՆԴՀԱՐՈՒՄԸ ՇՈՒՇՈՒՄ

16—22 ՕԳՈՍՏՈՍԻ 1905 Թ.

Շուշում յարաբերութիւնները հայերի և թուրքերի մէջ մինչև ընդհարումները եղել են լաւ և բարեկամական: Հակակառավարչական որևէ շարժում հայերի կողմից, ինչպէս կալւածական ցոյցն էր, նոյն իսկ համակրութիւն էր գտնում թուրք ժողովրդի մէջ: Սակայն այդ շարժումը համակրութիւն չէր գտնում բէկերի մէջ: Պատմում են հետևեալ դէպքը:

Աղզամեցի Ջաֆար-բէկ Վէզիրովը կալւածների գրաւման ժամանակ խոստացել էր իր մարդկանցով գալ Շուշի և հայերին զսպել, եթէ նրանք կը համարձակեն կառավարութեան դէմ ցոյց կազմել: մինչև անգամ պնդում են, որ նա իր մարդկանցով նոյն իսկ եկաւ քաղաք, սակայն որին թուրքերի Ղազին համոզեց թողնել այդ միտքը և յետ դառնալ:

Այս երևոյթը ահագին լոյս է սփռում այն կատաղի ընդհարումների վրա, որոնք տեղի ունեցան Շուշում և նրա շուրջը, ինչպէս կը տեսնենք աստիճանաբար:

Բագուի փետրվարեան սարսափներից անմիջապէս յետոյ Շուշում հայ և թուրք ժողովուրդների մէջ նոյն երևոյթը տեղի ունեցաւ, ինչ որ Երևանում, Փանձակում և միւս տեղերում: Բագուի ոճրագործութիւնները պախարակուում էին երկու կողմից էլ, համերաշխութեան և փոխադարձ շահերի անունից խօսում էին ամենքը: Սակայն որքան աւելի շատ ջանքեր էին գործ դրւում խաղաղութիւնը ապահովելու նպատակով, այնքան աւելի կասկածներ էին ծնում հայերի մէջ:

Ինչպէս մենք տեսանք, Շուշում հայերը մեծամասնութիւն են կազմում. չը նայած այդ բանին, նրանք առաջինը առիթներ էին փնտռում բարեկամական կապերը աւելի ամրապնդելու:

Այսպէս, մարտի 25-ին հայերը ահագին բազմութեամբ այցելեցին շիաների մզկիթը՝ թուրք հասարակութեանը ցաւակցութիւն յայտնելու Շէյխ-Հասան մամադանցի մուշտէյիդի մահւան առիթով, ինչպէս այդ տեղի ունեցաւ Երևանում և Գանձակում:

Սրանք անշուշտ կուեննային իրենց դրական նշանակութիւնը, եթէ մտքերի թունաւորումը չը գործէր մի արտակարգ եռանդով:

Շուշին խաղաղ մնաց Բագուի, Երևանի և Նախիջևանի ջարդերի ժամանակ, խաղաղ մնաց նաև ամառայ ամիսների ընթացքում, բայց միևնոյն ժամանակ չէր փարատուում այն կասկածը, որը կապւած էր թափառական ցեղերի սարից իջնելու դէպքերի հետ:

Քոչերի սարից իջնելու հետ կապել ընդհարումների պատճառները մենք տրամադիր չենք, բայց որ այդ տեղափոխութիւնը կարող էր առիթ ստեղծել ամիսներով կուտակւած տրամադրութիւնների բռնկման, ինչպէս և եղաւ, մենք չենք կասկածում: Նշանները երևացին նոյն իսկ յուլիս ամսին, երբ քոչւորները սկըսեցին իրենց բարձր «եաթաղներից» շարժել:

Փաստերը իրենց տեղերում կը գան և կապացուցեն այդ:

Յուլիսի սկզբներին Շուշուց ցած, խճուղու վրա, հանրակառքով (օմիիբուս) ճանապարհորդող մի քանի հայեր կողոպտեցին. բայց այս դէպքը աննկատելի մնաց. աննկատելի մնացին նոյնպէս մի քանի նման դէպքեր, ընդունելով նրանց որպէս սովորական երևոյթներ. սակայն դրանց յաջորդող դէպքերը այլ բան ցոյց տւին:

Յուլիսի 25-ին, ինչպէս այդ կը տեսնենք իր տեղում, Խաչէնի ձորակում ընդհարում տեղի ունեցաւ սարից իջնող քոչւորների և Վանք գիւղի հայերի մէջ: Լուրը Աղդամ հասնելով թուրքերը կողոպտեցին հանրակառքերով ճանապարհորդող շուշեցի հայերին և գերեցին նրանց, որոնց կարելի եղաւ ազատել միմիայն երկու օրից յետոյ:

Այս էլ զանցառութեան տւին շուշեցի հայերը:

Մի նոր ընդհարում, դարձեալ Խաչէնի ձորակում, քոչւոր թուրքերի և հայերի մէջ տեղի ունեցաւ օգոստոսի 8-ին՝ հայերի կորեկի արտերը ուտեցնելու պատճառով: Այս երկրորդ դէպքը միանգամայն տակն ու վրա արեց ամբողջապէս Աղզամի դաշտը: Կարծէք մի աներևոյթ ուժ ոտքի կանգնեցրեց թուրք խուժանին, որը երկու օր շարունակ բազմաթիւ ձիաւոր խմբերով ասպատա-

կում էր Եւլախի ճանապարհը՝ կողոպտելով և գերելով երկու կողմերից երթևեկող բազմաթիւ շուշեցի ճանապարհորդներին, ենթարկելով նրանց բռնութիւնների, վիրաւորանքների և խայտառակչութիւնների:

Այդ նոյն օրը, օգոստոսի 8-ին, Շուշում սպանւեց մի թուրք լապտերավառ և վիրաւորեց թուրքերի ձեռքով գիւղերից քաղաք մտնող Տիգրան Մէլիք-Ալլահվէրդեանը:

Զը նայած այն բանին, որ լապտերավառի սպանութիւնը կատարւել էր գիշերը և ոչ մի ապացոյց չը կար, որ նա կատարած լինէր հայերի ձեռքով, բայց „Кавказ“ լրագրի մէջ լոյս տեսաւ Շաֆիրէկով ստորագրութիւնը կրող Շուշուց ուղարկւած հետևեալ բնորոշ հեռագիրը:

«Գիշերւայ ժամը 3-ին երեք հայեր մեծ կօշիկներով և բլրդոտ փափախներով, խէնջարներով կտոր կտոր արին մի լապտերավառ մահմեդականի և փախան:»

Հասկանալի է, թէ այսպիսի մի յուզւած ժամանակ կրքերը լարելու իրաւի յանցաւոր մի միտք և ապագայում հայերին մեղադրելու իրաւի մի ստոր կանխամտածում թագնւած էր այդ հեռագրի տակ:

Երկու օրւայ հոգեկան տանջանքներով լի գերութիւնից ազատեցին ու եկան հարիւրից աւելի ճամբորդ գերիները. շուշեցին այս էլ տարաւ: Բայց սպանութեան և կողոպուտի դէպքերը գնալով շատանում էին: Քաղաքի ներքին Դռների մօտ, որը ծառայում է ամբողջ Վարանդայի համար որպէս մուտք, գիւղացի հայերը խուզարկւում, կողոպուտում էին թուրքերի ձեռքով: Երթևեկութիւնը այդ կողմով դարձաւ դժարին. թուրքի Մէլդանում աշխատող բաւականաչափ հայ արհեստաւորներ ուղեցին տեղափոխել իրենց խանութները հայերի մասը, բայց հարեան թուրքերն արգելք եղան՝ հաւատացնելով որ ոչինչ չը կայ:

Այդպիսի դրութիւնը շարունակեց մինչև օգոստոսի 16-ը:

Այդ օրը առաւօտեան, ներքին Դռների մօտ թուրքերը վիրաւորեցին երկու կաղարծեցի հայերի, խլելով նրանց ձեռքից ունեցած ատրճանակները. իսկ ցերեկւայ ժամը 2-ին թուրքերի մասում սպանւեց նախկին հաշտարար դատաւոր Լունեակինը՝ մի թուրքի հետ ունեցած ինչ որ մասնաւոր վէճի պատճառով:

Մինչդեռ քաղաքի խօսակցութեան միակ առարկան այդ

սպանութիւնն էր և մի քանի հայեր հետաքրքրուած անցել էին թուրքաց մասը—սպանութեան տեղը, յանկարծ թուրքի Մէյդանում պայթեցին հրացաններ:

«Թուրքի Մէյդանում հայերին կոտորում են», անա այն լուրը, որը հասնելով Թոփխանա՝ հայերն էլ այստեղից սկսեցին կրակել: Մի վայրկեան օդը խլացաւ հրացանների տրաքոցներից, սարսափահար եղած ժողովրդի հարայ-հրոցից և կանանց ու երեխաների վայնասունից:

Հայերը սկսեցին փախչել թուրքաց մասից, իսկ թուրքերը՝ հայոց մասից, ի հարկէ գնդակների տարափի տակ և շատերը վայր գլորելով: Ականատեսները պատմում են, որ ոստիկանապետ Սոսրով բէկ Թոփալովը, նոյնպէս մի խումբ իր ձիաւորներով փախչում էր Թոփխանայից դէպի Թուրքի Մէյդանը, բայց աջ ու ձախ կրակելով ատրճանակից:

Մի ժամ տեղոյ հրացանաձգութիւնը դադարեց, քաղաքը բաժանեց երկու թշնամի բանակների: Ինչպէս հայերից, այնպէս էլ թուրքերից բաւականաչափ այս և այն կողմը գերիներ մնացին: Թուրքի Մէյդանում և Աղաբէկանց Ձորում ընկան 20-ի չափ հայ և թուրք սպանուածներ:

Գիշերը անցաւ խաղաղ, բայց առաւօտեան հրացանաձգութիւնը սկսեց մի նոր ուժով: Այս անգամ սկսեցին կրակել քաղաքի բոլոր մասերից, որը ընդհատումներով տեւեց ամբողջ օրը: Ձօրքը քաղաք դուրս եկաւ. բայց նրա ներկայութիւնը չը կանգնեցրեց հրացանաձգութիւնը. նա, կարծէք, հանդիսատեսի դերում լինէր, ինչպէս և միւս քաղաքներում, միւս ընդհարումների ժամանակ: Մինչև անգամ փոխ-նահանգապետ Բարանովսկու մուտքը քաղաք 200 կօզակներով վերջ չը դրեց հրացանաձգութեանը. ընդամենը մի ժամաւայ ընդհատումից յետոյ հրացանաձգութիւնը սկսեց նոր թափով:

Այդ օրը թուրքերը հրդեհեցին քաղաքից դուրս Պետի աղբիւրի մօտ ընկած Թամիրեանի աղիւսի և քունկերի գործարանը, իսկ Ղայբալուի ձորում՝ Դաւիթ Ներսիսեանի շերամի գործարանը, որին որպէս պատասխան հայերը հրդեհեցին Երևանի Դռների մօտ թուրքերի մի քանի տները, որոնց բնակիչները առաջօրէն փախել, պատսպարուել էին մօտիկ զօրանոցում:

18-ի առաւօտը բացեց աւելի սոսկումով քան նախորդ օրը:



Աղդամից քաղաք էին թափւել բաւականաչափ թուրքեր, որոնք խրախուսւած այն բանից, որ հայերը փոխ-հանանգապետի կարգադրութիւնը յարգելով դադարեցրել էին հրացանաձգութիւնը, խուժել հասել էին մինչև Ագուլեաց եկեղեցին և միւս կողմից մինչև Քամու Ջրաղացի տակերը, որտեղից մի անօրինակելի իրարանցումով ժողովուրդը քաշուում էր դէպի հայկական թաղերի խորքը: Բացի այդ, Ղուվուղի թաղում հրդեհւած էին մի քանի տներ, որտեղից հրդեհը արագութեամբ անցնում էր հարևան շինութիւններին:

Հրդեհի մի փորձ, որն արին թուրքերը Ագուլեաց եկեղեցու յետևի մի թուրքի տանից, աւերիչ չափեր ընդունեց: Այդ տունը պատկանում էր ոմն Սուլէյմանովին, որի մէջ տեղաւորւած էր հիւանդանոց: Ահա այդ տունը առաջին անգամ հրդեհեց թուրքերի կողմից, որտեղից հրդեհը տարածւելով դէպի հայերի մասը, շնորհիւ փչող քամու ահագին ծաւալ ստացաւ: Վկայում են, որ նախ քան այդ տունը հրդեհելը թուրքերը վճարեցին տան տիրոջը—Սուլէյմանովին—տան արժէքը:

Ղուվուղի թաղում և Ագուլեաց եկեղեցու շուրջը բռնկւած հրդեհը մի կողմից, թուրքերի խուժումը մինչև հայկական թաղերը միւս՝ մի վայրկեան հայերի վրա սարսափ ազդեցին, որոնք սթափւածի պէս դուրս թռան դիրքերից՝ զգալով իրենց սխալը հրացանաձգութիւնը դադարեցնելու մէջ և մի արտակարգ յարձակումով յետ մղեցին առաջացած խուժանին Քամու Ջրաղացի տակից և Ագուլեաց եկեղեցու մօտից: Այդ մի չը տեսնւած գրոհ էր, որը կորստաբեր նշանակութիւն ունեցաւ թուրքերի համար: Նրանց զոհերի թիւը այդ օրը հաշուում էին 85, իսկ հայերինը՝ 10 սպանւած և 20 վիրաւոր: Մի քանի զոհեր էլ ունեցան զինւորները:

Իրիկնադէմին հրդեհը աւելի ևս սոսկալի չափեր ընդունեց՝ հայկական մասում առաջացնելով մի յուսահատ դրութիւն:

Մինչդեռ Ռիզա-կուլի Միրզայի տանը հաւաքւած նահանգապետը, գաւառապետը, առաջնորդը և հայ ու թուրք ներկայացուցիչները զբաղւած էին այդտեղ բերւած հայ և թուրք գերիների, որոնց թւում նաև Հուսէին-աղա Ջիվանշիրի, փոխանակութեամբ և հաշտութեան բանակցութիւններով, հրդեհը աւելի և աւելի տարածւելով բռնել էր մի մեծ շրջան. թոփխանայից սկսած մինչև Խանին Աղջկայ աղբիւրը և Հին Հանգստարանի թաղը իրենց շըր-

ջակայքով և մի քանի հարիւր տներով և խանութներով: Գոյքեր ազատելու մասին մտածող չկար. բազմաթիւ ընտանիքներ երեխաների ձեռքերից բռնած թափւած փողոցները, վազվզում էին խելակորոյսի պէս այս և այն կողմ: Տեսարանը գնալով ընդունում էր մի անօրինակ աղէտի բնաւորութիւն, որի դէմ կուելու համար մարդը դառնում է մի կատարեալ անկարողութիւն:

Ահա, աղէտի այս վայրկեանին Ռիզա-կուլի Միրզայի տանից յայտարարեց հաշտութիւն, բայց այդ ոչ մի ազդեցութիւն չունեցաւ. հրեղէն լեզունները տարածւում էին նոյն թափով, հրացանների ճռուցը շարունակւում էր աւելի ևս կատաղի կերպով:

Օգոստոսի 19-ին ընդհարումը նորից վերսկսեց և շարունակեց մինչև երեկոյ:

Թուրքերը՝ օգտւելով հրդեհի պատճառած շփոթութիւնից, Ազուլեաց եկեղեցու արևելեան դարպասը այրելով՝ ներս խուժեցին եկեղեցին և դիրք բռնելով զանգակատան գմբէթի տակ՝ մի յամառ կուռի ասպարէզ էլ դարձրին եկեղեցու շրջապատը:

Ազուլեաց եկեղեցին գտնւում է երեք փողոցների վրա: Նրա գլխաւոր մուտքը բացւում է մի նեղ փողոցի մէջ, որը երկու կողմերից դուրս է գալիս հրկու մեծ՝ այն է եկեղեցուն համանուն և Փօստի փողոցների վրա: Այնպէս որ եկեղեցին մտնելու համար կարելի էր գալ այդ երկու փողոցներից՝ սակայն որոնց վրա իշխում էր զանգակատան դիրքը: Ահա նեղ փողոցի այդ երկու մուտքերի վրա հերոսաբար ընկան մի քանի երիտասարդներ, որոնք նետւում էին այդ բաց տեղերը եկեղեցին մտնելու համար, մինչև որ նրանցից մէկը կարողացաւ մի ումը ձեռքին մտնել եկեղեցու բակը, մօտենալ եկեղեցու հարաւային դռանը և ներս շարտել ումը, որի պայթոցը սարսափ տարածեց թուրքերի վրա, որոնք փախան շանթահարածի պէս՝ մի քանի զոհերով և վիրաւորներով: Ռումը իր կտորներով քերծեց նաև եկեղեցու սիւններն ու պատերը, որոնց հետքերը մինչև այժմ էլ մնում են:

Այդպիսի մի յամառ կռիւ էլ այդ օրը տեղի ունեցաւ քաղաքային այգուց դէպի հարաւարեւելք թուրքերի մի ուժեղ դիրքի—Գեօհլար աղայի տան շուրջը, որտեղից արձակող գնդակները լուրջ կերպով նեղում էին հայերին:

Միաժամանակ այս բոլորին քաղաքի մի քանի մասերում տեղի ունէր կողոպուտ, իսկ հին հանգստարանի թաղում

մի նոր ձգւած հրդեհից այրւում էին մի շարք տներ:

Այդ օրերի ընթացքում ընկած հայերից մէկն էր Մարգար Փամհարեանը—մի համակրելի երիտասարդ:

Օգոստոսի 20-ին փոխ-նահանգապետի առաջարկութեամբ հաշտութեան նոր փորձ եղաւ, սակայն թափօրի վրա թուրքերը գնդակ արձակեցին. այդ դէպքը նոր ու յամառ հրացանաձգութեան առիթ դարձաւ. թուրքերը փորձեցին մի օրհասական յարձակում գործել հայերի վրա. սկսեց մի չը տեսնւած հրացանաձգութիւն: Ասում են, փոխ-նահանգապետը թուրքերի թաղից գրեց գաւառապետին, որ ինքն այլևս ձեռնթափ է լինում քաղաքը պաշտպանելուց և յայտնել հայերին—թէ ինչ միջոց որ ունեն թող գործ դնեն իրենց պաշտպանութեան համար: Այս կռիւնքներու ամենալու միջոցն էր և կառավարութեան ընդունւած տակտիկան: Հայերը մի վայրկեան յուսահատութեան մէջ ընկան, բայց գտան և ելքը:

Պետական հիւանդանոցի մօտ ընկած հնադարեան թնդանօթներից մէկը մի կերպ քաշ տւին մինչև Բաղոնց Ձորերը. մեծաքանակ վառօդն ու հազար ու մի երկաթի կտորները մի այնպիսի աղմուկ ու ծուխ բարձրացրին միաժամանակ հայերի բոլոր դիրքերից որոտացող համազարկերի հետ, որ սարսափը ընդհանուր դարձաւ հանդերձ զոհերով:

Վկայում, հաստատում են, որ դրանից յետոյ անմիջապէս թուրքերը սպիտակ դրօշակ բարձրացրին և հաշուութիւն խնդրեցին, որը և տեղի ունեցաւ նոյն օրը:

Հաշտութիւնը կայացաւ, բայց կայացաւ ամբողջ վեց օրւայ անընդհատ կատաղի ընդհարումներից, բազմաթիւ անմեղ զոհերից, հարիւրաւոր տների ու խանութների աւերումներից և ահագին թւով ընտանիքների դժբաղդանալուց և փողոց շարտելուց յետոյ, որից այն կողմը աւելի սոսկալի աղէտ երևակայել չէր կարելի:

Հարիւրաւոր տների շարքում այրւել էին քաղաքային վարչութեան տունը, հիւանդանոցը, հաշտարար դատարանը, Մարիամեան դպրոցը, եկեղեցապատկան 20 խանութները և թատրոնը: Մարդկային զոհեր հայերը ունեցել էին 100, իսկ թուրքերը՝ կրկնակի եռակի չափով. նիւթական ֆաբրիկաները ունեցել էին 30 հազարի, իսկ հայերը՝ 5 միլիօնից էլ աւելի:

Աղէտը կատարւեց վերջացաւ, բայց պրօվակացիան դեռ շարունակւում էր:

Մինչդեռ հայերը դեռ ևս ժամանակ չէին ունեցել հաշւի առնել իրենց զոհերը և կորուստները, մինչդեռ շատ հայ դիակներ դեռ անթաղ էին մնացել, իսկ հրդեհուած տներինց ծուխը շարունակում էր բարձրանալ, լոյս տեսաւ Ռուսաց գործակալութեան հետեւեալ հեռագիրը:

«Օգոստոսի 16-ին Շուշում հայերը յանկարծակի յարձակեցին քաղաքի հայկական թաղում ապրող և առևտուր անող մահմեդականների վրա և բոլորին սրի անցկացրին, յետոյ հայերը հրդեհեցին 40 տնից բաղկացած մի ամբողջ թաղ: Մահմեդականները թւով 100 հոգի մի ազդեցիկ խանի առաջնորդութեամբ անցան հայկական թաղը՝ ազգաբնակութեանը հանգստացնելու: Բայց հայերը յարձակելով շատերին վիրաւորեցին, իսկ մնացածներին գերի վերցրին: Օգնութեան հասնող նահանգապետ Բարանովսկուն հայերը վիրաւորեցին: Մահմեդականները վիրաւորուած նահանգապետին տարան քաղաք և վրդովուած սկսեցին հայերի յարձակումը յետ մղել: Այդ ժամանակ շրջակայ գիւղերից օգնութեան հասան մահմեդականներին, որոնց թիւը քաղաքում երկու անգամ քիչ է: Հայ հոգևորականութիւնը, որը մինչև այդ անգործ էր՝ խնդրեց բռնութիւնները դադարեցնել: Մահմեդականները իսկոյն ընդհատեցին կրակը, բայց հայերի կողմից շարունակեց հրացանաձգութիւնը: Դրանից յետոյ մահմեդականները պաշտպանելով յարձակում սկսեցին: Կոտորածը շարունակուած է, քաղաքը հրդեհուած է ամեն կողմից»:

Այդ հեռագիրը Բագուից ուղարկել էին Թոփչիբաշեվ և Մէլիքով:

Այդպիսի մի հեռագիր մենք տեսանք ուղարկուած նաև Երևանից, որի հեղինակը դարձեալ առաջաւոր մի թուրք էր:

Սակայն այդ հեռագիրը հերքեց Կովկասի ոստիկանութեան զլխաւորին, օգոստոսի 23-ին Գանձակից ուղարկուած հեռագրի հետեւեալ խօսքերով:

«Ռուսաց գործակալութեան հաղորդած տեղեկութիւնները, Շուշու անկարգութիւնների մասին, փոխ-նահանգապետի ասելով, ամենևին համաձայն չեն իրականութեան հետ»:

Այդ բոլորից յետոյ, օգոստոսի 25-ին, մուտք գործեց Շուշի գեներալ Տակալովիին, որի ամբողջ պատկերը արտացոլաց նրա երեք գործողութիւնների մէջ:

Առաջինը՝ նա Շուշի մտնելով հայ և թուրք հոգեորականութեան ու ժողովրդի հետ թուրքաց բազարից սկսելով նախ մտաւ մզկիթ, ապա անցնելով քաղաքի այրւածների միջով՝ մտաւ Ղազանչեցոնց եկեղեցին, զօրքերի և երաժշտութեան ուղեկցութեամբ:

Երկրորդ՝ նա վրդովւած լրագրական իբր սուտ հաղորդագրութիւններից, իր խնամքին յանձնւած շրջանների և Շուշու վերաբերմամբ մի ընդարձակ հեռագրով յայտարարեց, որ այդ հաղորդագրութիւնները սուտ են և որ իր շրջանը միանգամայն խաղաղած է ու հանգիստ:

Եւ երրորդ՝ նա հրամայեց բանդարկել որպէս խռովարարների երեք հայերի, այն է՝ բժիշկ Աթաբէկեանին, Ռ. Իւզբաշեանին և Յ. Մէլիքեանին:

Դեռ ևս ծխացող աւերակների վրայով երաժշտական քայլերգ կատարել, հրի ու սրի միջից խաղաղութիւն յայտարարել, իսկ բանդ ուղարկել նրանց, որոնք զէնք անգամ ձեռք չէին վերցրել. այսպէս, ահա, սկսեց Տակայշվիլին իր գործունէութիւնը, մինչդեռ սեպտեմբերի սկզբին Աղղամում ճանապարհորդների վերաբերմամբ նոր բռնութիւններ տեղի ունեցան:

Շուշու առաջին ընդհարման ժամանակ այրւեցին աւելի քան 370 մեծ ու փոքր շինութիւններ հանդերձ տնային կահ-կարասիներով և ոչնչացան 200 խանութներ՝ իրենց միջի ապրանքներով: Ընդհանուր փասը հասնում էր 5—6 միլիօն գումարի:



# ԵՐԿՐՈՐԴ ԸՆԴՀԱՐՈՒՄԸ ՇՈՒՇՈՒՄ

12—22 ՅՈՒԼԻՍԻ 1906 թ.

Մի նոր ընդհարում նման աղէտներով լի պահած էր Շուշու համար մի երկրորդ անգամ, սակայն առաջին ընդհարումից մինչև երկրորդը շատ բաներ անցան ու դարձան Շուշու գլխով, որոնցից արժէր մի քանի դէպքեր արձանագրել:

Ճիշտ է, օգոստոսի 22-ին, ամբողջ վեց օրւայ արիւնահեղ ընդհարումներից յետոյ, տեղի ունեցաւ հաշտութիւն և մասսայական դէպքերն այլևս չէին կրկնուում, բայց անգիտակից մասսաների մէջ թշնամութիւնը շարունակուում էր այլ ձևերով:

Շուշին կապուած է երկաթուղու Եւլախ կայարանի և արդիւնաբերական կենտրոնների հետ Շուշի-Եւլախեան խճուղու միջոցով, որը անցնում է Ասկէրանի կիրճով և ձգւում թուրքերով բնակեցրած Աղդամի և Ջիւանշիրի տափարակների ամբողջ երկարութեամբ:

Շուշին իր մթերքները, նոյն իսկ հացի պաշարի մեծ մասը, ստանում է գծի վրա երթեկող ֆուրգօններով, որոնց մեծ մասը պատկանում է Մալիբէկլու թուրք գիւղացիներին:

Մի այլ խճուղիով Շուշին կապուած է Գօրխի և Զանգեզուրի հետ, որտեղից կարելի էր նեղն ընկած ժամանակ ամենաանհրաժեշտ մթերքներ բերել: Սակայն այդ ճանապարհն էլ մեծ մասամբ ձգւած է թուրքերով բնակւած լեռների ու ձորերի միջով:

Ահա, Շուշին պաշարւած վիճակի մէջ դնելու և սովամահ անելու համար բաւական էր փակել այդ երկու ճանապարհները, ինչպէս և եղաւ:

Դեռ ևս Շուշու առաջին ընդհարումների ժամանակ շուշեցի հայ առևտրականների անուշով ուղարկւած մեծ քանակութեամբ ապրանքներ և մթերքներ մալիբէկլուեցի թուրք ֆուրգօնիները քշեցին իրենց գիւղը, որը գտնւում է Շուշուց տասը վերստ հեռաւորութեամբ խճուղու կողքին: Բացի այդ, թուրքերը յայտա-

րարեցին բոյկոտ. թուրք ֆուրգօնչիները հրաժարեցին այլ ևս հայերի համար մթերքներ տեղափոխել, երթևեկութիւնը ոչ մահմետական բեռնակիրների համար դարձաւ վտանգաւոր և անստեղծմբերի սկզբի 4-5 օրերը մթերքների այնպիսի կարիք առաջացաւ, որ մոռացնել տւեց քաղաքին հասած սոսկալի աղէտը: Երկու օր ևս և սովից մարդիկ միմեանց կուտէին, եթէ զօրքերի պաշտպանութեան տակ մթերք չը մտնէր քաղաք:

Այդ ժամանակ փակեած էր նաև Գօրիսի ճանապարհը, թուրք հրոսակախմբերը ասպատակում էին իւրաքանչիւր մի կէտը:

Քաղաքի թուրք խուժանին, Աղղամի և Զարսլուի հարիւրաւոր ձիաւորների սոսկալի գրոհին և կարկտի պէս թափւող գնդակներին մի սնօրինակ յամառութեամբ դիմադրող շուշեցի հայր մթերքի կարիքի առաջ ընկճեց, զինաթափ եղաւ: Հայերի այս թոյլ կողմը վաղուց նկատել էին թուրքերը: Աղղամի ճանապարհորդներին գերիլը ճանապարհները փակելու առաջին փորձն էր: Այդ փորձերը տեղի էին ունենում մի արտասովոր յանդըգնութեամբ:

Այսպիսի պատերազմ յայտարարեցին թուրքերը հայերին, երբ զէնքի ուժով չը կարողացան նրանց ընկճել: Շուտ շուտ փակուում էր Եւլախի գիծը, հայերի համար երթևեկութիւնը կանգ էր առնում և մթերքների տեղափոխութիւնը դադարում:

Ահա, հայերի համար այս ծանր լուծելի խնդիրը եկաւ լուծելու Ասկէրանը, որը թուրքերի տակտիկային հետևելով ոչ միայն ամեն անգամ փակում էր ճանապարհը նրանց առաջ և կանգնեցնում մթերքների փոխադրութիւնը, այլ և Շուշու ընդհարումների օրերում այնտեղ արշաւող Աղղամի դաշտի հազարաւոր խուժանին յետ մղելով թեթևացնում էր հայերի կոխը քաղաքում թէ մէկ և թէ միւս դիպաւածում, ինչպէս այդ կը տեսնենք նաև իր տեղում:

Այս հակակշիռը այնքան նեղ վիճակի մէջ դրեց Շուշու թուրքերին, որ նրանք իւրաքանչիւր բանակցութեան ժամանակ ամենից առաջ մէջ էին բերում ըմբոստ Ասկէրանը:

Ռազմական այդպիսի մի կէտ հայերը ունէին նաև դէպի Գօրիս ձգւող խճուղու վրա, այդ Ղարսղլաղն էր, հայկական առւիների այդ վայրը, որին կը պատահենք նոյնպէս իր տեղում:

Բայց թող չը կարծւի, որ թշնամութիւնը սահմանափակ-

ուում էր միմիայն կուի այս ձևերով, ոչ, անհատական սպանութիւնների դէպքերը կրկնուում էին շարունակ այս և այն տեղում, այն էլ մեծ չափով: Անհատական սպանութիւններ տեղի ունեցան գլխաւորապէս դէպի Գորիս ձգող խճուղու վրա, թուրք Զարսուլ գիւղի սահմաններում և Շուշու արևմտեան—Ղայրալուի—ձորի երկարութեամբ, սկսած Պելիի աղբիւրից մինչև Շուշու սարահարթի Սանգեառ կոչուող սեպածև ժայռերի տակ, թէև նման դէպքեր կատարուում էին նաև քաղաքի շրջակայքում և նոյն իսկ քաղաքի մէջ, ինչպէս էր ներքին հանգստարանում Բալլուջա գիւղացի մի երիտասարդի և մի թուրք փափախչու սպանութիւնը: Զարսուլի ճանապարհին մեզ անյայտ սպանւածների թւում յիշեցին երկու անուններ՝ ուսուցիչ Համբարձում Կոստանեանը և գործսեցի վաճառական Պօղոս Պարոնեանը նոյեմբերի 21-ին սպանւեցին Զարսուլի մօտ կառքով Գորիս գնալիս:

Պակաս չէին և այլ տեսակի յանցագործութիւնները. այս միջոցին քաղաքից դուրս հրդեհւեց Սանգամիրեանի շրաղացը:

Շուշու համար ամենից ծանր դրութիւն ստեղծւեց ղեկտեմբերի վերջերին: Ընդհանուր երկաթուղիական գործադուլը մի կողմից, Աղղամ-Ասկէրանեան ընդհարումները միւս՝ մթերքների այնպիսի կարիք առաջացրին, որ ժողովուրդը ուղղակի սովի մատնւեց, մանաւանդ թուրք ժողովուրդը: Թուրքերի մասում հացի ֆոնտը բարձրացաւ մինչև 18 կոպէկի. շատ թուրքեր ցորենը խաշում և այնպէս ուտում էին. ոչ պակաս նեղութեան մէջ էին նաև հայերը: Ահա այս նեղ միջոցին, յունվարի սկզբին, հասնում է Օզերովսկին մթերքների տրանսպորտով:

Չը մոռանանք յիշել մի դէպք ևս: Յունվարի 6-ին թուրքերը ծրագրեցին մի դաւադիր յարձակում միաժամանակ մի քանի գաւառամասերի, ինչպէս և Շուշու վրա. այդ բանը մեծ իրարանցում ձգեց հայերի մէջ: Ընդհանուր սարսափ տիրեց ամենքին. սակայն այդ փորձն էլ անյաջող անցաւ, որից յետոյ թուրքերը հաշտութեան նոր բանակցութիւններ սկսեցին, որի ժամանակ որպէս գլխաւոր կէտ ծառայում էր ճանապարհների խնդիրը:

Այդ տեղի ունէր յունվարի 15-ին: Հարցը պտտում էր բոյկոտը վերացնելու շուրջը. թուրքերը պահանջում էին բացել Ասկէրանի անցքը, իսկ հայերը պահանջում էին բացել Աղղամի և Գորիսի ճանապարհները:



Այս բանակցութիւնները տեղի ունէին գեներալ Գօլօշչապովի օրով, որը անաչառ մարդու տպաւորութիւն թողեց հայերի վրա: Անաչառ ու անկեղծ պաշտօնեայ քաղաքական այդպիսի պայմաններում դժւար էր գտնել, բայց և այնպէս հայերը գոհ մնացին նրանից:

Շուշին այդքան զրկանքներ կրելուց յետոյ մի առժամանակ խաղաղեց. հիւանդի ապաքինման շրջանն էր այդ. սակայն մայիսի հետ նա նորից աղմկեց. մանր-մունր դէպքերը շարաթների ընթացքում կուտակելով՝ յուլիսի մէջ առաջացրին մի նոր արիւնահեղ ընդհարում:

Մայիսը մի սոսկալի ամիս էր Շուշու և նրա շրջականների համար. սկսեց մարդորսութեան շրջանը մի չը տեսնած չափով. օր չէր անցնում, որ այս կամ այն տեղ երկու կողմերից փոփոխակի սպանութիւններ և կենդանի մարդկանց անհետանալու դէպքեր տեղի չունենային:

Միմիայն քաղաքի շուրջը սպանւեցին՝ բախկալ Սարգիսը և իր 12 տարեկան տղան, երկու Քարինտակ գիւղացի փայտ կրտսերողներ, բուլկի ծախող Մարկոսը, Թևանը և իր 15 տարեկան տղան. որդին սպանւեց չլուծ, իսկ հայրը վախից հիւանդացաւ և տուն գալով մեռաւ: Սպանւեց նաև Ղայրալի գիւղացի մի 15 տարեկան հօտաղ, որի հասակակից ընկերոջը կենդանի գողացան և ընծայեցին Նաջաֆ-Կուլի աղային, սակայն որի տանից ճարպիկ պատանին փախաւ՝ իր հետ տանելով աղայի հրացանը:

Նման սպանութեան դէպքեր կատարուում էին նաև հայերի կողմից. այսպէս Բալուջայի կամուրջի մօտ հայերի ձեռքով անյայտացան մի անգամից մի քանի թուրք սալապաններ \*):

Հայերի վերաբերմամբ մի շարք սպանութիւններ տեղի ունեցան նաև Ղարաղշլաղի ճանապարհի վրա, Զարսլուի մօտ, որոնց մի առ մի թւելը անհնարին է:

Սակայն այս բոլորի շարքում ամենից շատ վրդովմունք պատճառեցին Աղդամի դէպքերը:

Մայիսի 14—15-ին Ղարբանդ կայարանի մօտ գերեցին հայ

\*) Մենք ուրախութեամբ այնպիսի մանրամասնութիւններ, որպիսին տալիս ենք հայերի մասին, կը տայինք նաև թուրքերի վերաբերմամբ, եթէ միայն կարելի լինէր ձեռք բերել նրանց, թէև հնարաւոր եղածները, այնուամենայնիւ, մենք առաջ ենք բերում:

ճանապարհորդների թւով 27 հոգի. դրանց մէջ էր շուշեցի Բախշի Արամեանը, որը ճանապարհորդում էր երեք կանանց և երկու փոքրահասակ երեխաների հետ մի հանրակառքով: Ահա այս բոլոր գերիները այլևս չը վերադարձան. սրանցից միայն 15-ի մորթոտւած և այլանդակւած դիակները կարելի եղաւ գտնել, մնացեալները անհետ կորան:

Այս դէպքերի ժամանակ գեներալ Գօլօշչայովը չը կար, նա Թիֆլիս էր վերադարձել:

Դրուժիւնը գնալով լարւեց, երթևեկութիւնը նորից դադարեց և ճանապարհները փակւեցին:

Ահա այս ժամանակ հայերը մի կողմից դիմեցին փոխարքային՝ խնդրելով նորից ուղարկել Շուշի գեներալ Գօլօշչայովին, իսկ միւս կողմից լուրջ կերպով ձեռնարկեցին Շուշի-Փանձակեան լեռնային ճանապարհի կառուցմանը՝ աշնանից արդէն սկսւած երթևեկութիւնը կանոնաւորելու համար:

Մայիսի վերջին Գօլօշչայովը եկաւ, բայց դրուժիւնը դարձեալ չը փոխւեց: Անհատական սպանութիւնները շարունակւեցին առաջւայ կարգով. ճանապարհները մնացին փակ. Գօլօշչայովի սպառնալիքներն անգամ ապարդիւն անցան: Շուշում թուրքերի մէջ այլ տրամադրութիւն էր տիրում. նրա արտայայտիչը այս անգամ հանդիսացաւ Նաջաֆ-Կուլի աղան, որը, ասում են, Զանգեզուրի Իլդրիմ և Փաշարէկ Սուլթանովների հետ գրաւոր բանակցութիւններ էր վարում ինչ որ մի մեծ ծրագիր իրագործելու համար:

Այդ ժամանակ բանդարկւեց Նաջաֆ-Կուլի աղան. այս դէպքը աւելի ևս գրգռեց թուրքերին և յուզմունքները շատացան:

Այսպիսի ծանր երկունքի մէջ ահա ծագեց յուլիսի 12-ի առաւօտը:

Այդ օրը, առաւօտեան ժամը 8-ին, թուրքերի տներին կից Զարգարեանցի պարտիզում քնած տեղը, թուրքերի ձեռքով սպանւեց Սահակ Միրզոյեանը: Սպանութեան տեղը գնացին դատախազը և ոստիկանութիւնը. այնտեղ շտապեցին նաև շատ հետաքրքիր հայեր: Ահա, այդ սպանութեան տեղը խմբւած հայերի վրա, պաշտօնեաների գնալուց յետոյ, թուրքերի մասից գնդակ արձակեց, որը վայրկենապէս արձագանք ւստաւ քաղաքի զանազան մասերում: Սկսեց հրացանաձգութիւնը երկու կողմերից մի սոսկալի թափով:

սկսեց նորից արիւնահեղ ընդհարումը երկու դրացի ժողովուրդների մէջ՝ անմիտ և աննպատակ: Փոխադարձ զոհերով կռիւը շարունակեց ամբողջ օրը. այս անգամ կռիւն մասնակցում էր նաև զօրքը և թնդանօթը: Այս տարօրինակ թող չը թւայ. թուրքերի կրակից սպանւեցին երկու զինւորներ. այդ կատաղեցրեց թէ զօրքին և թէ Գօլօշապովին. թնդանօթը դարձաւ դէպի թուրքական մասը և որոտաց երկար ու երկար: Հարիւրաւոր հայեր և թուրքեր եթէ ընկնէին, թնդանօթը չէր խօսի, ինչպէս չէր խօսում և ոչ մի տեղ, իսկ նա խօսեց երբ ընկան երկու զինւորներ. ահա ինդիրը: Եւ այս հանգամանքը անկարող լինելով ըմբռնել՝ թուրքերը Գօլօշապովին սկսեցին մեղադրել այն բանում, որ իբր նա հայերի հետ միացած ուժակոծում, կոտորում էր իրենց անխնայ:

Այս անգամայ կռիւը աւելի կատաղի էր և յամառ քան առաջինը: Թուրքերը մինչև անգամ վատահուժիւն ունեցան գնդակներ տեղալ Գօլօշապովի տան վրա, որտեղից նա ստիպւած էր տեղափոխւել հայերի մասում գտնւող հիւրանոցը:

Թուրքերը հինգ յայտնի դիրքեր ունէին, դրանք էին. Խանին-Աղջկայ, Դոհվար-Աղայի, Աղա-Իրզի, Դիքտան-Ղուռուի և Հաջի-Վալիևի տները: Դրանցից առաջինը գործում էր Ղումլուղի թաղի դէմ, երկրորդը՝ հին հանգստարանի, իսկ մնացեալ երեքը՝ հայոց թաղի կենտրոնական մասերում:

Առաջին օրը հայերը կարողացան այնքան նեղել Աղա-Իրզի դիրքում եղողներին, որ նրանք ստիպւած էին իրենց ձեռքով հըրդենել դիրքը և հեռանալ, մանաւանդ բռնկւած հրդեհը ոչնչացնում էր Ղումլուղի թաղից ցած գտնւող հայերի և թուրքերի տները՝ սպառնալով նաև այդ դիրքին:

Յուլիսի 13-ին հրացանաձգութիւնը շարունակեց նոյն թափով, սակայն այս անգամ առանց զօրքի և թնդանօղի մասնակցութեան և ինչ կարիք կար նրանց միջամտութեան, քանի որ առանց այն էլ արիւնը հոսում էր և աւերը շարունակւում:

Կռիւը արձագանք էր գտել նաև քաղաքից դուրս, նրա շրջակայքում: Բազմաթիւ թուրքեր, եկած գլխաւորապէս Զարսլուից և Խալֆալուից, ճիգ էին թափում քաղաք խուժել, իսկ Քարինտակ և Ղայբալի գիւղերի հայերը դիմադրում էին նրանց. այդպիսով շրջակայ ձորերն ու լեռները նոյնպէս թնդում էին համազարկերի ձայնից:

Կոիւնքերի հետ միասին շարունակուած էր նաև հրդեհը. այժմ էլ այրուած էին հին բաղնիսը, Զաֆար-բէկի տունը, Խանին-Աղջկայ աղբիւրի մօտ:

Բացի այդ, քաղաքի մէջ մի քանի տեղերու մէջ կտրուած էր հեռագրաթելը, որը կապելու հնարաւորութիւն չէր լինում. կտրուած էր նաև քաղաքի խմելու ջուրը:

Գօլօշչապովը այդ օրը փորձ արեց հաշտութիւն կայացնել, բայց այդ անկարելի եղաւ և հրացանաձգութիւնը շարունակեց մինչև գիշեր:

Պէտքէ ասած, որ այս անգամ էլ Շուշու հայերին Ասկէրանի ցոյց տւած ծառայութիւնը շատ մեծ էր. նա քաջութեամբ կանգնեցրել էր այն խուժումը, որը քաղաքի ընդհարումների առաջին օրւանից սկսւել էր Աղզամի դաշտից դէպի Ասկէրանի կիրճը Շուշի գնալու համար:

Կոիւրը շարունակեց նաև գիշերը, բայց կենտրոնացած գլխաւորապէս Դաբաղների ձորի շուրջը: Այդ ձորը ընկած է Ղուժլուզի թաղի տակ, որտեղ ապրում են և հայեր և թուրքեր. ահա այդ խառնեւածքներում տեղի ունեցաւ մի յամառ կռիւ, որի ժամանակ հայերը ունեցան 7—8 զոհեր:

Յուլիսի 14-ին, ցերեկը, մի փոքր խաղաղ անցաւ, որ և քաղաքային խորհրդարանի դահլիճում հաշտութեան մի նոր անպատուղ բանակցութիւն տեղի ունեցաւ. գիշերը նորից հրացանաձգութիւնը վերսկսեց: Դիքտան-Ղուռու դիրքի շուրջը հայերը հրդեհեցին մի քանի տներ, փորձ անելով գրաւել այդ դիրքը, բայց անձրևը խանգարեց նրանց: Կոիւրը տաք բնաւորութիւն ստացաւ նաև Գոնվար-Աղայի դիրքի ու հասարակաց տների շուրջը, Աղաբէկանց ձորում և Ագուլեաց եկեղեցու մօտ: Չոփուռանց տան շրջակայքում հրդեհեցին թուրքերի տները: Հրդեհուածները կատարուած էին թէ հայերի և թէ թուրքերի կողմից: Թուրքերը իրենք հրդեհում էին իրենց տները, երբ հայերից նեղելով ստիպւած էին լինում թողնել ու հեռանալ՝ չուզելով հնարաւորութիւն տալ հայերին դիրք գրաւել այդ տների մէջ:

Յուլիսի 15-ին հրացանաձգութիւնը դարձեալ շարունակեց: Այդ օրը վերջապէս Դիքտան-Ղուռուն ընկաւ. այդ յամառ ու դիմացկուն, հայերին նեղող դիրքը, հայերը գրաւեցին մի անօրինակ գրոհից յետոյ: Այս դիրքը թողնելուց յետոյ թուրքերը սպիտակ

դրօշակ բարձրացրին. սկսեց բանակցութիւն, բայց գարձեալ անպտուղ. թուրքերը չը համաձայնեցին կամովին քանդել Գոհվար-Աղայի և Հաջի-Վալիի դիրքերը, որոնք ամեն անգամ իրենց յարմարութեամբ բորբոքում էին կռիւր:

Յուլիսի 16-ին վերջապէս ընկաւ նաև Հաջի-Վալիի դիրքը, որին հետևեց հրդեհ և մի քանի ժամ տևող կռիւ հայերի գրաւուածներով. թուրքերը խիստ նեղն ընկած՝ ստիպւած էին դատարկել առաջին շարքերի տները:

Ահա, այդ ժամանակ թուրքերը նորից բարձրացրին սպիտակ դրօշակ և տեղի ունեցաւ ձևական հաշտութիւնը սակաւամարդ թափօրով:

Այս հաշտութիւնից անցաւ հինգօրեայ մի շրջան—կիսախաղաղ զինադադարի, բայց ոչ վստահութեան շրջան: Այդ հինգ օրւայ ընթացքում կասկածը հայերի մէջ դէպի խաղաղութիւնը ամենևին չը դադարեց:

Յուլիսի 21-ին Աղա-Իրզի տունը նորից լցեց զինւած թուրքերով. նախկին օրերի ընդհարման մեծապէս նպաստող այդ դիրքը նորից ամրապնդեց: Պատճառ բերելը հեշտ էր. հայերի ձեռքում գտնւելով՝ նա կասկածների մէջ էր ձգում թուրքերին: Եւ տունը յետ տրեց:

Ահա այդ բանից մի փոքր անց, 21-ի երեկոյեան պահուն, թուրքական մասից լսեց համազարկերի մի որոտ, որը վայրկենապէս արձագանք գտաւ քաղաքի բոլոր մասերում: Առաջին արձագանք տուողներից մէկը եղաւ Աղա-Իրզի նոր ամրացրած դիրքը, որի առաջ միանգամից վիրաւորւեցին մի քանի հայեր:

Բոլոր կասկածները իրականացան. զրսից քաղաք էին մտել բաւականաչափ կուռղ ուժեր, որից խրախուսւած տեղացի թուրքերը՝ վերջին փորձն էին անում վրէժխնդիր լինել:


Սկսեց նոր ընդհարում նորանոր կորուստներով և զոհերով. շարունակեց նա ամբողջ գիշերը, որի ժամանակ թուրքերը փորձեցին այրել Ղուժլուղի թաղը՝ հրդեհելով երեք հայերի տներ, իսկ հայերը հրդեհեցին Քօչարլուի թուրքերի տները: Հրացանաձգութիւնը շարունակեց նաև յաջորդ օրը, մինչև որ Աղա-Իրզի դիրքը երկրորդ անգամ գրաւեցին հայերը, որտեղից թուրքերը փախան կորուստներով թողնելով հրդեհաձգութեան բաւականաչափ նիւթ—վառօղ, նաւթ, լաթի կտորներ և այլն:

Մի ամբողջ օր ու գիշեր շարունակող ընդհարումներից յետոյ նոր հաշտութիւն և թափօր տեղի ունեցաւ և նոր միայն զոհերի թիւը յայտնի դարձաւ: Այդ թիւը սոսկալի էր. միմիայն հայերը ունեցել էին 24 սպանւած և 102 վիրաւոր. իսկ թուրքերի կորուստը կրկնակի չափով մեծ էր: Բացի այդ, հրդեհը ոչնչացրել էր աւելի քան 200 տուն—մեծ մասամբ թուրքերին պատկանող:

Սակայն վրդովեցուցիչը այն էր, որ թուրքերը դեռ չէին ըմբռնում իրականութիւնը և նրանք էլ նման հայերի միամտութիւն ունէին փրկութիւն որոնել բարեկամ պաշտօնեաների մէջ՝ պահանջ անելով Փոխարքայից, որ Գօլօշչապովի փոխարէն ուղարկէր մի այլ պաշտօնեայ, մոռանալով որ նոյն այդ պաշտօնեաների դերը ընդհարումներ առաջ բերելու մէջ էր:

Միամիտ խեղճերը չէին տեսնում, թէ ինչպէս այն միջոցին, երբ զօրքերի մի մասը մի քանի թնդանօթներով հարւածում էր իրենց, զօրքերի մի այլ քանակ, մի սպայի—Չերնեակի—ղեկավարութեամբ Խանին-Աղլկայ տներից հարւածում էր հայերին: Միթէ, յիրաւի, մինչև վերջն էլ նրանք չը կարողացան նկատել այն երկգիմի դիրքը, որը բռնած ունէր թէ զօրքը և թը իւրաքանչիւր պաշտօնեայ:

Ոչ մի աղէտ թերևս այնքան ծանր չը լինէր, որքան այդ կարճատեսութիւնը թուրք մասսայի մէջ, շնորհիւ որի ոչ մի կերպ հնար չէր լինում վերջ դնել կորստաբեր, անմիտ ընդհարումներին:



## ՇՈՒՇՈՒ ԳԱՒԱՌ

Շուշու գաւառը ընկած է նահանգի հարաւարեւելեան մասում՝ Զիււանշիր, Զանգեզուր և Զիրբայիլ գաւառների մէջտեղում, հիւսիսարեւելեան կողմից կազմելով Բագուի նահանգի սահմանագիծը:

Շուշու գաւառը թէև տարածութեամբ փոքր, բայց ազգաբնակչութեան թւով նահանգի ութը գաւառների մէջ բռնում է երկրորդ տեղը: Եւ բացի այդ, Շուշու գաւառը միակն է, ուր հայ ժողովուրդը թուրք ժողովրդի համեմատութեամբ մեծ տոկոս կազմելով՝ միևնոյն ժամանակ ամենաբազմահայ գաւառն է ամբողջ նահանգում:

Գաւառի ազգաբնակչութեան ընդհանուր թիւը՝ հաշւած նաև քաղաքը, հասնում է 139 հազարի, որից հայերը՝ 74 հազար, թուրքերը՝ 63 հազար և զանազան ազգեր՝ 2 հազար:

Շուշու գաւառը իր աշխարհագրական կազմաւածքով ներկայացնում է երկու տարբեր դրութիւններ. գաւառի ամբողջ լայնութեամբ ընկած հարաւարեւմտեան մասը լեռնոտ է՝ հարուստ անտառապատ լանջերի և մերկ գագաթների խայտաբղէտ տեսարաններով, իսկ հիւսիսարեւելեան մասը իր ընդարձակ մակերևոյթով հարթ, տափարակ տարածութիւն է, տեղ տեղ մշակւած, իսկ տեղ տեղ ամառի տնապատ:

Շուշու գաւառում նկատելի է հայ և թուրք ժողովուրդների որոշ շերտաւորումն, որոնցից հայերը տեղաւորւած են լեռնային շրջանի երկու գաւառամասերում սխմւած կերպով, իսկ թուրքերը՝ փոքր բացառութեամբ, ցրւած են տափարակների վրա: Այս հանգամանքով պիտի բացատրել այն երևոյթը, որ այս շրջանում հայաբնակ շատ գիւղեր ընկած գաւառամասերի կենտրոններում, ազատ են մնացել ընդհարումներից:

Շուշու գաւառի այն մասը, ուր ապրում են հայերը, կազմււած է պատմական Սաչէն և Վարանդա գաւառներից, որոնց սահմանը

կազմում է Կառկառ գետը և Դիզակ գաւառի այն մասից, որը ընկած Իշխան-Չայ գետի հովտում՝ սահմանակից է Վարանդային:

Շուշու գաւառի 242 գիւղերից 94-ը հայաբակ են, բաղկացած՝ 24 Խաչէնի, 58 Վարանդայի և 12 Դիզակի գիւղերից այս կարգով:

**Խ Ա Չ Է Ն Ի Գ Ի Ի Ղ Ե Ր**

№ №	Գ Ի Ի Ղ Ե Ր Ի Ա Ն Ո Ի Ն Ն Ե Ր Ը	Պ ա շ տ օ ն ա կ ա ն Թ ւ ւ ր	Մ Է ր Ը
		*)	*)
1	Ղայբալի—20 տունը թուրք .	100	100
2	Կրկժան—40 տունը թուրք .	120	85
3	Խանքէնդ—60 տ. թուրք .	130	160
4	Փահլուլ .	10	25
5	Խանածախ .	72	70
6	Ջամըլլու .	12	20
7	Բալլուջա .	160	234
8	Դահրաւ (Ղայաբաշի) .	110	120
9	Մէյթի-Շէն (Մէյթի-Բէնդ) .	56	75
10	Պտրեցիք (Բաղարա) .	126	200
11	Խանձք (Սարի-Բէշլի) .	55	86
12	Դաշբուլաղ .	130	200
13	Ուլուբաբ (Ուրախչ) .	25	20
14	Բև (Շալվա) .	50	60
15	Սէյդի-Շէն (Սէյդի-Բէկլի) .	50	70

\*) Գանձակի նահանգի հայաբնակ գիւղերի ծխերի թիւը առաջ ենք բերում Գանձակի նահանգական վարչութեան 1902 թ. պաշտօնական հրատարակութիւնից՝ համաձայն 1897 թ. վիճակագրութեան:

Առանձին սիւնեակում բերում ենք և մեր հաւաքած տեղեկութիւնները մատաղատան հաշուով:




16	Ղշլաղ (Ղշլաղ-Քէնդ)	120	150
17	Խնձորեստան . . . . .	110	150
18	Յիլիս (Ղարաքէնդ) . . . . .	55	50
19	Սարդարաշէն (Ենգիջա) . . . . .	40	70
20	Նորագիւղ (Քէշիշ-Քէնդ) . . . . .	160	150
21	Ղըլըջ-Բաղ . . . . .	60	90
22	Քարագլուխ (Դաշբաշի) . . . . .	80	90
23	Խանարադ . . . . .	96	120
24	Խրամորթ . . . . .	65	50
<b>ՎԱՐԱՆԴԱՅԻ ԳԻՒՂԵՐ</b>			
1	Քարինտակ (Դաշալթի) . . . . .	120	150
2	Հիւնոտ . . . . .	25	30
3	Արկաթալի . . . . .	40	70
4	Շօշի (Շօշի-Քէնդ) . . . . .	198	450
5	Դաշուշէն (Դաշքէնդ) . . . . .	38	60
6	Քառամնէ (Կրամնօե) . . . . .	55	—
7	Հարաւ (Գօրով) . . . . .	70	—
8	Սղնախ . . . . .	55	—
9	Աւետարանոց (Չանախչի) . . . . .	220	—
10	Զրադացներ (Դամրչիլար) . . . . .	70	—
11	Ղարաբուլաղ (Ղուռուբուլաղ) . . . . .	70	—
12	Ալամանց-Գոմեր (Մաղաղ-Քէնդ) . . . . .	56	—
13	Սարգսաշէն . . . . .	74	—
14	Մօշխմհաթ (Ղուշչի-Բարա) . . . . .	52	—
15	Թաղավարդ-Վեր. (Չարդանաշէն) . . . . .	107	—
16	Թաղավարդ-Ներք. . . . .	167	—
17	Շէխեր (Աւշար) . . . . .	41	—
18	Տրնավարդ (Քէշիշ-Քէնդ) . . . . .	174	230
19	Խաչմաղ . . . . .	70	—
20	Սզնէք-Վերին . . . . .	50	—
21	Սզնէք-Ներքին . . . . .	90	—
22	Սարուշէն . . . . .	75	—
23	Մաւաս . . . . .	27	—
24	Սխտորաշէն . . . . .	61	—

25	Բլբլաք . . . . .	11	—
26	Նինգի (Ջամիաթ) . . . . .	219	300
27	Ղաւախան (Գաւախան) . . . . .	59	—
28	Մամնա (Աղբուլաղ) . . . . .	30	—
29	Խերխան . . . . .	57	—
30	Ծովատեղ (Ջատտեղ) . . . . .	65	—
31	Հերհեր (Գերգեր) . . . . .	71	—
32	Մաշադիշէն (Մամադ-Քէնդ) . . . . .	113	—
33	Քերդ (Ղուզում-Քէնդ) . . . . .	103	—
34	Քարահունջ . . . . .	31	—
35	Սօս (Սուզ) . . . . .	102	—
36	Կաղարծի (Կչարցէ) . . . . .	158	—
37	Բոաթումբ . . . . .	—	—
38	Նինգիջան . . . . .	—	—
39	Հաղորտի (Քէնդխուր) . . . . .	128	—
40	Մշկապատ . . . . .	78	—
41	Գիւնէյ-Ճարտար (Չերդաղ) . . . . .	245	—
42	Ղուզէ-Ճարտար . . . . .	121	—
43	Գիշի . . . . .	113	—
44	Խնուշինակ (Իսպահանջուղ) . . . . .	89	—
45	Քեաթուկ . . . . .	50	—
46	Նախիջևանիկ . . . . .	170	—
47	Փիրջամալ . . . . .	140	—
48	Վարազաբոյն (Արանզամին) . . . . .	140	—
49	Միրիշանլու (Աղբուլաղ) . . . . .	75	—
50	Դահրաղ . . . . .	60	—
51	Միրուշէն (Միրիքէնդ) . . . . .	115	—
52	Աւղուռ (Տակիռ) . . . . .	—	—
53	Հացի (Պացի) . . . . .	64	—
54	Նորաշէն (Ենգիքէնդ) . . . . .	133	165
55	Աշան (Գիշան) . . . . .	93	—
56	Եմիշչա . . . . .	60	—
57	Սպիտակշէն (Աղքէնդ) . . . . .	62	—
58	Ղըզլղալա (Ղարաքէնդ) . . . . .	101	—

<b>Դ Ի Զ Ա Կ Ի Գ Ի Ի Ղ Ե Ր</b>				
1	<b>Քաղաք (Տագ)</b>	.	420	—
2	<b>Տրախտիկ</b>	.	42	—
3	<b>Տումի (Դոմի)</b>	.	107	—
4	<b>Մօխրենիս (Սուսալիս)</b>	.	32	—
5	<b>Հակակու</b>	.	22	—
6	<b>Քաղոտ (Ատաղոտ)</b>	.	61	—
7	<b>Մակուռի (Ցիկուռի)</b>	.	35	—
8	<b>Տող (Տուղ)</b>	.	265	350
9	<b>Մամադաձոր</b>	.	42	—
10	<b>Զրակոյս (Զիրակուզ)</b>	.	33	—
11	<b>Ազոխ</b>	.	143	—
12	<b>Հողեր (Տոգա)</b>	.	65	—

Ի նկատի ունենալով Շուշու գաւառում տեղի ունեցած ընդհարումները իրենց ծաւալով և աշխարհագրական պայմաններով նրանց կարելի է հետևեալ հինգ շրջանների բաժանել.

- 1) Կառկառ գետի վերին հովիտ:
- 2) Խօջալու և Խնձորեստան գետերի հովիտ:
- 3) Քեօնդալան գետի հովիտ:
- 4) Քէչզ-Չայ և Խոնաշէն գետերի հովիտ:
- 5) Ասկէրան և Կառկառ գետի ստորին հովիտ:



# ԸՆԴՀԱՐՈՒՄՆԵՐԸ ԿԱՌԿԱՌ ԳԵՏԻ ՎԵՐԻՆ ՀՈՎՏՈՒՄ

1905 թ. ՕԳՈՍՏՈՍԻՑ—1906 թ. ՅՈՒՆԻՍ

Կառկառ գետը՝ սկիզբն առնելով Քիրսի և Մախթուքեանի բազմահազար լանջերից, երկու ճիւղերի բաժանւած, քարերին զարկւելով և փշուր փշուր գալով, լւանում անցնում է երկու ձորերի մէջ տարածւած Շուշու ժողովոս հիմքերը և մի փոքր ցած միանում, ապա ուռչում է նորանոր գետակների ջրերով՝ աւելի ուժգին թափով հոսելու դէպի Աղղամի դաշտավայրը:

Կառկառից դէպի հիւսիսարեւմուտք ձգւած է մի բաւական ընդարձակ աւազան թէև անհարթ, բայց գեղեցիկ բլուրների մի օղակով պատած: Այդ աւազանի խորթ ու բորդերի վրա ընկած են Պաչէնի գիւղերը:

Իսկ Կառկառից դէպի հարաւարեւելք բարձրանում է անհամար բլուրների մի զանգւած: Այդ մի ընդարձակ, վիթխարի սարահարթ է, բլուրների և քերձերի մի ծով աջ ու ձախ տարածւած: Նա և գեղեցիկ է, և մեծ. այնքան գեղեցիկ և այնքան մեծ, որքան և նրա անունը: Այդ վարանդան է 58 մեծ և փոքր գիւղերով<sup>\*)</sup> 4300 ծխերով, հարուստ բուսականութեամբ, հրաշալի կատարներով ու ձորերով, որի նմանը թէ իր մակերևութային կազմութեամբ և թէ գիւղերի վայելուչ արտաքինով չենք կարծում հայկական շրջաններում լինի մի այլ վայր:

Կառկառ գետի վերին հոսանքի և նրա ճիւղերի վրա, քաղաքից սկսած դէպի ձախ ձգւած են Պաչէնի եօթ գիւղերը, այն է՝

---

<sup>\*)</sup> Վարանդայի գիւղերը քաղաքին վայել իրենց շինութիւններով զարմացնում են այցելուին: Երկու, յաճախ երեք յարկանի, թիթեղեայ տանիքով, մեծ լուսամուտներով և գեղեցիկ պատշգամբներով տներ կարելի է պատահել շատ գիւղերում: Վարանդայի մի քանի գիւղերը ունեն լաւ այգիներ և պատրաստում են լաւ գինիներ, իսկ ձարտարները յայտնի են ցորենով:

Ղայրալին, Կրկժանը, Խանքէնդը, Փահլուլը, Խանածախը, Զամըլուեն և Բալլուջան, իսկ դէպի աջ ընկած են Վարանդայի եօթ գիւղերը, այն է՝ Քարինտակը, Հիւնոտը, Արկաթալին, Շօշիքէնդը, Դաշուչէնը, Քառասնէն և Հարաւը:

Այս գիւղերից երեքուստեայնը—Ղայրալիում, Կրկժանում, Խանքէնդում հայերի հետ խառն ապրում են թուրքեր. բացի այդ, գուտ թուրքաբնակ գիւղեր քաղաքից դէպի հիւսիս ընկած են Մալիբէկլուն—180 տուն և Ղուչչիլարը—40 տուն, իսկ դէպի հարաւ, Շուշու գլխին՝ Զարսլուն—190 տուն և Սալֆալուն—213 տուն: Վերջին երկուսը անհանգիստ գիւղեր են, որոնց շնորհիւ այդ շրջանը միշտ անպակաս է լինում աւազակային խմբերից:

Կառկառի վերին հովիտը՝ որպէս քաղաքին անմիջապէս կպած մի շրջան, ամեն անգամ աւելի կամ պակաս չափով արձագանք էր տալիս քաղաքում տեղի ունեցող ընդհարումներին:

Դեռ ևս օգոստոս ամսին, երբ առաջին անգամ Շուշում բըռնկեց հայ-թուրքական ընդհարումը, ոչ պակաս փութկոտութեամբ Զարսլու և Սալֆալու գիւղերի թուրքերը, միացած քրդերի և Զանգեզուրից այս կողմը անցած Փչանիս, Նորադին, Վաղազին և այլ գիւղերի թուրքերի հետ, փորձեցին ներս խուժել քաղաք. բայց մի կողմից՝ Քարինտակ, Հիւնոտ, Արկաթալի, իսկ միւս կողմից՝ Ղայրալի և Կրկժան գիւղերը կարողացան այդ խուժումը կանգնեցնել. թուրքերը տեսնելով այդ արգելքը իրենց դէմ, անընդհատ յարձակումներով մի քանի օր շարունակ աղմկում էին յիշեալ գիւղերը, որոնք ստիպւած էին ամեն անգամ զինւած դիմադրութիւն ցոյց տալ:

Դրսից խուժող թուրքերին աջակցում էին Ղայրալի, Կրկժան և Խանքէնդ գիւղերում եղող տեղացի թուրքերը, որոնք գաղտնի յարաբերութիւնների մէջ լինելով դրսի թուրքերի հետ և նրանց առաջնորդելով, աւելի ևս վառանգաւոր տարր էին հանդիսանում հայերի համար:

Այսպիսի մի գեր կատարում էր Մալիբէկլուն Աղդամի թուրքերի համար քաղաքի նկատմամբ: Նոյնպիսի դեր կատարում էին նաև Բալլուջա գիւղում բուն դրած բէկերը:

Ղայրալի գիւղի վրա մի ուժեղ յարձակում տեղի ունեցաւ օգոստոսի 23-ին, բայց յետ մղւեց: Դրա հետ միաժամանակ զինւած խմբեր յայանեցին նաև Փահլուլ և Բալլուջա գիւղերի սահ-

մաններում, որոնց դէմ դուրս եկան գիւղացիները և ցրեցին նրանց: Այս դէպքից յետոյ Բալլուջայի բէկերը ստիպւած եղան հեռանալ գիւղից, որ և դատարկ մնացած տները հրդեհեցին:

Այսբալիի վրա մի մեծ յարձակում թուրքերը գործեցին նաև օգոստոսի վերջերին\*) և այնքան մօտեցան գիւղին, որ կարողացան քշել 75 տաւար և հրդեհել 4 գոմ, բայց յետ քշեցին մի քանի զոհերով, որի ժամանակ հայերից սպանեցին երկու հոգի— Սարգիս Առստամեանը ալիդուլիշէնցի, 28 տար. և Մարգարիտ Տէր-Ղուկասեանը, 30 տարեկան:

Ձը նայած այս բոլորին թուրքերը օգոստոսեան դէպքերի ժամանակ յիշեալ գիւղերին լուրջ փառանք հասցնել չը կարողացան: Սակայն նրանք չը հրաժարեցին այն մտքից, որ քաղաք խուժելու համար պէտք էր անպայման քաղաքին կպած այդ գիւղերը մէջտեղից վերացնել: Ահա այս ծրագիրը իրագործելու համար ըսկուեցին նոր յարձակումներ այդ գիւղերի դէմ, որոնց աջակցում էին նաև քաղաքի թուրքերը:

Այդ յարձակումներից մէկը տեղի ունեցաւ նոյեմբերի 29-ին միաժամանակ մի շարք գիւղերի վրա: Զամըլուն որպէս փոքր գիւղ, նկատելով յարձակման նշաններ, մի օր առաջ քոչել էր Սանքէնդ: Այդ գիւղերից դեռ ևս 10 օր առաջ նոյն թուրքերը քշել էին 30 տաւար, սպանելով 15 տարեկան հօտաղին: Այս անգամ գիւղը դատարկ գտնելով՝ նրանք հրդեհեցին տները և ապա այդտեղից յարձակեցին Սանածախի վրա: Սանածախում եղող կալւածատէրը քոչել էր՝ թողնելով գիւղում մի քանի պահապաններ. սրանք ուղեցին դաւադրութիւն կազմել հայերի դէմ, բայց չը կարողացան. կալւածատիրոջ տները հրդեհեցին և հայերը օգնութիւն ստանալով՝ հալածեցին թուրքերին, որի ժամանակ սպանեցին Զումշուղ Զալաբեանը, 30 տար. և Յովհաննէս Մկրտչեանը, 25 տար.: Այդ նոյն միջոցին յարձակման ենթարկեց նաև Բալլուջա գիւղը, որը նոյնպէս կարողացաւ յարձակումը յետ քշել առանց կորուստների:

Աւելի խոշոր ընդհարումներ այս շրջանում տեղի ունեցան գեկտեժերի մէջ:

---

\*) Գանձակի նահանգում ընդհարումները այնքան յաճախակի են կրկրուելի, որ նրանց բոլորի մասին ճիշտ ամսաթւեր և վիճակագրական տեղեկութիւններ ձեռք բերելը անկարելի էր լինում:

Նախ կատարւեցին մի շարք անհատական սպանութիւններ, ինչպէս Մալիբէկլուի, այնպէս էլ Ջարսլուի ճանապարհին:

Անհատական սպանութիւններ և կողոպուտներ կատարւեցին մանաւանդ Մալիբէկլու և Ղուչիլար գիւղերի սահմաններում: Բացի այդ, թուրքերի ձեռքով հրդեհեց Շօշ գիւղի Փարամաքի կողևող ձմեռանոցը, որը գտնւում էր Քեաթուկի հարաւային կողերի վրա, Ղուչիլարին մօտիկ: Այդ բոլորը առաջ բերին ընդհարումներ Մալիբէկլուի, Ղուչիլարի և հայ գիւղերի մէջ: Հայերը յարձակեցին Ղուչիլարի վրա դեկտեմբերի 2-ին և գիւղը աւերեցին. ժողովուրդը փախաւ Մալիբէկլու: Հայերը յարձակեցին նաև Մալիբէկլուի վրա. տեղի ունեցաւ յամառ կռիւ. մի քանի տներ հրդեհեցին. թուրքերը խիստ նեղն ընկան, բայց կօզակներ հասան և գիւղը փրկեցին: Այդ յարձակման ժամանակ հայերը ունեցան 3 սպանւած և 6 վիրաւոր:

Բայց աւելի խոշոր ընդհարում պահւած էր Խանքէնդի համար:

---

Խանքէնդը մի գեղեցիկ աւան է, զօրքերի բնակութեան տեղի՝ ընկած Շուշուց դէպի հիւսիս 7 վերստ հեռաւորութեան վրա: Այդ աւանում նախ բնակութիւն հաստատեցին Շուշու տակ ընկած Բաղինշէն և Վառարակն փոքրիկ գիւղերի հայերը, յարմար դատելով թողնել իրենց գիւղերը և տեղափոխել Խանքէնդ: Ապա ի նկատի ունենալով զօրքերի ներկայութիւնը և նրանց հետ կապւած առևտուրը՝ այստեղ եկան հաստատւեցին Շուշուց և շրջակայ գիւղերից առևտրով և արհեստներով պարապող հայեր և թուրքեր, այնպէս որ Խանքէնդը այժմ մի գեղեցիկ բնակավայր է՝ 100 տուն հայ և 60 տուն թուրք բնակիչներով:

Առևտուրը գլխաւորապէս հայերի ձեռքին է:

Ահա այդ շուկան թուրքերը ուզեցին կողոպտել և հրդեհել:

Դեկտեմբերի 18-ին Մալիբէկլուի և Ղուչիլարի թուրքերից աւելի քան 50—60 զինւած մարդիկ մտան Խանքէնդ և տեղաւորւեցին «ղայֆախանաներում»:

Դրանց դիտաւորութիւնը միանգամայն յայտնի դանձաւ, երբ խումբ խումբ դուրս եկան և իրենց մատնող հայեացքներով շրջել սկսեցին հայ խանութների շարքերի առաջ: Մինչ այդ հայերին օգնութեան հասաւ մօտիկ գիւղերից զինւած տղաների մի խումբ: Այս նկատիլով՝ թուրքերը քաշւեցին և ամրացան «ղայֆախանա-

ներում: Հէնց այս միջոցին գիւղից մի փոքր հեռու թուրքերը սպանեցին մի պառաւ հայ կնոջ և նրա 8 տարեկան թոռանը և գիակները անհետացրին: Այս գէպքը յուզում առաջացրեց հայերի մէջ և կոիւր պայթեց: Կուելու պատրաստ երկու հակառակ կողմերը սկսեցին գնդակներ տեղալ միմեանց վրա մի սոսկալի թափով, մինչև որ հայերը նոր օգնական ուժեր ստացան և նեղեցին թուրքերին, որոնք բաւական զոհեր տալով՝ հազիւ կարողացան ապաստան գտնել զօրանոցներում, որից յետոյ սկսեց թուրքերի խանութների կողոպուտը, մի քանի տների հրդեհումների հետ միաժամանակ:

Այդ ընդհարման ժամանակ, բացի երկու կողմերի բազմաթիւ վիրաւորներից, թուրքերը ունեցան աւելի քան 30 սպանւածներ, իսկ հայերը՝ 6, զրանք էին. թւան Հայրապետեանը, Բաբկէն Օհանեանը, Ալէքսան Գրիգորեանը—գօրիսեցի, Մկրտիչ Գրիգորեանը, Ալէքսան Գարբէլեանը և Ալէքսան Միքայէլեանը:

Այս բոլորը տեղի ունեցաւ մի այնպիսի վայրում, ուր բաւական թւով զօրքեր կային, որոնք, եթէ ցանկանային, մի ակընթարթում կարող կը լինէին աղէտի առաջն առնել:

Այս գէպքը նոր յուզումներ առաջացրեց: Խալֆալուից բազմաթիւ թուրքեր եկան պաշարեցին Ղայրալին: Նրանց օգնութեան գնացին նաև քաղաքից թուրքեր. բայց այս անգամ էլ Ղայրալին կարողացաւ յետ տալ յարձակումը և նոյն իսկ հակայարձակ լինելով՝ հասաւ և աւերեց Խալֆալուի հեռու ընկած մի քանի գիւղամասերը: \*)

Այս գէպքերի միջոցին արդէն քոչեցին Ղայրալի և Կրկժան գիւղերի փոքրաթիւ թուրք բնակիչները:

---

Սրանից յետոյ մի առ ժամանակ այս շրջանը խաղաղեց, բայց Շուշու մայիս-յուլիսեան խռովութիւնների հետ նորից աղ-

---

\*) Ինչպէս այս, այնպէս էլ շատ թուրքական ցեղեր, մանաւանդ Զիվան-շիրի գաւառում, խոյս են տալիս համախմբումներից և նրանք ապրում են բաժան բաժան մի քանի տուն այս, մի քանի տուն այնտեղ, երբեմն 100—200 տուն ժողովուրդը բռնելով 10—15 վերստ տարածութիւն: Սրանք ապրում են գետնափոր հիւղերում փոքրիկ խմբակներով, որոնք կոչւում են զլլաղներ (ձմեռանոցներ): Այսպիսի կեանք վարում են նաև Խաչէնի ձորակի Քեօլանի կոչւած ցեղերը, յայտնի իրենց աւագակութիւններով:



մըկեց. տեղի ունեցան նորից փոխադարձ սպանութիւններ. մի կարճ միջոցում Ղայբալի գիւղը միմիայն 4 զոհ ունեցաւ. երկու զոյգ հայր և որդի—Յարութիւն Յովհաննիսեանը իր 10 տարեկան որդու՝ Յովհաննիսի հետ և Մարտիրոս Սարգսեանը իր 14 տար. որդու՝ Դանիէլի հետ—սպանեցին անտառում:

Սառը խուռը ընդհարումներ աւելի կամ պակաս զոհերով տեղի ունեցան Շօշ և Քառասնէ գիւղերի շուրջը, որտեղից թուրքերը քշեցին միանգամից 48 տաւար: Ղուշչիլարից Մալիբէկլու քոչած թուրքերը կտրում էին ճանապարհները և սպանում ու գողանում էին կենդանի մարդկանց. նոյնը սկսեցին անել նաև հայերը:

Յունիսի 10-ին Սալֆալուի և Քեօսալարի թուրքերի կողմից մասսային յարձակման ենթարկեց Փահլուլը. օգնութեան հասան շրջակայ գիւղերը և յետ մղեցին յարձակումը: Հայերն ունեցան երկու զոհ:

Յունիսի 3-ին Հիւնոտ և Արկաթալի գիւղերի ութ տղամարդիկ, որոնք բողոքով Նաջաֆ-Կուլի աղայի տունն էին դիմում, անհետացան քաղաքի թուրքաց թաղում: Դրանք էին. Հիւնոտ գիւղացիներ՝ Բաղդասար Աթարէկեանը, 53 տար., Սոսրով Աստուածատրեանը, 27 տար., Ալէքսան Բէգլարեանը, 28 տար., Հայրապետ Սարուխանեանը, 27 տար. և Առաքիլ Ներսիսեանը, 32 տարեկան: Արկաթալի գիւղացիներ՝ Կուքան Ասրիեանը, 40 տար., նրա եղբայր Մարդին, 26 տար. և որդին—Սանթուրը, 12 տարեկան:

Յունիսի 25-ին Զառալուի թուրքերը քշեցին Քարինտակ գիւղի տաւարը՝ սպանելով նախընտան:

Յուլիսի 12-ին Շուշու ընդհարումների հետ միաժամանակ մասսային յարձակման ենթարկեց նորից Ղայբալին, որի յամառ դիմադրութիւնը աւելի ևս կատաղեցրեց թուրքերին, որոնք մի ուժեղ գրոհով, մի օր անց, փորձեցին հիմնայատակ անել գիւղը. բայց թէ այդ և թէ դրան հետևող մի քանի յարձակումները յետ մղեցին կորուստներով, շնորհիւ քաղաքից հասնող օգնութեան:

Չը նայած այս բոլորին և նոյն իսկ քաղաքում կատարւած հաշտութեան, ընդհարումները այս շրջանում երկար ժամանակ դեռ չէին դադարում:

Յուլիսի կէսերին թուրքերը մի խմբով մտան Շուշիքէնդ գիւղի մօտ գտնւող Շահնազարեանցի այգին, սպանեցին նրա կնոջը՝ Նարեթգային, ծառային և վիրաւորելով երկու ուրիշներին՝ հեռացան:

Այսպէս էր, անհաշիւ, զրամայի կրկնողութեան անվերջ շարքը:

# ԸՆԴՀԱՐՈՒՄՆԵՐԸ ԽՕՁԱԼՈՒ ԵՒ ԽՆՁՈՐԵ- ՍՏԱՆ ԳԵՏԵՐԻ ՀՈՎՏՈՒՄ

ՕԳՈՍՏՈՍԻՑ—ՆՈՅԵՄԲԵՐ 1905 թ.

Կառկառ գետը ձախ կողմից ընդունում է իր մէջ Սաչէնի երկու փոքրիկ գետակներ՝ Սօջալու և Մնձորեստան անուններով:

Այդ երկու գետակների հովիտներում ընկած են Սաչէնի 13 գիւղերը, այն է՝ Դահրաւը, Մէյթի-Շէնը, Պտրեցիքը, Սանձքը, Դաշբուլաղը, Ուլուբաբը, Բևը, Սէյիդի-Շէնը, Աշլաղը, Մնձորեստանը, Յիլիսը, Սարդարաշէնը և Նորագիւղը:

Շնորհիւ այն հանգամանքի, որ այս շրջանը գտնւում է Սաչէնի կենտրոնական մասում և անխառն է թուրքերով, այդ պատճառով այստեղ լուրջ ընդհարումներ տեղի չունեցան: Ուշագրութեան արժանի մի երկու դէպք միայն կատարւեցին, որ և առաջ կը բերենք համառօտակի:

Այս շրջանում թուրքեր համարեա թէ չը կան. միակ գիւղը Սօջալուն է, ուր ապրում էին նաև մի քանի բէկեր, ինչպէս և Պտրեցիք գիւղում ապրում էր կալւածատէր թուրք բէկը: Սակայն այն հանգամանքը, որ տարիներ շարունակ այդ բէկերը ոչ մի առիթ բաց չէին թողել կեղեքելու և ճնշելու հայերին, իսկ այժմ հանդիսանում էին վտանգաւոր տարր՝ մեծ կապեր ունենալով Աղզամի դաշտի թուրքերի հետ, ուստի, հէնց որ Շուշում բռնկւեց ընդհարումը և յարաբերութիւնները բոլոր տեղերում լարեցին, յիշեալ բէկերը թողին իրենց տները և տեղափոխուեցին Աղզամի կողմերը: Հայերը առանց երկար ու բարակ մտածելու օգոստոսի 23-ին Սօջալուի տները հրդեհեցին, որպէս զի բէկերը այլևս հնարաւորութիւն չունենային այդտեղ վերադառնալու: Այդ նոյն վիճակին ենթարկւեց նաև Պտրեցիք գիւղի կալւածատիրոջ տունը, ուր սպանւեցին թուրք պահապանները:

Ի հարկէ բէկերը հեռանալով հանգիստ չը մնացին, նրանք յայտնի դեր էին խաղում ընդհարումների մէջ:

Հոկտեմբերի սկզբին Պաշէնի ձորակի Քեօլանի ցեղերը յարձակեցին Ուլուբար փոքրիկ հայ գիւղի վրա՝ հրդեհելու և աւերելու նպատակով. ժողովուրդը կարողացաւ փախչել Սէյիդի-Շէն. շրջակայ հայ գիւղերից հասան զինւած մարդիկ և կարողացան գիւղը կիսով չափ փրկել հրդեհումից:

Այս միջոցին Պաշէնի ձորում տեղի ունէին խոշոր ընդհարումներ թուրք Սրխաւէնդ և հայ Ղազանչի գիւղերի շուրջը և որովհետև Ուլուբարը ընկած էր ընդհարումների սահմանի վրա, այդ պատճառով ժողովուրդը ստիպւած էր երկար ժամանակ գիւղ չը վերադառնալ: Բացի այդ, Պաշէնի ձորակի Սրխաւէնդի և Շխաւէնդի Քեօլանիները հրոսակախմբեր կազմած երկար ժամանակ աղմկում էին Զիւանչիի և Շուշու այդ սահմանագիծը իր շրջականներով, թէև նրանք լուրջ դիմադրութեան էին հանդիպում ամեն անգամ, երբ փորձում էին մօտենալ հայ գիւղերին:

Պաշէնի այս մասը ազատ լինելով լուրջ յարձակումներից, հնարաւորութիւն ունեցաւ ուժեր տալ Ասկէրանի մուտքը պաշտպանելու համար և իսկապէս Ասկէրանի ընդհարումների մէջ խաչէնցիները մեծ դեր կատարեցին, ինչպէս և վարանդացիները, ինչպէս այդ մենք կը տեսնենք մի փոքր յետոյ աւելի մանրամասնօրէն:



# ԸՆԴՀԱՐՈՒՄՆԵՐԸ ՔԵՑՆԴԱԼԱՆ ԳԵՏԻ ՀՈՎՏՈՒՄ

ՅՈՒՆՎԱՐԻՑ—ՕԳՈՍՏՈՍ 1906 թ.

Սիրուն Վարանդայի գետերի և գետակների շարքում աչքի է ընկնում Քեօնդալանը իր բազմաթիւ մանր մունր ճիւղերով, փրու-  
ւած գաւառամասի հարաւային ծայրի ձորերի և հովիտների մէջ՝  
հոսելով դէպի արևելք:

Ահա, այդ բազմաճիւղ Քեօնդալանի հովիտների վրա ձգւած  
են Վարանդայի 18 գիւղերը, այն է՝ ձախ կողմից—Տրնավարզը,  
Նաչմազը, Վերին և Ներքին Սզնէքները, Սարուշէնը, Մաւասը,  
Սխտորաշէնը, Բլբլաքը: Աջ կողմից՝ Սղնախը, Աւետարանոցը,<sup>\*)</sup>  
Ալամանց-Գոմերը, Ջրաղացները, Ղարարուլաղը, Սարգսաշէնը, Մօշ-  
խըմհաթը, Վերին-Թաղավարդը, Ներքին-Թաղավարդը և Շէխերը:

Քեօնդալան գետից դէպի հարաւ, Քիրսի ստորոտներից սկիզ-  
բըն առնող Իշխան-Չայ գետի և նրա աջ ու ձախ ափերում ձգւող  
հովիտների վրա ընկած են Դիզակի 12 գիւղերը, այն է՝ Թաղլարը,  
Տրախտիկը, Տումին, Մօխրենիսը, Հակակուն, Թաղողը, Ծակու-  
ոին, Տողը, Մամաղաձորը, Ջրակոյսը, Ազոխը և Հողերը:

Ահա, այս երկու գիւղախմբերի շրջանում գոյութիւն ունի  
թուրք գիւղերի շարքում նաև Ղաջարը—մօտ 300 տուն ունեցող  
այդ մեծ գիւղը—ընկած Քեօնդալան գետի վրա, Բլբլաք և Շէխեր  
գիւղերից փոքր ինչ ցած՝ ներկայացնելով իրենից աւազակների մի  
որջ, որը սարսափի տակ էր պահում շրջակայքը: Տարիներ, տաս-  
նեակ տարիներ անընդհատ նա արտադրում էր յայտնի գողեր,

---

\*) Աւետարանոցը կամ Չանախչին այն գիւղն է, ուր ապրում էին Վա-  
րանդայի նախկին տէրերը՝ Մէլիք Շահնազարեանները և ուր մինչև այժմ էլ  
ապրում են նրանց ժառանգները:

աւազակներ, որոնք կտրոււմ էին ճանապարհներ, կողոպտոււմ և յաճախ սպանոււմ անցորդներին, մտնոււմ գիւղերը, ծակոււմ գոմերի, տների պատերը, տանոււմ տաւարներ, ոչխարներ և այլ իրեր: Եւ այսպէս շարունակ ու անվերջ... Եւ ո՛վ կը համարձակէր նրանց դէմ դուրս գալ. գէնքը նրանց ձեռքին, սարերն ու ձորերը նրանց իշխանութեան տակ: Նրանք մի մի աւազակներ էին:

Եւ ահա աւազակութիւնների մէջ հռչակ ստացած Ղաջարին ներկայանոււմ է մի յարմար առիթ, երևան հանելու իր բոլոր ընդունակութիւնները: Բռնկոււմ է հայ-թուրքական ընդհարումը:

Ոչ հայ գիւղերի համախմբումը և ոչ էլ նրանց բաւականաչափ թիւը չեն սանձահարում Ղաջարին և նա գէնք առած բաց աշկարա նետոււմ է կողոպուտների աշխարհը:

Ամարասի վանքի և նրա շրջակայքի կողոպուտների մեծ բաժինը հասաւ Ղաջարի թուրքերին. այդ նոյն զաջարցիները գնացին դուրս եկան նոյն իսկ Զանգեզուր, մասն ու բաժին ունեցան Միխէնդի կոտորածների և կողոպուտի մէջ: Բնականաբար ազատ չը պիտի մնային նրանց յարձակումներից նաև շրջակայ հայ գիւղերը: Ղաջարին աւելի մօտ ընկած հայերը սկսեցին ուժ տալ ինքնապաշտպանութեան գործին. հայ գիւղացին մաճի տեղ գէնք վերցրեց. այդպէս թելադրոււմ էր ղրութիւնը: Ղաջարցին նկատեց այդ և փոխեց գիւղերի վրա յարձակելու իր մտադրութիւնը և սկսեցին մի շարք աւազակային գործողութիւններ: Մի կարճ միջոցում քչեցին նրանք Թաղլարի բինաններից 17 տաւար, Ներքին-Թաղավարդի գոմերից՝ 43 տաւար, Սխտորաշէնի գոմերից՝ այնտեղ եղած նախիրը:

Նմանօրինակ աւազակութիւնների հետ միաժամանակ տեղի էին ունենոււմ նաև սպանութիւններ, որոնցից շատ քիչ դէպքեր միայն մեզ յայտնի են:

Այսպէս, սարգսաշէնցի երկու գիւղացիներ սպանեցին Ղաջարի սահմաններում: Վերին Թաղավարդի երկու գիւղացիներ բարբարոսաբար սպանեցին սարի գոմերում: Ներքին-Թաղավարդցիներ՝ Բալասան Շահրիմանեանը, Սուլէյման և Գրիգոր Ալլահ-վէրդեանները Ղարաբուլաղ գնալիս անհետացան, դարձեալ Ղաջարի սահմաններում:

Սակայն Ղաջարը այսքանով չէր բաւականանում: Դեկտեմբերի վերջերին և յունվարի սկզբներին Շուշում և Աղղամի ու

Ասկէրանի շրջանում տեղի ունեցած յուզմունքների ազդեցութեան տակնա ևս եռանդի եկաւ: Անհանգիստ գիւղը անսովոր իրարանցման մէջ էր. նա պատրաստուեց յարձակել չարեան հայ գիւղերի վրա:

Տրախտիկը մի փոքրիկ գիւղ է, Ղաջարին բաւական մօտիկ, Դիզակի գիւղախմբի առաջին շարքում ընկած: Ղաջարում տեղի ունեցող կասկածաւոր շարժումները ստիպեցին Տրախտիկին դիմել հարեան հայ գիւղերի օգնութեանը:

Եւ ահա, նախապէս պատրաստուած այդ միջոցին—յունվարի 9-ի առաւօտեան—Ղաջարցիները յարձակուեցին Տրախտիկի վրա: Թուրքերի համար միանգամայն անսպասելի էր փոքրիկ գիւղի զիրքերից բացւող միահամուռ կրակը. առաջ գնալն անմտութիւն կը լինէր. թուրքերը յետ փախան. հրացանաձգութեան ձայնը ոտի հանեց շրջակայ հայ գիւղերին. Տրախտիկի դիրքերից դուրս գալով հայերը թուրքերին հետապնդեցին մինչև Ղաջար: Նրանց օգնութեան հասան բազմաթիւ հայեր չորս կողմից և Ղաջարը մնաց սոսկալի կրակի մէջ: Մի քանի ժամ տևող կրակից յետոյ թուրքերը փախան կորուստներով և գիւղը մատնուեց հրդեհի և կողոպուտի: Երբ զօրքը հասաւ՝ գիւղի մեծ մասն արդէն աւերել էր:

Ղաջարի ընդհարման մէջ թուրքերը ունեցել էին բաւական թւով զոհեր. բաւականաչափ զոհեր ունեցան նաև հայերը. զանազան գիւղերից սպանուեցին 9 հոգի. դրանք էին. սօսեցի Գրիգոր Մանուէլեանը, մաշադիչէնցի Բախշին և Անդրին, Սաչմագցի Մարտինը, Աւետարանոց գիւղացի Ալէքսանը, քարահունջեցի Բաղդադը, ճարտարեցի Բախշօ Վարդապետեանը և մի մի հոգի էլ Ազոխ և Ղրբուլաղ գիւղերից:

Սակայն Ղաջարը դրանով չը զսպւեց. այդ միևնոյն օրը երեկոյեան զաջարցիների զինուած մի խումբ յարձակուեց Շէխերի և Ազոխի գոմերը հրդեհեց. ապա յարձակուեց բուն Շէխերի վրա, հրդեհելով մի քանի մարագներ և քշելով 30-ի չափ տաւար. կանաչք և երեխաներ դուրս փախան գիւղից վայնասունով, իսկ տղամարդիկ մնալով հազիւ կարողացան յարձակումը յետ մղել:

Անցաւ մի առ ժամանակ, թեթև խաղաղութիւն տիրեց: Վերադարձան նորից զաջարցիները գիւղ, մի կերպ շինեցին տները և մէջը քաշուեցին, բայց շուտով նորից սկսեցին աւազակային գործողութիւնները. իսկ օգոստոս ամսին (1906 թ.) լուրջ գործերի ձեռնարկեցին:


Օգոստոսի 14-ին նրանք մեծ ուժով յարձակեցին Տրախտիկի վրա, քշեցին գիւղի նախիրը՝ 130 գլուխ տաւարից բաղկացած, վիրաւորեցին երկու մարդ, թէև իրենք էլ զոհեր ունեցան:

Այդ նոյն միջոցին մի մեծ յարձակում էլ գործեցին Շէխերի վրա: Գիշերային պաշարումը այնքան անսպասելի էր, որ ժողովուրդը շփոթւած հագիւ կարողացաւ ծմակները փախչել: Թուրքերը կողոպտեցին գիւղի մի մասը, հրդեհեցին 8 տուն, քշեցին 150-ի չափ տաւար, մինչև որ շէխերցիք օգնութիւն ստանալով գիւղը կը դառնային: Այդտեղից թուրքերը յետ քաշելով հրդեհեցին Ազոխի գոմերը:

Շէխեր գիւղում սպանւեցին երկու մարդ—Ղահրաման բէկ Աւշարեանը և իր եղբօր կինը:

Երկու օր անց, դարձեալ գիշերով, զաջարցիները յարձակում գործեցին Բլբլաք գիւղի վրա, ուր հրդեհեցին մի տուն, քշեցին 30-ի չափ տաւար և յետ փախան՝ տեղի տալով շրջակայ գիւղերից հասած օգնութեան: Բլբլաքում վիրաւորեցին երկու մարդ:

Եւ այս բոլորը կատարւում էր շատ սովորական կարգով և նոյն իսկ դիւրին կերպով: Աւազակաբարոյ Ղաջարը գոյութիւն ունէր և նա մի քայլ ևս առաջ էր գնացել իր ընդունակութիւնների մէջ:



# ԸՆԴՀԱՐՈՒՄՆԵՐԸ ՔԷՉԶ-ՉԱՅ ԵՒ ԽՈՆԱԸԷՆ ԳԵՏԵՐԻ ՀՈՎԻՏՆԵՐՈՒՄ

ՕԳՈՍՏՈՍԻՑ—ՅՈՒՆՎԱՐ 1906 թ.

Վարանդայի կենտրոնական մասում, բլուրների կուտակումների վրա, բարձրանում է 5000-ից աւելի ոտնաչափ բարձրութիւն ունեցող մի գագաթ. այդ Բօղր-Պաննէ, ամենաբարձրը Վարանդայի բոլոր գագաթների մէջ:

Բօղր-Պաննի արևելեան ստորոտներից սկիզբն են առնում երկու ոչ մեծ գետեր—Քէչզ-Չայը և Պոնաշէնը: Ահա, այդ երկու գետերի հովիտներում ընկած են Վարանդայի 19-ը գիւղերը, այն է՝ Նինգին, Ղաւախանը, Մամնան, Պերխանը, Մովատեղը, Հերհերը, Մաշադիշէնը, Քերդը, Քարահունջը, Սօսը, Կաղարծին, Բոաթումբը, Նինգիջանը, Հաղորտին, Մշկապատը, Գիւնէյ-Ճարտաբը, Ղուզէ-Ճարտաբը, Գիշին և Պնուշինակը:

Այս շրջանում Սօս գիւղից փոքր ինչ հեռու, Պազազ կոչւող բլուրի վրա, ընկած է Ամարասի վանքը իր 150 դեսեստին վարելահողերով, այգիներով և թթենիներով:

Ամարասի մօտ գոյութիւն ունէր 10—15 ընտանիքներից բաղկացած փոքրիկ բնակչութիւն: Բացի այդ, Ամարասի մօտերքում շրջակայ հայ գիւղերը ունէին վարելահողեր, հարիւրաւոր գոմեր՝ կենդանիներով, խոտի և դարմանի մեծաքանակ պաշարներով:

Այս շրջանում, դէպի դաշտային ստորոտները, Կաղարծիի, Ճարտարների, Սօսի ու Ամարասի սահմանների վրա, ընկած են մի շարք, ինչպէս են. Ղարադաղլու, Վարանդալու, Վէյսանլու, Հաջիւզ, Աղբաշլու, Դիւանալլար և այլ թուրք գիւղեր. իսկ դէպի հարաւարեւելք սկսւում է զուտ թուրքական բնակչութիւն մինչև Արաքսի ափերը, աւելի քան 50 վերստ տարածութեամբ, որից այն կողմը արդէն Պարսից հողն է, իր աւելի ևս կիսակիրթ ցե-



ղերով, որոնք անվերջ հաղորդակցութեան մէջ են այս կողմի մահ-մեղական տարրերի հետ գաղտնի անցքերի շնորհիւ:

Ահա այն գլխաւոր հանգամանքը, որը հայ-թուրքական ընդհարումների ամբողջ ընթացքում սարսափի տակ էր պահում ինչպէս ամբողջ Վարանդան, այնպէս էլ Դիզակը և որի շնորհիւ այս շրջանում տեղի էին ունենում պարբերական յարձակումներ, թէև հայ գիւղերը իրենց անառիկ դիրքերի շնորհիւ խոշոր վնասներ չէին կրում:

Այս շրջանում տեղի ունեցած մանր-մուկ դէպքերին՝ հաշիւ չը կայ, հաշիւ չը կայ նաև մասսային յարձակումներին՝ կատարւած այս և այն գիւղի, այս և այն ձմերանոցի վրա. սակայն մենք դրանց չենք թւի, այլ կանգ կառնենք ընդհարումների այն երեք շրջանների վրա, որի ժամանակ տեղի ունեցան խոշոր աւերումներ:

Երբ օգոստոսի 16-ին Շուշում տեղի ունեցած ընդհարման լուրը տարածւեց ամբողջ շրջանում, թուրքերը, որոնք դեռ ևս Խաչէնի ձորակի և Աղղամի դէպքերի ազդեցութեան տակ մի ինչ որ խորհրդաւոր շարժման մէջ էին, թև ու թիկունք առան: Թուրք գիւղերի մէջ սկսւեց մարդկանց մի չը տեսնւած երթևեկութիւն:

Նրանց այս շարժումները ակներև դարձրին մի վտանգաւոր ձեռնարկութիւն: Ամարասի մօտ եղող փոքրաթիւ հայերը, նկատելով գալիք փորձութիւնները, բարւոք համարեցին քոչել այդ տեղից: Եւ մինչդեռ նրանք իրենց ընտանիքները տեղափոխելով Սօս գիւղը՝ գրադւած էին տնային իրերի փոխադրութեամբ, օգոստոսի 18-ի առաւօտեան ժամը 11-ին վանքը պաշարեց թուրքերով: Շրջակայ գիւղերի թուրք ամբոխի գլուխ անցել էր անցեալ գլխից մեզ յայտնի Ղաջարը: Միաժամանակ յարձակում տեղի ունեցաւ նաև Սօս և Մաշադիշէն գիւղերի վրա: Բայց թուրք խուժանը դիմադրութեան հանդիպելով՝ թողեց յիշեալ գիւղերը և ամբողջ ուժով դարձաւ դէպի վանքը: Սուժանը յետ քշել անհնարին էր. ասպարէզը ամբողջապէս մնաց նրան:

Վանքը բոլորովին կողոպտուեց. եկեղեցական անօթներից սկսած մինչև վերջին կահ-կարասին տարան թուրքերը. կողոպտեցին նաև գիւղացիների թողած տները, ամբարներում եղած ցորենները, միւս հայ գիւղացիների գոմերը \*) կենդանիներով և ապա հրդեհեցին այն բոլորը, ինչ որ կարելի չէր տանել:

\*) Գանձակի նահանգում ընդհանրացած է գիւղերից հեռու. բնկած վտակահողերում և դաշտերում շինել գոմեր, պահել այնտեղ կենդանիները, նրանց

Այդ յարձակման ժամանակ սպանւեց սօսեցի Կարապետ Գասպարեանը, 55 տարեկան:

Թուրքերի այսօրինակ վանդալական գործողութիւնը հայերի զայրոյթը գրգռելով, միևնոյն ժամանակ վարակիչ ազդեցութիւն գործեց նրանց վրա:

Զինւած երիտասարդների մի խումբ, մի օր յետոյ, շրջակայ հայ գիւղերից յարձակւեց թուրքերի վրա և հալածեց նրանց, յետ գրաւելով վանքը, որի ժամանակ սպանւեց Հերհեր գիւղացի Վանի անուհնով մի երիտասարդ: Այդ բանից հայերը սիրտ առած՝ յարձակուժ գործեցին նաև թուրք գիւղերի սահմանների վրա: Ղարազաղու և Վարանդալու թուրք գիւղերից ժողովուրդը փախաւ. երկու գիւղերն էլ հրդեհւեցին և աւերւեցին. նոյն վիճակին ենթարկւեց մի օր յետոյ Դիւանալլար գիւղը:

Այնտեղ կողոպտւեց և այրւեց Ամարասը, Ամարասի մօտ եղող փոքրիկ գիւղը և ապա մի քանի գիւղերի գոմերը իրենց պաշարներով և տնտեսութիւններով. իսկ այստեղ հրդեհւեցին ու աւերւեցին երեք ամբողջ գիւղեր—հարիւրաւոր ընտանիքների պատսպարանը: Փոխադարձ յարձակումներ, փոխադարձ աւերումներ. . .

Մի շարք մանր-մուկ յարձակումներին, ուղղւած գլխաւորապէս Մաշադիչէնի դէմ, յաջորդեց հոկտեմբերի 19-ի արշաւանքը, որը ամենամեծն էր այդ շրջանի ընդհարումների ամբողջ ընթացքում:

Այս անգամ Պարսկաստանից բազմաթիւ թուրք ձիաւորներ անցնելով Արաքսը՝ միացել էին տեղացի թուրքերի հետ և մի մեծ ուժ կազմել: Զիաւորների և ոտաւորների մի ահագին խուժան հոկտեմբերի 19-ի առաւօտեան, ժամը 6-ին, պաշարեց Սօս գիւղը այնպէս անակնկալ կերպով, որ գիւղացիներից շատերը հրացանների ձողոցը լսելով և անկարող լինելով հագնւել, տներից դուրս պրծան տակի վարտիկներով: Ժողովուրդը փախաւ անտառը, գէնք կրող մարդիկ անկարող լինելով խուժումը կանգնեցնել՝ նոյնպէս դուրս եկան գիւղից, դիրք բռնելով գերեզմանատան քարերի մէջ: Թուրքերը խուժեցին գիւղը և սկսեցին կողոպտել տները:

պաշարը և տնտեսութեան մի մասը: Յաճախ գոմերի հետ շինուժ են օրինաւոր տներ և ընտանիքներ տեղափոխելով՝ ապրում նրանց մէջ, Այդ է պատճառը, որ գոմերը, շատ անգամ, ոչնչով չեն տարբերուժ գիւղերից:

մինչև որ հայերը հարևան գիւղերից օգնութիւն կը ստանային՝ գիւղի կէս մասը կողոպտուեց: Օգնութեան հասնող բաւականաչափ ուժը գերեզմանաքարերի յետեից սկսեց գնդակ տեղալ գիւղը շահատակող խուժանի վրա. մի քանիսը նրանցից գլորեցին, գլորեց նաև պարսկաստանից եկած խանը—բարձրահասակ, գեղեցկագէտ, երիտասարդ մի մարդ, պարսկական շքեղ հագուստով, որի դիակը թուրքերը անկարող եղան տանել: Մինչև այդ՝ խուժանը չէր ուզում թողնել գիւղը. բայց նա փախուստի դիմեց, հէնց որ զարկեց խանը: Այս, ամբոխի հոգեբանութեան յատուկ մի փախուստ էր: Հայերից սպանուեց 23 տարեկան մի երիտասարդ Յակովբեան թէոս անունով:

Այդ միևնոյն օրը, թուրքերի մի այլ խուժան յարձակուեց Մաշադիչէնի գոմերի վրա, ուր ապրում էին գիւղից տեղափոխուած բաւականաչափ ընտանիքներ: Ժողովուրդը կարողացաւ փախչել չորս գոհ տալով, մինչև որ գիւղից օգնութեան եկողները յետ քշեցին յարձակումը: Չորս սպանուածներն էին. Մարտի Բաղդէեանը, 45 տար., Մօսի Յարութիւնեանը, 25 տար., Օհանը, 50 տար. և Նէսին, 35 տարեկան:


Ինչպէս առաջին անգամ, այնպէս էլ այս անգամ հայերը յետ քշելով յարձակումը՝ գնացին պաշարեցին թուրքական երեք գիւղեր, այն է՝ Հաջուզը, Վէյսանլուն և Աղբաշլուն. թուրքերը մի կարճ դիմադրութիւն ցոյց տալուց յետոյ փախան և երեք գիւղերն էլ ենթարկեցին հրդեհի ու աւերման:

Երրորդ անգամ այս շրջանը աղմկուեց և մասսայական ընդհարումների ասպարէզ դարձաւ ղեկտեմբերի վերջերին և յունվարի սկզբներին, Քեօնդալան գետի հովտում ծագած նոր խռովութիւնների հետ միասին, որի ժամանակ Ղաջարը, ինչպէս տեսանք, ենթարկեց յարձակման և աւերուեց: Մի քանի յարձակումներ տեղի ունեցան Մօսի և երկու ճարտարների վրա, թէև յիշեալ գիւղերը ֆրանսեր չը կրեցին այս անգամ: Մի յարձակում էլ տեղի ունեցաւ Խոնաշէն գետի հովտում ընկած Գիշի գիւղի գոմերի վրա, որի ժամանակ գոմերը հրդեհուեցին և բաւական ֆրանսեր կրեցին:

Յարձակումները շարունակուեցին մի քանի օր ևս, մինչև որ տեղի ունեցաւ Ղաջարի աւերումը:

Ճիշտ է, Ղաջարի աւերումից յետոյ մի առ ժամանակ շրջանը խաղաղուեց, բայց բարբարոսութիւնների անօրինակ ձևե-

լով մի այլանդակ յարձակում, այս շրջանի հայ գիւղերի վրա, տեղի ունեցաւ մարտ ամսի մէջ. այդ ոռւս կօզակների արշաւանքըն էր, որը կատարեց էկզեկուցիայի անւան տակ, թո՛ւ ու թընդանօթով, առաջնորդութեամբ գնդապետ Վիվերնի, գաւառապետ Ֆրէյլիխի և հաշտարար միջնորդ Երմօլաեի, որպիսի արշաւանքի ենթարկեց նաև Քեօնդաւան գետի շրջանում եղած հայ գիւղերի շարքը. սակայն այդ արշաւանքը այնքան ուշագրաւ է և նողկալի իր անօրինակութեամբ, որ նրան մենք կը նւիրենք մի առանձին գլուխ մեր գրքի մի այլ տեղում:



# ՇՆՂԱՐՈՒՄՆԵՐԸ ԱՍԿԵՐԱՆՈՒՄ ԵՒ ԿԱՌ- ԿԱՌ ԳԵՏԻ ԱՏՈՐԻՆ ՀՈՎՏՈՒՄ

1905 թ. ՕԳՈՍՏՈՍԻՑ—1906 թ. ՅՈՒՆԻՍ

Շուշուց դէպի հիւսիս, 25 վերստ ուղիղ գծով, Սաչէնի աւազանը վերջանում է մի նեղ անցքով: Այդ անցքից դէպի արևմուտք ձգւում է մի փոքրիկ շղթայ—Սաչէնի հիւսիսային պատուարը, իսկ դէպի արևելք՝ Վարանդայի ամրակուռ բարձրաւանդակը, սկսած Բեաթուկ գագաթից:

Բացի այդ երկու բնական ամրութիւններից, անցքը զինւած է եղել անցեալում նաև արհեստական ամրութիւններով—մի բերդով Շուշին հիմնարկող Փանահ-խանի ձեռքով շինւած, որի կիսաւեր պարիսպները մինչև այժմ էլ կան: Դրանք մի սաժենաչափ հաստութիւն, երկու, տեղ տեղ նոյն իսկ երեք սաժենաչափ բարձրութիւն և 100-150 սաժենաչափ երկարութիւն ունեցող մի զոյգ պարիսպներ են, որոնք միմեանց դէմ ու դէմ ընկած՝ մէջտեղ թողել են մի անցք, որի միջով հոսում է Կառկառ գետը և ձգւում Աղզամի խճուղին:

Ահա այս անցքը իր բնական և արհեստական ամրութիւններով միասին վերցրած կոչւում է Ասկէրան կամ Ասկէրանի բերդ: Կառկառ գետը ազատելով Ասկէրանի կիրճից՝ ոռոգում, կեանք է տալիս խաղողի այգիներով հարուստ մի դաշտավայրի, որի վրա միմեանց կողքի փուած են Շէլլու, Փօլատլու, Ղարադաղլու, Շխբարալու, Մուրադ-բէկլու, Ղուրդ-Ղարադաղլու, Ղուրդօթլար, Ղասումբէկլու, Շարաֆլու և այլ բազմաթիւ թուրք գիւղեր, որոնց կենտրոնում բազմած է Աղզամը—մի գիւղ իր շուկայով, իր հարստութիւններով, միևնոյն ժամանակ իր բէկական տականքներով, որը ղեկավարողի դեր է ստանձնել ընդարձակ

դաշտավայրի թուրք տարրերի բացասական գործողութիւնների նկատմամբ:

Ասկէրանից դէպի հիւսիսարեւմուտք լեռնաշղթայի հիւսիսային լանջերի վրա, 4 վերստ հեռաւորութեամբ, ընկած են Խաչէնի չորս գիւղերը, այնէ՛ Լըլըջ-Բաղը, Քարագլուխը, Խանաբաղը և Խրամորթը. իսկ դէպի արեւելք, Վարանդայի հիւսիսային լանջերի վրա՝ Վարանդայի 14 գիւղերը, այն է՝ Գեաթուկը, Նախիջևանիկը, Փիրջամալը, Վարազաբոյնը, Միրիշանլուն, Դահրազը, Միբուշէնը, Աւդուռը, Հացին, Նորաշէնը, Աշանը, Եմիշչան, Սպիտակշէնը և Լըզլղալան:

Այս շրջանի համարեա կենտրոնում, Չրաղլու անուն կրող բլուրի տակ գտնուում են այժմեան հաշուով, աւելի քան 600 տնից բաղկացած թուրքական երկու մեծ գիւղեր—Աւղալը և Գիւլապլուն իրենց այգիներով և շաղ անցած տներով բունելով մի ահագին տարածութիւն, փուլած մի ձորակի երկու կողերի վրա:

Աւղալ-Գիւլապլուն, այդ անբաժան զոյգ գիւղերը, այս շրջանի համար աւելի մեծ չարիքներ էին, քան Ղաջարը՝ Քեօնդալան գետի հայ գիւղերի համար: Այս երկու գիւղերում կազմակերպւած աւազակների չարիքներից ազատ չէր այս շրջանի և ոչ մի հայ գիւղ:

Նրանք ուսումնասիրած ունէին իւրաքանչիւր գիւղի ելքն ու մուտքը, հարուստն ու աղքատը. նրանք ունէին իրենց հայ «ագենտները» իւրաքանչիւր գիւղում. նրանք մինչև անգամ բաժանած ունէին իրենց մէջ գիւղերը, մէկը միւսի սահմանը ոտ չը դնելու համար: Եւ որպիսի՞ գողութիւններ ու աւազակութիւններ ասէք, որ տեղի չունենային այս շրջանի գիւղերում ամեն ամիս, ամեն շաբաթ, նոյն իսկ ամեն օր: Այդպիսով, ահա, Աւղալ-Գիւլապլուի համար բացել էր եկամտի մի առատ աղբիւր: Գողանալ հայ գիւղերից ոչխար, կով, եզ, ձի. քշել Աղղամ, Աղղամի շրջակայ գիւղերը ու վաճառել և կամ վերադարձնել կենդանին հէնց իրեն—տիրոջը՝ նախօրօք ստանալով նրա արժէքը, սրանք սովորական երևոյթներ էին այս շրջանում: Իւրաքանչիւր գիւղ, նայած իր տւած արդիւնքին, արժանանում էր Աւղալ-Գիւլապլուի յատկացրած տիտղոսին: Այսպէս, Աշան գիւղը կոչւում էր «Հալա-Աշանի», որ նշանակում էր հալալի պէս քաղցր ու համեղ մի պատառ:

Աղղամի դաշտի, Աւղալ-Գիւլապլուի և Զիւանշիրի ու Զիր-րայիլի տափարակների մահմեդական տարրերը՝ կազմելով բազմամբոխ խմբեր, հայ-թուրքական ընդհարումների ժամանակ արշաւում էին Ասկէրանի կիրճով դէպի Շուշի, իսկ Ասկէրանի երկու կողմերում ընկած Սաչէնի և Վարանդայի փոքրաթիւ հայ գիւղերի մի բուռն կտորիչներ փակում էին Ասկէրանի կիրճը և բնութեան ստեղծած այդ ամրութիւնների շնորհիւ յետ մղում արշաւանքները մեծ կորուստներով:

Ահա այն ընդհարման կէտը, որը այնքան ուշադրութիւն գըրաւեց իր վրա և որին մենք կը տանք մի փոքր աւելի տեղ:

Աղղամից սկսած Շուշի-Եւլախեան խճուղին ձգւում է Աղղամի և ապա Զիւանշիրի տափարակների միջով, ամբողջ 70 վերստ երկարութեամբ անցնելով թուրքաբնակ գիւղերի մօտով:

Ահա, մի ամբողջ օր տևող այդ դաշտային ճանապարհորդութիւնը Շուշի երթևեկող հայերը կատարում էին վախի և սարսափների տակ սկսած այն օրից, երբ առաջին անգամ տեղի ունեցաւ Բագուի կոտորածը:

Այդ սարսափները անտեղի չէին:

Յուլիսի 25-ին, երբ Սաչէնի ձորակում սարից իջնող Փարասանլու և Քէնգերլու կոչւող ցեղերի և հայերի մէջ տեղի ունեցած ընդհարման լուրը Աղղամ հասաւ, հանրակառքերով երթևեկող 18 հայեր անմիջապէս պերեցին թուրքերի ձեռքով, և նրանք արձակեցին այն ժամանակ, երբ հաշտութեան լուրը տեղ հասաւ, սակայն բաւական անախորժութիւններից յետոյ: Երկու գիմնագիստներ ենթարկել էին խայտառակ բռնութիւնների:

Ճիշտ է, այդ դէպքը անցաւ բոլորովին աննկատելի կերպով, բայց նա մի փորձ էր ապագայ գործողութիւնների համար:

Օգոստոսի 8-ին Սաչէնի ձորակում տեղի ունեցաւ երկրորդ ընդհարումը, բայց այս անգամ Ղըլլու կոչւող ցեղի քոչւորների հետ: Այս երկրորդ դէպքը ոտի կանգնեցրեց տափարակների վրա ապրող թուրք տարրերին: Աղղամում զանազան արհեստներով և մանր-մունր առևտրով պարապող բաւականաչափ հայեր հազիւ կարողացան՝ որը ծանօթի և որը դրամի շնորհիւ, թողնել ունեցած չունեցածը և փախչել գլուխ ազատել: Երկու օր ծածկելուց յետոյ նոյնպէս հազիւ կարողացան փախչել և ազատել հայ օղե-

գործարանների ծառայողները և մշակները, ամեն ինչ թողնելով խուժանին: Երեք օր շարունակ կողոպուտեցին և ապա գերեցին թէ մէկ և թէ միւս կողմից եկող 200-ի չափ հայ ճանապարհորդներ, որոնց թուում գանուում էին 14 կանայք և 20-ի չափ երեխաներ: Նոյն վիճակին ենթարկեցին 10-ից աւելի հայ ճանապարհորդներ Ղարբանդ կայարանում: Երեք օր շարունակ հազար ու մի անարգանքների և մահաւան սարսափի տակ ապրելուց յետոյ՝ այդ գերիները ազատեցին, բայց ոչ բոլորը. նրանցից մի քանիսը, որոնց թուում նաև կանայք, զոհ էին գնացել թուրքերի գազանային հակումներին. իսկ կենդանի մնացածները սարսափով էին յիշում անցկացրած ըրովները:

Օգոստոսի 16-ին, երբ ընդհարումը պայթեց Շուշու մէջ, Աղզամբ իր շրջականերով միանգամայն սանձարձակ դարձաւ: Աղզամբի մէջ եղող հայերի խանութները կողոպուտեցին. կողոպուտեցին նաև Պուրլարովի գործարանը՝ ահագին խմիչքներով, Սողոմոնովի 12 դես. այգին և գործարանը, Ահարոնեանի 6 դես. այգին, գործարանը ու խմիչքների պահեստը, Բաղդասարովի սպիրտի կործարանը՝ մեծաքանակ սպիրտով. ապա այս բոլորը, աւելի քան 400,000 ռ. արժողութեամբ, աւերեցին թուրքերի ձեռքով: Եւ ապա Աղզամբի խաղողով հարուստ ահագին շրջանի այդ կուլտուրական ձեռնարկութիւնները հրդեհեցին՝ տնտեսական մի մեծ հարւած հասցնելով նոյն իսկ իրեն—աւերող, քանդող ժողովրդին: Կողոպուտի ենթարկեց նաև Ղարբանդի պօստի կայարանը իր ձիերով, որը գտնուում էր ոմն Զալինեանցի ձեռքում:

Սակայն կողոպուտի մի այդպիսի նեղ շրջան ահագին խուժանին գոհացում տալ չէր կարող: Մինչդեռ մի կողմից այդ բոլորը կողոպուտում և աւերում էին, միւս կողմից բազմամբոխ խմբեր Ասկէրանի կիրճով խուժում էին դէպի Շուշի:

Քաղաքում բռնկւած ընդհարման առաջին երկու օրերին, այն է օգոստոսի 16-ին և 17-ին Ասկէրանի անցքը բաց էր: Աղզամբ դաշտից բաւականաչափ զինւած խմբեր Շուշի թափեցին. գնալով հոսանքը մեծանում էր. քաղաքից յուսահատական լուրեր հասան. դրսի խուժանը մի կողմից, ներսինը միւս՝ նեղն էին լծել հայերին:

«Ի սէր Աստուծոյ փակեցէք Ասկէրանի մուտքը, կանգնեցրէք Աղզամբի հոսանքը, եթէ ոչ մենք կորած ենք», ահա այն աղաղակը, որն առաջին անգամ Ասկէրանի շուրջը ընկած Վարան-



դայի և Սաչէնի հայ գիւղերի ուշադրութիւնը դարձրեց այդ անցքի վրա:

Մի վայրկեան հայ գիւղացին տատանւեց. նրա ուղեղին չը նստեց այն միտքը, որ հային կարելի կը լինէր փակել մի մեծ ճանապարհ և դիմադրել թուրք խուժանին. բայց գտնւեցին երկու տասնեակ ըմբոստներ՝ Փիրջամալ, Քեաթուկ, Նախիջլանիկ, որոնք գիւղերի երկու տասնեակ դաշնակցական երիտասարդներ օգոստոսի 17-ին բռնեցին Ասկէրանի կիրճը արևելեան կողմից: Ահա թուրքերի մի մեծ խումբ. նա արշաւում էր դէպի քաղաք: Դէպի իր ուժերը որքան անվստահ հայը, նոյնքան անձնավստահ թուրք խուժանը պատուեց Ասկէրանը, անցաւ 5—6 զոհեր տալով: Ասկէրանը փակելու առաջին փորձն անյաջող անցաւ. մի զոհ էլ հայերը տալով՝ յետ քաշւեցին, սակայն ճանապարհը հարթւած էր և առաջի յանդուգն քայլը արւած:

Օգոստոսի 18-ին Ասկէրանը նորից փակւեց, բայց այս անգամ արդէն աւելի ամուր կերպով. օգնութեան էին հասել նաև խաչէնցիներից կազմւած դաշնակցական տասնեակները: Աղդամի կողմից արշաւող մի խուժան յետ փախաւ զոհերով: Յարձակումը այդ օրը կրկնւեց երկու անգամ ևս, բայց անյաջող վերջաւորութեամբ: Թուրքերը ունենում էին զոհեր. թէև նրանցից փոքր խումբեր պատուում շղթան անցնում էին:

Աղդամը այնկողմեց որպէս ծովը փոթորկի ժամանակ. չորս կողմի գիւղերից թափւեցին եկան բազմաթիւ ձիաւոր խմբեր, որոնք մի մեծ արշաւախումբ կազմած՝ շարժւեցին դէպի Ասկէրան: Ականատեսները միաբերան վկայում էին, որ այդ արշաւախումբը՝ բաղկացած ոչ պակաս 2000 լաւ զինւած ձիաւորներից, շարժւեց՝ առաջնորդ ունենալով մի ականաւոր բէկի, որը սպիտակ ձի նստած մի առանձին յաւակնութեամբ առաջ էր գնում, արհամարհելով այն մի քանի տասնեակ հայերին, որոնք փակել էին կիրճը:

Սկսեց յարձակումը մի անօրինակ թափով օգոստոսի 19-ի առաւօտեան: Մի քանի ժամ տևող յամառ կռիւը վերջացաւ յաւակնոտ բէկի համար խայտառակ պարտութեամբ: Արշաւախումբը փախաւ՝ թողնելով մի քանի տասնեակ դիակներ գլխաւորապէս Սրամորթ գիւղի սահմաններում, ուր տեղի ունեցաւ միաժամանակ յարձակումը:

Այս ընդհարումից մի քանի ժամ անց առանց որևէ միջնա-

դէպի եկաւ Շուշի անցաւ Շէյխ-ուլ-խալամը:

Յարձակումներ Ասկէրանի վրա տեղի ունեցան նորից օգոստոսի 20-ին և 21-ին, բայց դարձեալ անյաջող հետևանքներով:

Օգոստոսի 22-ին նոյնպէս տեղի ունեցաւ ընդհարում և այն էլ արիւնոտ ընդհարում: Այդ օրը Շուշուց վերադառնում էր կողոպուտներով բեռնաւորած ձիաւոր թուրքերի մի մեծ խումբ. այդ խումբը անա թակարդի մէջ բռնեց և մի յուսակտուր կուրց յետոյ ընկաւ մի քանի տասնեակ սպանւածներով:

Ասկէրանը ստացաւ «Գանլի» անունը. մի քանի օրւայ մէջ նրա պատերի տակ թափելի էին աւելի քան 300 զոհեր:\*)

Այս դէպքից յետոյ, օգոստոսի 23-ին զօրք ուղարկեց Ասկէրան. իսկ օգոստոսի 24-ին եկաւ և անցաւ գեներալ Տակալշվիլին, սակայն որը Աղղամից փոխարքային ուղարկեց մի բնորոշ հեռագիր:

Ահա այդ հեռագիրը իր ամբողջութեամբ:

«Երկու բատալիօն և երկու հարիւրեակ այսօր հասան Շուշի. մի բատալիօն և մի հարիւրեակ այսօր ինձ հետ հասան Աղղամ: Եւլախից մինչև այստեղ ճանապարհին պէտք եղաւ հանգստացնել թուրք ազգաբնակութեանը, որը յուզւած էր այն պատճառաւ, որ խաղաղութիւնը կապելուց յետոյ հայերը գեռ շարունակում էին գրաւած պահել Ասկէրանի կիրճը և շրջակայ բարձրութիւնները, կրակելով անցնող թուրքերի և նոյն իսկ Շէյխ-ուլ-խալամին ուղեկցող ձիաւորների վրա: Այսօր ճանապարհին պատահեցի զինւած թուրք խմբերի՝ սպանւածներով և վիրաւորւածներով: Ինչպէս երևաց, լոյս 22-ի գիշերը կիրճում ընդհարում է տեղի ունեցել բազմաթիւ զոհերով: Աղղամ հասնելով անմիջապէս մի զօրամաս ուղարկեցի բռնելու Ասկէրանի կիրճը, իսկ մնացած զօրքերի հետ առաջ շարժեցի՝ վերցնելով եօթ օրւայ պօստը, ալիւրով բարձած ֆուրգօնները և այն բոլոր բնակիչներին, որոնք վախենում էին գնալ Շուշի Ասկէրանից, խանքէնդի ճանապարհի փակ լինելու պատճառով»:

Այս բովանդակութեամբ մի հեռագիր կազմելու համար պէտք էր լինել Տակալշվիլի: Հայերը խախտել էին հաշտութեան պայմանը,

---

\*) Ասկէրանի մօտ կայ չինւած սորաժնիկների մի պահակաւոց, որի ներկայութեամբ կատարւում էին այս բոլորը:

հայերը կոտորել էին անմեղ ճանապարհորդներին, հայերը կրակել էին նոյն իսկ Շէխ-ուլ-խալամին ուղեկցողներին վրա: Այն, ամեն բանում էլ յանցաւորը հայերն էին: Անվերջ մեղադրանքներ, որոնք դիտաւորեալ կերպով խմբագրուում էին թուրք մասսային աւելի ևս մոլորութեան մէջ ձգելու, ընդհարումներն ու կոտորածը աւելի տեղական դարձնելու համար: Թուրք մասսան խնդիրը ըմբռնել չէր կարողանում. այդ հանգամանքը ստիպում էր հային Ասկէրաններ ստեղծել, դիակներ փռել: Եւ այս ոչ թէ Տակայձվի-լիներին վրդովեցնում էր, այլ հրճւանք պատճառում, որոնք միջոցներ ձեռք չէին առնում արմատապէս մաքրելու Աղզամի գիծը թուրքերից, իսկ Ասկէրանը՝ հայերից:

Ահա թէ ինչու Ասկէրանը որպէս Շուշու բանալին, այնուհետեւ դարձաւ երկու դրացի ժողովուրդների, որպէս երկու թշնամի բանակների, կուսխնձորը, որի շուրջը տեղի էին ունենում խոշոր ընդհարումներ:

---

Ասկէրանի գրաւումը հայերի կողմից լուրջ մտատանջութիւն պատճառեց Աղզամի դաշտի թուրքերին, որոնց առաջ փակուում էր ասպարէզը դէպի Շուշու: Եւ ահա սկսեց արշաւանքների երկար ու տեղական շարքը դէպի այն գիւղերը, որոնք գտնուում էին Ասկէրանի երկու անմիջական թևերի վրա:

Օգոստոսի 19-ին Ասկէրանի կիրճում տեղի ունեցած ընդհարման հետ միաժամանակ յարձակման ենթարկեցին Պանարադ և Խրամորթ գիւղերը: Մի քանի ժամ տեղոյ յամառ կռիւը վերջացաւ նրանով, որ թուրքերը յետ փախան՝ թողնելով կուռի տեղում 13 դիակներ, որից յետոյ Պանարադ գիւղի հայերը հրդեհեցին բէկի տունը. բէկը առաջօրէն քոչել էր այդտեղից:

Աղզամի դաշտի թուրքերը անկարող լինելով Ասկէրանը շրջապատող հայերին հարւածել, նորից իրենց բարկութիւնը թափեցին ճանապարհորդների վրա: Սեպտեմբերի 2-ին և 3-ին աղմինիմուրացիայի հաւաստիացումներից սիրտ առած, 30-ի չափ հայեր ճանապարհ ընկնելով Աղզամում կողոպտեցին և գերեցցին: Դրանցից մի քանիսը—կին, երեխայ, տղամարդ—անհետացան Աղզամից փոքր ինչ հեռու, Ուզուն-Դարա կոչւած տեղում, ուր մի քանի օր անց գտնեցին 3 այլանդակւած դիակներ և ոմն Սամ-

սոն Գանջեցեանի ու նրա հետ եղող գերմանացի տեխնիկի անցագիրն ու զանազան թղթեր:

Մի անսպասելի յարձակման ենթարկեց Աւդալ-Գիւլապուլուի բարձրում ընկած Միրիշանլու գիւղը:

Գիւլապուլու գիւղի մօտ մի քանի օրից ի վեր իրենց վրաններն էին խփել երկու թափառական ցեղեր—Օւշարը և Աշուզլուն: Օգտուելով առիթից սեպտեմբերի 4-ին գիւլապուլեցիք միացան զրանց և յարձակեցին Միրիշանլուի վրա այն ժամանակ, երբ շատերը քնած էին: Գիշերային մթութեան մէջ ժողովուրդը փախաւ չոլերը մի անասելի իրարանցումով և մինչև որ միւս գիւղերից օգնութիւն կը հասնէր, թուրքերը կողոպտեցին մօտ 20 տուն և քշեցին 80-ի չափ տաւար:

Այս յարձակման ժամանակ հայերից սպանեցին վեց հոգի, որոնց անունները բերած են գրքի վերջում: Դրանցից երկուսը 1-ից մինչև 3 տարեկան մանուկներ էին: Թուրքերը յետ քաշեցին 5 սպանւածներով, բայց բաւականաչափ աւարով:

Այս առաջին փորձն էր այն մի շարք յարձակումների, որ սկսեց Աւդալ-Գիւլապուլուն հայ գիւղերի դէմ՝ նպատակ ունենալով Գեաթուկի հարաւային լանջերով ճանապարհ բացել պէպի Մալիբէկլու և այնտեղից Շուշի:

Այս յարձակումը յուզեց շրջակայ հայ գիւղերին, մանաւանդ Նախիջևանիկին և Վարազաբոյնին, որոնք թուրք գիւղերին կից, դաշտային մասում ունենալով ընդարձակ խաղողի այգիներ, \*) միանգամայն զրկւել էին այնտեղ երթեկեկու հնարաւորութիւնից, թողնելով բոլորը թուրքերի քմահաճոյքին և աւերումներին ենթակայ:

Եւ անձ, երկու օր անց, Սեպտեմբերի 6-ին հայերը յարձակեցին Աւդալ-Գիւլապուլուի վրա այն ժամանակ, երբ վերջինը պատրաստուում էր երկրորդ անգամ յարձակւել Միրիշանլուի վրա. տեղի ունեցաւ մեծ կռիւ, մեծ զոհերով: Թուրքերը անկարող լինելով մինչև վերջը դիմադրել հայերին, փախան Աւդալից և Գիւլապուլուի մի մասից, որից յետոյ հայերը ներս խուժեցին գիւղերը և

---

\*) Այդ այգիները, որոնց տարածութիւնը հասնում է 400 դեսիատինի և որից Նախիջևանիկն ու Վարազաբոյնը տարեկան վերցնում էին մինչև 100,000 վեգրօ գինի, մեծ մասամբ աւերեցին:

սկսեց կողոպուտն ու ակերը հանդերձ սպանութիւններով և բարբարոս գործողութիւններով, որին լուռ ականատես էր վրա հասած կօզակների հարիւրեակը. և ոչ միայն լուռ ականատես, այլ և մի քանիսը կօզակներից մասնակցում էին կողոպուտին: Ժողովրդի մեծ մասը փախաւ Աղղամի գիւղերը, իսկ փոքր մասը և գլխաւորապէս կուռղ տղամարդիկ քաշեցին Գիւլապուլուի ներքին մասը: Շէն Աւղալ-Գիւլապուլուն ակերեց հիմնովին:

Մինչդեռ հայերը զբաղած էին Աւղալ-Գիւլապուլուի կողոպուտով՝ Աղղամից մի խուժան պաշարեց Վարազարոյնը և կրակեց գիւղի ծայրում եղող գոմերը, բայց շուտափոյթ օգնութեան շնորհիւ կարելի եղաւ յարձակումը յետ քշել և գիւղը փրկել հրդեհից: Այստեղ ակելի ևս տարօրինակ էր զօրքի բռնած դիրքը. մի հարիւրեակ կօզակ հայերի հետ էր և մի հարիւրեակ կօզակ թուրքերի կողմը. երկու տեղից էլ կօզակները կրակում էին:

Սեպտեմբերի 16-ին յարձակման ենթարկեց Նորաշէն գիւղը, բայց այդտեղ նոյնպէս կարելի եղաւ յարձակումը յետ մղել առանց լուրջ վնասների:

---

Մի առ ժամանակ այս շրջանը խաղաղեց, բայց ոչ երկարատև: Հոկտեմբերի 8-ին Աղղամում նորից կողոպուտեց ճանապարհորդների մի բաւական մեծ խումբ, թէև կարելի եղաւ կողոպուտը յետ առնել և տէրերին տալ: Ապա գիւլապուլեցիների ձեռքով կատարեցին մի շարք աւազակութիւններ և սպանութիւններ. նրանք քշեցին Միրուշէնի 12 տաւարը, սպանեցին Աւղուռ գիւղացի մի հայի և գործեցին այսօրինակ այլ ղէպքեր: Այս բոլորը առաջ բերին նոր ընդհարումներ:

Հոկտեմբերի 28-ին հայերը երկրորդ անգամ յարձակեցին Գիւլապուլուի վրա, որի ժամանակ թէև մի քանի տներ ակերեցին, բայց այնուամենայնիւ գիւղի ամենավերջին ծայրը մնաց անվնաս, ուր նորից ամրացան ղէնք ունեցող թուրքերը:

Աւելի մեծ յարձակումներ տեղի ունեցան նոյեմբերի վերջերին և դեկտեմբերի սկզբներին: Քաղաքի շուրջը կատարեցին սպանութիւններ. Աղղամը նոյնպէս յուզեց. Ասկէբանը նորից փակեց խաչէնցիներով: Գիւլապուլուն Աղղամից օգնութիւն ստանալով՝ նորից փորձեց յարձակում գործել Միրիշանլուի վրա, բայց ինքը պաշարեց հայերով: Այս անգամ կռիւը նոյնպէս կատարի էր:

Գիւլապլում մնացել էին միմիայն՝ տղամարդիկ, որոնք և յամառ կերպով դիմադրում էին հայերի գրոհին. բայց Գիւլապլուն վերջնականապէս ընկաւ՝ մեծ զոհեր տալով, որից յետոյ մնացեալ տներն ևս աւերւեցին: Թուրքերը թողին 50-ից աւելի սպանւածներ, որոնցից 26 դիակ միմիայն մի տան մէջ ընկած, բոլորը կուռղ տղամարդիկ էին: Հայերից սպանւեց մէկը—դահրազէցի Կարապետ Բղանեանցը և մի քանի հոգի էլ վիրաւորւեցին:

Դեկտեմբերի 3-ին Աղղամից մի խոշոր յարձակում տեղի ունեցաւ Սանաբադ և Սրամորթ գիւղերի վրա: Յարձակումն այնքան ուժեղ էր, որ Սրամորթի ժողովուրդը փախաւ գիւղից, կարողանալով հետը տանել շատ աննշան իրեր: Տների մեծ մասը կողոպտւեցին, 18 տներ հրդեհւեցին, Տէր Գրիգորեանի մետաքսի և գինու գործարանները, աւելի քան 30-35,000 ռուբ. արժողութեամբ, նոյնպէս կողոպտւեցին և հրդեհւեցին: Հայերից սպանւեցին 70 տարեկան ծերունի Մկրտիչ Աղաբաբեանը իր 60 տարեկան կնոջ հետ և 18 տարեկան մի երիտասարդ—Բաղա Մահակեան անունով. բացի այդ, 4 հոգի էլ վիրաւորւեցին: Թուրքերը թողին կուրի տեղում 6 դիակ, որոնցից մէկի գրպանից դուրս եկաւ Մանսուրու գիւղի ստարշինայի կնիքը:

Սանաբադը կարողացաւ յարձակումը յետ տալ, բայց երկու զոհերով: Սպանւեցին երկու երիտասարդներ—Չոււմշուղ Մովսիսեանը և Պետրոս Պօղոսեանը:

---

Եկան վերջապէս դեկտեմբերի վերջին ամենածանր օրերը—բոյկոտի, յուզման և մթերքների յետին ծայր սպառման օրերը: Մինչև Աղղամի ճանապարհը փակւեց հայերի համար, իսկ Ասկէրանը փակւեց թուրքերի համար. երկու կողմերն էլ ենթարկւեցին ծանր զրկանքների, մանաւանդ քաղաքը: Դա այն միջոցն էր, երբ երկաթուղիական ընդհանուր գործադուլի պատճառով ամբողջ Ռուսաստանը մատնւած էր սովի, երբ մթերքների արժէքը հասել էր չը տեսնուած չափերի:

Այդ ժամանակ Եւլախից զօրք ուղարկւեց ճանապարհը մաքրելու և Շուշի մթերք հասցնելու համար:

Դեկտեմբերի 26-ին մի վաշտ կօզակների պաշտպանութեան տակ Աղղամից 54 ֆուրգօն—6000 փթաշափ մթերքներով ճանապարհւեցին Շուշի յատկապէս թուրքերի համար: Այդ պաշարը

պիտի անցնէր Ասկէրանի բարձունքները գրաւած նոյնչափ սովի մատնւած խաչէնցի և վարանդացի դիրքապահների աչքի առաջով:

Երբէք մարդ այնքան յանդուգն չէ լինում, որքան քաղցի բուռնութիւն. անն այդպիսի մի բուռնութիւն անխթարթում եկաւ խնդիրը լուծելու. դիրքերից կրակեցին հրացանները. ճարպիկ կօզակները վայրկենապէս յետ փախան և մթերքներով բեռնաւորուած ֆուրգօնների շղթան ծուեց դէպի Վարանդայի գիւղերը:

Որքան էլ ծանր լինէին դրա հետևանքները, հանդերձ իրենց տուգանքներով ու էկզեկուցիաներով, այնուամենայնիւ, քաղցած Վարանդան մի առ ժամանակ կշտացաւ, մի առ ժամանակ նա գոհացում տւեց աղաղակող ստամոքսի պահանջին:

Սոյնպիսի մի փորձ տեղի էր ունեցել նոյեմբերի 30-ին. 16 ֆուրգօն մթերքներ կրկին անցել էին Վարանդայի հայերի ձեռքը և սպառուել: Թուրքը հային էր կողոպտում, հայը՝ թուրքին. կառավարութեանը ինչ փոյթ թէ երկուսով էլ կը թշուառան . . .

Սակայն այս անգամ Ասկէրանի ամրութիւնների առաջ յայտնուեց Փօն-Օգիրովսկին իր հռչակաւոր կոչով և թնդանօթներով. խրոխտաց, սպառնաց, թնդանօթի բերանը ուղղելով 12 հարւած տեղաց Սանաբադի վրա, իսկ 4 հարւած՝ Ասկէրանի պարիսպներին, սա էլ միւսների պէս անցաւ գնաց. . .

Յարձակումների ամենակատաղին տեղի ունեցաւ յունվարի 6-ին վաղ առաւօտեան: Այդ մի մեծ դաւադրութիւն էր ծննդեան գիշերին գործադրելու համար. ծրագրւած էր անսպասելի կերպով յարձակուիլ և հայերին սրի քաշել, նրանց հանդիսաւոր օրւայ հանդիսաւոր ժամին:

Դեռ ևս յունվարի 5-ին Աղդամ եկել խմբել էին անազին թւով թուրքեր Զիւանշիրի և Արէշի կողմերից. եկել էին Շախսէւան կոչւած ցեղի բազմաթիւ ձիաւորներ նաև Պարսկաստանից:

Յարձակումը տեղի ունեցաւ միաժամանակ նախիջևանիկի, Փիրջամալի և Վարազբոյնի վրա աւելի քան 2-3000 հոգու մասնակցութեամբ: Տեղի ունեցաւ յամառ և երկարատև կռիւ, հայերը թուրքերի ուժերը ջլատելու նպատակով յարձակում գործեցին Շէլլու թուրք գիւղի վրա և իսկապէս այդ ստիպեց թուրքերի մի մասին դառնալ այն կողմը, որից օգուտ քաղելով հայերը մի գրոհ տւին և մեծ կորուստներով քշեցին խուժանին, թէև

իրանք էլ բաւական զոհեր ունեցան: Վարազաբոյնից այդ կուում սպանւեցին Ալէքսան Դուկաստանը, 40 տար., Սաչատուր Աւանէսեանը, 25 տար., Պոստոլ Արուշանեանը, 25 տար., Յարութիւն Մէլքումեանը, 40 տար., Առաքել Պետրոսեանը, 45 տար., Սարգիս Աւդիեանը, 30 տար., Կարապետ Գասպարեանը, 30 տար., և Օհան Մինասեանի կինը—Բաջին 30 տար. բացի այդ վիրաւորւեցին 17 հոգի. Փիրջամալ գիւղից սպանւեցին՝ Սահակ Սարգրսեանը, 40 տար., Ծատուր Դովլաթեանը, 50 տար., Աղամ Միրզոբեանը, 30 տար. և վիրաւորւեցին 3 հոգի, ընդամենը 11 սպանւած և 20 վիրաւոր: Թուրքերի սպանւածները շատ շատ էին, թէև անյայտ քանակութեամբ:

Սակայն սրանով էլ չըջանը չը խաղաղեց. մի կարճ ընդմիջումից յետոյ սկսեցին նորանոր դէպքեր:

---

Մարտի 19-ին Աղդամում հայ ճամբորդները նորից բռնութիւնների ենթարկւեցին, որոնցից 5 հոգի ծանր վէրքեր ստացան, սակայն այս անգամ կօզակները կրակ բացին թուրքերի վրա և նրանցից մի քանիսին սպանեցին ու վիրաւորեցին:

Հայ ճամբորդների մի միծ գերութիւն տեղի ունեցաւ նաև մայիսի 27-ին, որը անաղին աղմուկ հանց: Աւելի քան 27 ճամբորդներ անհետ կորան. դրանց թւում գտնուում էր Բախշի Արամեանը մի քանի կանանց ու երեխաների հետ միասին: Աղմինիստրացիայի բոլոր ջանքերն ապարդիւն անցան նրանց գտնել: Ճիշտ է, մի քանի օր անց Լարբանդի մօտ մի անտառի մէջ գտնւեցին 14-ի այլանդակւած դիակները, բայց միւսների մասին որևէ տեղեկութիւն կարելի չեղաւ ստանալ. Ընդհանուր կարծիք էր, որ նրանցից մի քանիսին անց էին կացրել Պարսկաստան:

Այս դէպքից յետոյ այլ ևս հայերը չը վստահացան Աղդամի խճուղիով երթևեկել. նրանք գերադասեցին Շուշի-Գանձակեան լեռնային ճանապարհը, անտես առնելով այն տանջանքները, որոնք կապւած էին այդ ճանապարհորդութեան հետ:


Ապա եկաւ յուլիսը—նոր յուզմունքների և Շուշու նոր ընդհարումների այդ արիւնահեղ ամիսը: Աղդամը և Ասկէրանը նոր ընդհարումների բեմ հանդիսացան: Նորից Սանաբադը, Սրամորթը, դրանց վրա աւելացրած նաև Քարազլուխը ենթարկւեցին յարձակումների: Նորից հրապարակ եկաւ Գիւլապլուն, բայց այս անգամ



կանոնաւոր աւազակային արշաւախմբերով. այդպիսի փորձեր տեղի էին ունեցել դեռ ևս փետրվար և մարտ ամիսների ընթացքում: Եւ յուլիսի 28-ին Փիրջամալի, Նախիջևանիկի հայերը ստիպւած էին մի նոր ու վերջին անգամ հայածանօ սկսել այդ աւազակախմբերի դէմ շրջանը վերջնականապէս խաղաղացնելու համար:

Ահա այն շրջանը, որի իւրաքանչիւր սարը, ձորը, քարը, քօլը կրում էր իր վրա բարբարոսութեան հետքերը, աւերումների ծանր հետևանքները . . .

Սակայն հարց է, այսքանով իրագործւած համարձում էր անսիրտ բիւրօկրատիան իր դժոխային ծրագիրը . . .



Յուցակ Շուշու գաւառի այն գիւղերի, որոնց ժողովուրդը փախել կամ խոշոր վնասներ է կրել ընդհարումների ժամանակ: \*)

**Հ Ա Յ Գ Ի Ի Ղ Ե Ր**

№ №	Գ Ի Ի Ղ Ե Ր Ի Ա Ն Ո Ւ Ն Ն Ե Ր Ը	Տ ու Տ	Ք ու յ յ մ փ	Կ ո ս ո ս ն ի Կ	Ք ու յ յ յ մ	Ք ո ս յ ս ս ո ս Կ
1	Զամբլլու	20	փախ.	---	աւեր.	---
2	Ուլուբար .	20	,,	---	,,	---
3	Շէխեր .	41	---	կող.	---	---
4	Ամարաս գիւղ	10	փախ.	,,	աւեր.	---
5	Սօս .	102	---	,,	---	---
6	Միրիշանլու	75	---	,,	---	---
7	Խրամորթ .	65	---	,,	---	---
8	Աղղամի հայեր .	---	---	,,	---	---

**Թ Ո Ւ Ր Ք Գ Ի Ի Ղ Ե Ր**

1	Ղուշչիլար	40	փախ.	---	աւեր.	---
2	Խանքէնդ	60	,,	---	,,	կոտ.
3	Խօջալու .	40	,,	---	,,	---
4	Ղաջար .	128	,,	կող.	,,	---
5	Ղարադաղլու	27	,,	---	,,	---
6	Վարանդալու .	80	,,	---	,,	---
7	Դիւանալլար .	22	,,	---	,,	---
8	Հաջուղ	30	,,	---	,,	---
9	Վէկսանլու	146	,,	---	---	---
10	Աղբաշ	20	,,	---	---	---
11	Աւդալ .	120	,,	---	աւեր.	---
12	Գիւլապլու	270	,,	---	,,	կոտ.

\*) Այստեղ չեն բերած էկզեկուցիայի անւան տակ կօզակների ձեռքով կողոպտւած և բռնութիւնների ենթարկւած հայ գիւղերի անունները:

Գանձակի նահանգի օւերւած գիւղերի մի մասը մինչև այժմ էլ աւերակ է և անմարդաբնակ:

**Նանքէնդ աւանի գործակալութեան 44 գիւղերի ցուցակը  
Տէր-Յովհաննիսեան**

№.Ն:	ԳԻՒՂԵՐԻ ԱՆՈՒՆՆԵՐԸ	Զոհեր		Ք շ լ ւ Ե լ Ե ն			
		Սպան ւած.	Վիր.	Տաւար	Ոչխար	Ձի	Էշ
1	Ղայբալի .	7	—	122	22	—	—
2	Կրկժան .	2	1	15	—	—	—
3	Նանքէնդ .	9	—	20	—	2	—
4	Փահլուլ .	—	—	15	—	—	—
5	Ջամբլլու .	2	—	80	—	2	—
6	Նանածախ .	2	3	86	—	—	—
7	Բալլուջա .	13	—	25	—	—	—
8	Մէյթի-Շէն .	1	—	49	—	8	—
9	Դահրաւ .	2	1	2	—	—	—
10	Պտրեցիք .	5	3	68	—	5	—
11	Նանձք .	2	—	90	—	5	—
12	Դաշբուլաղ .	4	—	55	—	8	—
13	Յիլիս .	—	—	4	—	—	—
14	Ննձորեստան .	6	—	21	—	—	—
15	Ղշլաղ .	—	—	12	—	—	—
16	Սէյրիդի-Շէն .	4	—	—	—	2	—
17	Բև .	—	2	26	—	2	—
18	Ուլուբար .	—	—	2	—	5	—
19	Սարդարաշէն .	—	—	4	—	—	—
20	Ղըլըջ-Բաղ .	—	—	50	—	—	—
21	Քարագլուխ .	8	—	132	10	—	—

**իրենց կրած ֆասսներով, քաղած գործակալ Տէր-Պետրոս  
նի տեղեկագրից:**

Այրւել և կողոպտուել են			Էկզեկուցիայի				Ծ ա ն օ թ ու թ իւ ն
Տոն	Գում	Դէզ խոտ	Ծախք	Տուգանք	Խլւած զէնք.	Ռմբակոծ. աներ.	
—	5	5	—	600	—	—	<i>Երեք յարձակում յետ մղւած</i>
—	—	—	—	—	—	—	
—	—	—	—	—	30	2	
—	—	—	—	—	—	—	
—	18	9	—	—	—	—	
2	5	5	—	400	—	—	
—	—	—	600	700	—	—	
—	—	—	—	—	—	—	
—	—	—	373	1000	—	1	
—	—	—	—	1230	3	12	
—	—	—	—	500	3	3	<i>Կողոպուտ՝ կօզակների ձեռքով</i>
—	—	—	—	615	1	—	
—	—	—	—	—	—	—	
—	—	—	—	—	2	—	
—	—	—	—	—	1	—	
—	—	—	150	—	1	—	
—	—	—	—	—	—	—	
—	20	20	—	—	—	—	
—	—	—	—	—	—	—	
—	—	—	850	469	1	1	
—	—	—	900	—	—	—	<i>Կողոպուտ կօզակների ձեռքով Էկզեկուցիա, բռնութիւն, կողոպ.</i>

22	Խրամորթ .	5	1	36	120	2	—
23	Խանարադ .	2	—	—	—	—	—
24	Ղազանչի .	1	—	700	—	—	—
25	Դաշուչեն .	4	1	17	—	—	5
26	Քառասնէ .	3	—	22	—	—	3
27	Հարաւ .	6	2	13	90	—	—
28	Դահրադ .	1	—	2	—	1	1
29	Միրիշանլու .	11	2	180	—	—	—
30	Վարազարոյն .	12	—	41	100	—	9
31	Փիրջամալ .	5	—	—	—	—	—
32	Նախիջկանիկ .	4	—	15	—	5	—
33	Քեաթուկ .	2	—	10	—	—	—
34	Շօշի .	14	4	200	70	—	—
35	Արկաթալի .	3	—	—	—	—	—
36	Հիւնոտ .	6	—	—	—	5	—
37	Սղնադ .	3	—	25	—	—	—
38	Քարինտակ .	2	5	335	—	1	4
39	Ալիդուլի .	16	3	800	500	—	—
40	Հարար .	18	—	150	—	—	—
41	Ղարաղշլաղ*) .	23	5	35	160	8	17
		208	33	2449	1072	61	39

\*) Խանքէնդ աւանի գործակալութեան միմիայն երեք գիւղերը, այն է՝ Նոր

12	25	22	—	—	—	—	
—	—	50	868	340	9	4	
—	60	100	—	—	—	—	
—	—	—	—	500	1	—	
—	—	6	—	—	—	—	
—	—	—	—	—	—	—	
—	—	—	—	52	4	2	
35	—	20	—	65	2	—	<i>Կողոպուտ 33,500 ռ.</i>
—	100	—	—	1067	3	1	<i>Հրդեհեկեն կալերն ու մարազները</i>
—	—	—	—	65	—	—	
—	—	—	—	—	—	—	<i>Կտրատել են այգիները</i>
—	—	—	111	276	—	—	
—	150	60	—	—	—	—	
—	—	2	—	—	—	—	
—	—	—	—	—	—	—	
—	—	—	—	—	—	—	
120	120	—	—	—	5	—	<i>Ամբողջովին կողոպուտած, աւերւ.</i>
200	200	—	—	—	20	—	<i>Ամբողջովին կողոպուտած, աւերւ.</i>
—	—	—	800	750	42	—	
369	703	299	4652	8629	128	26	

*չենը, Փառսիք և Զրադացները ազատ մնացին կորուստներէց:*

## ԶԻՒԱՆՇԻՐԻ ԳԱԽԱՌ

Զիւանշիրի գաւառը ընկած է Գանձակի նահանգի միջին մասում մի նեղ ու երկար գծով՝ ձգւելով նահանգի ամբողջ լայնութեամբ արեւմտեան սահմաններից սկսած մինչև հիւսիսարևելեանը: Զիւանշիրը իր տարածութեամբ և ազգաբնակչութեան թւով նահանգի ութ գաւառների մէջ բոնում է եօթներորդ տեղը:

Գաւառի ազգաբնակչութեան ընդհանուր թիւը հասնում է 73 հազարի, որից 53 հազարը թուրքեր են, իսկ 20 հազարը՝ հայեր: Հետևապէս հայերը կազմում են համարեա երեք անգամ փոքր թիւ, քան թուրքերը:

Զիւանշիրի գաւառը իր աշխարհագրական դիրքով ներկայացնում է երկու տարբեր դրութիւններ. արեւմտեան մասը լեռնոտ է և անտառապատ, իսկ արևելեանը՝ հարթ ու տափարակ՝ ձգւած մինչև Քուրի ափերը: Հայերը ապրում են գլխաւորապէս լեռնային և ստորլեռնային մասերում. նրանց մի փոքր թիւը միայն ապրում է թուրքաբնակ դաշտավայրերում, որոնք և եղել են նրա դժբախտութեան պատճառը:

Զիւանշիրի գաւառը ընկած լինելով Գանձակի և Շուշու գաւառների մէջ տեղ սկսւում է Խնջին գետից և Մրաւի շղթայից ու գնում միանում է Խաչէնի ձորակով Շուշու գաւառին: Այս տարածութեան մէջ ընկած են պատմական Գիւլիստանի հարաւային մասը և Զրաբերդը, որպէս դրացի մէլիքութիւններ իրենց կալաճներով ու բերդերով:

Չը մոռանանք յիշել, որ Զիւանշիրը Գանձակի այն երկու գաւառներից մէկն է, ուր ամենից շատ տարածւած է մասնաւոր կալաճատիրութիւնը: Այնպէս որ այս գաւառում գիւղացիների ձեռքում եղող կալաճատիրական հողերի քանակը գերազանցում է պետականից՝ 65,000 դեսիատին ընդդէմ 63,000-ի:

Ձիւանշիրի գաւառում եղող 227 գիւղերից հայաբնակ են հետեւեալ 39 գիւղերը:

№ №	Գ Ի Ի Ղ Ե Ր Ի Ա Ն Ո Ի Ն Ե Ր Ը	պաշտ- թւեր տուն.	մեթո- դաւոր- ւորացի.
1	Շահմասուր . . . . .	—	30
2	Վանք (Վանքլու) . . . . .	80	120
3	Առաջաձոր (Դովղանլու) . . . . .	205	300
4	Ծմակահող (Բազարքէնդ) . . . . .	39	60
5	Հայադ (Ախմախի) . . . . .	15	30
6	Կոնաքար (Չորմանլի) . . . . .	—	20
7	Թրլղու (Դամգալու) . . . . .	25	25
8	Քօլատակ . . . . .	33	50
9	Կիչան (Բալլու-Ղայա) . . . . .	15	35
10	Ղազանչի . . . . .	25	60
11	Գիւլեաթաղ . . . . .	66	105
12	Ջանեաթաղ . . . . .	78	120
13	Կուսապատ . . . . .	105	110
14	Մեծ-Շէն (Ուլու-Ղարաբէկ) . . . . .	62	110
15	Մոխրաթաղ (Քիչիկ-Ղարաբէկ) . . . . .	78	120
16	Հոռաթաղ . . . . .		90
17	Մարդակերտ (Աղդարա) . . . . .	196	300
18	Հաթերք (Հասան-Տիգ) . . . . .	71	138
19	Արութիւնի-Գոմեր (Ղըզլղալա) . . . . .		38
20	Կճողուտ (Եայիջի) . . . . .		60
21	Վաղուհաս (Ուշաջղ I) . . . . .	34	60
22	Չափար (Ուշաջղ II) . . . . .		34
23	Դրումբօն (Գէլվալի) . . . . .		30
24	Տօնաշէն . . . . .	22	27
25	Դաստակերտ (Դաստագիր) . . . . .		15
26	Մատաղէս (Մագիգ) . . . . .	26	30
27	Եղակեր (Թորուսի) . . . . .		27
28	Մաղաուզ (Չարդախի) . . . . .	57	130
29	Լուլասազ (Ենգիջա) . . . . .	30	30
30	Թալիշ . . . . .	135	190



31	Զայլու Վերին	}	53	} 250
32	Զայլու Ներքին		47	
33	Մարաղա (Մարաղալու)	.	104	140
34	Սարով-Մարալեան	.	35	50
35	Սարով-Բագիւմ	.	184	230
36	Ղահրիլար (Պօրուզլու)	.	28	30
37	Հասան-Ղայա	.	53	70
38	Սօվսալան	.	35	70
39	Եարմջա	.	11	10


Ի նկատի ունենալով Զիւանշիրի գաւառում տեղի ունեցած ընդհարումները իրենց աշխարհապրական բաժանումներով, կարելի է վերածել նրանց հետեւեալ երեք շրջանների.

1) Սաչէնի ձորակ կամ Սաչէն գետի հովիտ:

2) Մարդակերտի կամ Աղգարայի շրջան:

3) Թարթար գետի հովիտ, սակայն որը կարելի է դարձեալ իրեք շրջանների վերածել, այն է՝ վերին, միջին և ստորին հովիտներ:

Կը սկսենք նախ Սաչէնի ձորակից կամ Սաչէն գետի հովտից:



# ԸՆԴՀԱՐՈՒՄՆԵՐԸ ԽԱԶԷՆԻ ԶՈՐԱԿՈՒՄ ԿԱՄ ԽԱԶԷՆ ԳԵՏԻ ՀՈՎՏՈՒՄ

ՕԳՈՍՏՈՍԻՑ—ՆՈՅԵՄԲԵՐ 1905 թ.

Ղրզլ-Յօխուշ, Զիչակլի, Զիլգեազ, Քիլիսալի և այլ գազաթ-  
ների մի վիթխարի հիւսւածքից սկիզբն առնելով և խոշոր պը-  
տոյտներ գործելով արեւելեան ուղղութեամբ հոսում է Պաչէն գե-  
տը, իր ընթացքը փոխելով դէպի հիւսիս, երբ համանուն ձորի եր-  
բեմն լայն, երբեմն նեղ պատուածքները ողողելով՝ դուրս է պըրծ-  
նում հարթ տափարակ դաշտավայրը:

Պաչէն գետի այն վերին հոսանքը, որը ընկած է ձորի մի  
ընդարձակ հովտում, որի ցածի մասից հարաւային ուղղութեամբ  
սկսւում է Յեխ ձորը, մեզ համար ունի մի պատմական նշանա-  
կութիւն:

Պաչէնը այն գետն է, որը կազմում է Ղարաբաղի երկու մէ-  
լիքութիւնների այն է՝ Զրաբերդի և Պաչէնի սահմանագիծը և որի  
անունը կապւած է այդ երկու մէլիքութիւնների պատմական  
անցքերի հետ:

Պաչէնի ձորակի որ կողմը նայէք, ձեր առաջ ցցւում է մի  
վիթխարի կատար անտառապատ գազաթների մի հիւսւածքի վրա  
բազմած: Մէկ կատարը իր ամենի կուրծքերով գալիս զարնւում է  
մէկ ուրիշ կատարի կրծքի, լեռների մի հիւսւածք գալիս կըպ-  
չում է լեռների մէկ այլ հիւսւածքի, ձորը մէկ լայնանում և մէկ  
սղմւում է և գետը նրա քմայաճոյքին ենթակայ՝ անվերջ պտոյտ-  
ներ է կազմում: Լեռների և ձորերի այս խառնւածքը իր գեղեց-  
կութեամբ և վայրենի տեսքով ձեզ պատճառում է և հիացմունք  
և սարսափ:

Այդ կատարներից որը կամենաք վերցրէք. նրա վրա գոյու-  
թիւն ունի կամ մի վանք ու սրբատեղի և կամ մի հին բերդի

Ֆնացորդ: Այսպէս նրանցից մէկը կոչուում է Պտկի-Սուրբ Գէորգ, միւսը՝ Կաշաղակաբերդ, երրորդը՝ Սուրբ Ստեփաննոս-Նախավկայ և այլն:

Այս ձորի մի պաշտպանւած բարձրավանդակի վրա գտնուում է Գանձասարի վանքը, որը ունեցել է իր յատուկ կաթողիկոսական աթոռը և նշանաւոր դեր է խաղացել Ղարաբաղի պատմութեան մէջ, մանաւանդ Պարսկաստանի լծից ազատելու ժամանակ:

Պաշէնի պատմական այս ձորակում ընկած են իրենց քաջութեամբ անուն հանած հայաբնակ տասն գիւղեր, այն է՝ Շահմասուրը, Վանքը,\*) Առաջաձորը, Ծմակահողը, Հայաղը, Կոնաքարը, Թբլղոն, Քօլատակը, Կիչանը և Ղազանչին:

Այս ձորակի մէջ հայերի սահմանից սկսած հասգին տարածութեան վրա փուած զըշլաղներում ապրում են Սրխաւէնդ և Շխաւէնդ քեօլանի ցեղերը, որոնք յայտնի են իրենց աւազակային գործողութիւններով:

Պաշէնի ձորակը միևնոյն ժամանակ ծառայում է որպէս ճանապարհ այն թափառական ցեղերի համար, որոնք գարնանը իրենց կենդանիներով տափարակներից չլուծ են սարերը, իսկ աշնան նորից վերադառնում իրենց ձմեռանոցները:

Պաշէնի այս ձորակը և թափառական ցեղերը եղան սկզբնապատճառ այն ընդհարումների, որոնք արձագանք գտնելով Աղդամի տափարակների վրա՝ տարածւեցին Շուշի և միւս գաւառները իրենց սոսկումներով, որոնց մենք պատահեցինք և դեռ երկար կը պատահենք:

Ահա թէ ինչու այս ձորակում պատահած անցքերը առաջ ենք բերում մի փոքր հանգամանօրէն:

---

Յուլիսի 10-ին, թէ 11-ին Տեխ ձորում մի երկու արտասովոր սպանութիւններ տեղի ունեցան: Սէյիդիշէնցի Աբիդօն Սարումեանցը և իր որդի 22 տարեկան Արամը Առաջաձորից տուն վերադառնալիս սպանւեցին թուրքերի ձեռքով այդ ձորում: Այդ նոյն օրը նոյն տեղում սպանւեց նաև առաջաձորցի Պօղոս Շաքարեանը:

---

\*) Այս գիւղում ապրում են պատմական Պաշէն գաւառի նախկին տիրապետող Հասան-Ջալալեանների ժառանգները:

Բացի այս, նոյն միջոցներում սպանւեցին՝ Թբիլեցի Նիկոլա Եղիեանցը Թաւ-Գեաղուկ կոչւած տեղում և առաջածորցի Մանաս Ազատեանցը Սրխաւէնդ գիւղի մօտ:

Այս սպանութիւններից մի քանի օր անց, յուլիսի 17-ին թէ 18-ին, Աղզամի մօտ սպանւեց իսմայիլբէկցի Իսմայիլ Մուսարէկովը, իսկ Կիչանի մօտ՝ երկու սրխաւէնդցի թուրքեր, որոնց ձեռքով ըստ երևոյթին կատարւել էին վերը յիշւած սպանութիւնները:

Այդ դէպքերի վրա եկաւ աւելանալու և մի նոր դէպք:

Յուլիսի 25-ին Փարասանլուի և Քէնկերլուի քոչւորները սարից իջնելով՝ կանգ առան Վանք գիւղի սահմանների մօտ Սարաթ-Քէչմազ անուն կրող տեղում: Այդ քոչւորներից մի թուրք իր ցեղակիցներից մի ոչխար գողանալով՝ բերում ծախում է Վանք գիւղացի Շաքարի Սահակեանի վրա: Ոչխարի տէրը իմանալով այդ՝ գալիս բռնում է ոչխարը գնող հայի օձիքից, որից և ծագում է կոիւ նրանց մէջ:

Այդ աղմուկի վրա կուի տեղն են շտապում թուրքեր, նաև Վանք գիւղացի հայեր. սրանց թւում լինում են գիւղի քահանան—Տէր-Մէսրովբը և Գրիգոր-բէկ Հասան-Ջալալեանը, որոնց ձեռքից թուրքերը փորձում են խլել զէնքերը:

Ահա այդտեղից էլ մեծանում է կոիւը, որի ժամանակ հայերից վիրաւորւում են Շաքարի Սահակեանը և Գրիգոր-բէկ Հասան-Ջալալեանը, իսկ թուրքերից երկուսը սպանւում են և երեքը վիրաւորւում:

Սակայն մօտակայ հայ գիւղերից, ինչպէս և թուրքերից հաւաքւում են մարդիկ և հաշտութիւն կայացնում կուող կողմերի մէջ:

Մինչ այդ, լուրը Աղզամ հասնելով թուրքերը կտրում են հանրակառքերի առաջը և գերում 18 հայ ճանապարհորդների, որոնցից երկու գիճնագիտաների նաև բռնաբարում են: Միւս կողմից 15-ի չափ թուրքեր, որոնց թւում Աղզամի պրիստաւ Իբրահիմ-բէկը, Շուքիւր-բէկ Այվազովը և Սանլըղ-Մուխտարը շտապում են ընդհարման տեղը— Վանք, ենթադրելով որ քոչւորներին հայերը կտտորում են, մինչդեռ տեղ հասնելով տեսնում են ամեն բան խաղաղած և հաշտութիւն կայացած: Աղզամից եկած թուրքերին Վանքում Աբրահամ-բէկ Հասան-Ջալալեանը հիւրասիրում է մի ճաշկերոյթով: Ահա այդ ճաշի ժամանակ Առաջածորից հաւար է գա-

լիս թէ թուրքերը կոխեցին խանութները և կողոպտում են: )

Վանքից բաւական թւով հայեր հասնում են դէպքի տեղը այն ժամանակ, երբ Աղղամից եկած 150-ի չափ ձիաւոր սպառազինւած թուրքեր կողոպտում են խանութները, որտեղից հայերը ամեն բան թողած փախել էին գիւղ: Օգնութեան եկած հայերը կրակ են բացում կողոպտիչների վրա և փախցնում նրանց, որի ժամանակ սպանւում են երկու մարդ: Թուրքերը փախչելով ճանապարհին կոտորատում են ջրաղացի քարեր, քշում տանում են տաւարներ, վիրաւորում պատահած մի քանի հայերի և կատարում մի շարք նման գործողութիւններ:

Այս դէպքը մի այնպիսի անյարմար դրուժեան մէջ է ձուլւում ճաշի վրա բազմած թուրքերին, որ նրանք ամօթից կիսակուշտ փորով բարձրանում են ճաշի վրայից և հեռանում, խոստանալով գնալ Աղղամում գերւած հայերին բաց թողնել, որը և կատարւում է:

Այս դէպքից յետոյ դրուժիւնը առժամանակ խաղաղւեց և Աղղամի ճանապարհը բացւեց, բայց ոչ երկարատև:

Սարիբից սկսեց քոչերի շարժումը մի առանձին փութկոտութեամբ: Օգոստոսի 8-ին իջան Ղըլջուի թուրքերը, որոնք Առաջածորի կորեկի արտերը ուտեցնելու պատճառով ընդհարում ունեցան հայերի հետ և մարդիկ վիրաւորեցին: Հայերը քշեցին թուրքերի ոչխարները, բայց նորից յետ դարձրին: (\*\*\*)

Այս դէպքը մի նոր առիթ դարձաւ մի շարք մասնակի սպանութիւնների և մեծաքանակ ճանապարհորդների գերութեան Աղղամում, որի արձագանքները տեղ գտան Շուշում ահուելի չափերով:

Ահա այսպէս Ոսչէնի ձորակի դէպքերը տարածւեցին Ջիւլիստիի միւս մասերը, Շուշու և Գանձակի գաւառները՝ ընդունելով մի վարակիչ բնաւորութիւն:

---

\*) Առաջածորը այդ շրջանի ամենամեծ գիւղն է և ունի 30 40-ի չափ արհեստաւորներ և աւետրով պարապողներ, որոնք ամբան քոչի սեզօնում դուրս են գալիս գիւղից ցած ճանապարհի վրա խանութներ սարքում:

\*\*) Այս դէպքի համար հայ գիւղերը ենթարկւեցին էկզեկուցիայի, 19 հայեր բանդարկւեցին, որոնք մինչև այժմ էլ գտնւում են Գանձակի բանտում և որոնցից երկուսը Իսահակ Սողոմոնեանը և Հաթմա Յովհաննիսեանը այնտեղ էլ մեռան, չը կարողանալով տանել բանտային կեանքը:

Աղղամից ընդհարումն անցնելով Շուշի և Շուշում տեղի ունեցած կոտորածն ու սոսկալի հրդեհը հայոց թաղում, ինչպէս տեսանք, մեծ ոգևորութիւն առաջ բերեց թուրքերի մէջ: Մինչև այդ գաղտագողի կատարած սպանութիւնները այժմ սկսեցին կատարել ակնյայտ կերպով: Պաշէնի ձորակի Սրխաւէնդ և Շխաւէնդ քեօլանիները բացարձակ սկսեցին նեղել իրենց մօտ ընկած երկու փոքրիկ՝ Կիչան և Ղազանչի հայ գիւղերին:

Կիչանը օգոստոսի 17-ին ստիպւած եղաւ քոչել Առաջաձոր: Այս բանը աւելի խրախուսեց թուրքերին, որոնց սահմանների մօտ սպանւեցին մէկը միւսի յետևից երկու առաջաձորցիներ, այն է՝ Մանաս Գալստեանը, Քարհատի մօտ և Մաքի Յարութիւնեանը, Չլդրան կոչւած տեղում. բացի այս, նրանք քշեցին սարից Առաջաձորի և Կիչանի նախիրը 75 գլխից բաղկացած:

Գնալով դրութիւնը վատացաւ. Ղազանչիի ժողովուրդը փակւեց գիւղի մէջ և չէր կարողանում գիւղից դուրս գալ: Սրխաւէնդի և Շխաւէնդի թուրքերը սկսեցին արշաւել դէպի աւելի հեռուն զրտնոց գիւղերը:

Այսպէս, հոկտեմբերի սկզբին նրանք անցան Շուշու գաւառը և յարձակեցին Ուլուբար փոքրիկ հայ գիւղի վրա նաւթով և իւղոտ լաթերով զինւած: Հայերը փախան. թուրքերն սկսեցին կողոպտել և հրդեհել տները, մինչև որ շրջակայ հայ գիւղերից օգնութեան հասան և յետ քշեցին նրանց, որոնք յետ քաշւելով՝ զընացին հրդեհեցին Կիչանի մի քանի լաւ տները և միանգամայն սպառնական դիրք բռնեցին դէպի Ղազանչին:

Այս այն ժամանակն էր, երբ Աղղամը իր հրոսակախմբերով արշաւում էր այս և այն կէտի վրա անարգել, երբ երթեկեկութիւնը հայերի համար Աղղամի վրայով միանգամայն դադարեց և նրանք ստիպւած էին երթեկեկել Գանձակի լեռնային ճանապարհով, որը անցնում էր Զիւլանշիրի վերը յիշւած վայրերով, սակայն որը նոյնպէս անապահով դարձաւ շնորհիւ յիշեալ քեօլանի ցեղերի:

Ահա այս բոլորը եկան առաջ բերելու խոշոր դէպքեր:

Հոկտեմբերի 3-ին Պաշէնի ձորակի հայերը՝ տեսնելով ճանապարհի աստիճանաբար անապահով դառնալը մի կողմից, Ղազանչի գիւղի պաշարումը միւս՝ յարձակեցին Սրխաւէնդի վրա մեծ ուժով. թուրքերը մի կարճ դիմադրութիւնից յետոյ փախան, թողնելով մի շարք զլաղներ, ինչպէս են՝ Գիւլլի-Թալանը, Սրխա-

ւէնդը, Իսմայիլ-Բէկլուն, Նաջաֆ-Կուլին, Դօրբադտուն, Ջինլու-Քիւրդը, Ջաւադ-Աղալուն և Չուլլուն հայերի ձեռքում, որոնք և աւերեցին:

Այդ նոյն ժամանակ թուրքերը պաշարեցին Ղազանչին, ուր ժողովուրդը անկարող լինելով օգնութիւն ստանալ և դիմադրել թուրքերին՝ փախաւ անտառը: Գիւղը հիմնովին կողոպտեց և աւերեց, որտեղից տարան և գոյքը և կենդանիները: Այնուհետև այդտեղ մնալ անկարելի էր. հայերը Մարտիրոս անունով մի մարդ զոհ տալով քաղեցին Առաջաձոր, Գիւլեաթաղ և այլ գիւղեր: Մի քանի զոհեր էլ Ղազանչիում ունեցան թուրքերը:

Ահա այս փոխադարձ աւերումներից յետոյ միայն շրջանը մի փոքր խաղաղեց, այն էլ ոչ հաստատուն կերպով:



# ԸՆԴՀԱՐՈՒՄՆԵՐԸ ՄԱՐԴԱԿԵՐՏԻ ԿԱՄ ԱՂ- ԴԱՐԱՅԻ ՇՐՋԱՆՈՒՄ

ՕԳՈՍՏՈՍԻՑ—ՅՈՒՆՎԱՐ 1906 թ.

Ձիւանշիրի գաւառի երկու մեծ գետերի— Սաչէնի և Թարթարի մէջ եղած տարածութեան վրա, Կուսապատ գետակի ընթացքով, ընկած են մի խումբ գիւղեր, այն է՝ Կուսապատը, Մեծ-Շէնը, Մոխրաթաղը, Հոռաթաղը և Մարգակերտը<sup>\*)</sup>։

Այս գիւղախումբը՝ շնորհիւ իր խմբակցութեան և շրջապատող ամուր դիրքերի, ազատ մնաց խոշոր ընդհարումներից, մասնաւանդ որ Մարգակերտը իր կուռ գագաթներով պատնէշ էր հանդիսանում տափարակի կողմից տեղի ունեցող յարձակումներին։

Այս գիւղախմբից դէպի հարաւ 6—7 վերստի վրա ընկած են երկու գիւղեր— Գիւլեաթաղը և Զանեաթաղը, որոնք մօտ լինելով Ղափարտու ձորին, ենթակայ էին այդ ձորում ընկած թուրք գիւղերի, այն է՝ երեք Գիւնէյ-Փայանների, Մանիկլուի, Սուլէյման-Բէկլուի և Ղալայշիլարի յարձակումներին և սարսափներին։

Իսկ դէպի արեւելք 10—15 վերստ հեռու, տափարակի վրա ընկած են դարձեալ երկու հայ գիւղեր, Սօվսալանը՝ 70 և Եարըմ-Ջան՝ 10 տնից բաղկացած, որոնք շրջապատուած թուրք տարրերով և մասնաւանդ անհանգիստ— Ղարբանդ, Մամուղու, Քեօշարլու, Զրաղլու, Գիռուանդ գիւղերով՝ բոլորովին աւերեցին։

Վերջին երկու փոքրիկ գիւղերը, կտրուած հայաբնակ վայրերից, զուրկ պաշտպանելու միջոցներից, հասկանալի է թէ ինչ վիճակ կուեննային այն օրից ի վեր, երբ Աղղամի տափարակը հան-

\*) Այս գիւղախումբը պատմական Զրաբերդի մէլիքութեան կենտրոնական մասն է և նրա սահմաններում գտնուում են նախկին տիրապետող Մէլիք-Խորայէլեանների բերդերի մնացորդները։



դիսացաւ պատերազմի մի դաշտ: Այդպիսի պայմաններում ինքնապաշտպանութեան մասին, պարզ է, որևէ խօսք լինել չէր կարող: Ուստի Շուշու օգոստոսեան ղէպքերից յետոյ, երբ յուզմունքները թուրքերի մէջ մեծ չափեր ընդունեցին, Եւրամջայի ժողովուրդը թողեց տուն ու տեղը և քոչեց Սօվսալան, որից յետոյ գիւղը հրդեհեց և աւերեց խուժանի ձեռքով:

Սօվսալանի ժողովուրդը մի առ ժամանակ կարողացաւ մնալ իր տեղում, բայց ոչ երկարատև. նոյեմբերի 18-ին տեղի ունեցան Գանձակի արիւնոտ ղէպքերը, ինչպէս այդ կը տեսնենք իր տեղում, Ջիւսնշիբի տափարակների վրա դուռթիւնը աւելի ևս վատթարացաւ, հրոսակախմբերը ասպատակել սկսեցին ամբողջ շրջակայքը և Սօվսալանը նոյնպէս ստիպւած եղաւ քոչել:

Սօվսալանցիները նոյեմբերի 23-ին դիմեցին Մարդակերտին և նրա հարևան գիւղերին՝ քոչելու համար աջակցութիւն խնդրելով: Անմիջապէս այդ տեղերից ուղարկեցին 130-ի չափ սայլեր, որոնց վրա սօվսալանցիները տեղաւերելով թեթև իրերը և իրենց ընտանիքները՝ առաջին անգամ անփորձ տեղափոխեցին Մարդակերտ: Սակայն երբ հրկրորդ անգամ մնացեալ իրերով լարձուած սայլերը պատրաստուած էին գիւղից շարժելի, յանկարծ թուրքերը շրջապատեցին գիւղը և սկսեց սոսկալի հրացանաձգութիւն: Հայերը վայրկենարար ձգելով սայլերը և զիրքեր քաշելով, սկսեցին պաշտպանել անհաւասար ուժի դէմ. այդ ժամանակ օգնութեան եկան 12 կօզակներ, բայց նրանք փախան՝ տեսնելով անագին խուժանը. փախաւ նոյնպէս պրիստաւ Շաֆի-Բէկ Փաթալիբէկովը, որը նոյնպէս, իբր, օգնութեան էր եկել 40 կօզակներով:

Հայերը մինչև երեկոյ կոխւ մղելով անագին խուժանի դէմ, ստիպւած եղան թողնել 130 սայլերը եզներով և մեծաքանակ իրերով թուրքերին ու մի կերպ ճանապարհ բացելով փախչել և իրենց կեանքն ազատել:

Այդ կուրի մէջ հայերից սպանեցին. Ջալալ Յարութիւնեանը, 30 տար., Ներսէս Աղամեանը, 40 տար., Թազա անունով մի կին և մարդակերտցիներ՝ Ներսէս Բադոնցը, 55 տար. ու Սարգիս Յակովբեանը, 35 տարեկան:

Այս ղէպքից յուզւած հայերը նոյեմբերի 24-ին մեծ ուժով յարձակեցին մի շարք թուրք գիւղերի վրա. տեղի ունեցան խոշոր ընդհարումներ այս և այն շրջաններում: Ընդհարումները մեծ

ծաւալ ընդունեցին մանաւանդ թարթար գետի ուղղութեամբ, ինչպէս այդ կը տեսնենք միւս գլխում: Զրաղլու, Գեառաւանդ, Մամարգալար, Արփաթալա, Բուռուջ, Դամուրլար գիւղերը դատարկեցին և հայերի ձեռքով աւերեցին: Թուրքերը կարողացան տանել իրերի մի մասը միայն, միւս մասը կողոպտեց և ոչնչացաւ տների հետ միասին:

Այդ օրը հայերից սպանեցին՝ առաջածորցի Արշակ Ասլանեանը, մեծշէնցի Յովսէփ Գարբելեանը և երկու հոգի էլ վիրաւորեցին, իսկ թուրքերն ունեցան աւելի քան 30 զոհեր:

Ընդհարումները մի ամուսյ չափ դադար առան և վերսկսուեցին նորից դեկտեմբերի 21-ին:

Մարդակերտը յայտնի է իր հացով և Պաչէնի ձորակի հայ գիւղերին նա է մատակարարում պաշար: Ճանապարհը Մարդակերտից դէպի Պաչէնի ձորակը ձգւում է Ղափարտուի ձորի միջով, ուր, ինչպէս վերը տեսանք, ընկած են մի քանի թուրք գիւղեր:

Դեկտեմբերի 21-ին մի խումբ հայեր այդ ձորով անցնելու ժամանակ ընդհարում ունեցան Ղափարտուի թուրքերի հետ. յետևից եկող ճամբորդները լուր տարան Պաչէնի ձորակի հայերին: Այդտեղից հայերը օգնութեան հասան, որից և առաջ եկաւ մի մեծ ընդհարում: Մի քանի ժամ տևող կռից յետոյ ձորի 5 փոքրիկ գիւղերը՝ Մանիկլուն, Վերին, Միջին, Ներքին Գիւնէյփայաները և Սուլէյման-Բէկլուն դատարկեցին: Ժողովուրդը փախաւ տանելով իր հետ տնային իրերը, որից յետոյ գիւղերը աւերեցին: \*),

Սակայն յիշեալ գիւղերի ժողովուրդը տեղափոխելով Շխաւէնդ, Մափուաւանդ, Ալի-Աղալու, Քէնկերլու գիւղերը, ուր տեղափոխել էին նաև Սրխաւէնդի թուրքերը, տեղացիների հետ միասին մի մեծ արշաւախումբ կազմելով մի շարք յարձակումներ գործեցին մի կողմից Զանեաթաղ գիւղի, իսկ միւս կողմից Մարդակերտի շրջանի վրա:

Դեկտեմբերի 28-ին վաղ առաւօտեան Զանեաթաղը պաշար-

---

\*) Սրանց տները մեծ մասամբ գետնափոր են, շարածրներից ու փայտեայ մասերից զուրկ, և ընկած են միմեանցից հետո հետո: Այդ է պատճառը, որ նրանք հեշտութեամբ չեն հրդեհուում և լուրջ վնասներ կրում:

ւեց թուրքերով, բայց հայերը նախօրօք իմանալով թուրքերի մտադրութիւնը և Գիւլեաթաղից օգնութիւն ստացած լինելով՝ կարողացան ուժեղ դիմադրութիւն ցոյց տալ և յետ քշել յարձակումը կորուստներով, այնպէս որ, մինչև ոռուսարնակ Ջանեաթաղից\*) օգնութեան եկող 50 կօզակների տեղ հասնելը, կռիւը թուրացել էր արդէն:

Այս ընդհարման ժամանակ հայերից սպանւեց 16 տարեկան մի տղա Հայրապետ Իսաջանեան անունով, այն էլ գիւղից հեռու ջրաղացի մէջ, իսկ թուրքերից՝ մի քանիսը, որոնց թուում նաև ինչ որ Վէլի-Բէկով ազգանունով յայտնի անձնաւորութիւն:

Այս գէպքը հայերին առիթ տւեց մինոր յարձակում գործել Ալի-Աղալուի և Քէնկերլուի վրա, որոնք բաժանւած բազմաթիւ մանր զլլաղների բռնած ունեն մի մեծ տարածութիւն Խաչէնի ձորի ստորին լանջերի վրա:

Դեկտեմբերի 29-ին Ալի-Աղալուից ժողովուրդը փախաւ մի քանի գոհեր տալով, զլլաղները կողոպտւեցին և աւերւեցին, յարձակման ենթարկւեց նաև Քէնկերլուի մի մասը, որտեղից ժողովուրդը կարողացաւ քոչել, տանելով տնային իրերը: Մի քանի զլլաղներ էլ այդտեղ աւերւեցին. բայց շրջանը դարձեալ չը խաղաղւեց:

Ընդհարումների ամենամեծը տեղի ունեցաւ Մարդակերտի և Մափուաւանդի մէջ յունվարի 2-ին և 3-ին (1906 թ.):

Մափուաւանդը աւելի քան 200 տուն ունեցող մի անհանգիստ մեծ գիւղ է, ընկած Մարդակերտից 2—3 վերստ դէպի հարաւարեկելք մի սարալանջի վրա:

Ահա այդ նոյն մափուաւանդցիք յունվարի 2-ին յարձակւեցին Դարա-Թափա կոչւած տեղում գտնուող Մարդակերտի գոմերի վրա, բայց գիւղից օգնութեան գնացած տղաները կարողացան թուրքերի ճանապարհը կտրել, ուր և տեղի ունեցաւ տաք կռիւ, որի ժամանակ հայերից սպանւեց մէկը, Սարգիս Բալա-

\*) Սա մի փոքրիկ ոռուսարնակ գիւղ է, հայաբնակ Ջանեաթաղից 2 վերստ ցած, մի սիրուն սարահարթի վրա ընկած, որից մի փոքր ևս ցած մի բուսական տափարակի վրա շինւած է զօրանոց: Մի ժամանակ այդտեղ եղել է պետական ձիաբուծութեան վայր (КОНЕВОДСТВО):

սեան անունով, և վիրաւորւեցին երկուսը. իսկ թուրքերից սպանւեցին 14 հոգի:

Տաք կռիւ տեղի ունեցաւ նաև յաջորդ օրը, բայց այս անգամ երկու գիւղերի շուրջը: Հայերը կարողացան այնքան առաջ գնալ, որ հրդեհեցին Մափոաւանդի ծայրին գտնուող մի քանի տներ, սակայն գնեցաւ Գօլօշչապովի դէպի Շուշի ճանապարհելու պատճառաւ, ուր նա գնում էր նահանգապետի պաշտօնով, Բարդա կայարանում դիմաւորելու համար հաւաքւած ահագին թւով թուրքերը ընդհարման լուրն առնելով մեծ բազմութեամբ օգնութեան հասան. դրանց հետ էին Ագիգեօզալ, Շամիլ և Մահմադ բէկերը ու Ասկէր-Պանը: Օգնութիւն ստացան նաև հայերը. կռիւը աւելի ևս կատաղի բնաւորութիւն ստացաւ: Այդ մի կատարեալ պատերազմ էր, որ մղում էին միմեանց դէմ երկու անգիտացած ժողովուրդներ:

Հայերը ճիգ էին թափում գրաւել գիւղը և աւերել, բայց այդ նրանց չը յաջողւեց:

Կուի տաք ժամանակ վրա հասաւ գաւառապետի օգնական Պիփօվարովը մի խումբ կօզակներով, սակայն կատաղի կռիւը դեռ երկար ժամանակ շարունակուում էր:

Հայերը պնդում են թէ կռիւը այնքան կատաղի էր, որ կօզակները փախան իրենց պնդակների առաջից: Թերևս ճիշտ լինի այդ բանը, բայց ոչ վախենալուց, ինչպէս հաւատացած են հայերը, այլ նրա համար, որպէս զի երկու կողմերից ընկած զոհերի թիւը մեծ լինէր. չէ՞ որ ամեն տեղ զօրքերը այդպէս էին վարւում . . .

Մի ամբողջ օր տևող յամառ կռիւը դադարեց երկու կողմերի բաւականաչափ զոհերով: Հայերից ընկել էին. մարդակերտցի Միրզա Զախարբէկեանը, Մարտի Հայրապետեանը, Ղօնդաղսազ Ղևոնդը, քօլատակցի Զալալ Մովսիսեանը, Արամ Մաղիկեանը, Համօն, Մկօն, Սև-Արամը, Գարեգինը և բացի այդ, վիրաւորւել էին 15 հոգի, բոլորն էլ լաւ տղաներ, լաւ կեանքեր, իսկ թուրքերի կորուստը աւելի մեծ էր. սպանւածները հաշուում էին տասնեակներով:

Այսպիսով Մափոաւանդը թէև ազատւեց հայերի աւերումից, բայց չազատւեց կառավարութեան պատուհասից:

---

Վարանդայի բարբարոսութիւնների շնորհիւ հռչակ ստացած

փոխ-գնդապետ Վիվերնը պատժողական արշաւախմբով մի ամսի չափ Պաչէնի և Թարթարի ձորակների հայ գիւղերը շրջելուց յետոյ յուլիսի վերջերին հասաւ Մարդակերտ: Յուլիսի 31-ին 10 կօզակներ Մարդակերտից ուղարկեցին Աղդամ արշաւախմբի Պանքէնդ գնալու համար պատրաստութիւններ տեսնելու նպատակով. բայց Մափուաւանդի մօտով անցնելու ժամանակ թուրքերը կօզակների վրա կրակ բացին, հաւանօրէն նրանց հայերի տեղ ընդունելով. կօզակները անմիջապէս գիւղ վերադառնալով պատահած դէպքի մասին տեղեկութիւն տւին Վիվերնին, որը արշաւախումբը վերցրած գնաց յանդուզն գիւղը պատժելու: Մի քանի ժամ շարունակ գիւղը ոմբակոծում էր, իսկ թուրքերը իրենց հերթում համազարկերով պատասխանում էին արշաւախմբին: Վիվերնը վերադարձաւ Մարդակերտ վեց վիրաւորներով, որոնցից 4-ը կօզակներ էին, իսկ 2-ը ստրաժնիկներ և կատաղած այդ դէպքից օգնական զօրքեր պահանջեց Գանձակից: Եւ երբ երկու օր յետոյ նոր ուժով Մափուաւանդի վրա գնաց, թուրքերն արդէն քոչել էին: Դատարկ գիւղը նորից ոմբակոծեց, աւերեց ու հրդեհեց: Նոյն վիճակին հնթարկեց նաև Ղարափիրում գիւղը և Վէլի-Բէկովի տները:

Ինչպէս և սպասելի էր, այդ աւերումներին մասնակցեցին նաև հայերը և այդ եղաւ առիթ մեղքը նրանց վրա ձգելու: Երբ գաւառապետ Ֆլեգինսկին եկաւ դէպքի տեղը և տեսաւ հրդեհած գիւղերը, ասում են, բարկացաւ հայերի վրա, սոսկալի ծեծի ենթարկեց մի քանիսին, մեղադրելով նրանց գիւղերը հրդեհելու մէջ:

Այն, այդպէս էր ադմինիստրացիայի ամբողջ տակտիկան, քաղաքագիտութիւնը . . . Աւերել երկիրը և անունը դնել հայ-թուրքական ընդհարում ու անպարտ մի կողմ քաշել . . .

Միթէ դարձեալ հայն էր մեղաւոր, երբ կառավարչական թնդանօթը ոմբակոծում և աւերում էր գիւղեր, թէկուզ հայը մի վայրկեան նոյնչափ անգիտացած, որքան և թուրքը, անակցելիս լինէր այդ աւերին:

Սակայն այս անգամ թուրք մասսան կարծէք մի փոքր կարողացաւ գիտակցել իրականութիւնը: Նա աւերման պատճառ համարեց գաւառապետ Ֆլեգինսկուն և որպէս յանցագործ Թարթար աւանում օգոստոսի 13-ին նա ընկաւ մի յանդուզն թուրքի արձակած գնդակից:

# ԸՆԴՀԱՐՈՒՄՆԵՐԸ ԹԱՐԹԱՐ ԳԵՏԻ ՀՈՎՏՈՒՄ

1905 թ. ՍԵՊՏԵՄԲԵՐԻՑ — 1906 թ. ՅՈՒՆԻՍ

Զիւանշիրի գաւառի ամենամեծ գետը Թարթարն է, հարուստ ջրառատ, կենսատու և հրաշալի հովիտներով: Նա ձգւում է գաւառի ամբողջ երկարութեամբ՝ սկիզբն առնելով հարաւ արեւմտեան սահմաններում փռած Ղարաբաղեան լեռնաշխայից և հոսելով մինչև հիւսիսարեւելեան տափարակները, ուր բաժանւելով մի քանի տամնեակ մեծ ու մանր արհեստական գիտակների և առուների, ոռոգում է այդ տափարակների մի մեծ տարածութիւնը: Թարթարը հանդիսանում է Զիւանշիրի կեանք տուողը:

Ահա այդ նոյն Թարթարի հովիտներում ընկած են Զիւանշիրի 20 գիւղերը՝ կազմելով մի քանի խմբակներ:

Այսպէս, նրա լեռնային հոսանքի վրա ընկած են՝ Հաթերքը, Արութիւնի-Գոմերը, Կճողուտը, Վաղուհասը, Չափարը և Դրումբօնը:

Ստորլեռնային հոսանքի վրա, ուր գտնւում է այժմ Շուշու լեռնային ճանապարհին որպէս անցք ծառայող Ղառը-Քեօրփի հինաւուրց կամուրջը, ընկած են՝ Մաղաւուզը, Եղակերը, Լուլասազը, Տօնաշէնը, Դաստակերտը, Մատաղէսը և դէպի հիւսիս Թալիշը:

Դէպի դաշտը, ջրերի բաշխման տեղում, ընկած են Վերին և Ներքին Չայլունիւրը, ապա Մարաղան:

Իսկ բոլորովին տափարակի վրա, Չայլուներից 15—20 վերստ հեռաւորութեամբ դէպի հիւսիս, գտնւում են՝ Սարով-Մարալեանը, 50 տ., Սարով-Բագիւմը, 230 տ., Լահրիլարը, 35 տ. և Հասան-Ղայան, 70 տ.:

Թարթարի հարաւային մի ճիւղի վրա ընկած են նաև .Սօվսալանը և Եարմջան, սակայն որոնք աւելի մօտ լինելով Մարդակերտին և անմիջական կապ ունենալով նրա հետ միացրինք այդ շրջանին, ինչպէս տեսանք մի փոքր առաջ:

Այս շրջանում, ինչպէս և սպասելի էր, ամենից վատ վիճակ ստեղծւեց այս ամենավերջին խմբակի գիւղերի, այն է՝ երկու Սարովների, Ղահրիլարի և Հասան-Ղայայի համար, որոնք շրջապատւած լինելով չորս կողմից թուրքերով, առանձնապէս անուճ հանած Ջամիլու, Թարթար, Դարբաթլու, Բուռուջ, Մամարգալար, Դամուրլար գիւղերով, բոլորովին զրկւած էին պաշտպանելու հնարաւորութիւնից:

Այդ չորս գիւղերը, շնորհիւ իրենց բերրի և արգաւանդ հողերի և տոկուն աշխատանքի՝ ստեղծել էին իրենց համար նախանձելի տնտեսութիւն: Աչքի էր ընկնում մանաւանդ Սարով-Բագիւմը իր գեղեցիկ շինութիւններով, դպրոցի ու եկեղեցու շէնքերով և ապրուստի ու հագուստի եղանակով: Բամբակի և չալթուկի մշակութիւնը դրել էր նրան բարեկեցիկ պայմանների մէջ: Ահա այդ բոլորը աւելի ևս պղտորում էին տգէտ թուրք մասսայի թունաւորւած միտքը: Սարովը համարուում էր քաղցր պատառ նոյն իսկ հարուստ բէկերի համար:

Ահա այդ չորս գիւղերն ընկան, աւերւեցին և փայ ու բաժին դարձան խուժանին, թէև մի փոքր ուշ:

Գարնանը հարևան թուրքերը սովորականի պէս սար բարձրանալիս պահ տւին քիւրա հայերին իրենց թանկագին իրերը և վերցնելով նրանցից մշակութեան համար աւելորդ կենդանիները, բարձեցին իրենց ծանրոցները և սար տարան: Այս դրացիական-նահապետական փոխանակութիւնը կատարւեց շատ սովորական կերպով: Սակայն Պաշէնի դէպքերից յետոյ թուրքերը դեռ բոլորովին սարից վար չը եկած դուրս տարան իրենց պահ տւած իրերը: Հայերը Այդ երևոյթը համարեցին վատ նշան:

Դրա հետ միաժամանակ թուրքերը սկսեցին խէթ աչքով նայել հայերի վրա, իսկ վերջինները միանգամայն կասկածանքով վերաբերւել դէպի թուրքերը: Ահա այս դրութիւնը գնալով սուր կերպարանք ստացաւ:

Սեպտեմբերի վերջերին թուրքերը քշեցին Հասան-Ղայայի նախիրը, աւելի քան 200 գլխից բաղկացած: Հայերի համար ամեն բան պարզւեց. նրանք ստիպւած էին անմիջապէս քոչել Մարաղա՝ ձգելով 100 դեսեստիւնից աւելի բամբակը, որի կէս մասը միայն ժողոված էր և այն էլ բէկի մօտ պահ տւած: Գիւղը դատարկւելուց

յետոյ տներն ամբողջապէս աւերւեցին:

Հոկտեմբերի 1-ին Սարով-Մարալեանի 4 տղաներ Ջանեաթաղի սահմաններում ծուղակի մէջ ընկան և երկար ու յամառ կուից յետոյ երեքն սպանւեցին, իսկ մէկն ազատւեց. մի հոգի էլ սպանւեց թուրքերից: Սպանւածներն էին՝ Խաչատուր Թէոսեանը, 40 տ., Ջրաղ Յովհաննիսեանը, 25 տ., և Մարտիրոս Տօնեանը, 30 տ.:

Այս դէպքից անմիջապէս յետոյ քոչեցին Սարով-Բագիւմ, Սարով-Մարալեան և Ղահրիլար գիւղերի հայերը, ձգելով ամեն ինչ—տուն, տեղ, արտ հանդերձ բամբակներով և չալթուկներով:

Այս համախմբումով ևս չը բաւականացած՝ Սարով-Բագիւմը դիմեց գաւառապետին զօրք և պաշտպանութիւն խնդրելով, որ և ուղարկւեցին 25 կօզակներ. սակայն դրանով էլ հայերի դրու-թիւնը չապահովւեց:

Հոկտեմբերի կէսին թուրքերը քոչեցին Սարովի տաւարը, շուրջ 133 գլուխ, որը յետ բերել կարելի չեղաւ:

Չընայած այս բոլորին, Սարովը դիմանում էր մի յամառ թափով: Բայց Գանձակի դէպքերից յետոյ դրութիւնն այլևս անտանելի դարձաւ: Թուրք բէկերը զանապան կողմերից թափւեցին Ջիւանշիրի դաշտը և սկսեցին գրգռել թուրքերին հայերի դէմ. այդ բէկերի մէջ առանձնապէս աչքի էր ընկնում Բահաթր-Բէկ Ղալաբէկովը:

Նոյեմբերի 24-25-ին թուրքերը կտրեցին Սարովի շուրջ: Գիւղի երիտասարդները 8 կօզակներ վերցրած գնացին շուրջ բացելու, սակայն նրանք վերադարձան նոյն իսկ տեղ չը հասած: Ահապին խուժանը պաշարել էր Չայլուն, որը ընկած է ջրերի բաժանման տեղում: Մի քանի օր Սարովն անջուր մնաց:

Նոյեմբերի 30-ին մի քանի տղաներ կօզակներ վերցրած նորից գնացին դէպի գետը, բայց դարձեալ ապարդիւն: Եւ մինչդեռ Սարովը տառապում էր անջրութիւնից և կենդանիները ծաւալից բառանջելով թափառում էին չուրը, դեկտեմբերի 1-ին տեղի ունեցաւ պաշարումը: Առաջին օրը քաջ սարովցիները կարողացան խուժանին յետ մղել, բայց պաշարումը վերսկսեց նաև դեկտեմբերի 2-ին և 3-ին: Երեք օր անընդհատ շարունակ-ւում էին ընդհարումները, մինչև որ օգնութեան հասան 200-ի չափ զօրքեր և խուժանին ցրեցին:

Այդ երեք օրւայ կռիւների մէջ հայերից սպանւեցին՝ Սիմօն Թիւնիբալայեանը, 50 տար., Գալուստ Յարութիւնեանը, 25 տար.,



Յարութիւն Սուվարեանը, 40 տար., Ռուստամ Յովհաննիսեանը, 28 տար., Հայրապետ Մարտիրոսեանը, 25 տ. և Փօթի Ռուստամեանը, 30 տ.—ընդամենը 6 մարդ և բացի այդ, երկու հոգի էլ վիրաւորեցին: Իսկ թուրքերից սպանեցին շատերը: Սպանեց նաև մի կօզակ, որի գլուխը թուրքերը կտրեցին և տարան:

Այդքան գօրքերին 18 օր շարունակ կերակրելուց յետոյ ժողովուրդն այնուամենայնիւ ստիպւած եղաւ քոչել Քալիշ, Մատաղէս, Չայլու, Մարաղա, որից յետոյ ինչպէս այդ, այնպէս էլ միւս գիւղերն աւերեցին և գեղեցիկ շէնքերը հրդեհեցին:

Սարովի կորուստը մեծ էր, շատ մեծ. բացի գեղեցիկ տներն ու շէնքերը և քշած կենդանիները ոչնչացել էր 11,250 փութ ցորեն, 200 ջվալ գարի և ոտի տակ գնացել էին 80 դեսիատին բամբակ, 125 դեսիատին չալթուկ, 90 դեսիատին այգի և ծառատունկ: Սարովի և միւս երեք գիւղերի վնասը այնքան մեծ էր, որ նրանց հաշւի առնելու հնարաւորութիւն չը կար: \*)

---

Սարովից յետոյ թուրքերի ուշադրութիւնը կենտրոնացաւ Մարաղայի և երկու Չայլուների վրա, որոնք ունէին մի առանձին նշանակութիւն թէ հայերի և թէ թուրքերի համար:

Մի շարք հայ գիւղեր, ինչպէս էին՝ Մարդակերտը, Հոռաթաղը, Կուսապատը, Մեծ-Շէնը, ունէին տափարակի վրա վարելահողեր, ուր երթեկեկելու և ցանքերը խնամելու համար մեծ կարևորութիւն էին ներկայանում վերը յիշած գիւղերը: Միւս կողմից՝ նրանք ընկած լինելով Քարթարի մեծ ջրաբաշխի վրա, որտեղից ճիւղաւորուում են բազմաթիւ առուներ, մեծ կարևորութիւն ներկայացնում էին ինքնապաշտպանութեան տեսակէտից, որովհետև թուրքերն իրենց ունեցած առուների պատճառով ստիպւած էին շարունակ երթեկեկել այդ գիւղերի սահմանների միջով, որը և ներկայանում էր նրանց համար որպէս մի սանձահարող հանգամանք:

Ահա թէ ինչու այդ գիւղերի շուրջը նոյնպէս տեղի էին ունենում ընդհարումներ և այն էլ խոշոր ընդհարումներ:

---

\*) Դաշտային այս չորս գիւղերի ժողովուրդները իրենց տեղերը վերադառնալու յոյսը միանգամայն կտրել են. և մինչև անգամ սարով-բազիւմցիները նոր գիւղատեղ են ձեռք բերել դարձեալ Քարթարի հովտում և մտադիր են այդտեղ էլ հաստատել:

Ներքին-Չայլուն, ինչպէս մի փոքր առաջ տեսանք, պաշարւեց դեռ ևս Սարով-Բագիւմի շուրը կտրելու ժամանակ. նա ենթարկւեց մասնաւոր կողոպուտի և թուրքերը քշեցին նրա 200 գլխից բաղկացած նախիրն, թէև գիւղն աւերել չը կարողացան:

Դեկտեմբերի 21-ին ծրագրւեց մի մեծ բազմամբոխ յարձակում, նպատակ դնելով աւերել երեք գիւղերը մի անգամից, նախ սկսելով Մարաղայից: Այդպիսի մի ծրագիր նախատեսելով հայերը նոյնպէս կենտրոնացրին ուժեր: Սակայն այդ յարձակումը տևելով մի ամբողջ օր, հետևանքի չը հասցրեց թուրքերին:

Յարձակումը կրկնւեց նաև 23-ին, այս անգամ աւելի ևս մեծ ուժով ու պատրաստութեամբ. կռիւն աւելի յամառ էր քան առաջին օրը. այս անգամ թուրքերը յետ քաշւեցին մեծ կորուստներով. նրանք ունեցել էին 63 զոհ. զոհեր ունեցան նաև հայերը, բայց ընդամենը 4 հոգի: Իրանք էին՝ մարաղացի Միրզաջան և Աւանէս Աղթամանեանները, Հասան-Ղայա գիւղացի Դամրչի Յարութիւնը և մի շուշեցի վաճառական: Բացի այդ, վիրաւորել էին երկու հոգի:

---

Ընդհարումների մի շարք տեղի ունեցաւ Թարթար գետի վերին հոսանքի հայ գիւղախմբի շուրջը:

Հաթերք, Արութիւնի-Գոմեր, Կճողուտ, Վաղուհաս, Չափար և Իրումբօն գիւղերի շրջանում կայ մի կիրճ Սարսանգ անունով, որի միջով ձգւում է այդ շրջանի ճանապարհը. ահա հայ-թուրքական յարաբերութիւնները լարելուց յետոյ այդ կիրճը հայերի համար դարձաւ վտանգաւոր:

Ումուդտու, Գեուկանդ-Իմարաթ, Չօբան-Սայ, Չրաղլու, ահա այն անհանգիստ գիւղերը, որոնք իրենց աւազակային գործողութիւններով շրջակաները պահում էին սարսափի տակ: Նրանց գործողութիւններից մեզ յայտնի են միմիայն մի երկուսը:

Դեկտեմբերի կիսին Արութիւնի-Գոմերի սահմաններից թուրքերը քշեցին Քօլանց Իւանի 18 ձիերը:

Մի երկու օր անց Ումուդտուի սահմաններում սպանւեց Վերդի Դանելեանը:

Դեկտեմբերի 23-ին Ումուդտու գիւղի մի խումբ թուրքեր ընդհարում ունեցան Կճողուտ գիւղի հայերի հետ, որը ծանր հետևանք ունեցաւ: Հայերը շրջակայ գիւղերից օգնութիւն ստանալով

յարձակեցին Ումուդտու և Գեռեանդ-Իմարաթ գիւղերի վրա: Մի քանի ժամ տևող դիմադրութիւնը չը փրկեց թուրքերին կոտորածից: Հայերը ներս խուժեցին այդ երկու գիւղերը՝ բարբարոսութիւններ գործելով:

Հայ խուժանը ոչ պակաս թուրք խուժանից Ումուդտու գիւղում երևան հանեց չարագործութեան տեսակները, անխնայ սպանելով աջ ու ձախ: Թրքուհին այդտեղ, պատմում են, հերոսութեան օրինակներ տւեց: Մէկը նրանցից, տարիքով երիտասարդ, խլեց իր ամուսնուն սպանող հայի ձեռքից սուրը և խրեց իր կուրծքը: Այդ երկու գիւղերի մէջ ընկան տասնեակներով մարդ և կին. սակայն ակելի սոսկալի բան տեղի ունեցաւ կոտորածից յետոյ:

Ականատեսի պատմելով, կոտորածից ազատողներից այնպիսիները, որոնք չէին կարողացել երկար ճանապարհ գնալ, մնացել էին անտառի մէջ և ցրտից սառել: Այսպէս, մի կին սառել էր երեխան գրկի մէջ, մի մարդ սառել էր կանգնած տեղը ծառից ամուր բռնած դրութեամբ և շատ այսպիսի օրինակներ:

Մի տարւայ սարսափների և ոճիրների դաստիարակութիւնը դուրս էր քաշել մարդկանց կրծքի տակ պահած թոթռուն սիրտը և նրանց ընդունակ դարձրել բարբարոսութիւնների: Ժամանակն այսպիսի բարքերի ընտելացրեց նաև խաղաղ աշխատանքի սովոր հային:

Ընդհարումներն առ ժամանակ դադարեցին և տիրեց մի այնպիսի լուութիւն, որպիսին տեղի է ունենում մեծ աղէտներից յետոյ: Այսպէս էր ձմրան ամիսների ընթացքում. սակայն եկաւ ամառը և քոչւորների սար դուրս գալով նոր ընդհարումներ տեղի ունեցան:

Մուսի և Կօթուրլուի ստորոտներում իջան Զինլու, Նարիշտար ցեղերը և Ղափարտուի քեօլանիները: Այստեղ դուրս եկան սովորականի պէս նաև Վանք գիւղացիք, սակայն վերջիները յունիսի 20-ին ստիպւած եղան գիւղ վերադառնալ:

Յունիսի 21-ին թուրք քոչւորները քշեցին Հաթերքի 7 գոմէջները, որից և առաջ եկան նոր ընդհարումներ, կրկնելով 22-ին և 24-ին, որ և յիշեալ քոչւորները ստիպուած եղան չեւլ այդտեղից՝ տալով մի քանի զոհեր:

Ահա այս դէպքերը եղան պատճառ փոխ-գնդապետ Վիվերնի հրամանատարութեամբ պատժողական արշաւախմբի Զիւանշիր գալուն, որի ձեռքով, ինչպէս վերը տեսանք, յուլիսի 31-ին ակերեցին Մափրաւանդ և Ղարափիրում թուրք գիւղերը:

Յուցակ Ձիւանշիրի գաւառի այն գիւղերի, որոնց ժողովուրդը փախել կամ խոշոր վնասներ է կրել ընդհարումների ժամանակ:

Հ Ա Յ Գ Ի Ի Ղ Ե Ր

№ №	Գ Ի Ի Ղ Ե Ր Ի Ա Ն Ո Ի Ն Ն Ե Ր Ը	Տ ու ն .	Ք ո չ չ ա ծ .	Կ ող ու զ աւ .	Աւ եր .	Կ ո ս ող ու թ .
1	Կիչան .	35	քոչ.	—	աւեր.	—
2	Ղազանչի	40	„	կող.	„	—
3	Սէյսօլան .	70	„	„	„	—
4	Եարմջա .	10	„	„	„	—
5	Հասան-Ղայա .	70	„	„	„	—
6	Սարով-Մարալեան .	50	„	„	„	—
7	Սարով-Բագիւմ	230	„	„	„	—
8	Ղահրիլար .	30	„	„	„	—
9	Չայլու	120	---	„	—	—

Թ Ո Ի Ր Ք Գ Ի Ի Ղ Ե Ր

1	Սրխավէնդ	140	քոչ.	—	աւեր.	—
2	7 ղըլաղնիք	—	„	—	„	—
3	Չրաղլու .	50	„	—	„	—
4	Գեռեանդ	70	„	—	„	—
5	Մամարգալար .	35	„	—	„	—
6	Արփաթալա	—	„	—	„	—
7	Բուռուջ .	60	„	—	„	—
8	Դամուրլար .	25	„	—	„	—
9	Գիւնէյ-Փայաններ	70	„	—	„	—
10	Մանիկլու .	20	„	—	„	—
11	Սուլէյման-Բէկլու .	20	„	—	„	—
12	Ալի-Աղալու .	40	„	—	„	—
13	Քէնկերլու . . . .	—	„	—	„	—
14	Մափռաւանդ (կօղ. ձեռք.)	100	„	—	„	—
15	Ղարափիրում ( „ „ )	70	„	—	„	—
16	Ումուղտու . . . .	50	„	կող.	„	կող.
17	Գեռեանդ-Իմարաթ	90	„	„	„	—

## ԶԻՐՐԱՅԻՆ ԳԱՒԱՌ

Զիրբայիլի գաւառն ընկած է Շուշու և Զանգեզուրի գաւառների հարաւարեւելեան կողմը, տարածելով մի կողմից մինչև Արաքսը, որը կազմում է Պարսկաստանի սահմանագիծը, իսկ միւս կողմից՝ մինչև Բագուի նահանգը:

Զիրբայիլի գաւառը թէ իր տարածութեամբ և թէ ազգաբնակչութեան թւով նահանգի ութ գաւառների շարքում, Արէշի գաւառից յետոյ, բռնում է ամենայետին տեղը: Նոյնպիսի տեղ բռնում է նա միւսնոյն ժամանակ հայ ազգաբնակչութեան թւի նըկատմամբ:

Գաւառի ազգաբնակչութեան ընդհանուր թիւն է 67 հազար, որից թուրքերը՝ 50 հազար, իսկ հայերը՝ ընդամենը 16 հազար:

Զիրբայիլի գաւառը իր աշխարհագրական կազմաւածքով հետեւեալ պատկերն է ներկայացնում. հիւսիսային և արևմտեան մասերը լեռնոտ են և հարուստ բարձր գագաթներով, սակայն զուրկ Միւնեաց աշխարհին յատուկ ճոխ անտառներից. ամենաբարձր գագաթ համարւում է Զիարաթը, որը ունի 8000 ոտնաչափ բարձրութիւն: Իսկ արևելեան և հարաւային մասերը ամբողջապէս դաշտային են, ձգւելով մի կողմից մինչև Արաքսը, իսկ միւս կողմից՝ մինչև Մէլին անապատը:

Հայերն ապրում են լեռնային և ստորլեռնային մասում, որը կազմում է Վարանդայի շարունակութիւնը հարաւարեւելեան կողմից, սակայն շրջապատւած թուրք գիւղերով: Իսկ թուրքերը բըռնած ունեն տափարակները, թէև նրանց թիւը փոքր չէ նաև լեռնային մասերում:

Զիրբայիլի գաւառի այն շրջանը, ուր ապրում են հայերը, պատմական Դիզակն է, բայց ոչ ամբողջը. նա աւելի մեծ էր և ունէր 47 գիւղ. դրանցից 12-ը, ինչպէս Շուշու գաւառի նկարագրութեան մէջ տեսանք, այժմ միացած են Շուշու գաւառին. իսկ 3-ը՝ Զանգեզուրին. մնացեալ 32 գիւղերը գտնւում են Զիրբայիլի գաւառում:

Ձիրբայիլի գաւառում հաշոււմ են 171 գիւղեր, որի հետեւեալ 32-ը հայաբնակ են:


№№	Գ Ի Ի Ղ Ե Ր Ի Ա Ն Ո Ի Ն Ն Ե Ր Ը	Տ ու ն պ ա շ ա տ - ն ա կ ա ն թւ եր
1	Քիւրաթաղ (Դուդուկչի)	33
2	Էդիլու—8 տունը թուրք .	92
3	Ախլու (Գամըլու)—31 տունը թուրք.	60
4	Ադրուլաղ .	27
5	Խրմանջուղ	57
6	Պլէթանց (Պլուտան)	27
7	Մէլիք-Ջանլու (Մալիշան) .	28
8	Քոչբէկ (Կոչբէկլու)	19
9	Կամրակուչ	49
10	Վրինշատ (Էդիշա)	41
11	Սարիշէն (Շագախ)	66
12	Թաղասեռ (Տօգասեր)	103
13	Հադրութ	243
14	Վանք	31
15	Տաք (Տանգ)	33
16	Ցոր (Սուր)	69
17	Նորշէն	22
18	Ղուչիլար .	11
19	Ջամձոր (Ջամգուր)	84
20	Մուլքադարա	32
21	Քարագլուխ (Դաշրաշի)	27
22	Բանագուր .	140

23	<i>Առաքել (Արակիր)</i>	91
24	<i>Զիւան</i>	29
25	<i>Բինիաթտու</i>	22
26	<i>Դօլանլար (Արգիւնաշ)</i>	68
27	<i>Խծարերդ (Սուզարերդ)</i>	56
28	<i>Արփագեաղուկ</i>	—
29	<i>Թէզխարար</i>	33
30	<i>Հին-Թաղլար</i>	28
31	<i>Սպիտակչէն (Աղջաբէնդ)</i>	39
32	<i>Սանձաձոր</i>	—

Բացի այս 32 գիւղերը առևտրով պարապող 25 տան չափ հայեր ապրում էին կէսը մօլօկան, կէսը թուրք բնակչութիւն ունեցող Ղարաբուլաղ գիւղում, որը յայտնի է իր բազարով:

Զիբրայիլի գաւառում տեղի ունեցած ընդհարումները կարելի է բաժանել հետևեալ չորս շրջանների:

- 1) Ղուզէ գիւղեր:
- 2) Հաղրութի ձոր:
- 3) Բանագուրի ձոր
- 4) Սարի գիւղեր:



## ԸՆԴՀԱՐՈՒՄՆԵՐԸ ՂՈՒՋԷ ԳԻՒՂԵՐԻ ՉՐՋԱՆՈՒՄ

ՕԳՈՍՏՈՍ 1905 Թ. ԵՒ ՕԳՈՍՏՈՍ 1906 Թ.

Զիբրայիլի հայաբնակ 32 գիւղերից վեցը, այն է՝ Խծարերդը, Արփագեաղուկը, Թէզխարաբը, Հին-Թաղլարը, Սպիտակչէնը և Խանձաձորը ընկած են լեռնային ամենաբարձր շրջանում, Զիարաթի այս և այն փէշերի վրա, միմեանցից անջատ թուրք գիւղերով շրջապատւած: Այս վեց գիւղերը կոչուում են Սարի գիւղեր և գտնուում են ապահովութեան կողմից աննպաստ պայմանների մէջ:

Զիարաթի հարաւարևելեան ստորին փէշերին, Բանազուրի ձորակում, համանուն գետակի հովիտների վրա ընկած են Չամձոր, Միւլքադարա, Քարագլուխ, Բանազուր, Առաքել, Զիլան, Բինեաթտու և Դօլանլար գիւղերը, դարձեալ թուրքերով շրջապատւած:

Բանազուրի ձորից դէպի հիւսիս ձգւած Հաղրութի ձորակում կամ Ղօզլու գետի հովիտների վրա գտնուում են Կամրակուչ, Վրինշատ, Սարիչէն, Թաղասեռ, Հաղրութ, Վանք, Տաք, Յոր, Նորչէն և Ղուչչիլար գիւղերը, որոնցից առաջին եօթը համախմբւած են ձորակի վերին մասում, իսկ վերջին երեքը՝ ցածի մասում, հայաբնակ գիւղերից անջատ, թուրքերով շրջապատւած, նոյնպէս անապահով պայմանների մէջ:

Իսկ Հաղրութի ձորակից աւելի ևս հիւսիս, դէպի դաշտային շրջանը, մի շարքում ընկած են Զիբրայիլի փնացած ութը գիւղերը, այն է՝ Քիւրաթաղը, Էդիլուն, Ախլլուն, Աղբուլաղը, Խրմանջուղը, Պլէթանցը, Մէլիքջանլուն և Քոչքէկը, որոնք միասին մի ընդհանուր անունով կոչուում են Ղուզէ գիւղեր: \*)

\*) Ղուզէ կը նշանակի շաք. Ղուզէ գիւղեր՝ շաքում ընկած գիւղեր. իսկ Գիւնէյ՝ արեւկող. այս իմաստով կոչուում են Վարանդայի երկու գիւղերը, Գիւնէյ և Ղուզէ ձարտարները, որոնց պատահեցինք միւս գլխում:



Ահա նուգէ գիւղերից էլ սկսեցին Ջիբրայիլի ընդհարումները, ընկած լինելով հայ գիւղերի առաջին շարքում և գտնելով թուրքերի հետ անմիջական շփման մէջ:

Ջիբրայիլը ազատ մնալ չէր կարող հայ-թուրքական ընդհարումներինց այն պարզ պատճառով, նախ՝ որ այս գաւառում, ինչպէս վերը տեսանք, հայերը կազմում են չնչին փոքրամասնութիւն, այն էլ ցրւած մեծ տարածութեան վրա և երկրորդ՝ թուրքերը գտնելով Պարսկաստանի հետ անմիջական յարաբերութեան մէջ, աւելի ևս տրամադիր էին դէպի աւարառութիւնները, աջակցութիւն և խրախոյս գտնելով պարսկահպատակ ցեղակիցներինց:

Առաջին անգամ, երբ Շուշում տեղի ունեցաւ հայ-թուրքական ընդհարումը, Ջիբրայիլի դաշտերում թուրք տարրերի մէջ նկատեց մեծ շարժում, սակայն սկզբում ոչ տեղացի հայ գիւղերի դէմ, այլ դէպի քաղաք արշաւելու դիտաւորութեամբ: Բայց մինչև որ նրանք կը հասնէին տեղ, քաղաքի մուտքերը փակւած էին արդէն. դաշտի կողմից Ասկէրանով, իսկ Զարսուլու կողմից՝ Վերին-Դոններով:

Օգոստոսի 22-ին Ջիբրայիլի թուրքերը խումբ խումբ վերադառնալով Աղդամից և Զարսուլուից դատարկաձեռն, միևնոյն ժամանակ յուզւած այն բանից, որ Ասկէրանում իրենց հաւատակիցները մեծ ջարդեր էին կրել, խորհուրդ անելով Ղարաբուլաղում հաւաքւած Ջիբրայիլի յայտնի բէկերի հետ, յաջորդ օրը պատրաստեցին յարձակել տեղացի հայերի վրա. վերջինները նկատելով այդ և միևնոյն ժամանակ անկարող լինելով պաշտպանել շրջապատող տարրից՝ փախան Հաղրութ, ունեցած չունեցածը թողնելով թուրքերի ձեռքը: Այդպիսով Ղարաբուլաղի հայերի գոյքը ամբողջապէս կողոպտեց, թէև մարդկային զոհեր նրանք չունեցան:

Այդ նոյն օրը, օգոստոսի 23-ին, թուրքերի մի մեծ խուժան առաջնորդութեամբ Ղարաբուլաղի և Ղօչահմաղտուի թուրք գիւղացիների՝ յարձակեցին Քիւրաթաղի վրա: Չը մոռանանք ասել, որ Ղարաբուլաղի թուրքերը ղէկավարում էին նաև Վարանդայի յարձակումները: Քիւրաթաղը շնորհիւ իր երիտասարդների կարող եղաւ յետ մղել առաջին յարձակումը. սակայն նա անկարող եղաւ դիմադրել երկրորդին: Գիւղը դատարկեց, ժողովուրդը փախաւ իրարանցումով և թուրք խուժանը ներս

Թափելով՝ սկսեց կողոպտել տները:

Ապա խուժանը յարձակեց էդիլլու գիւղի վրա, ուր մի բունն երիտասարդներ կարողացան ուժեղ դիմադրութիւն ցոյց տալ և խուժանին յետ քշել:

Յարձակման ենթարկեցին միաժամանակ Ախլլու և Աղբուլաղ գիւղերը. դիմադրութեան փորձերն ապարդիւն անցան: Մի քանի հոգու զարկելը աւելի ևս կատաղեցրեց խուժանին: Հայերը ստիպւած եղան փախուստի դիմել. այս գիւղերը նոյնպէս ենթարկեցին կողոպուտի:

Եւ մինչդեռ Հադրութից երիտասարդների մի խումբ օգնութեան կը հասնէր Ախլլու և Աղբուլաղ գիւղերին, ճանապարհին պաշարւած գտաւ Խրմանջուղ գիւղը, որտեղից ժողովուրդը փախել էր՝ զոհ տալով մի պառաւ կին և մի ծերունի մարդ,— Պաշի անունով: Այդ խումբը ճանապարհը ծռելով Խրմանջուղ, մտաւ այն ժամանակ, երբ խուժանը կողոպտում էր գիւղը: Տեղացող կրակը այնքան անսպասելի էր և կորստաբեր խուժանի համար, որ նա փախուստի դիմեց ոչ միայն դատարկաձեռն, այլ և բազմաթիւ զոհեր տալով:

Ականատեսի վկայութեամբ 50-ից աւելի դիակներ մնացին գիւղի մէջ և ճանապարհներին ընկած:

Խրմանջուղը երկրորդ անգամ յարձակման ենթարկեց այդ դէպքից երկու օր անց. բայց այս անգամ գիւղը պաշտպանել անկարելի եղաւ: Յարձակման փորձեր տեղի ունեցան նաև Մէլիք-Ջանլու գիւղի շուրջը, որի վրա դարձնել տալով հայերի ուշադրութիւնը, խուժանը դրաւեց Խրմանջուղը և կողոպտեց:

Խրմանջուղը հարուստ գիւղ էր, հարուստ հացահատիկներով և ցորենի լի հորերով ու ամբարներով. անա այդ բոլորը թուրք խուժանը կրեց տարաւ ձիերով, սայլերով և ուղտերով, միևնոյն ժամանակ հրդեհելով տները, մետաքսի գործարանը՝ իր մի քանի տասնեակ հազարներ արժեցող շէնքով ու մթերքներով:

Կողոպուտի այս առատ ու ազատ ձևը աւելի ևս խուժան գրաւեց: Հայ գիւղերի դրութիւնը գնալով վտանգաւոր դարձաւ. Բիւրաթաղը, Ախլլուն, Աղբուլաղը և Խրմանջուղը դատարկելուց և կողոպուտելուց յետոյ, դատարկեցին նաև մնացեալ չորս գիւղերը, այն է՝ էդիլլուն, Պլէթանցը, Մէլիք-Ջանլուն և Քոչբէկը, թողնելով կայն ու կուտը, արտն ու այգին մի քանի հրացանա-

ւորների յուսով, սակայն որոնք դիրքերից վեր գալ և այդ բուրբը պահպանել անկարող էին:

Այս տեղի ունէր օգոստոսի 27-ին:

Այդ օրից անցան ամիսներ. աւերած գիւղերը մի կերպ վերաշինեցին և փախած ժողովուրդը յետ դարձաւ, բայց յարձակումները չը դադարեցին:

Մէլիք-Ջանլուն կրկրորդ անգամ յարձակման ենթարկեց մի ամբողջ տարի անցնելուց յետոյ: Այդ յարձակումը տեղի ունեցաւ օգոստոսի 16-ին 1906 թ. Ղարադաղու և Գիւզլակ գիւղերի թուրքերի կողմից, բայց անյաջող վախճանով: Հայերն այս անգամ աւելի պատրաստուած էին, քան առաջին անգամ. թուրքերն ուժեղ դիմադրութեան հանդիպելով՝ փախան, որոնց հալածելով հայերը յարձակեցին նրանց գիւղերի վրա: Այդ երկու գիւղերից ժողովուրդը փախաւ բաւական զոհեր տալով: Հայերը ներս խուժեցին գիւղերը և կուտակած զայրոյթը թափեցին դատարկած տըների վրա՝ անխնայ այրելով և աւերելով նրանց:

Այդպէս էր ընդհարումների ընթացքը Ղուզէ գիւղերի շրջանում:

Այժմ տեսնենք ինչնր կատարեցին Հաղրութի ձորում:



# ԸՆԴՀԱՐՈՒՄՆԵՐԸ ՀԱԴՐՈՒԹԻ ՁՈՐԻ ՇՐՋԱՆՈՒՄ

ՕԳՈՍՏՈՍ 1905 Թ.

Ինչպէս վերը տեսանք, Հազրութի շրջանի գիւղերից երկուսը—Նորշէնը և Ղուշչիւարը ընկած են ձորի ստորին մասում և գտնուում են այնպիսի պայմանների մէջ, ինչպիսի պայմանների մէջ գտնուում են Ղուզէ գիւղերը:

Մենք տեսանք նոյնպէս, որ Ղուզէ գիւղերից չորսը դեռ ևս օգոստոս ամսին ենթարկւեցին յարձակման և կողոպուեցին, իսկ միւս չորսը անխուսափելի վտանգն իրենց առաջ ցցւած տեսնելով, ինքնակամ դատարկւեցին և ժողովուրդը տեղափոխւեց Հազրութի ձորի գիւղերը:

Ահա այս տեսնելով Նորշէնի և Ղուշչիւարի ժողովուրդները նոյնպէս ստիպւած եղան դատարկել տները և տեղափոխւել վերի գիւղերը:

Այս շրջանում իր անհանգիստ բարձրով աչքի էր ընկնում Սուլէյմանլու գիւղը:

Օգոստոսի 28-ին Սուլէյմանլուի թուրքերը յարձակւեցին Ղուշչիւարի վրա և դատարկւած գիւղի դատարկ տները սկսեցին կողոպուել, հանելով թաղւած տեղերից պահւած իրերը, դռներն ու լուսամուտները և այն բոլորը, ինչ որ կարելի էր տանել:

Իսկ 29-ի առաւօտեան, օրը երկուշաբթի, Ղշլաղ գիւղի թուրքերը յարձակւեցին և հանդից քչեցին Յոր գիւղի տաւարը:


Այդ օրը գաւառապետ Յինրալովի մասնակցութեամբ տեղի պիտի ունենար երկու կողմերի մէջ հաշտութիւն:

Ցորի տաւարը քչելու լուրն առնելով՝ Հազրութից և շրջակայ գիւղերից օգնութեան հասնող տղաների շնորհիւ կարելի եղաւ տաւարը յետ բերել, սակայն մեծ դժւարութեամբ. աղմուկը

ձգեց ու բերեց ահագին թւով թուրքեր, որոնք հասան մինչև Յորի սահմանները: Մի յամառ և երկարատև կռիւ մղելուց յետոյ հայերին յաջողեց յետ քշել թուրքերին և նոյն իսկ յարձակել Ղշլաղ գիւղի վրա, որը ընկած է Յորից փոքր ինչ ցած և կողոպտել ու այրել բաւականաչափ տներ, որտեղից ժողովուրդը փախաւ, թողնելով 3 դիակ:

Դրա հետ միաժամանակ թուրքերը յարձակեցին Բանազուր գիւղի բինաների և քումերի (շերամապահութեան տներ) վրա, որոնք գտնուում էին թուրքերի սահմանների մօտ, Ղըլշու կոչւած տեղում և աւերեցին ու հրդեհեցին եղած չեղածը:

Հաղրութի ձորակի միւս գիւղերն ազատ մնացին յարձակումներից շնորհիւ այն բանի, որ նրանք ընկած էին միմեանց մօտ և պաշտպանութեան համար յարմարաւոր տեղերում:



# ԸՆԴՀԱՐՈՒՄՆԵՐԸ ԲԱՆԱԶՈՒՐԻ ԶՈՐԱԿԻ ՇՐՋԱՆՈՒՄ

ՍԵՊՏԵՄԲԵՐ 1905 Թ.

Զիրարայիլի գաւառում ամենից քիչ զրկանքներ կրել է այս շրջանը:

Շնորհիւ այն հանգամանքի, որ հայ գիւղերը այս շրջանում օժտւած էին անառիկ դիրքերով, կարողացան ազատ մնալ մասսայական յարձակումներից և առաջ գալիք չարիքներից. սակայն նրանք ազատ չէին մասնակի սպանութիւններից և յափշտակութիւններից, որոնք տեղի ունէին դեռ ևս օգոստոսի սկզբներից շնորհիւ Զիրարայիլի լեռները չւող քոչւորների և տեղացի Ալիանլու անհանգիստ ցեղի:

Այսպէս, Մուլքազարա գիւղի հանդից թուրքերը քշեցին 8 տաւար, խլելով տիրոջ ձեռքի գէնքը:

Մի երկու օր անց քշեցին Զիւլան գիւղի նախիրը, որը բաղկացած էր 60 գլուխ կովերից և եզներից:


Ապա Բանագուրի հանդից քշեցին գիւղացիների ցորենով բարձած 5 ջորիները:

Բայց այսպիսի մանր աւարներով թուրքերը չէին բաւականանում:

Սեպտեմբերի 14-ին յարձակման ենթարկեց միայնակ ընկած Դօլանլար գիւղը: Մի ամբողջ օր կռիւ տալով թուրքերը անկարող եղան գիւղը խուժել: Յաջորդ օրը թէև փոքրաթիւ, բայց մի քանի քաջ հրացանաւորների շնորհիւ կարելի եղաւ թուրքերին յետ քշել, որոնք երկու զոհ տալով հեռացան, կրակելով գիւղի ծայրում ընկած երկու տուն, մի քանի դարմանանոցներ և մի ջրաղաց, բարբարոսաբար սպանելով ջրաղացում եղող մի հայի: Յարձակման ժամանակ գիւղի մէջ վիրաւորւեցին 4 մարդ:

Հոկտեմբերի 16-ին աւելի մեծ յարձակման ենթարկեց Մուլ-  
քաղարա գիւղը: Գիւղի արևմտեան կողմում ցցւած ժայռերի կա-  
տարներից հայերը մի ամբողջ օր դիմադրեցին թուրքերին, մին-  
չև որ մօտակայ գիւղերից օգնութիւն ստանալով՝ միւս օրը կարո-  
ղացան յետ քշել նրանց, որոնք փախան մի քանի զոհեր տալով:

Հայերը չը բաւականացած թուրքերի փախուստով իրենց  
հերթում յարձակեցին երկու թուրք գիւղերի, այն է՝ Աշղ-Մէլիք-  
լուի և Մազրայի վրա, որտեղերից ժողովուրդը փախաւ շփոթւած  
և տները բոլորովին աւերեցին:



# ԸՆԴՀԱՐՈՒՄՆԵՐԸ ՍԱՐԻ ԳԻՒԴԵՐԻ ՇԸՐ- ՋԱՆՈՒՄ

ՍԵՊՏԵՄԲԵՐ 1905 Թ.

Զիարաթի ժլատ ստորոտները շատ նօսր են բնակւած: Բնու-  
թեան անհիւրընկալ այդ վայրերը անկարող են եղել կենդանի  
էակների մեծ համախմբումներ գրաւել և այդ է պատճառը, որ  
դարերով լեռնոտ և անմատչելի գիւղատեղեր փնտոող հալածական  
հայ ժողովուրդը քիչ չափով է այդտեղ ապաստան գտել: Ընդա-  
մենը վիյ գիւղեր, այն էլ փոքր ու սակաւամարդ, ընկած են  
միմեանցից բաւական հեռու հեռու այդ լանջերում: Այդ գիւ-  
ղերն են՝ Խծարերդը, Արփագեաղուկը, Թէգխարաբը, Հին-Թաղլարը,  
Սպիտակչէնը և Խանձաձորը:

Այս շրջանում աւելի մեծ չափով բնակութիւն են հաստա-  
տել կուլտուրայից ու լոյսից խուսափող գեանափորերում ապրող  
թուրք՝ առանձնապէս Այլանլու և Մուսուրմանլար ցեղերը, որոնք  
և եղել են այս շրջանի չարիքը:

Այսպիսի մի դրութիւն ինքն ըստ ինքեան ըրաւական էր սարի  
գիւղերը անապահով դարձնելու համար:

Այս շրջանի երկու գիւղերը, այն է՝ Խծարերդը և Հին-Թաղ-  
լարը շատ ու քիչ հնարաւորութիւն ունէին պաշտպանելու և  
իրենց տեղերում կայուն էին: Ինչ վերաբերում է միւս գիւղերին,  
ինչպէս ասում են, նրանք փշի վրայ էին նստած: Բաւական էր մի  
փոքրիկ դէպք, որ այդ գիւղերի ժողովուրդները ձգէին իրենց  
տուն ու տեղը և քոչէին ուր էլ որ լինէր:

Թուրքերի առաջին յարձակմանը ենթարկեց Արփագեաղու-  
կը: Փոքրիկ գիւղը փոքրիկ էլ զիմադրութիւն ցոյց տւեց: Արփա-  
գաղուկցին կանգնեց մի վայրկեան, փորձեց թոյլ չը տալ թուրքին  
զիւղ մտնելու, բայց ինքն էլ չը հաւատաց իր ուժերին, մի քանի



պայթոցներ, մի յուսակտուր ճիգ և նա առաւ իր կիներն ու երեխաները և քոչեց Խծաբերդ, թողնելով խուժանին նոյն իսկ ցորենի դէզերը:

Այդ դէպքից յետոյ քոչեցին Խծաբերդ նաև Սպիտակչէնի և Թէգխարարի հայերը, այլևս իրենց գիւղերը չը վերադառնալու մտքով:

Ահա այս բնաւեր եղած ժողովրդից կազմեցին միջավայրին յատուկ արշաւախմբեր՝ կուելու շարունակող յարձակումների դէմ, սակայն որոնցից մէկն ունեցաւ մի հերոսական վախճան: Այդ խմբում 14 հոգի էին—14 քաջ երիտասարդներ, որոնք Փարաջան թուրք գիւղի մօտ կուի բռնելով՝ նեղն ընկած մտան մի ջրաղաց:

Երկու օրւայ հերոսական դիմադրութիւնից յետոյ, պատմում են, որք խուժանը հրդեհեց ջրաղացը, պաշարւածները գերադասեցին իրենց ձեռքով սպանել. նախ նրանք փչացրին բոլոր գէնքերը և ապա իրենց դաշոյններով ինքնասպան եղան և ընկան հերոսաբար: Այս անօրինակ մարտիրոսութիւնը, որը տեղի ունեցաւ յունվարի 27-ին, սարսափ ազդեց նոյն իսկ գազանացած խուժանի վրա:

---

Անցան ամիսներ. ընդհարումները կորցրին իրենց սուր բնաւորութիւնը. միւս շրջանների աւերած գիւղերի ժողովուրդները նորից յետ դարձան իրենց գիւղերը, բայց այս երեք գիւղերի ժողովուրդները այլևս չը դարձան, այլ բաւական երկար ժամանակ ապրելով Խծաբերդում, այդտեղից էլ անցան Զիւանշիրի գաւառը դէպի Թարթարի հովիտը, մի ապահով և հիւրընկալ անկիւն փնտրելու համար:

---

Մինչդեռ այս բոլորը կատարւում էր Զիրբայիլի պէս թուրքաբնակ գաւառում, գեներալ Տակայշվիլին այդ շրջանը խաղաղացնելու համար լիազօրութիւն էր տւել Հուսէին-Աղա Զիւանշիրին, այն մարդուն, որը համարւում էր հայ-թուրքական ընդհարումների կողմնակից և մաքսատան ծառայող Արիստակէս Տէր-Սրապեանի սպանութեան մեղսակից: Իսկ գաւառապետ Յիմբալովը զբաղւած էր կօմեդիայով—երկու թշնամի ժողովուրդներին հաշտեցնելու գործով: Եւ ինչո՞ւ զարմանանք. չէ՞ որ Յիմբալովը մի օղակն էր այն մոգական շղթայի, որի մէջ կաշկանդւած էր ամբողջ Կովկասը:

Յուցակ Զիբրայիլի գաւառի այն գիւղերի, որոնց ժողովուրդը փախել կամ խոշոր վնասներ է կրել ընդհարումների ժամանակ:

Հ Ա Յ Գ Ի Ի Ղ Ե Ր

Ք Ք	Գ Ի Ի Ղ Ե Ր Ի Ա Ն Ո Ի Ն Ն Ե Ր Ը	Տ ու ն .	Ք ո չ ա ծ .	Կ ո ղ ու զ յ ա ծ .	Ա լ ե ի ռ ա ծ .
1	Ղարաբուլաղ .	25	քոչ.	կող.	—
2	Քիւրաթաղ	33	„	„	աւեր.
3	Ախրլլու .	29	„	„	—
4	Աղբուլաղ	27	„	„	—
5	Խրմանջուղ	57	„	„	աւեր.
6	Էդիլլու .	84	„	—	„
7	Պլէթանց .	27	„	—	„
8	Մէլիք-Ջանլու	28	„	—	„
9	Քոչբէկ .	19	„	—	„
10	Նորչէն .	22	„	—	„
11	Ղուշչիւար .	11	„	կող.	„
12	Արփագեաղուկ	—	„	—	„
13	Սպիտակչէն	39	„	—	„
14	Թէզխարաբ	33	„	—	„

Թ Ո Ի Ր Ք Գ Ի Ի Ղ Ե Ր

1	Ղարադաղլու .	24	քոչ.	կող.	—
2	Գիւզլուկ .	19	„	„	—
3	Ղշլաղ .	—	„	„	—
4	Աշղ-Մէլիքլու .	—	„	„	—
5	Մաղրա .	—	„	„	—



## ԶԱՆԳԵԶՈՒՐԻ ԳԱԽԱՌ

Զանգեզուրի գաւառն ընկած է Գանձակի նահանգի հարաւային ծայրում, կպած՝ հիւսիսային և արևելեան կողմերից Զիւանշիւրի, Շուշու և Զիրբայիլի գաւառներին, արևմտեան կողմից՝ Երեւանեան նահանգի Շարուր-Դարալագեազի և Նախիջևանի գաւառներին, իսկ հարաւային կողմից՝ Պարսկաստանին, սահման ունենալով Արաքսի ընթացքը:

Զանգեզուրը իր ընդարձակութեամբ և ազգաբնակչութեան թւով Գանձակի նահանգի ութ գաւառների մէջ բռնում է երրորդ տեղը, իսկ հայ ազգաբնակչութեան թւի նկատմամբ՝ երկրորդ տեղը, թէև թուրք ազգաբնակչութիւնը, այնուամենայնիւ, կազմում է գաւառում մեծամասնութիւն:

Գաւառի ազգաբնակչութեան ընդհանուր թիւն է 138 հազար, որից հայեր՝ 63 հազար, թուրքեր՝ 74 հազար և զանազան ազգեր՝ 1 հազար:

Զանգեզուրի գաւառը իր աշխարհագրական դիրքով մի հետաքրքիր վայր է. զուրկ դաշտավայրերից նա ներկայացնում է բարձր լեռների, խորունկ ձորերի, կուսական անտառների և մանր սարահարթերի մի անօրինակ բազմատեսակութիւն: Գաւառի հիւսիսարևմտեան մասը թերևս մի փոքր տաղտկալի լինի, ուր աղքատ բնութիւնը դուրս է ժայթել մերկ կատարների մի անսահմանութիւն, բայց հարաւային մասը աննման է:

Գաւառը երեք կողմերից շրջապատւած է Կօնգուրօ-Ալանգեօզի և Ղարաբաղի լեռնաշղթաներով, որոնց մի շարք, այն է՝ Քիրս, Դալի-Դաղ, Գեալին-Ղայա, Սալվարդի և այլ գագաթները ունեն 8000-ից սկսած մինչև 12000 ոտնաչափ բարձրութիւն:

Զանգեզուրը հարուստ է նաև գետերով, որոնց մէջ աչքի են ընկնում՝ Հագարը, Բագար-Բարգիւշատը՝ մեր պատմական Որոտանը, Օխշին՝ էջանանի ճիւղով, Բասուտը, Մեղրին և այլն:

Զանգեզուրի գաւառը, մասնաւորապէս Ղափանը, առանձին հետաքրքրութիւն ներկայացնում է իր պատմական անցեալով:

Այստեղ գտնւում է Տաթևի հոչակաւոր վանքը իր ընդարձակ կալւածներով. այդտեղ գոյութիւն են ունեցել հայկական մէլիթութիւններ, որոնցից առաջ եկաւ 1722—28 թւականներին այնքան անուն հանած Ղարաբաղի հերոսը, Դաւիթ-բէկը, իր վարած պատերազմներով:

Չանգեզուրի գաւառը կազմւած է երեք գաւառամասերից, այն է՝ Բուն-Չանգեզուրից, Սիսիանից և Ղափանից, ուր հայերն ապրում են ոչ համախմբւած, այլ ցրւած այս և այն տեղ փոքրիկ գիւղախմբերով, խառը թուրք ժողովրդի հետ, որ և այդ երեք գաւառների ընդհարումներին մենք կը տանք զատ զատ գլուխներ:

Չանգեզուրի գաւառի 406 գիւղերից 92-ը հայաբնակ են, որոնցից 25-ը գտնւում են Բուն-Չանգեզուրում, 20-ը՝ Սիսիանում, իսկ 47-ը՝ Ղափանում:

Դրանք են.

№	Գ Ի Ի Ղ Ե Ր Ի Ա Ն Ո Ի Ն Ն Ե Ր Ը	Տուն	Մասա դատ.	Շունչ
		1)	2)	3)
<b>Բ Ո Ի Ն - Չ Ա Ն Գ Ե Չ Ո Ի Ր Ո Ի Մ</b>				
1	Գօրիս 4 մասերից բաղկացած .	450	840	4722
2	Քարահուջ .	98	—	1352
3	Ալիդուլիշէն . . . . .	105	—	981
4	Խնձորէսկ (Ինզիրակ) .	615	—	5368
5	Գեօրու .	60	—	603
6	Մաղանջուղ .	23	—	391
7	Մինքէնդ—145 տուն թուրք .	85	—	556
8	Խոզնավար—40 » » .	80	—	659
9	Զէյվա—100 » » .	25	—	} 2183
10	Խնածախ—50 » » .	188	—	
11	Քարաշէն (Դաքէնդ) .	57	—	

1) Պաշտօնական տեղեկութիւններով:

2) Մեր հաւաքած տեղեկութիւններով:

3) Համաձայն Տաթևի հոգևոր կառավարութեան տեղեկագիրների՝ այժմեան հաշուով:

12	Արաւոս	.	16	—	181
13	Տեղ . . . . .	.	422	700	3532
14	Կորնձոր (Փերենզուր)	.	225	—	1700
15	Ղարաղշլաղ (Ղալաղարասի)	.	430	600	--
16	Ալիղուլի .	.	100	—	—
17	Հարար	.	103	135	—
18	Տաթև	.	177	—	2490
19	Սևարանց	.	21	—	377
20	Տանձատափ	.	31	—	424
21	Եսյիջի	.	39	—	652
22	Հալիձոր .	.	64	—	732
23	Երիցաթումբ	.	24	—	351
24	Շնհէր	.	174	—	1812
25	Խոտ	.	122	--	1071
<b>ՍԻՍԻԱՆՈՒՄ</b>					
1	Ղալաջրղ .	.	42	60	351
2	Անգեղակոթ	.	171	300	2353
3	Շաղաթ	.	123	180	1441
4	Մազրա	.	72	120	1131
5	Բալաք .	.	38	60	559
6	Ղարաքիլիսա --թուրքախան	.	92	150	723
7	Ալիլու . . .	.	76	120	919
8	Բոնակոթ (Փիրնաուղ)	.	156	350	2880
9	Ախլաթեան	.	106	190	1302
10	Բնունիս .	.	34	55	550
11	Թաղաքէնդ	.	68	100	558
12	Աղքէնդ .	.	42	70	436
13	Տուլորս (Դուլուս)	.	80	120	787
14	Ուզ .	.	124	180	1302
15	Շինաթաղ	.	62	95	776

16	Լոր . . . . .	34	70	508
17	Գետաթաղ . . . . .	31	55	393
18	Դարարաս—110 տուն թուրք	}	36	} 563
19	Շամբ — 20 » »		42	
20	Լծէն . . . . .	25	43	334
<b>ՂԱՓԱՆՈՒՄ</b>				
1	Զէյվա . . . . .	80	—	882
2	Մողէս . . . . .	35	—	135
3	Ուժէնիս . . . . .	47	—	505
4	Նըղըրանց (Միրքեաթաս) .	39	—	431
5	Եղվարդ (Ագաւիւրդ) . . . . .	87	—	812
6	Ագարակ . . . . .	93	—	1386
7	Տանձաթափա (Ղարարարա)	29	—	218
8	Տօրթնի—թուրքախառն . . . . .	—	—	138
9	Նոտանան—Վերին . . . . .	37	60	} 681
10	Նոտանան—Ներքին . . . . .	9	—	
11	Շրվէնանց (Դագմադագլու)	32	—	307
12	Նլաթաղ (Ախտախանա)	30	—	488
13	Առաջածոր . . . . .	60	—	688
14	Նորաշէն . . . . .	73	—	569
15	Կաւարտ . . . . .	59	—	654
16	Ըրկենանց (Մուլքիչափ)	37	—	374
17	Սևաքար . . . . .	98	—	845
18	Չափնի . . . . .	47	—	473
19	Արժւանիկ (Երիցվանիկ) . . . . .	132	—	1201
20	Բարարաթում (Պառաւաթումբ).	44	—	445
21	Բէխ . . . . .	32	—	330
22	Վաչական . . . . .	46	—	587
23	Պաղավերջ (Բազարուրջ) . . . . .	41	—	500
24	Գիւտգում . . . . .	52	—	793

25	<i>Ճակատէն (Զակաղի)</i> .	.	41	—	533
26	<i>Քաշարանց (Էջանան)</i>	.	50	100	675
27	<i>Հանդ (Փանխսլու)</i> .	.	39	64	677
28	<i>Քրդիկենց</i>	.	40	65	667
29	<i>Մազրա</i>	.	20	17	—
30	<i>Փուրխուս</i>	.	29	22	314
31	<i>Շիշկերա</i> .	.	35	—	501
32	<i>Կիմանց</i>	.	17	—	—
33	<i>Ծաւ</i>	.	—	—	—
34	<i>Հանդ-Փոքր</i>	.	31	—	191
35	<i>Շիկահող (Շիխաւուզ)</i>	.	118	—	896
36	<i>Սրաշէն (Քիլիսաքէնդ)</i>	.	26	—	260
37	<i>Կալեր (Գեալուր)</i> .	.	42	—	445
38	<i>Վանք</i> . . .	.	43	—	443
39	<i>Տաշտոն</i>	.	34	—	357
40	<i>Լիճք (Լիչք)</i>	.	49	—	550
41	<i>Վահրաւա</i> .	.	27	—	274
42	<i>Կուտեմնիս (Ուջանարաս)</i> .	.	55	—	448
43	<i>Կուրիս</i>	.	23	—	246
44	<i>Ազարակ</i> .	.	21	—	164
45	<i>Մեղրի</i> .	.	209	—	1304
46	<i>Մալե (Մալալան)</i>	.	44	—	375
47	<i>Շւանիճոր (Աստազուր)</i>	.	133	—	1112



# ԸՆԴՀԱՐՈՒՄՆԵՐԸ ԲՈՒՆ-ՁԱՆԳԵԶՈՒՐՈՒՄ

Գանձակի նահանգի ութ գաւառներից ոչ մէկում կոտորածներն ու աւերումներն այնքան մեծ չափեր չընդունեցին և այնպէս տևողական չը դարձան, ինչպէս Ձանգեզուրում: Եւ իսկապէս, գուցէ ոչ մի տեղ այնքան արիւն և արցունք չը հոսեց, որքան այս հեռաւոր լեռներում:

Մէկ ամբողջ տարի փոքրիկ ընդմիջումներով մէկ այս և մէկ այն տեղ բռնկում էին ընդհարումները, ընկնում էին հարիւրաւոր զոհեր, դատարկւում և աւերւում էին գիւղեր և գիւղախմբեր փոխադարձաբար երկու կողմերից. բայց և այնպէս արիւն ու աւերի ծրագիրը իրագործւած չէր համարւում:

Եւ այդ ընդհարումները այնքան շատ են, այնքան բազմատեսակ և միաժամանակ բազմաթիւ տեղերում կատարւած, որ մարդ չը գիտէ որտեղից սկսի և որտեղ վերջացնի:

Բայց ինչպէս էլ լինի պէտք է արձանագրել, որքան կարելի է փաստացի կերպով, քսաներորդ դարի այս մեծ ոճրագործութիւնը իր մի քանի մանրամասնութիւններով:

Սկսենք նախ Բուն-Ձանգեզուրից:

Բուն-Ձանգեզուրը բռնում է գաւառի հիւսիսարևելեան մասը, ընդգրկելով իր մէջ Հագար գետի ամբողջ վերին հովիտը մինչև Որոտան կամ Բագար-Չայ գետի միջին հոսանքը:

Ի նկատի ունենալով Բուն-Ձանգեզուրում հայ գիւղերի աշխարհագրական դիրքերը և տեղի ունեցած ընդհարումները, նրանց կարելի է բաժանել հետևեալ վեց շրջանների:

- 1) Գօրիսի շրջան:
- 2) Մինքէնդ:
- 3) Խոզնավար, Խնածախ, Զէյվա, Ալիդուլի և Հարար:
- 4) Զէջիմլուներ:
- 5) Ղարաղշլաղ:
- 6) Տաթևի շրջան:



# ԸՆԴՀԱՐՈՒՄՆԵՐԸ ԳՕՐԻՍԻ ՇՐՋԱՆՈՒՄ

ՕԳՈՍՏՈՍ 1905 թ.

Գորիսը Ջանգեղուրի գաւառի կենտրոնատեղին է—գուտ հայաբնակ մի վայր:

Նա ընկած է Քէչալ-Դաղ լեռան ստորոտում, մի հրաշալի հովտի մէջ, համանուն գետի վրա, բաղկացած չորս մասերից, այն է՝ քաղաքից, որը կառուցւած է գետի աջ ափին մի սիրուն հարթութեան վրա, առ այժմ 200 տնից բաղկացած, ուր գտնւում են կառավարչական հիմնարկութիւնները և բաւական բանուկ շուկան. Գորիս գիւղից, որը ընկած է գետի ձախ ափին քաղաքին կից Լաստի-Պութի ժայռերի և կօնուսների տակ \*) 500 տնից բաղկացած. Հին-Գորիսից, որը գտնւում է քաղաքից դէպի հիւսիս հովտի վերին մասում 2 վերստ հեռաւորութեան վրա—90 տուն բնակիչներով, միևնոյն ժամանակ կոչւելով Վերին-Շէն և մի փոքրիկ գիւղից, 50 տուն բնակիչներով, մօտիկ Հին-Գորիսին, որը կոչւում է Բուռուն:

Գորիսից դէպի հարաւարեւելք մի քանի վերստ միմեանցից հետո շրջանաձև ընկած են հինգ մեծ հայաբնակ գիւղեր, այն է՝ Ալիդուլին, Քարահունջը, Մաղանջուղը, Գեօրուն և Պաձորէսկը:

Գորիսի և Պաձորէսկի վրայով ձգւում է քոչւորների երթևեկութեան ճանապարհը, որը և եղաւ Ջանգեղուրի ընդհարումների պատճառ:

Գորիսի շրջանում յուզմունքներ նկատուեցին դեռևս օգոստոսի սկզբներին, երբ Պաչէնի ձորակում և Աղդամի ճանապարհին տեղի ունեցող ընդհարումների լուրերի տարածման հետ միաժամանակ

---

\*) Դարերի ընթացքում անձրևները և հողմը քերելով Լաստի-Պութի կուրծքը, կարծր շերտերից կերտել են ճիշտ և ճիշտ կօնուսաձև բազմաթիւ ժայռեր, որոնք Գորիսին տալիս են մի առանձին գեղեցիկութիւն:

սարերից սկսեց քոչւորնների շարժումը դէպի դաշաւ: Այդ շարժումը մի հոգեմաշ ծանրութեամբ ճնշում էր առանձնապէս այն հայաբնակ գիւղերին, որոնց սահմաններով անցնելու էին այդ թափառական ցեղերը:

Սակայն վտանգը միմիայն քոչւորնների կողմից չէր. ոչ պակաս յուզմունքներ նկատելի էին նաև տեղացի թուրքերի մէջ, որոնք սկզբում արտայայտուում էին մասնակի դէպքերով: Անհատական սպանութիւնները և կողոպուտները մեծ չափեր ընդունեցին, ճանապարհները դարձան հայերի համար վտանգաւոր, մինչև որ մի դէպք բոլորովին յուզեց մտքերը:

Օգոստոսի 16-ին Գորիսից տուն վերադարձող չորս անւանի հայեր՝ զարաքիլիսեցի Զիլֆիդար-բէկ և նրա որդի Իսկեանդար-բէկ Սաֆրազէկեանները և բռնակոթցի Արշակ-բէկ և Զաֆար-բէկ Մէլիք-Քանգեանները, հետներն ունենալով երկու ուղեկցող ստրաժնիկներ, Աղոզի և Վաղոզի գիւղերի սահմաններում, Ուշթափալարի մօտ, Գեօրակ-Դաշ կոչւած տեղում, ենթարկեցին թուրքերի յարձակմանը և բարբարոսաբար սպանեցին: Ստրաժնիկները փախան ազատեցին:

Այս արտակարգ սպանութիւնը մեծ յուզմունք առաջ բերեց ինչպէս Սիսիանում, այնպէս էլ Գորիսում և նրա շրջականներում:

Յուզմունքի այս փոթորկոտ միջոցին, օգոստոսի 17-ին, Գորիսի արևելեան բլուրների լանջերի վրա իջան Քեարիմբէկլուի, Քիւրդ-Մամադտուի քոչւորները: Այդ միևնոյն ժամանակ լուր հասաւ, որ յիշեալ քոչւորներն իրենց հետ տանում են թուրք կնոջ զգեստ հագցրած Նախիջևանի գաւառի հինգ հայ գերի կանանց:

Հայերը քոչւորներին խուզարկեցին, բայց ոչինչ չը գտան. նրանց մի մասը ծոել էր ճանապարհը և ուրիշ կողմով անցել գնացել. այդ հանգամանքը բացատրեց գերի հայ կանանց փախցնելու դիտումով:

Քոչւորները, որոնք խուզարկութեան միջոցին ոչ մի դիմադրութիւն, ոչ մի դժգոհութիւն ցոյց չը տւին, ճանապարհ ընկնելով Խնձորէսկ գիւղի հանդից քշեցին գիւղի նախիրը. հայերը դուրս եկան յետ խլելու. պրիստաւ Վօսկրեսենսկին համարելով այդ բանը սուտ, կրակ բացել տւեց հայերի վրա, որից սպանեց 25 տարեկան մի երիտասարդ՝ Սաչատուր Աբէլեան անունով. հայերը յետ քաշեցին: Քոչւորները խրախուսած այդ բանից, շարունակելով

իրենց ճանապարհը, բռնեցին և բարբարոսաբար սպանեցին դաշտերում աշխատող 11 գիւղացիների և անցորդ չորս բեռնակիր հայերի, բոլորը 15 հոգի և շտապով անցան Կնայցին:

Գորիսի շրջանում յուզմունքն աւելի ևս մեծացաւ մանաւանդ, երբ տեղ հասաւ Շուշում բռնկւած ընդհարման լուրը: Քուշուրները շարժեցին սարերից՝ մեծ խմբերով. տեղացի թուրքերը բոլորովին երես առան: Մինքէնդի կողմերից յուսահատական լուրեր հասան:

Հայերը դրութեան լրջութիւնը նկատելով դուրս բերին ինքնապաշտպանութեան խմբեր. նոյնն արեց նաև Գորիսը—ոստիկանութեան այդ կենտրոնավայրը: Ի՞նչ արած, երբ կառավարութիւն, ըստ երևոյթին, գոյութիւն չունէր և հրապարակը թողնւած էր ուժերի չափւելուն:

Եւ ահա օգոստոսի 18-ին տեղի ունեցաւ մի նոր անցք:

Այդ օրը Համգալու գիւղացի Նիւֆթալի-բէկը—Մինքէնդի գրագիր ճիւղա Շամիրի հայրը—15 զինւած թուրք ընկերներով գալիս էր Գորիս: Դեռ քաղաք չը մտած դիրքերում եղող զինւած տղաները՝ կասկածելով դրանց վրա, արգելեցին քաղաք մտնել. թուրքերը չուզեցին դառնալ, որից և առաջ եկաւ ընդհարում ու խիստ հրացանածգութիւն, որը դադարեցնելու համար ազմինխատրացիան ոչ մի միջոց ձեռք չառաւ: Այդտեղ սպանեցին Նիւֆթալի-բէկը և նրա մարդկանցից երկուսը, իսկ հայերից երկու երիտասարդներ—Փաշան և Բախշին:

Այս դէպքն արդէն բոլորովին յուզեց մտքերը. թուրք բէկերը, որոնք դեռ ևս մարտ ամսին ծրագրած ունէին յարձակելու հանքերի Ուղուրչայ բազարի վրա և կողոպտել, այս անգամ բացարձակ հրապարակ եկան. դրանցից ամենամեծ յանդգնութիւն ունեցողը Իլդրիմ-բէկ Սուլթանովն էր, որն ահագին հրոսակախումբ կազմած օգոստոսի 20-ին թէ 21-ին գորիսեցիներին ուլտիմատու մի ձևով մի արտասովոր պահանջագիր ուղարկեց, որով պահանջում էր. 1) Գորիսից դուրս թողնել թուրք բնակիչներին, 2) ազատ ճանապարհ տալ քուշուրներին, 3) հեռացնել Գորիսի դիրքերից հայ զինւած տղաներին և 4) վճարել 10,000 ռ. դրամ:

Եւ այսպիսի մի անպատկառ առաջարկութիւն Ռուսաստանի մէջ, ոռու պրիստաւ Եաւորսկու միջոցաւ, անում էր մի քաղաքի մի հրոսակապետ, և այսպիսի բանակցութեան միջամտում էր ինքը գաւառապետ Աւալիանին, կատարելով այդ հրոսակապետի

մի այլ քմահաճոյքը, արձակելով բանդից մի քանի թուրք բանդար-  
կեալների, նախ քան նրանց պատժի ժամանակամիջոցի լրանալը:

Գորիսում եղող թուրքերը բաց թողնեցին, քոչի ճանապարհը  
առաջ էլ բաց էր. ինչ վերաբերում է հայ զինւած տղաներին  
դիրքերից վայր բերելուն և 10,000 ռ. տուգանք տալուն, ի հարկէ,  
չը կատարեցին: Այլ կերպ լինել չէր էլ կարող, որովհետև հէնց  
այդ դիրքերի շնորհիւ Գորիսն ազատ մնաց Իլդրիմ-բէկի յարձա-  
կումից, թէև թուրք խուժանը գնաց անպաշտպան Մինքէնդում և  
նրա բախտակից մի քանի գիւղերում իր զազանացած հակումներին  
գոհացում տալու, ինչպէս այդ կը տեսնենք մի փոքր յետոյ:

Գորիսի շրջանի վրա մենք երկար կանգ չենք առնի, որով-  
հետև այդտեղ խոշոր մասսային ընդհարումներ տեղի չունեցան.  
Իսկ մասնակի դէպքեր, իչնպէս էին սեպտեմբերի 12-ին Այնախլու  
կոչւած տեղում խնձորեսկցիներ՝ Ա. Մուսայէլեանցի և Շափաղաթ  
Բաղէեանցի սպանելը և չոկտեմբ. 17-ին Հին-Գորիսի 2 հայ չօ-  
բանների մորթումելը ու 400 ոչխար քշելը, նրանք այնքան  
շատ են, որ մի առ մի առաջ բերելը թէ ձանձրալի է և թէ նոյն  
իսկ անհնարին:


Միայն մենք կարձանագրենք այն աղէտը, որին հնթարկեց  
Քարահունջը:

Ներկայ 1906 թ. սեպտեմբեր ամսին կօզակների կողմից  
նշանակւած Լկզեկուցիայի պատճառով գիւղը վճարեց 1500 ռ.  
տուգանք. դրանից երկու անգամ աւելի մեծ գումար ծախք դրեց  
150 կօզակի 12 օր շարունակ կերակրելու և հազար ու մի պահանջ-  
ները կատարելու համար: Բացի այդ, ժողովուրդը գիւղից փախաւ,  
դադարդիւն ընկաւ, սարսափահար եղած կօզակների գալուց և  
այնքան ժամանակ չը վերադարձաւ գիւղ, մինչև որ կօզակները  
գիւղում տարածւած տիֆի պատճառով չը հեռացան:

Այս աղէտի պատճառը հետևեալն էր: Աւազակների մի գըլ-  
խաւոր, ընդհարումներին ուժ տւող և հայերի համար մի չարիք  
դառած մազմազակցի Ռանլար-բէկը սեպտեմբերի 6-ին բանդից  
ազատելով՝ երկու ստրաժնիկներ առած Քարահունջի սահմանի  
մօտով տուն էր վերադառնում: Մի քանի անգամ բանդ մտած  
և ազատւած այդ չարագործ բէկի վերջին արդարացումը շատ  
ծանր տպաւորութիւն թողեց մի քանի երիտասարդների վրա,  
որոնք հետևելով նրան՝ Քարահունջի մօտ գնդակահար արին: Ահա

այդ անմասն յանցանքի համար Քարահունջը ենթարկւեց մի բարբարոս էկզեկուցիայի:

Այսպիսի հոգատար ազմինիստրացիայի աչքի առաջ տեղի էին ունեցել մինքէնդեան բարբարոսութիւնները իրենց սրտաճրմլիկ տեսարաններով և անցել գնացել անպատիժ կերպով:



# ԿՈՏՈՐԱԾԸ ՄԻՆՔԷՆԴՈՒՄ

19—22 ՕԳՈՍՏՈՍԻ 1905 թ.

Մինքէնդը թուրքախառն մի գիւղ է 145 տունն թուրք և 85 տունն հայ բնակիչներով, ընկած Գօրիսից գէպի հիւսիս 35 վերստ հեռաւորութեամբ, Քէշտազ գետի վրա մի բլրապատ հարթ տեղում:

Մինքէնդի հայերը 1844 թւին գաղթել են այդտեղ Ջնձորէսկ գիւղից:

Հայերն ունէին լաւ տներ՝ յաճախ երկու յարկանի և թիթեղեայ տանիքով: Նրանք պարապում էին երկրագործութեամբ, անասնապահութեամբ, մասամբ և առևտրով: Ունէին 21 խանութ զանազան տեսակի ապրանքներով. ունէին նաև դպրոց իր յատուկ շէնքով, ուր սովորում էին նոյն իսկ թուրք մանուկներ:

Ահա այս գիւղի հայ ժողովրդին վիճակած էր մի անօրինակ մարտիրոսագրութիւն իր անօրինակ բարբարոսութիւններով:

Այն հանգամանքը, որ Մինքէնդը ընկած էր հեռու հայաբնակ շրջաններից և շրջապատւած բազմաթիւ թուրք գիւղերով, այդտեղի հայերի դրութիւնը վտանգաւոր դարձաւ հէնց այն օրից, երբ մայիսին Նախիջևանի գաւառում տեղի ունեցան թուրքական զազանութիւնները. այնպէս որ դեռ ևս յունիսին նշմարեող յուզմունքների պատճառով, երբ գաւառապետ Աւալիանին կօզակներով դուրս եկաւ գաւառը շրջագայելու, Մինքէնդ հասնելով այնտեղի հայերը դիմեցին նրան խնդրելով՝ կամ կօզակներ տայ գիւղի պաշտպանութեան համար և կամ թոյլ տայ իրենց գիւղից քոչելու: Գաւառապետը թոյլ չը տւեց գաղթելու, այլ թողնելով 25 կօզակ նրանց պաշտպանութեան համար, անցաւ գնաց: Բայց մի քանի օրից յետոյ կօզակները յետ կանչւեցին, իսկ նրանց փոխարէն այդտեղ եկաւ պրիստաւ Սադդ-բէկ Մէլիք-Ասլանովը, որը և եղաւ Մինքէնդի ոճիրների նիւթողը:

Մինքէնդի հայերի դրութիւնը միանգամայն վտանգաւոր դարձաւ օգոստոսի սկզբներում, երբ տեղի ունեցան Պաշէնի ձորակի դէպքերը, մանաւանդ երբ Մուղանլու, Պալաճ, Օվչար կոչւող թարաքեամաները եկան իրենց վրանները խփեցին Մինքէնդի դաշտում:

Այդ ժամանակ գաւառապետ Աւալիանին գնացել էր Փչանխա գիւղը այդտեղ թուրքերի ձեռքով խնածախցի անտառապահ Ասատուր Մարտիրոսեանի սպանութեան գործը քննելու: Փչանխից գաւառապետը վերադարձաւ Մինքէնդի վրայով, ուր հայերը վճռած լինելով ինչպէս էլ լինի քոչել այդտեղից, նորից դիմեցին նրան. խնդրեցին, աղաչեցին, նոյն իսկ կախ ընկան նրա փէշերից՝ պահանջելով տալ կօզակներ ուղեկցելու իրենց մինչև հայ գիւղերը: Աւալիանին այս անգամ էլ թոյլ չը տուց և փոխանակ լուրջ միջոցներ ձեռք առնելու, կանչեց թարաքեամաների տանուտէրերին և պատէրներ տուց նրանց չը դիպչել հայերին, համոզելով վերջիններին չը շարժել իրենց տեղից և ապահով լինել: Հայերից մի քանիսը չը բաւականացած գաւառապետի կարգադրութիւններով, երբ երիխաների ձեռքից բռնած փորձեցին թողնել գիւղը, օգտուելով նրա ներկայութիւնից, գաւառապետը կօզակներով կանգնեցրեց նրանց: Ահա այս բոլորից յետոյ միայն գաւառապետը թողեց հայերի պաշտպանութեան համար 15 կօզակ և մի օր յետոյ ուղարկեց Գօրխից նորից 25 կօզակ, կարգադրած լինելով հեռացնել քոչւորներին Մինքէնդի շրջականերից, բայց պրիստաւ Սադղ-բէկը ոչ միայն քոչւորներին չը հեռացրեց Մինքէնդի սահմաններից, այլ և կօզակների մեծ մասն ուղարկեց Շալվա և Օվչար, Մինքէնդում թողնելով միմիայն 14 հօգի:

Այս դրութիւնը շարունակեց մի քանի օր ևս, մինչև որ տեղի ունեցան Շուշու և Գօրխի դէպքերը, որոնք Մինքէնդի շրջանում նոր յուզմունքներ առաջացրին:

Օգոստոսի 19-ին Մինքէնդի հայերը՝ նկատելով բացարձակ յուզմունքներ թուրքերի կողմից, քոչելու մի նոր փորձ արին. պրիստաւի մօտ ուղարկեցին գիւղի ծխատէր քահանայ Տէր-Յակովբ Տէր-Մինասեանին, որը մեզ պատմեց հետևեալը:

«Երբ ես մտա պրիստաւի սենեակը, մի սարսուռ անցաւ իմ հրակների միջով. այնտեղ հաւաքւած էին մի քանի յայտնի թուրքեր, բոլորը յուզւած, գրգռւած, ոճրագործի դէմքերով: Այդտեղ էր շուշեցի

Շահմար-բէկ Կօչարլինսկին արտասուալի աչքերով, ձեռքին մի նամակ, որով Շուշուց հաղորդում էին նրա եղբոր սպանման մասին: Այդտեղ էր բայինդուրցի Ամրաստան Մաշադի-Մուրադ օղլին, որը գանգատուում էր գօրիսեցիների ձեռքով իր, իբր, 5 ազգականների սպանման առիթով: Իմ ներս մտնելը այնպիսի շփոթութիւն առաջ բերեց նրանց մէջ, որ այլ ևս ինձ մէջ կասկած չը մնաց, որ այդ ժողովում ծրագրուում էր մի ինչ որ դժոխային գործ: Իմ դիմումը ոչ մի հետեանքի չը հասցրեց. պրիստաւ Սադդ-բէկը սկսեց հրդեհել, հաւատացնել, որ մեղ ոչինչ չի պատահի, որ մենք կարող ենք հանգիստ լինել: Չը նայած այդ բոլորին, հս դուրս եկայ ինձ ճնշող այդ սենեակից այն խորին համոզմունքով, որ այդ ժողովում ծրագրուում էր Մինքէնդի սոսկալի կոտորածը: Եւ իմ հնթադրութիւնը կատարւեց»:

Ահա քահանայի պատմութեան այդ նոյն օրում, օգոստոսի 19-ի երեկոյեան, գիւղի այն կողմում, ուր սովորաբար գիշերում էին հայերի ոչխարները, հրացաններ պայթեցին և երեք սուրու ոչխար թուրքերը փախցրին: Հայերը դուրս եկան հաւարի, բայց կարողացան յետ բերել միմիայն երկու սուրուն. մէկը տարան թուրքերը:

Յաջորդ օրը նորից քահանան դիմեց պրիստաւին և տալով նրան 100 ռ., խոստացաւ 1000 ըուրլի ևս, միայն այն պայմանով, որ ոչխարը յետ բերէր և իրենց պաշտպանէր: Ի հարկէ, պրիստաւը փողը գրպանը դրեց, բայց ոչխարը յետ չեկաւ. ինչ վերաբերում է պաշտպանութիւն ցոյց տալուն, այսքանը միայն յայտնի է, որ հէնց այդ նոյն օրը, օգոստոսի 20-ի երեկոյեան, գիւղը պաշարւեց թարաքեամաներով հրացանների որոտների հետ միաժամանակ:

Առաջին անգամ գիւղը պաշտպանելու համար հայերի հետ միասին փողոց դուրս եկան թէ կօզակները և թէ ստրաժնիկները, բոլորը միասին 32 հօգի. սակայն այդ մի ստոր խաղ էր պրիստաւի կողմից. մի փոքր այս և այն կողմը վազվզելով ներս քաշւեցին թէ պրիստաւը, թէ կօզակները և թէ ստրաժնիկները: Դաւադրութիւնը կատարեալ էր: Թէև հայերը մի կարճ ժամանակ դիմադրեցին, բայց ապարդին: Շուտով գիւղի միւս ծայրից լուր հկաւ, որ թուրքերն արդէն ներս խուժեցին և կողոպտեցին Գարբիէլ Օհանեանի և Իւան Հայրապետեանի խանութները, որ



սպանւեցին Սարգիս Հայրապետեանը և Առաքել Բաղամեանը, որ սկսեցին կողոպտել նաև տեղացի քիրւա թուրքերը: Յուսահատութիւնը տիրեց հայերին: Նրանցից որը իրեն ձգեց իր ծանօթ թուրքի մօտ և որն էլ այս ու այն կողմը փախաւ, սարերն ընկաւ: Թուրք խուժանը բոլորովին ազատութիւն գտնելով՝ ամբողջ գիշերը կողոպտեց թէ խանութները և թէ տների մեծ մասը:

Օգոստոսի 21-ի առաւօտեան թարաքեամաներին միացան նաև տեղացի թուրքերը և սկսեցին կողոպուտը նոր թափով՝ միւլենոյն ժամանակ սպանելով պատահած հայերին: Յարձակւեցին նրանք Էդիլեանի տան վրա և սրի քաշեցին ամբողջ ընտանիքը՝ 7 հոգուց բաղկացած: Յարձակւեցին և սրախողխող արին փողոցում պատահած հայերին—թւով 13 հոգի, այնպէս որ, օգոստոսի 21-ի առաւօտեան Մինքէնդի փողոցներում ընկած էին արդէն 22 դիակ:

Եւ մինչդեռ թուրք խուժանը գազանացած ուզում էր յարձակել և պահւած տեղերից դուրս բերել հայերին և կոտորել, մի բարի թուրք—Սաֆար-Ալի-բէկ Մաշադի-Արդիլ-բէկ օղլին—այդ կոտորածի առաջն առնելու նպատակով մի սուտ ննարեց, բարձրաձայն աղաղակելով—«ոռւսաց և հայոց զօրքերն եկան. փախէք քանի շուտ է»: Այդ աղաղակը նպատակի ծառայեց. խուժանը փախաւ և առ ժամանակ կոտորածը դադարեց, մինչև որ օգոստոսի 22-ին Գօրիսից հասաւ մի օֆիցեր 45 կօզակներով, որը սկսեց հաւաքել թագնւած և այս ու այն տեղ ցրիւ եկած հայերին:

Սակայն այդ ըրոպէին էլ հանգիստ չառաւ ոճրագործ պրիստաւը. նա պատճառ բռնելով Ողնավարում սկսած ընդհարումը, օֆիցերին կօզակների հետ միասին յաջորդ օրը, օգոստոսի 23-ին, ուղարկեց Ողնավար:

Երբ հայերն այդ իմացան, մի մասը գիւղից փախաւ, իսկ մնացեալ մասը պատասպարւեց այսպէս կոչւած «Забэжін» տանը:

Ահա այդ տան վրա էլ յարձակւեց խուժանը—բաղկացած թարաքեամաներից, Մօլլա-Ահմադտու գիւղի և տեղացի թուրքերից, բայց այս անգամ գրագիր Շամիրի առաջնորդութեամբ, որը Շաւլա գիւղում լսելով իր հայր Նիւֆթալի-բէկի սպանման լուրը, մի օր առաջ Մինքէնդ եկաւ իր բարեկամ պրիստաւ Սադղ-բէկի խորհրդով հօր վրէժը լուծելու համար:

«Забэжін» տան բակում տեղի ունեցաւ մի չր տեսնւած, չը

լւած բարբարոս գործողութիւն: Մի առ մի բակը դուրս բերին այդտեղ պատսպարւած մարդկանց, կանանց և երեխաներին անխտիր, աւելի քան 200 հոգի, և սկսեցին սրբորով, կացիններով և հազար ու մի բութ գործիքներով կոտորել անխնայ. դրանցից շատ քչերն ազատեցին: Գազանացած խուժանը այդտեղ կատարեց այն բոլոր քստմնելի գործողութիւնները, որպիսին ընդունակ է երևան հանելու մոլեղնած ամբոխը:

Թշուառ մարդկանց տանջանքներն աւելի ևս տևողական դարձրնելու համար, նախ քան մահացնելը, մաս մաս կտրատում էին նրանց մարմնի անդամները: Այդ ձևի տանջանքների ենթարկեցին՝ 20 տարեկան Պաշտուր Դաւթեանը, 60 տարեկան պառաւ Մանուշակ Հայրիեանը, որի նախ ծծերը կտրատեցին և ապա ձեռքերը:

22 տարեկան Համբարձում Գալստեանի մազերից բռնելով՝ կոկորդը կտրեցին ճիշտ այնպէս, ինչպէս «ղասաբը»՝ ոչխարի գլուխը:

65 տարեկան Աննա Դաւթեանցին և նրա երեք թոռներին — վեց տարեկան Գիւլնշանին, հինգ տարեկան Սառանին և չորս տարեկան Անդրէասին մէկը միւսի ետև շարքով կանգնեցնելով՝ Ջարայիլ Շախաւարովը փորձեց մի գնդակի հարւածով չորսին միանգամից սպանել:

Մանուշար Գրիգորեանի յղի կնոջ՝ Նաւումի փորը պատուեցին և երեխան սրի ծայրին մեխած դուրս բերին արգանդից:

Բայց քանի քանի սրանցից աւելի սոսկալի տեսարաններ տեղի ունեցան, սակայն որոնց անուն անուն առաջ բերելը անկարելի էր:

Այսպիսով Մինքէնդի 696 բնակիչներից միմիայն 456-ը կարողացան, որը վիրաւոր և որն էլ սարսափից մաշած, կմախք դարձած, փախչել, ազատուել. մնացեալ 240-ը չը կային: Նրանցից յայտնի սպանւածների թիւը 196 էր, որոնց անունների ցանկը բերում ենք գրքի վերջում, իսկ 44-ը անյայտացած և գերի էին տարւած, որոնցից 5 հոգու կարելի եղաւ ազատել օգոստոսի 28-ին Շուշու մօտ քոչւորների ձեռքից, գլուխներն արդէն թուրքի ձեւով ածիլած:

Մինքէնդի նիւթական կորուստին չափ չը կար. նրանք կորցրել էին ամենը, ամենը. թուրքերը տարել էին 590 կով, եզ,

գումէշ, 1423 ոչխար, 149 ձի, էշ, ջորի, 1290 գորգ, 688 կապերտ, 182 ջէջիմ, 688 ջվալ, 344 թաղիք, 172 պղնձէ կուժ, 457 պղնձէ ամաններ, 1290 անկողին, 65 ինքնահո, 14 կարի մեքենայ, 6520 բուբ. արծաթեղէն, 2700 ր. ոսկու և արծաթի զարդարանքներ, մեծաքանակ իւղ, պանիր, ալիւր, ցորեն, գարի և այլ մթերքներ: Բացի այդ, նրանք կորցրել էին 21 խանութի ապրանք, 85 գեղեցիկ շինութիւններ և ահագին դաշտավայրեր՝ հնձած ցորենի և դարու դէզերով:

Ահա այս բոլորը ձգեց մինքէնդցին և գնաց, այլ ևս չը վերադառնալու համար, այլ ևս չը տեսնելու այն տեղը, որը եղել էր նրա հարազատների սպանդանոցը:

Նա գնաց տնակեր, քաղցած, բազմաթիւ զոհերով և վշտաբեկ սրտով, բայց նրան տանջում էր աւելի շատ այն հանգամանքը, որ ոճրագործները չէին պատժւում, որ նրանք, ընդհակառակը, խրախուսանքներ էին գտնում պաշտօնեաների կողմից:



# ԸՆԴՀԱՐՈՒՄՆԵՐՆ ՈՒ ԱԻԵՐՈՒՄՆԵՐԸ ԽՈՋՆԱ- ՎԱՐ, ԽՆԱԾԱԽ, ԶԷՅՎԱ, ԱԼԻՂՈՒԼԻ ԵՒ ՀԱՐԱՐ ԳԻՒՂԵՐՈՒՄ

ՕԳՈՍՏՈՍԻՑ ԴԵԿՏԵՄԲԵՐ 1905 թ.

Այս հինգ գիւղերը ճիշտ և ճիշտ այն պայմաններում էին գտնուում, ինչ պայմաններում որ գտնուում էր Մինքէնդը: Սրանք ընկած են միմեանցից հեռու հեռու, հայաբնակ շրջաններից կտրուած, թուրք տարրերով շրջապատուած, իսկ առաջին երեքը նաև թուրքախառն են:

Դրանցից Սոգնավարը, որը գտնուում է Մինքէնդից դէպի հարաւարևելք մօտ 15 վերստի վրա, ունէր 80 տուն հայ և 40 տուն թուրք բնակիչ:

Քնածախը՝ ընկած Սոգնավարից դէպի հարաւարևելք 4 վերստի վրա, ունէր 188 տուն հայ և 50 տուն թուրք բնակիչ:

Զէյվան՝ որը գտնուում է Մինքէնդից դէպի արևելք 10—12 վերստի վրա, ունէր 25 տուն հայ և 100 տուն թուրք բնակիչ:

Ալիղուլին՝ \*) ընկած Մինքէնդից դէպի արևելք 15 վերստ հեռաւորութեամբ, Հագար գետի վերին հոսանքի մի փոքր ճիւղի վրա, Մաղաւուզի ձորում, զուտ հայաբնակ գիւղ էր և ունէր 100 տուն բնակիչ:

Հարարը նոյնպէս զուտ հայաբնակ էր և ունէր 135 տուն բնակիչ, սակայն նա ընկած էր աւելի հեռու, աւելի վատ տեղում, այն է՝ Հագար գետից դէպի արևելք Զիրբայիլի գաւառի սահմանների մօտ մէն մենակ:

Վերջին երկու գիւղերը շրջապատուած են միապաղպղ, անհանգիստ թուրք տարրերով:

\*) Այս անունը չը պէտք է շփոթել Գօրիսի շրջանի Ալիղուլի գիւղի անուն հետ. այս անունով հայաբնակ գիւղեր Բուն-Չանգեզուրում երկուսն են:

Առաջին երկու գիւղերը նոյնպէս շրջապատուած են թուրքերով, սակայն նրանց մէջ առանձնապէս աչքի էին ընկնում որպէս աւազակարարոյ գիւղեր Բայինդուրը և համանուն ձորակի մի շարք զըլաղները, որոնք մեծ դեր էին խաղում ինչպէս Մինքէնդի, այնպէս էլ միւս գիւղերի վրա տեղի ունեցող յարձակումների մէջ, միևնոյն ժամանակ վտանգաւոր դարձնելով Շուշի-Գօրիսեան խճուղին:

Ահա այսպիսի պայմանների մէջ հասկանալի է, թէ ինչ վիճակ ստեղծեց յիշեալ գիւղերի համար այն օրից, երբ Մինքէնդը մի սոսկալի սպանդանոց դառնալով հանդերձ, գլխաւոր ոճրագործները դեռ շարունակում էին պաշտօնների մէջ մնալ:

Եւ իսկապէս, այս գիւղերի շուրջը յուզմունքներ նկատելի դարձան դեռ ևս օգոստոսի 16-ից սկսած, իսկ բուռն մասսայական յարձակումներ տեղի ունեցան Մինքէնդի կոտորածի հետ միաժամանակ:

Թէ ի՞նչեր անցան ու դարձան այդ հինգ գիւղերի գլխով օգոստոսի 20-ից մինչև 24-ը, այդ աւելորդ ենք համարում մանրամասն առաջ բերել. մենք կարձանագրենք միմիայն այն փաստացի տեղեկութիւնները, որոնք բնորոշում են աւերումների չափը:

Նախ պիտի ասենք, որ այս հինգ գիւղերում այնպիսի կոտորած, որպիսին մենք տեսանք Մինքէնդում, տեղի չունեցաւ: Նախ՝ Հարար գիւղը անձնատուր եղաւ և թոյլ տւեց խուժանին կողոպտելու եղած չեղածը առանց դիմադրութեան: Ձէյվա գիւղից ժողովուրդը փախաւ նախ քան մեծ յարձակումը, իսկ մնացեալ երեք գիւղերը կանոնաւոր դիմադրութիւն ցոյց տւին: Եւ երկրորդ՝ այս գիւղերը բախտաւորութիւն ունեցան դուրս մնալու պրիստաւ Սաղղ-բէկերի պաշտպանութիւնից: Լինէին այս գիւղերում մի մի Սաղղ-բէկեր, թերևս արիւնը աւելի մեծ չափով հոսէր, քան նոյն իսկ Մինքէնդում:

Չը նայած այս բոլորին, այս հինգ գիւղերը, այնուամենայնիւ, ազատ չը մնացին կողոպտւածներից և հրդեհումներից:

Հինգ օրւայ կոիւններից յետոյ Խոզնավար գիւղը ունենալով նաև կօզակների պաշտպանութիւնը, կարողացաւ յետ մղել յարձակումները, պատճառելով թուրքերին մեծ կորուստներ: Տեղացի թուրքերը, մեծ մասամբ բէկեր, որոնք և ծրագրել էին յարձակումները, ստիպւած եղան փախչել գիւղից, որոնց տները հայերի ձեռքով հրդեհւեցին: Սակայն կորուստներ ունեցան նաև հայերը:

Նախ քան թուրքերին բոլորովին հալածելը, նրանց ձեռքով կողոպուտեցին 60 տուն, որից 30-ը նաև հրդեհեցին: Խոզնավարում հայերից սպանեցին 12 մարդ. դրանք էին՝ Սարգիս Աւանէսեանը, 45 տար., Եսխշի Պետրոսեանը, 30 տ., Իսաջան Շափաղաթեանը, 25 տ., Մատթէոս Ղուկասեանը, 28 տ., Փարսի Մանուչարեանը, 65 տ., Գրիգոր Մատթէոսեանը, 65 տ., Առաքել Մատթէոսեանը, 55 տ., Աւանէս Մէլքոնեանը, 45 տ., Առաքել Պետրոսեանը, 50 տ., Ասուածատուր Գրիգորեանը, 18 տ., Արգիս Աստամեանը, 33 տ. (խելագար) և մի անդամալոյծ օրիորդ, 40 տարեկան:

Մնածախը՝ շորհիւ և իր դիրքերի և տոկուն դիմադրութեան, ազատ մնաց կողոպուտներից և հրդեհից, թէև ընդհարումների ժամանակ ունեցաւ վեց զոհ:

Ձէյվան ունեցաւ 5 զոհ և բացի այդ՝ ենթարկեց կողոպուտի, կորցնելով ունեցած գոյքի կէսից աւելին և քոչեց գիւղից, այլ ևս անկարող լինելով ապրել այդտեղ:

Ալիդուլին պաշարեց տեղացի և քոչուր թարաքեամանների մի անագին խուժանով, բայց երկու օր նա կարողացաւ հերոսաբար դիմադրել, մինչև որ Գօրիսից զօրք հասաւ. թէև մինչև այդ գիւղի մեծ մասն արդէն կողոպուտել էր և հրդեհեւ: Չօրքերի գալով թուրքերը յետ մղեցին մեծ կորուստներով: Հայերն ունեցան բաւական թւով սպանուածներ, որոնց ցուցակը բերւած է գրքի վերջում:

Չր նայած կուի այսպիսի վախճանին, հայերն այդ գիւղում ապրել այլ ևս անհնարին համարելով, ձգեցին ամեն ինչ և դուրս եկան մի այլ տեղ բախտ որոնելու:

Բոլորից վատթար վիճակ ունեցաւ թշուառ Հարարը, այդ կորած մոռացած գիւղը: 135 տուն ժողովուրդը կողոպուտեց մինչև վերջին թելը, վերջին ասեղը: Ապա նա գերի ընկաւ շրջապատող թուրքերի ձեռքը: Խեղճ հայեր, օրեր շարունակ նրանք ապրում էին մահւան սարսափի, բարոյական և հոգեկան տանջանքների տակ. նրանք կտրւած դրսի աշխարհից, չը գիտէին, ինչ էր կատարուում դուրսը, չը գիտէին, որպիսի վախճան սպասում է իրենց: Եւ երբ այդ բոլորից յետոյ զօրք գնաց նրանց ազատելու, նրանք չէին հաւատում իրենց աչքերին: Ինչպէս դահճի սրից փախածը, նրանք հեռացան այդ ծանօթ վայրերից, այլ ևս չը վերադառնալու պայմանով, գնացին մի այլ տեղ ապաստան փնտռելու: Հարարն ունեցաւ բաւական մարդկային զոհեր, որոնց ցուցակը

նոյնպէս բերւած է գրքի վերջում:

Ահա, այս բոլորը կատարել վերջացել էր, երբ օգոստոսի 31-ին Գօրիս ոտ դրեց նոր նշանակւած գեներալ-նահանգապետ Պրինց Նապալիօնը և սեպտեմբերի 1-ին ուղարկեց փոխարքային մի ընդարձակ հեռագիր, որից առաջ ենք բերում հետեւեալ քաղաքաժողովը:

«Երևանի և Նախիջևանի դէպքերի ազդեցութեան տակ յարաբերութիւնը մահմեդականների և հայերի մէջ զսպւում էին գաւառապետի ձեռքով և անհատական դէպքերով էին արտայայտւում: Շուշու դէպքերը խիստ ապիտացիա առաջացրին հայերի դէմ թափառականների մէջ Զանգեզուրի գաւառի սէյդիների և մի քանի ազդեցիկ անձերի կողմից: Այս բանի հետեւանքն հղաւ այն, որ թափառականները վճռեցին իջնել իրենց քոչատեղերից և ճանապարհին, վրէժ առնելու համար, թալանել հայոց գիւղերը: Շուշու և Զաւադի գաւառների թափառականների մի խումբ, որ տուն էր դառնում Մինքէնդի միջով օգոստոսի 20-ից լոյս 21-ի գիշերը, յարձակեց գիւղի վրա, թալանեց և այրեց, սպանելով 17 հայերի, յետոյ ուղեւորեց դէպի Ալիդուլիշէն, ուր հասաւ օգոստոսի 24-ին և տեսաւ, որ այդ գիւղն արդէն պաշարել են Զանգեզուրի գաւառի երեք հասարակութիւնների ընակիչները. գիւղը թալանեց, իսկ 24 տներ հրդեհեցին: Օգոստոսի 25-ին Գօրիսից վրա հասած գաւառապետին յաջողեց ցրել թափառականներին և թուրքերին, բայց նոյն այդ օրը երկրորդ փորձ արեց պաշարելու գիւղը, չը նայած որ գիւղում գտնւում էր գաւառապետը 70 կօզակներով: Այդ փորձը չը յաջողեց, հրացանաձգութեան ժամանակ սպանեցին մի կօզակ, 7 հայ, շատ մահմեդականներ»:

«Դեռ օգոստոսի 22-ին այն գիւղերի պաշտպանութեան համար, որոնք գտնւում են թափառականների վերադարձի ճանապարհին, գաւառապետն ուղարկել էր պահապանների օֆիցերին 63 կօզակների և ստրամբիլների հետ Մինքէնդ գիւղը, որն արդէն մի անգամ ենթարկւել էր յարձակման: Այստեղ օֆիցերը տեղեկութիւն ստացաւ, որ թափառականները յարձակւել են Սոզնավար գիւղի վրա: Պրիստաւ Մէլիք-Ասլանովը օֆիցերին խաբեց, ասելով, որ Մինքէնդին նոր վտանգ չէ սպառնում, ուստի օֆիցերը մի քանի մարդկանց հետ պրիստաւին թողնելով այդ գիւղում, մնացածներին վերցրած օգոստոսի 23-ին գնաց խոզնավարցիներին

ազատելու: Նրա հեռանալուն պէս Մինքէնդի մահմեդականները յարձակեցին հայերի վրա, կոտորեցին մօտ 140 մարդ և վիրաւորեցին 40 հոգի: Այս բոլորը տեղի ունեցաւ պրիստաւի աչքի առաջ, որը ոչ միայն աջակցութիւն ցոյց չը տւեց, այլ նոյն իսկ չը յայտնեց օֆիցերին յարձակման մասին, որի պատճառով գաւառապետն իսկոյն հեռացրեց նրան պաշտօնից, մինչև դատաստանական պատասխանատուութեան ենթարկելը»:

Հեռագիրը փոխարքային ուղարկելուց յետոյ Նապալիօնն այցելելով Մինքէնդ, Պոզնաւար և Ալիզուլի գիւղերը, խստութեամբ կարգադրեց յետ պահանջել բոլոր կողոպուտները, բանդարկել անմիջապէս զլիսաւոր չարագործներին, էկզեկուցիայի ենթարկել յարձակուածներին մասնակցող գիւղերը, հեռացնել գիւղից Մինքէնդի թուրքերին և հայերին բերել համախմբել մի տեղում:

Պիստ մխիթարական էին հայերի համար Նապալիօնի կարգադրութիւնները և անաչառ վերաբերմունքը դէպի բարբարոսները:

Բայց միամիտ էր մարդասէր, ասպետ Ֆրանսիացին. նա կարծում էր, թէ ինքը կարող է արցունքներ սրբել և վշտեր ամոքել: Նա պահանջում էր արդար հատուցումն ոճրագործներին և նիւթական բաւարարութիւն կողոպուածներին:

Այդ նոյնը նա ծրագրել էր նաև Նախիջևանի և Շարուր-Դարալագեզի գաւառների նկատմամբ, բայց սեպտեմբերի 18-ի Երևանի երրորդ ընդհարումը մի ժամում ճնշող Նապալիօնը թողեց Չանգեզուրի, ինչպէս և Երևանի նահանգապետութեան պաշտօնը և հեռացաւ, ասպարէզը տալով գեներալ Տակայշվիլուն, որը հիմնովին ըմբռնած լինելով այդ պաշտօնի իմաստը կովկասի իրականութեան մէջ, ինչպէս Շուշի, այնպէս էլ Չանգեզուր ոտ դնելով՝ մեղադրեց հայերին, բանդարկելով Գօրիսում 10 հոգու, Տեղ գիւղում՝ 15 հոգու, մինչդեռ զլիսաւոր չարագործների, այն է՝ պրիստաւ Սադղ-բէկի, գրագիր Շամիրի և Իլդրիմ-բէկի մասին չարեց և ոչ մի կարգադրութիւն:

Եկաւ անագին յոյսեր խոստացող Նապալիօնն էլ և գնաց, սակայն իրականութեան մէջ ոչ մի փոփոխութիւն չը մտաւ. կառավարութեան վրա յոյս դնելն անմտութիւն էր. սեփական միջոցներին պէտք էր վստահել: Այս թելադրում էր իրականութիւնը և այժմ էլ աւերել սկսեցին հայերը, այդ համարելով միակ միջոցը թուրք անգիտացած մասսային զսպելու համար: Իսկ առիթներ որ-



քան կամենայիք. օր չը լինէր, որ թուրքական յարձակում տեղի չունենար այս և այն գիւղի սահմանների և նախիրների վրա:

Սեպտեմբերի 22-ին Բայինդուր գիւղի թուրքերը՝ գլուխ անցած Բայինդուր ձորակի մի շարք գիւղերի խուժանին, նորից յարձակում գործեցին Սոգնավարի և Խնածախի վրա, չը կարողանալով մոտանալ այն գոհերը, որ նրանք ունեցել էին օգոստոսեան յարձակումների ժամանակ: Երկու օր տևող կռիւր վերջացաւ թուրքերի պարտութեամբ. այս անգամ հայերը շրջականերից բաւական օգնութիւն ստանալով մի ուժեղ հակաշարձակումով խուժեցին թուրք գիւղերի վրա և այրեցին ու աւերեցին՝ Բայինդուրը, 50 տ., Հալաքը, 35 տ., Բինաբերին, 15 տ., Քօսալարը, 25 տ., Մալիբէկլուն, 50 տ., Ջաղազուրը, 40 տ., Չայլուն, 10 տ., Քեալավալախը, 25 տ. և Նովրուզլուն, 15 տուն բնակիչներով: Այս գիւղերից առաջին երեքը կողոպտեցին, որոնց տներից դուրս հանւեցին բաւականաչափ իրեր Մինքէնդի հայերից կողոպտած. իսկ միւս գիւղերի ժողովուրդները կարողացան փախչել՝ տանելով իրենց հետ գոյքերը:

Ահա այս գիւղերի մեծ մասը մինչև այժմ էլ աւեր է:

Սակայն ընդհարումները սրանով էլ չը վերջացան:

Դեկտեմբերի 15-ին Հաջիլար գիւղի թուրքերը յարձակեցին և Սոգնավարի սահմաններից քշեցին 100-ի չափ տաւար, իսկ նախըրչուն կենդանի բռնեցին ու տարան: Խնածախը օգնութեան գնաց և պաշարեց Հաջիլարը, որի ժամանակ հայերից վիրաւորւեցին 7 հոգի, իսկ թուրքերից սպանւեցին 5-ը:

Սոգնավարը յարձակման ենթարկւեց նորից յունիսի 7-ին, ապա՝ յունիսի 24-ին, որի ժամանակ թուրքերի ձեռքով սպանւեց հայ պրիստաւ Բագրատ-բէկ Ասիրովը, և ապա՝ յուլիսի 6-ին, որի ժամանակ թուրքերը քշեցին գիւղի նախիրը:

Յուլիսի 6-ին յարձակման ենթարկւեց նաև Խնածախը, բայց այս անգամ մալիբէկլուեցի աւազակ Նադի Հուսէին օղլու ղեկավարութեամբ, սակայն որի ժամանակ հայերի գնդակներից սպանւեցին՝ ինքը—աւազակ Նադին, Սարիբէկ Բէկլար-բէկ օղլին, Իսա Օրուջ-Ալի օղլին և երկու այլ թուրքեր: Սոստանը յետ փախաւ. գիւղը մնաց անվնաս:



# ԵՐԿՈՒ ՁԷՁԻՄԼՈՒՆԵՐԻ ԱՒԵՐՈՒՄԸ

ԴԵԿՏԵՄԲԵՐ 1905 Թ.

Փօրիսից դէպի հիւսիսարեւելք 15 վերստ հեռաւորութեան վրա գտնուում են չորս հայաբնակ գիւղեր, այն է՝ Արաւուսը, Քարաշէնը, Կորնձորը, իրենց կենտրոնում ունենալով 700 տնից բաղկացած Տեղ գիւղը՝ յայտնի հացահատիկների մշակութեամբ: Սրանք ընկած են մի ընդարձակ սարահարթի վրա, բաւական հեռու խիտ թուրքաբանակ վայրերից: Միմիայն Կորնձորից հարաւ ընկած են մի քանի թուրք գիւղեր, որոնց թւում նաև երկու Ձէջիմլուները, մէկը՝ 102, իսկ միւսը 26 տնից բաղկացած:

Հայ գիւղերի այս խմբակը՝ համեմատած միւս խմբակներին, կարելի է ասել, ազատ մնաց խոշոր ընդհարումներից. սակայն նա ազատ չը մնաց մասնակի յարձակումներից: տեղի էին ունենում նախիրներ քշելու դէպքեր և անհատական սպանութիւններ, որոնց զոհերը յաճախ աւելի զգալի էին լինում, քան նոյն իսկ մի խոշոր ընդհարումը:

Այսպէս, սեպտեմբերի 22-ին կորնձորցի 36 ճամբորդներ թաթլու-Պարայում ենթարկւեցին Բաղր-բէկլու, Թաթ-Պարա, Սիւմուքլու և Իւղանիս գիւղերի թուրքերի յարձակման. զրանցից 8 հոգին - Կարապետ և Մարտիրոս Արրահամեանները, Բաղդասար Պետրոսեանը, Յարութիւն Յովհաննիսեանը, Կոստանդին Բախշիեանը, Աղասի Մկրտչեանը, Պետրոս Մարտիրոսեանը և Շափաղաթ Գրիգորեանը սպանւեցին՝ ամբողջ գիւղը թողնելով սգի մէջ:

Մասամբ այս և մասամբ այն բանի շնորհիւ, որ այս գիւղերը իրենց բաւական ուժեղ էին զգում, իրաւունք համարեցին խախտել հայ ժողովրդի կուլտուրական կենցաղին վայել զրացիական ներողամտութիւնը՝ յարձակելով և աւերելով երկու Ձէջիմլու գիւղերը, վրդովւած վերջիների կողմից կատարւած մի երկու աւազակային գործողութիւններից:

Ձէջիմուռները սիւննիներ էին և բնականաբար աւելի մեղմ բարքերով սնւած, քան շիաները. սակայն այդ հանգամանքը չարգելեց նրանց ընկնել կողոպուտների հմայքի ազդեցութեան տակ և օգտուել առիթից, որն և եղաւ նրանց աւերման պատճառը:

Կորնձորի և միւս գիւղերի հանդերից ջէջիմուռեցիները մի քանի անգամ տաւար գողացան, սակայն նրանք հասարակ գողութիւններով չը բաւականացան: Դեկտեմբերի 17-ին յարձակեցին և Տեղ գիւղի հանդից քշեցին նախիրը. ահա այս եղաւ առիթ, որ և հայերը իրենց հերթում յարձակեցին երկու Ձէջիմուռների վրա. Փոքր-Ձէջիմուռն բոլորովին կողոպուտեց, իսկ Մեծ-Ձէջիմուռի ժողովուրդը կարողացաւ փախչել, տանելով իր հետ գոյքի մեծ մասը. տները ենթարկեցին կողոպուտի և աւերման:

Բարբարոս միջավայրը կարճ ժամանակի ընթացքում վայրենի հակումներ ներշնչեց նաև խաղաղ հայ ժողովրդին, որը յաճախ ինքնամոռացութեան մէջ չէր քաշուում թափառական կիսավայրենի ցեղերին յատուկ հակակուլտուրական դործողութիւններ կատարելուց:

Սրանք փաստեր էին, տխուր փաստեր, որոնց չարձանագրել մենք չէինք կարող, որքան էլ այդ անհաճոյ լինէր շատերին:



# ՂԱՐԱՂՇԼԱՂԻ ԸՆԴՀԱՐՈՒՄՆԵՐԸ

1905 թ. ՍԵՊՏԵՄԲԵՐԻՑ — 1906 թ. ՓԵՏՐՎԱՐ

Գօրիսը Շուշու հետ կապած է մի երկար խճուղիով, որը մի քմահաճ ելևէջներով ձգւում է լեռնանցքերի, ձորերի ու հովիտների միջով, երբեմն բարձրանալով կատարների վրա և երբեմն իջնելով մթին ձորերի յատակը:

Այդ խճուղին Շուշուց դէպի հարաւ անթիւ բլուրների և ձորերի կողերը տաշիւով և 20 վերստ տարածութիւն ակօսելով մի ոլորապտոյտ գծով հասնում է Ղարարաղի լեռնաշղթայի ամենաբարձր, միևնոյն ժամանակ գաւառի սահման կազմող գծին, ուր շինւած է առաջին կայարանը — Թթու-Ջուրը կամ Լիսագօրը: Այդտեղից նոյնպիսի ոլորապտոյտ մի ակօս իջնում է մի խորունկ ձոր, որի միջով հոսում է Հագար գետը և նորից մի վերելք կազմելով, ձգւում է դէպի Տեղ գիւղը և ապա Գօրիս:

Այդ խճուղին իր ամբողջ երկարութեամբ ունի 90 վերստ, իսկ Շուշուց մինչև հայաքնակ Տեղ գիւղը 70 վերստ տարածութիւն:

Ահա այդ երկար ուղին ձգւում է թուրքաքնակ գիւղերի սահմաններով, որի շնորհիւ նա սովորական ժամանակ էլ համարւում է անապահով:

Ի՞նչ կը լինէր այդ գծով ճանապարհորդող հայերի դրութիւնը հայ-թուրքական ընդհարումներից յետոյ, դժւար չէ երևակայել:

Այդ ճանապարհը ընդմիշտ փակւած կը մնար հայերի համար, ինչպէս Աղզամինը. նա կը դառնար թուրք հրոսակախմբերի համար մի ընդարձակ ասպարէզ արշաւելու դէպի Շուշի, որն առանց այն էլ ապրում էր աւազակաբարոյ Զարսլու և Սալֆալու թուրք գիւղերի սարսափների տակ և վերջապէս կ'ընդհատէր յարաբերու-

թիւնը Շուշու և Գօրիսի մէջ, մի անտանելի կացութիւն ստեղծելով Զանգեզուրի հայ ժողովրդի համար, եթէ միայն մի խոչնդոտ չը լինէր:

Այդ խոչնդոտը Ղարաղլաղն էր, միակ հայ գիւղը այդ 70 վերստ տարածութեան վրա. միակ հայ գիւղը այդ կորած սարերի և ձորերի մէջ, շրջապատուած բազմաթիւ թուրք լեռնաբնակ ցեղերով:

Ահա այդ խոչնդոտը մէջտեղից վերացնելու համար տեղի ունեցան մի շարք բազմամբոխ յարձակումներ Շուշու ընդհարման օրերից սկսած:

Ղարաղլաղը կամ Ղալաղարասին, այժմ 600 տնից բաղկացած այդ մեծ գիւղը, գտնուում է Թթու-Ջրից մի քանի վերստ դէպի Հազար գետի ձորը, անմատչելի բլուրների վրա: Նա նման չէ հայաբնակ միւս գիւղերին՝ սղմուած, կուչ եկած, այլ նա տարածուած է հպարտ գագաթների վրա մի անօրինակ վստահութեամբ, կազմելով աւելի քան 20 մանր ու մեծ թաղեր:

Շահնաբար (Սաղսաղան) գագաթից փոքր ինչ ցած, խճուղուց դէպի արևելք, ձորի յատակից մի անօրինակ ըմբոստութեամբ բարձրացած մի բլուրի վրա, որպէս սրաթև արծիւր, բազմած է Ղարաղլաղի կենտրոնական մասը, 300 տնից բաղկացած:

Դրանից 2 վերստ դէպի հարաւ ընկած է երկրորդ մեծ հատուածը՝ մօտ 100 տնից բաղկացած—Քեօհնա-Շէն անունով, իսկ դէպի արևմուտք խճուղու հակառակ կողմի վրա ընկած է երրորդ հատուածը՝ 80 տնից բաղկացած—Եղծեւոզ անունով: Այսուհետև գալիս են մի երկար շարք անուններ, այն է՝ 1) Սարէն-Գիւմեր, 12 տ., 2) Կանաչ-Թալահ, 15 տ., 3) Տշուոզ, 10 տ., 4) Քրզեկէն-Չոր, 8 տ., 5) Խէրխան, 9 տ., 6) Փոքր-Խէրխան, 12 տ., 7) Շոռէն-Թալահ, 7 տ., 8) Չորան-Գիւնէյ, 15 տ., 9) Թաւան-Աւի, 8 տ., 10) Առման-Աւոզ, 5 տ., 11) Հգիզոզ, 8 տ., 12) Պիժախութ (Բժշկաբլուր), 4 տ., 13) Ազարա-Գիւմրատեղ (Ազարի գոմերի տեղ), 7 տ., 14) Իլանանց, 6 տ., 15) Բլլավար, 6 տ., 16) Աօզլու-Փէկէ (Աօզլուի գոմ), 8 տ., 17) Թումասեռ, 10 տուն: Սրանք, այս մանր թաղերը, փուլած են ամբողջ 15 վերստ տարածութեան վրա, ըմբոստ քերծերից և կուրծքերից կախ ընկած, կուսական այդ վայրերին իշխելու մի արտասովոր վստահութեամբ: Սրանք կատարեալ աուլներ են, հայկական աուլներ, աղքատ բնութեան,

բայց ազատ կատարներին հետ ամուր կապած, կենցաղի և բարքերի կոպիտ ձևերով, բայց լեռնականին յատուկ պարզութեամբ ու քաջութեամբ, շնորհիւ որի նա այսօր կարողացել է իր գոյութիւնը պահպանել և Շուշի-Փորխեան խճուղին անվտանգ դարձնել:

Ահա այս արժևի բունը քանդելու համար սեպտեմ. 20-ին, Բաղր-Բէկլու, Ունաննաւ և Սաֆիան գիւղերի թուրքերը միացած՝ առաջին անգամ յարձակում գործեցին Ղարաղլաղի Քեօհնա-Շէն գիւղի վրա: Կռիւն երկար չը տևեց. քաջ զարաղլաղցին մի հակա-յարձակումով յետ քշեց թուրքերին մինչև Բաղր-Բէկլու, որտեղից ժողովուրդը փախաւ՝ գիւղը թողնելով հայերի ձեռքին, կողոպուտի և հրդեհի բաժին:

Յարձակումն աւելի մեծ ուժով կրկնեց այդ գէպքից երեք օր անց: Այս անգամ կռիւն աւելի ծանր էր և տևողական: Թուրքերը հրդեհեցին 20—30 հատ գոմեր, մինչև անգամ մօտեցան գիւղի սահմաններին, բայց Քեօհնա-Շէնին օգնութեան հասան նոյն իսկ հեռաւոր թաղերի հայերը և յետ մղելով յարձակումը՝ խուժեցին թուրք գիւղերի վրա: Սակայն վրա հասաւ գաւառապատ Աւալի-անին գօրքով և ազատեց թուրք գիւղերն աւերումից:

Այս կուում հայերից սպանեց մէկ հոգի, Սահակ Սարուխանեանցը, երկու հոգի էլ վիրաւորեցին. իսկ թուրքերն ունեցան շատ գոհեր, որոնց թւում նաև բէկեր:

Երրորդ մեծ յարձակումը տեղի ունեցաւ դեկտեմբերի 28-ին. այս այն միջոցին էր, երբ Շուշում և Ասկէրանի շուրջը թշնամական յարաբերութիւնները նորից սուր բնաւորութիւն էին ստացել: Այս անգամ յարձակմանը մասնակցում էին շատ հեռու տեղերից եկած, այն է՝ Հաջի-Սանլու, Բազարգուզ, Սէյիդտար, Արարու և այլ գիւղերի թուրքեր: Ղարաղլաղը պաշարեց միաժամանակ մի քանի կողմերից: Այս կռիւը տևեց մի ամբողջ օր կատաղի ուժով. կատաղի կռիւ տեղի ունեցաւ մանաւանդ Սարօբաբ սարի շուրջը, ուր դիրք էին գրաւել թուրքերը. բայց այս յարձակումը նոյնպէս յետ մղեց և հայերն առաջ գնալով՝ աւերեցին Քեարահուզ և Ունաննաւ գիւղերը, առաջինը՝ մեծ չափով հանդերձ սպանութիւններով, իսկ երկրորդը՝ փոքր չափով:

Այս կուի ժամանակ հայերն ունեցան երեք վիրաւոր, իսկ թուրքերն անյայտ քանակութեամբ սպանաւածներ:


Չորրորդ մեծ յարձակումը, դարձեալ անյաջող վախճանով,

տեղի ունեցաւ փետրվար ամսին Եղծեւոյ գիւղի վրա, որի ժամանակ թուրքերից սպանեց ի միջի այլոց ջաղագուրցի Մօլլա-Գէիւշը, իսկ հայերից մի հոգի՝ Ալէքսան Միքայէլեանը:

Յարձակումներ տեղի ունեցան մի քանի անգամ ևս, բայց ամեն անգամ էլ անյաջող հետևանքներով:

Սակայն Ղարաղլաղի շուրջը տեղի ունեցող ընդհարումները այսքանով չէին սահմանափակոււմ. նա թէև ազատ մնաց մասսայական խուժումներից, բայց ազատ չը մնաց գաղտագողի սպանութիւններից: Բաւական զարաղլաղցիներ սպանեցին և կենդանի գողացեցին Շուշու ճանապարհին Ջարսլուի թուրքերի ձեռքով. նման պախարակելի գործողութիւնների, հնարաւոր եղած դէպքում, դիմում էր նաև զարաղլաղցին: Այս ձևի սպանութեան մայիս ամսում զո՛հ գնացին 13 զարաղլաղցի պատանիներ, որոնք դուրս գալով ձօպօր աղբիւրի մօտ զբօսանքի, միասին ընկան գազանացած թուրքերի սրերով. այդ պատանիներն էին՝ Աբրահամ, Սարուխան, Պօտրուս, Սահակ, Թիւնի, դարձեալ Թիւնի, Բախշի, Դանիէլ, Առստամ, Միրզա, Ղարա, Մանիա և Ասլան:

Չը նայած այս բոլորին, մինչև այսօր էլ զարաղլաղցին իր ազատ լեռների տէրն է, և իր քաջութեամբ պատկառանք ազդելով շրջակայ անհանգիստ թուրք տարրերի վրա, հնարաւորութիւն է տալիս հայերին երթևեկելու Շուշի-Գօրիսեան խճուղիով ազատօրէն:



# ԸՆԴՀԱՐՈՒՄՆԵՐԸ ՏԱԹԵՒԻ ՅՐՋԱՆՈՒՍ

ՅՈՒՆՎԱՐԻՑ—ՕԳՈՍՏՈՍ 1906 թ.

Գործիսից դէպի հարաւ, Որոտան գետի ձախ ափին, միմեանցից հեռու հեռու յաջորդաբար ընկած են՝ Եայիջի, Հայիձոր, Շընհէր և Խոտ գիւղերը, իսկ գետի աջ ափին՝ Երիցաթումբը. ապա գետից դէպի հարաւ, բաւական բարձր լեռների կուտակումների մի վիթխարի սարահարթի վրա, անդնդախոր մի ձորի ժայռոտ եզերքին շինւած է հռչակաւոր Տաթևի վանքը իր օրիգինալ շարժուն սինով: Իսկ վանքի շրջապատում խորունկ ձորակներով միմեանցից բաժանւած ընկած են համանուն Տաթև, Սևարանց և Տանձատափ գիւղերը: \*)

Տաթևից դէպի հարաւարեւելք 7 վերստի վրա բացւում է Զայ-Չամին ձորակը համանուն գետակով, որը գնում խառնւում է Բարգիւշատ (Որոտանի ստորին հոսանք) գետին:

Այդ ձորակի մէջ ընկած են մի շարք թուրք գիւղեր, այն է՝ Աղւանին, 25 տ., Տանձաւերը, 50 տ., Մաճը, Քիւրդ-Ղալան, Շամսուզը:

Տանձաւեր գիւղը պատկանում է Սուլթանով բէկերին, որոնք ահագին դեր խաղացին Զանգեզուրի հայ-թուրքական ընդհարումների մէջ, ինչպէս այդ տեսանք Գործիսի դէպքերի ժամանակ:

\*) Տաթևից ցած, Որոտան գետի վրա, գտնւում է հռչակաւոր Սատանի-Կամուրջը, բնութեան հրաշալիքներից մէկը: Դարերի ընթացքում կրային բաղադրութիւն ունեցող ջուրը բարձր ժայռերից կաթկաթելով աստիճանաբար քարացել է (СТАРАКТИՄ), աճել, մեծացել այն աստիճան, որ միացնելով փրփրող, աղմկող Որոտան գետի երկու խորխորատ ափերը, կերտել է մի արտասովոր կամուրջ, որի կառուցւածքի բացատրութիւնը բնութեան խորհուրդներին անգիտակ նախնական մարդը անկարող լինելով գտնել, վերագրել է այդ ստատանային, անւանելով նրան «Սատանի-Կամուրջ»:



Տաթևից մի ճանապարհ Տանձաւեր և Աղւանի գիւղերի սահմանով անցնում է դէպի Ղափան:

Ահա այս ճանապարհը յիշեալ թուրք գիւղերի պատճառով վտանգաւոր դարձաւ դեռ ևս 1905 թ. գարնան ամիսներէից. իսկ յուլիս ամսից երթեկեկութիւնը միանգամից դադարեց, մանաւանդ Ինջաբէլի կոչւած տեղում թուրքերի ձեռքով Կաւարտ գիւղացի Կոստի Աղայեանի սպանութիւնից յետոյ: Թուրքերը իրենց նպատակին հասան. երկու շրջանների մէջ յարաբերութիւնները երկար ժամանակով ընդհատեցին:

Այսքանով չը բաւականացած, յունվարի 4-ին թուրքերը մեծ ուժով յարձակեցին Երիցաթումը գիւղի վրա:

Տաթևի շրջանում բոլորից թոյլ և հեռու ընկած գիւղ համարուում էր Երիցաթումը: Չը նայած այդ բանին, թուրքերը յետ փախան մի քանի սպանւածներ տալով, որոնց թւումն էր սէյթաղեցի յայտնի աւազակ Ղարան:

Սակայն նախ քան այս, դեկտեմբերի վերջերին Սիսիանում տեղի ունէին խոշոր ընդհարումներ հանդերձ երկու կողմերի բազմաթիւ զոհերով: Աղողի և Վաղողի գիւղերի մօտ տեղի ունեցած ընդհարման ժամանակ ընկել էր Սիսիանի սիրելին—Ստեփանեանը իր ընկերներով. այդ դէպքը հայաբնակ շրջաններում մեծ յուզմունք առաջ բերեց:

Ահա յուզման այս տպաւորութեան տակ Տաթևի շրջանի հայերը դեկտեմբերի 29-ին յարձակում գործեցին Նայիջի գիւղի մօտ գտնուող Գիւրդտար թուրքաբնակ գիւղի վրա: Թուրքերը մի կարճ դիմադրութիւնից յետոյ փախան՝ տալով բաւականաչափ զոհեր: Գիւղը ենթարկեց կողոպուտի և ապա հրդեհեց, որը մինչև այժմ էլ աւերակ է:

Այս գիւղի աւերման որևէ պոռթ մենք չը գտանք. սպանութիւնների և աւերումների վարակիչ ախտը մի տարերային ուժով հայերին ևս մղել էր դէպի մի բարբարոս գործողութիւն, մի դատապարտելի շահատակութիւն:

Այս շրջանում թուրքական մի յարձակում տեղի ունեցաւ նաև յուլիս ամսին: Այս յարձակման մէջ էլ ղեկավարողի դեր ստանձնել էին Աղւանի և Տանձաւեր գիւղերը: Յարձակումը ուղղւած էր Տանձատափի Մալդաշ կոչւած բինաների վրա, որտեղից թուրքերը քշեցին 100 զլխից աւելի ոչխար և հրդեհեցին

բինաները: Այս դէպքից յետոյ Ղափանի ճանապարհը, որով նոր նոր սկսել էին հայերը երթեկեկել, նորից փակւեց և տանձատափ-ցիների համար ստեղծւեց մի ծանր դրութիւն. նրանք անկարող էին դուրս գալ դէպի արօտատեղիները և իրենց հանդերը:

Այս դրութիւնը ստիպեց հայերին պատրաստուել և օգոստոսի 8-ին յարձակուել նախ Աղւանիի և ապա Տանձաւերի վրա: Թուրքերը մի կարճ դիմադրութիւնից յետոյ փախան, կռի տեղում թողնելով 9-ը դիակ, որից յետոյ երկու գիւղերն էլ աւերւեցին և հրդեհւեցին, որոնք մինչև այժմ էլ աւերակ են:

Տանձաւերը աւերելուց յետոյ Ղափանի ճանապարհը բացւեց, երթեկեկութիւնը սկսեց, բայց մանր մունր յարձակումներն, այնուամենայնիւ, չը դադարեցին:

Օգոստոսի 20—25-ին նոյն Մալղաշի բինաների մօտից թուրքերը քշեցին տաթևացիներից մի քանի տաւար:



# ԸՆԴՀԱՐՈՒՄՆԵՐԸ ՄԻՍԻԱՆՈՒՄ

ՅՈՒՆԻՍԻՑ—ԴԵԿՏԵՄԲԵՐ 1905 Թ.

Միսիանը ընկած է Զանգեզուրի գաւառի հիւսիսարեւմտեան մասում Որոտան (Բազար-Չայ) գետի բազմաճիւղ ակունքների և նրա վերին հոսանքի վրա, մի լեռնոտ և խորդ ու բորդ արտաքինով, որը, թէև գուրկ անտառներից, սակայն հարուստ ջրերով և սիրուն հովիտներով, ներկայացնում է հացահատիկների մշակութեան համար արդիւնաւէտ մի վայր:

Ամբողջ Միսիանում կան 20 հայաբնակ գիւղեր, որոնցից բուն Միսիանում գտնւում են 14-ը. սրանցից 5-ը, այն է՝ Ղալաջըղը, Անգեղակոթը, Շաղաթը, Մազրան և Բալաքը ընկած են Որոտանի վերին խառնւածքների վրա. իսկ առանձնապէս Ղալաջըղը ընկած է հեռու, վտանգաւոր մի տեղում:

Մնացեալ գիւղերը, այն է՝ Ղարաքիլիսան, Ուզը, Տուլորսը, Բոնակոթը, Ալիլուն, Աղբէնդը, Թազաքէնդը, Բնունիսը և Ախլաթեանն ընկած են Որոտանի մի փոքր ստորին հոսանքի և նրա երկու ճիւղերի, այն է՝ Միսիան և Այրի-Չայ գետակների հովիտների վրա:

Միսիանի այս մասը իր տեսքով անմասն է: Սալվարդի, Ղըզըլքիլիսայի և Ելլիջայի բարձունքները աստիճանաբար փուելով փուելով գալիս միանում են, կազմելով մի գեղեցիկ աւազան գեղածիծաղ յատակով, որի սիրուն լանջերի, ձորակների և դաշտավայրերի վրա խնամւում են օւզիսի պէս այս և այն տեղ ընկած գիւղերը: Աւազանի յատակը զանազան ուղղութիւններով ակօսում են փոքրիկ գետակներ, աւելի ևս գեղեցիկ դարձնելով Ելլիջայի գագաթից ձեր առաջ բացւող այդ հմայիչ աւազանը:

Միսիանի մնացեալ 6 գիւղերը, այն է՝ Շինաթաղը, Լորը,

Գետաթաղը, Դարաբասը, Լծէնը և Շամբը մի շարքով ընկած են Բուն-Սիսիանից գէպի արևելք, Դարաբաս ձորակի մէջ, որը հիւսիսային ուղղութեամբ գնում խառնում է Որոտանի ձորակին:

Սիսիանը չորս կողմից շրջապատւած է բազմաթիւ մանր ու մեծ թուրքաբնակ գիւղերով, որոնց մէջ իրենց անհանգիստ բնակութեամբ աչքի են ընկնում—Շաղաթի մօտ՝ Շուքեարը, Թազաքէնդի մօտ՝ Զօմարդտուն, Ախլաթեանի մօտ՝ Շխլարը, Ալիլուի մօտ՝ Սիսիանը,\*) Ուզի և Ղարաքիլիսայի մօտ՝ Աղոդին և Վազոդին:

Բացի այդ, Սիսիանի լեռները սամաուայ ամիսների ընթացքում բռնած են լինում ահագին թւով թափառական ցեղեր, որոնք տեղական թուրք տարրերի հետ միասին կազմում են մի վտանգաւոր մասսա:

Ահա մօտաւորապէս այն պայմանները, որոնք լուսաբանում են Սիսիանում տեղի ունեցած խոշոր ընդհարումների հնարաւորութիւնը:

Զանգեզուրի գաւառում հայ-թուրքական ընդհարումը առաջին անգամ արձագանք գտաւ Սիսիանի շրջանում, և այդ շնորհիւ այն բանի, որ նա սահմանակից էր Նախիջևանի գաւառին, ուր մայիս ամսին այնպէս մեծ չափով արտայայտութիւն գտան թուրքական դազանութիւնները:

Եւ իսկապէս, առաջին ընդհարումը տեղի ունեցաւ Նախիջևանի գաւառին սահմանակից երկու գիւղերում և այդ այն ժամանակ, երբ այդ գաւառի այս և այն տեղում խռովութիւնները դեռ ևս շարունակուում էին:

Յունիսի 25-ին Արիկլու գիւղացի աւագակ Մուրթուզը իր խմբով յարձակւեց Շաղաթ գիւղի նախրի վրա և ուզեց քշել, բայց գիւղից, ինչպէս և Մազրայից հասած օգնութեան շնորհիւ կարելի եղաւ նախիրն ազատել: Աւագակ Մուրթուզին օգնութեան եկան Սալվարդ շլթայի վրա չւած էլիաթից Ուսուբլու, Ահմադալար, Քեարիմըկկլու և այլ ցեղեր, որոնց շնորհիւ կոխն աւելի մեծ ծաւալ ստացաւ: Շուտով հայերին օգնութեան հասան նաև Ալիլու գիւղից և ուժեղ կոխը շարունակւեց մինչև երեկոյ, որի ժամանակ հայերից վիրաւորւեցին 5 հոգի, իսկ թուրքերից սպան-

---

\*) Սիսիան անունը գաւառամասից բաց իրեն վրա կրում է նաև մի թուրքաբնակ գիւղ:

ւեցին մօտ 10 հոգի: Չը նայած այս բանին, թուրքերը, այնուամենայնիւ, կարողացան տանել Մազրայից 90 գոմէշ և Շաղաթից՝ երկու հարիւրի չափ գառներ: Իսկ հայերը յարձակւեցին և աւերեցին Ուսուբլուի օբան: Ահա այդ ժամանակ Գեօմուրից եկաւ մի հարիւրեակ կօզակ և կռիւր դադարեց, թէև հայերն իրենց կենդանիները յետ ստանալ չը կարողացան:

Այս ընդհարումից անցաւ մօտ երկու ամիս, մինչև որ օգոստոսի 16-ին Ուշթափալարի մօտ Աղոդի և Վաղոդի գիւղերի սահմաններում թուրքերի ձեռքով սպանւեցին չորս հայ բէկերը— Սաֆրազբէկեանները և Մէլիք-Թանգեանները:

Ինչպէս Գօրիսի դէպքերի նկարագրութեան ժամանակ էլ տեսանք, այդ չորս բէկերի սպանութիւնը մեծ յուզումնք առաջ բերեց ամբողջ Սիսիանում:

Բէկերի սպանութիւնից յետոյ տեղի ունեցան Շուշու և Գօրիսի դէպքերը, որոնց մանրամասնութիւնները աւելի ևս գունաւորւած կերպով հասնում էին Սիսիան և մտքերը յուզում:

Ահա այս յուզումնքների ժամանակ, օգոստոսի 22-ին, Ուսուբլուի և Ահմադալարի օբաները սարից իջնելով՝ վրանները խրփեցին Բոնակոթ գիւղի մօտ: Բոնակոթցիք առաջօրէն իմացած լինելով, որ այդ օբաները իրենց հետ տանում են Գարալագեօզի Մարտիրոս գիւղից փախցրած ոչխարի սուրուն, մօտեցան և գրաւեցին ոչխարը, որը միւս ոչխարներից միանգամայն տարբերում էր իր տեսակով—պոչաւոր դմակով: Ոչխարների գրաւումը տեղի ունեցաւ առանց մի որևէ միջնադէպի. կառավարութեան միջամտութիւնը վերջացաւ նրանով, որ Մարտիրոս գիւղից եկան մի քանի մարդիկ և ճանաչեցին իրենց ոչխարները:

Այս դէպքի պատճառով թուրքերի մէջ նշմարուող շարժումը ծաւալ չը ստացաւ. նրանք չը վստահացան յարձակումներ գործել, նկատելով հայերի մէջ դիմադրութեան համար բաւականաչափ ուժ:

Այսպիսով խաղաղութիւնը այս շրջանում մի առ ժամանակ ևս կարելի եղաւ պահպանել, բայց ոչ ընդ միշտ. թուրքերը ճանապարհների վրա կատարեցին մի շարք սպանութիւններ, որոնք առաջ բերին նոր յուզումնքներ:

Անհատական սպանութիւններ աւելի ևս յաճախակի դարձան նոյնիմբերի սկզբներում: Մի շարաթւայ մէջ Մալիքլար թուրք գիւղի սահմաններում սպանւեցին և անհետ կորան դաւաջըրցի նա-

խըրչիներ, չորաններ և բեռնակիրներ թւով 6 հոգի:

Նոյն ձևով վարւեցին նաև հայերը:

Նոյեմբերի 22-ին անյայտացաւ Արաւուս գիւղի սէյիդ Ադի-գեօզալը: Այս դէպքը ամենից շատ յուզեց Սիսիան գիւղի թուրքերին, որոնք թէև գտնուում էին Աղքէնդ, Ալիլու, Թազաքէնդ, Տուլորս հայ գիւղերի մէջտեղ, այնուամենայնիւ, փորձեցին սէյիդի վրէժը լուծել:

Սէյիդի անյայտացման դէպքից մի օր անց, նոյեմբերի 23-ին, Սիսիան գիւղի դիմաց երկու թաղաքէնդցի բեռնակիրներ թուրքերի կողմից յարձակման ենթարկւեցին: Սրանք բեռները թողնելով հազիւ կարողացան փախչել, ազատւել: Յարձակողները չը բաւականացած դրանով՝ ընկան փախչող հայերի յետևից մինչև Թազաքէնդի մօտ. Սիսիանից սկսեց խուժումը դէպի այդ գիւղը:

Սիսիանը, պէտք է ասած, բաւական մեծ գիւղ է, մօտ 200 տուն բնակիչներով և յայտնի է որպէս անհանգիստ վայր: Ահա այդ անհանգիստ սիսիանցիներով պաշարւեց Թազաքէնդը երկու կողմերից: Գիւղի ծայրում հրդեհւեցին մի քանի դէզեր, հրացանների որոտը սարսափ տարածեց գիւղի վրա. կին ու երեխաներ մի անօրինակ վայնասուռով, ոտաբորիկ, գլխաբաց սկսեցին փախչել դէպի Ալիլու գիւղը, բայց տղամարդիկ մնացին և կարողացան գիւղն ազատել աւերումից:

Սիսիանը դրանով չը հանգստացաւ. հայերի վայնասուռը և Ալիլու փախչելը խրախուսեց նրան: Երեք օր անց, նոյեմբերի 26-ին, Թազաքէնդը նորից ենթարկւեց յարձակման. այս յարձակումը ծրագրւած էր Ջօմարդտու և մի երկու այլ գիւղերի մասնակցութեամբ, թէև նա չիրականացաւ: Թազաքէնդցիներն նախատեսելով մի այդպիսի յարձակում, նախօրօք կին ու երեխաներին տեղափոխելով Ալիլու, միւս գիւղերից օգնութիւն խնդրեց, շնորհիւ որի նա այս անգամ մի հակայարձակում գործեց: Թուրքերը փախան կորուստներով, 8 հոգի նրանցից ընկան միմիայն մի դիրքում, որ գրաւած ունէին նրանք Ալիլուի ճանապարհի մօտ մի քարափի մէջ: Եւ ապա հայերը սիրտ առած այդ յաջողութիւնից գնացին Սիսիանի վրա:

Թուրքերը ուժեղ դիմադրութիւն ցոյց տւին, բայց շուտով բաւական զոհեր տալով քաշւեցին գիւղի կենտրոնում ցցւած բլու-

րի վրա. մի հինաւուրց բերդի մնացորդների մէջ\*), որից յետոյ գիւղում սկսեց կողոպուտն ու աւերը:

Հայերը յետ չը մնացին թուրքերից գազանութիւնների մէջ. նրանք հրդեհեցին 50-ի չափ տներ, քշեցին 6—700 տաւար ու ոչխար և շարունակում էին կողոպուտը, երբ վրա հասաւ զօրքը և գնդակների ուժով մաքրեց գիւղը կողոպտող հայերից:

Սիսիանի, այդ անհանգիստ գիւղի կորուստը շատ մեծ էր. բացի նիւթական վնասներից, նա ունեցել էր 50-ից աւելի սպանւածներ և վիրաւորներ: Զոհեր տւին նաև հայերը. գլխաւորապէս կօզակների գնդակներից ընկել էին, Թազաքէնդից՝ Աւօ Կոստանեանը, 30 տ., Ալիլու գիւղից՝ Արշակ Գալստեանը, 25 տ., Եսայի Պօղոսեանը, 25 տ., Գրիգոր Գրիգորեանը, 38 տ., Մովսէս Յակովբեանը, 25 տ., Լևոն Սահակեանը, 25 տ., Մազրա դիւղից՝ Գէորգ անունով 26 տ. մի երիտասարդ, Բոնակոթ գիւղից՝ Գաբրիէլ Մէլիք-Թանգեանը, 45 տարեկան և մի երկու էլ մեզ անյայտ անուներ:

Ահա այս խոշոր ընդհարումից յետոյ շրջանը մի առ ժամանակ խաղաղեց, բայց ոչ երկարատև:

Սիսիանի ճանապարհը դէպի Գօրիս ձգւում է Աղոզի և Վաղոզի գիւղերի վրայով. հասկանալի է, թէ այդ երկու անհանգիստ գիւղերի մօտով ներկայ պայմաններում ինչ կը նշանակէր ճանապարհորդել: Անմեղ հայ ճամբորդներ այդ ճանապարհի վրա շատ են սպանւել, բայց կատարւում էին և յանդուգն սպանութիւններ. ձեզ օրինակ 4 հայ բէկերի սպանութիւնը, որոնց ուղեկցում էին նոյնի իսկ երկու ստրաժնիկներ: Դրանից աւելի յանդուգն մի սպանութիւն տեղի ունեցաւ դեկտ. 23-ին. զօրիսեցի մի սայլապանի, ուրը երկու կօզակների ուղեկցութեամբ տեղափոխւում էր մթերք զօրքի համար, խլեցին թուրքերը կօզակների ձեռքից և սպանեցին:

Այս և սրա նման մի քանի սպանութիւններ այդ ճանապարհը հայերի համար դարձրին միանգամայն անանցանելի: Քսան գիւղերի մի ամբողջ ժողովուրդ ստիպւած էր ճանապարհը ծոել, բարձրանալ սարերի վրա, մտնել ձորերի յատակը, իջնել Որոտան

---

\*) Տեղացիները այդ բերդի պատմութիւնը կապում են Սիւնեաց Վասակ իշխանի անւան հետ:

գետի խորխորասները, մագլցել այդ աղմկող, որոտացող գետի անմատչելի կողերն ու ժայռերը Գօրիս երթևեկելու համար: Այս մի ճանապարհ էր վտանգների հետ կապւած, ուր մի փոքրիկ անզգոյշ քայլը խորխորատ կը տանէր քեզ էլ, ձիուդ էլ: Այսպիսի ճանապարհ կը համաձայնէր անցնել խեղդւած, նեղն ընկած ժողովուրդը միայն: Մօմէնտը և կարիքը, յաճախ, մարդուն ձգում են ծայրահեղութիւնների մէջ և ընդունակ դարձնում յանցաւոր գործողութիւնների: Այդպէս էր ներկայ մօմէնտը:

«Հարկաւոր է Աղողին և Վաղողին— այդ երկու անհանգիստ գիւղերը մէջտեղից վերցնել, որ կարելի լինի երթևեկել ուղիղ ճանապարհով». ահա այն յանդուգն և անմիտ ծրագիրը, որ զըրւած էր մէջտեղ:

Դեկտեմբերի 25-ին զինւած հայերի մի մեծ խումբ յարձակում գործեց Աղողի գիւղի վրա: Թուրքերը կարճ դիմադրութիւնից յետոյ, բայց մեծ զոհեր տալով փախան Վաղողի, մի մասն էլ փակեց մզկիթի մէջ: Յարձակողների մի մասը միայց գիւղից դուրս դիրքերի վրա, իսկ միւս մասը խուժեց գիւղը և սկսեց հրդեհել ու աւերել տները: Այդ ժամանակ Շէքի գիւղի թուրքերն օգնութեան հասան և կուի ընթացքը փոխեց. օգնութեան եկան նաև միւս գիւղերից, ինչպէս և Դարաբասից: Դիւղից դուրս դիրքերում միացածներն ընկան խաչաձև կրակի տակ. տեղի ունեցաւ մի յամառ ու երկարատև կռիւ, որը վերջացաւ հայերի նահանջով: Այդ ընդհարման ժամանակ թուրքերն ունեցան բազմաթիւ սպանւածներ մինչև 60, շատերի վկայութեամբ նոյն իսկ աւելի հոգի, իսկ հայերը՝ 22: Այդտեղ ընկան. Սիսիանի սիրելի Ստեփան Ստեփանեանը, ալէքսանդրապօլցի Վահագ Պարունակեանը, բուլանդցի Զաքօն, մշեցի Յարութը և Յակովբը, զարաբիլիսեցի Բարազիւճաթեանը, բռնակոթցիներ՝ Թանզիլ-բէկ Մլիք-Թանգեանը, Մկրտիչ Մակարեանը, Մանուշարեանը, Արշակը, Արբահամեանը, ուղեցի Սարգիս Դանելեանը, քարահունջեցի Արսէն Գէորգեանը, շնհէրցի Պաշօն, ալիգուլեցի Սարգիսը և այլն:

Ահա այսպէս էր այդ անմիտ ծրագրի վախճանը, որը Սիսիանի հայերի վրա թողեց մի ճնշող տպաւորութիւն, իսկ թուրքերի վրա՝ մի խրախուսիչ ազդեցութիւն, որը և առիթ դարձաւ Դարաբասի սոսկալի դրամային, ինչպէս այդ կը տեսնենք մի փոքր յետոյ:



## ԿՈՏՈՐԱԾԸ ԴԱՐԱԲԱՍՈՒՄ

25—27 ԴԵԿՏԵՄԲԵՐԻ 1905 Թ.

Ինչպէս վերը տեսանք, Դարաբասի ձորակում մի շարքով ընկած են Շինաթաղ, Լոր, Գետաթաղ, Դարաբաս, Լծէն և Շամբ հայաբնակ գիւղերը, տեսանք և այն, որ այդ ձորակը գնում միանում է Որոտանի ձորակին. ահա այդ խառնուածքի մօտակայքում ընկած են Աղողին, Վաղողին, Ինչպէս և Որոտ, Իրիմիս, Բահարլու թուրք գիւղերը: Բացի այդ, յիշեալ վեց հայ գիւղերից երկուսը, այնէ՛ Շամբը, ընկած թուրք գիւղերի սահմանների մօտ և Դարաբասը թուրքախառն են: Առաջինը նոր հիմնած գիւղ է, 35 տուն հայ և 20 տուն թուրք բնակիչներով, իսկ երկրորդը բաւական մեծ գիւղ է, 215 տուն թուրք և ընդամենը 36 տուն հայ բնակիչներով:

Դարաբասը՝ ընկած Եղիակ և Զիվիր-Դաշ գագաթների սիրուն յատակում, հին հայկական գիւղ է, որը ունեցել է 700 տուն բնակիչ, 7 եկեղեցի, որոնց աւերակները մինչև այժմ էլ կան. մէկը, գիւղացիների վկայութեամբ, թուրքերի այժմեան մզկիթն է, վերանորոգած թուրքերի ձեռքով: Դարաբասի թուրքերը, դարձեալ գիւղացիների պատմելով, կրօնափոխ եղած հայեր են: Սրան որպէս ապացոյց բերում են այն, որ շատ հայ և թուրք ընտանիքներ մինչև այժմ էլ միմեանց „ամօղլի“ (հօրեղբորորդի) են անւանում: Անշուշտ այս հանգամանքը նպաստել է այնքան մօտ բարեկամական յարաբերութիւններին, որ գոյութիւն ունէր այդ գիւղի հայ և թուրք ժողովուրդների մէջ նախ քան ընդհարումները, թէև չը պիտի անտես առնել և այն հանգամանքը, որ հայերը, ինչպէս ամէն տեղ, նոյնպէս էլ այստեղ եղել են համբերող կողմը և շատ ճնշումներ տարել են որպէս աւանդական մի դատն ճակատագիր:

Գալիս է հայ-թուրքական ընդհարումը, մտքերը պղտորում

են, անպատիժ կողոպուտը թունաւորում է նաև Դարաբասի ամօղլիներին և կամաց-կամաց նրանց մէջ նկատուում են կասկածելի շարժումներ:

Տեղի են ունենում Մազրայի ընդհարումները, չորս բէկերի սպանութիւնը, Գօրիսի և Շուշու ղէպքերը, Մինքէնդի կոտորածը. տեղի է ունենում Միսիանի աւերը, այս բոլորը յուզում են Դարաբասի թուրքերին, մանաւանդ՝ նրանց ջահելներին:

Այսպիսի տրամադրութեան մէջ հոկտեմբերի 17-ին թուրքերը յարձակուում և քշում են Շինաթաղ գիւղի տաւարը և սպանում Ալէքսան Եղիեանին, 25 տարեկան: Նոյեմբերի վերջերին Գօրիսի ճանապարհին, „Եօթն-Աղբիւր“ կոչւած տեղում սպանուում են Միքայէլ Սարգսեանը, 35 տար. և Յովսէփ Գրիգորեանը, 30 տ., որոնք սպանութեան կասկածն ընկնում է Դարաբասի թուրքերի վրա:

Այս աւելի ևս լարում է դրութիւնը: Դարաբասի թուրքերից 20—30 ընտանիքներ քոչում գնում են գիւղից, իսկ Շամբի հայերը, որոնք այդտեղ գաղթել էին Դարաբասից, գալիս տեղաւորում են թուրքերի դատարկ մնացած տների մէջ:

Դարաբասի հայերը՝ նկատելով վտանգաւոր դրութիւնը, ստիպւած են լինում դիմել այս և այն տեղ, զէնքիւր ձեռք բերել, կապեր հաստատել միւս հայ գիւղերի հետ՝ ընդհարման ղէպքում օգնութիւն ստանալու յուսով: Այս բանն էլ գալիս է կասկածներ և յուզմունքներ ծնեցնելու թուրքերի մէջ:

Ահա այս խառն ու փնթոր վիճակում տեղի է ունենում Աղողի գիւղի պաշարումը. Ստեփանեանի և իր 21 ընկերների սպանութեան լուրը կայծակի արագութեամբ տարածուում է ամբողջ Միսիանում. թուրքերը միանգամից սիրտ են առնում և սպառնական դիրք բռնում:

Այս նոյնը տեղի է ունենում նաև Դարաբասում, մանաւանդ երբ Աղողիից վերադառնում են օգնութեան գնացած թուրքերը:

Հայերը նկատելով սպասուող փոթորիկը, դիմում են թուրքերի առաջաւոր մարդկանց խորհրդակցութեանը և աջակցութեանը: Դեկտեմբ. 26-ին Ալակպար-բէկի տանը տեղի է ունենում ժողով. այդտեղ հայերի կողմից գնում են գիւղի քահանան՝ Տէր-Մկրտիչը և հասակաւոր հինգ գիւղացիներ: Երբ սրանք ներս են մտնում ժողովատեղին, մի սարսուռ պատում է սրանց: Հաւաքւած են լինում աւելի քան 30—40 թուրքեր, մեծ մասամբ զինւած, և

կասկածաւոր հայեացքներով: Քահանային, որպէս թուրքերից էլ յարգւած մարդու, նստեցնում են բոլորից բարձր, իսկ միւսները նստում են դրան մօտ: Խօսակցութիւնը պտտում է օրւայ հարցի շուրջը. հայերն առաջարկում են թուրքերին տեղափոխել Շամք, իսկ Շամքի հայերին տեղափոխել Դարարաս: Բայց թուրքերը այս անգամ խօսում են այլ լեզուով. դրած խնդրից խուսափելով սկսում են հայերին յանդիմանել, մանաւանդ նրանցից մէկը—Քեալբալայի Ալփանանը, որն սպառնալիքներով յայտնում է, թէ ջահելներին այլևս զսպել չի կարելի, երաշխաւորելը դժւար է և այլն:

Ահա խօսակցութեան այս միջոցին գիւղի միջից լսում է հրացանի մի պայթոց, ապա երկրորդը, երրորդը. ժողովի մէջ իրարանցում է ընկնում. դրան մօտ նստած 5 հայերը վայրկենապէս դուրս են պրծնում, փախչում, իսկ քահանան այդտեղ սպանւում է:

Ժողովի ժամանակ գիւղի մէջ կատարեց հետեւեալ դէպքը: Նախ պէտք է ասենք, որ գիւղը բաղկացած է երեք մասերից, որոնցից հարաւային և հիւսիսային մասերում ապրում են թուրքերը, իսկ կենտրոնում՝ հայերը:

Երկու ճամբորդ հայեր, որոնք գինւած անցնում էին թուրքերի հարաւային մասով դէպի Գիտաթաղ, թուրքերը յարձակեցին նրանց վրա՝ գինաթափ անելու նպատակով. այդտեղից ծագեց կռիւ և հրացանաձգութիւն, որի ժամանակ սպանեցին երկու թուրքեր:

Այդ հրացանաձգութեան ձայնը լսելով՝ թուրքերի միւս մասում մի թուրք ատրճանակի մի քանի հարւածով միմեանց հտեից սպանեց Շամքից գաղթած Մկրտիչ Պաշտրեանին, Մանուշակ Գրիգորեանին, 35 տ. և 5 տարեկան մի որբ աղջկայ—Սապի Գրիգորեանին: Ահա այսանդից էլ սկսեց ընդհարումը:

Թուրքերն անհամեմատ շատ լինելով՝ զնդակների տարափի տակ հայերին քշեցին լցրին տների մէջ, որի ժամանակ սպանեցին նորից չորս հոգի, այն է՝ 8Ճ տարեկան ծերունի Գրիգոր Աստաձատրեանը, 70 տարեկան կոյր պառաւ Հոռոմ Սարգսեանը, Կաթլաձահար 70 տար. պառաւ Աննման Գէորգեանը և 18 տար. Արշակ Միքայէլեանը:

Հայերի այդ նեղ բոլակին, ահա, հասան մօտակայ գիւղերից օգնական ուժեր և գիւղի ծայրից սկսեցին հրդեհել թուրքերի տները և սպանել պատահածին:

Այս անգամ էլ թուրքերը նեղ դրութեան մէջ ընկան. նրանց

մի մասը փախաւ սարերն ու ձորերը, իսկ մնացեալ մասը քաշւեց, և պատսպարւեց երեք մեծ, այն է՝ Մօլլա-Արիւ-Հասանի և Ալակ-պար-բէկի (որի մօտ տեղի ունէր ժողովը) տների մէջ՝ հարաւային մասում և Արաս Ալաքպար օղլու տան մէջ՝ հիւսիսային մասում:

Տներում թագնւած հայերը օգնութեան եկողների աղաղակն առնելով՝ դուրս թափւեցին փողոց գազան կտրած. յարձակւեցին թուրքերի տների վրա կողոպուտներով և հրդեհումներով: Հրդեհելով և աւերելով հասան մինչև այն տներին, ուր պատսպարւել էին թուրքերը մեծով, փոքրով, կանանցով և երեխաններով և ահա այդտեղ հայերը գործեցին չարագործութեան ամենասուկալին. հրդեհեցին նաև այդ երեք տները մէջը եղած մարդկանցով:

Ոճիրը կատարւեց, հրդեհի մէջ և փլատակների տակ մնացին բազմաթիւ կենդանի Հակներ:

Մենք տեսանք այդ այրւած տների մոխիրը, խառը մարդկային ոսկորներով և ցնցւեցինք. նզովեցինք ոճրագործներին, բայց աւելի շատ այն ոճրագործներին, որոնք ստեղծել էին այդ սոսկալի դժոխքը:

Մի օր անց Դարաբասին օգնութեան եկան Աղողիի և Վաղողիի թուրքերը. այս անգամ էլ հայերը փախան և թուրքերն սկսեցին կողոպուտել և հրդեհել նրանց տները, մինչև որ նորից հայերն օգնութիւն ստանալով յետ եկան և թուրքերը հաւաքելով կենդանի մնացածներին հեռացան:

Դարաբասի թուրքերի կորուստը սոսկալի էր, իսկ զոհերը անհաշիւ: Սպանւած, այրւած և այս ու այնտեղ ընկածների թիւը հասնում էր 272-ի:\*)

Ահա այդ օրից Դարաբասը ներկայացնում է աւերակների մի կոյտ, ուր տիրում է գերեզմանային մի ահաւոր լուսթիւն:

Դարաբասի ձորակում այլևս խոշոր ընդհարումներ տեղի չունեցան, թէև թիթևակի դէպքեր, ինչպէս էին յունիսի 10-ի յարձակումը Լծէնի վրա, որի ժամանակ սպանւեց Նիկողոս Աղամեանը, 25 տ. և յուլիսի վերջում տեղի ունեցած յարձակումը Շինաթաղի վրա, որի ժամանակ թուրքերը քշեցին 20 տաւար, դեռ շարունակւում էին:

Սակայն մենք անցնենք նորից Բուն-Սիսիան և տեսնենք ինչեր տեղի ունեցան այդ շրջանում Դարաբասի կոտորածից յետոյ:

\*) Թէ աղմինիստրացիան որպիսի անտարբերութեամբ էր վերաբերում այս բոլորին, երևում է այն բանից, որ մի այսպիսի խոշոր արիւնալի ընդհարումը յուրջ քննութեան անգամ չէր արժանացել նրա կողմից. ինչպէս պատմեցին մեզ այդ գիւղում, մի անգամ ոստիկանութիւնը կազմել էր մի արձանագրութիւն և անցել գնացել:

# ԸՆԴՀԱՐՈՒՄՆԵՐԸ ՍԻՍԻԱՆՈՒՄ

ՅՈՒՆՎԱՐԻՑ---ՅՈՒԼԻՍ 1906 թ.

Ոչ Սիսիան գիւղի աւերը, ոչ Աղողի գիւղի վրա տեղի ունեցած յարձակումը և հայերի տւած զոհերը և ոչ էլ Դարաբասի կոտորածը Սիսիանին խաղաղութիւն չը բերին, ընդհակառակը թուրքերն աւելի ևս յուզեցին:

Թուրքերն ամեն կերպ մտածում էին և պատրաստում վրէժխնդիր լինել, որքան կարելի էր մեծ թափով և որքան կարելի էր նշանակալից օրում:

Եւ ահա ծրագրեց մի մեծ կոտորած Յունվարի 6-ին, հայերի համար այդ հանդիսաւոր ժամին: Այդպիսի մի ծրագիր մենք տեսանք կազմւած Շուշու գաւառում, Ասկէրանի շրջանի հայ գիւղերի նկատմամբ: Նոյնը տեղի ունէր և այստեղ. սակայն ինչպէս այնտեղ, այնպէս էլ այստեղ այդ դիւային ծրագիրը օղը ցնդեց:

Յունվարի 6-ի առաւօտեան, ճիշտ այն ժամին, երբ Անդեղակոթ գիւղի հայերը եկեղեցում կատարում էին ծննդեան հանդէսը, թուրքերի մի ահագին բազմութիւն՝ խմբւած Աղողի, Վաղողի, Որոտ, Շէքի և այլ գիւղերից, յարձակում գործեց գիւղի վրա մի սոսկալի աղմուկով և հրացանաձգութեամբ: Այս յարձակմանը, ականատեսների վկայութեամբ, մասնակցում էր աւելի քան 1000 մարդ, առաջնորդում էր ոմն Շախավար-բէկը և մի մօլլա՝ ջահադ կանչելով. արշաւախմբին ուղեկցում էր նաև դափ ու զուռնան: Սակայն որքան ուժեղ էր յարձակումը, նոյնքան ուժեղ կերպով տեղի ունեցաւ դիմադրութիւնը:

Անգեղակոթում այդ ժամանակ գտնոււմ էր Սիսիանի սիրելի Քեռին. ահա այդ փորձառու զինւորն առաջ անցաւ, որին հետևեցին գիւղի շատ թէ քիչ զէնք գործածելու ընդունակ մարդիկ և շնորհիւ առաջնորդի փորձառութեան համեմատաբար քիչ թւով

հայ դիմադրողներին յաջողեց յարձակումը յետ մղել: Թուրքերը փախուստի դիմեցին, թողնելով 8 դիակ Անգեղակոթի մօտ. իսկ աւելի շատ թւով սպանւածներ և վիրաւորներ հետները տարան: Հայերից սպանւեցին 2 կին, այն է՝ Բէկիխան Մկրտումեանը, 25 տ., Վարդիգիւլ Ալլահվէրդեանը, 40 տ., և Յովսէփ Հալանեանի 10 տարեկան տղան և 6 տարեկան աղջիկը:

Այս խոշոր յարձակումից յետոյ առ ժամանակ շրջանը խաղաղեց, և նորից աղմկեց փետրվար ամսին. տեղի ունեցան նոր դէպքեր, որոնցից մենք կը յիշենք մի քանիսը միայն:

Փետրվարի 2-ին Ելլիջա սարի Պատպատի կոչւած տեղում շխլարցի թուրքերը երկու ճամբորդ Հորսեցի հայերին կենդանի բռնեցին և տարան. նրանց հետ եղող մի բռնակոթցին կարողացաւ փախչել և հաւար տանել: Երբ Ախլաթեան գիւղի հայերը հաւարի գնացին, Շխլարի թուրքերը նրանց հալածելով եկան պաշարեցին գիւղը, սակայն թուրքերը յետ մղեցին Ախլաթեանի մօտ 5 դիակ թողնելով: Հայերից սպանւեց Շախշի Եղօեանը, 25 տարեկան:

Մայիսի 3-ին միաժամանակ յարձակում տեղի ունեցաւ Ալիլու և Տուլորս գիւղերի վրա, բայց երկու յարձակումներն էլ յետ մղեցին առանց որևէ լուրջ փնասներ պատճառելու:

Յուլիսի 2-ին յարձակման ենթարկւեց Թագաքէնդը, որի ժամանակ թուրքերը քշեցին 18 գլուխ տաւար:

Մի մեծ կորստաբեր յարձակում պատրաստւած էր Ղալաջըղ գիւղի համար:

Այս գիւղը իր հեռաւորութեամբ և լեռնականներին մօտ լինելու պատճառով այնքան զրկանքներ էր կրել և զոհեր տւել, որ դրանց թիւ ու հաշիւ չը կար: Որոտան գետի ակունքների մօտ մի անգամ այդ գիւղից սպանւեցին 9 հոգի, բայց քանի քանի՜սը սպանւեցին մէկով, երկուսով: Սակայն այդ բոլորը չնչին էին այն զրկանքների համեմատութեամբ, որ կրեց նա վերջին անգամ:

Յուլիսի 5-ին Շախսէվան և Ղարահինդիկու էլիաթից մի քանի թուրքեր եկան Ղալաջըղի արօտներից ոչխար գողանալու. հայերին յաջողեց դրանցից մէկին բռնել և ահա ահագին բազմութիւն լեռներից իջնելով պաշարեց գիւղը. բայց հայերը կարողացան շնորհիւ գիւղի յարմարաւոր դիրքերի յարձակումը յետ քշել:

Չը նայած դրան, հայերը նկատելով իրենց գիւղի վտանգաւոր դրութիւնը, այդ դէպքի յաջորդ օրը պատրաստեցին քոչելու. բայց գիւղից դեռ նոր դուրս եկած նրանք պաշարեցին թուրքերով և նորից յետ փախան գիւղը: Այս անգամ յարձակումը տեղի ունեցաւ թէ քոչւորների և թէ Աղոզի ու Վաղոզի գիւղերի կողմից միաժամանակ: Ղալաջըըը նեղ օղակի պէս պաշարեց չորս կողմից: Թէև փոքրաթիւ, բայց հերոսաբար կուռղ ինքնապաշտպանութեան խումբը գերազոյն ճիգեր թափեց, մինչև որ կարողացաւ այդ օր էլ թէև մեծ զոհերով գիւղը խուժանից ազատել:

Այդ օրը հայերից սպանեցին 22 հոգի, դրանք էին. Անգեղակոթ գիւղից՝ Առաքել Գրիգորեանը, 25 տ., Թորոս Յովհաննիսեանը, 20 տ., Շահնազար Յարէթեանը, 40 տ., Հաքիմի տղայ Արզումանը, 30 տ., Յարութիւն Կարապետեանը, 30 տ., Ղազար Ղևոնդեանը, 35 տ., Օգուլ Հայրապետեանը, 23 տ., Շողաթ գիւղից՝ Յարութիւն Յովհաննիսեանը, 40 տ., Ստեփան Տէր-Կարապետեանը, 18 տ., նաև հինգ հոգի, որոնց անունները մեզ յայտնի չեղան, Բալաք գիւղից, Վարդան Բարայիսանը, 28 տ., Զիլֆուղար Կարապետեանը, 30 տ., Ղարաքիլիսա գիւղից՝ մէկը—Մկրտիչ անունով, Ղալաջը գիւղից՝ երկու մարդ, մի կին և երկու էլ օտարականներ:

Չը նայած այն բանին, որ թուրքերը այդ օրը յետ քաշեցին աւելի քան 30 զոհ տալով, բայց և այնպէս նրանք յարձակեցին նաև երրորդ օրը աւելի ևս մեծ բազմութեամբ. գիւղի դրութիւնը կրիտիկական դարձաւ. մի ճիգ ևս և ամին բան վերջացած էր. ահա այդ ըոպէին հասաւ զօրքը և ժողովուրդին առած դուրս եկաւ, որից յետոյ գիւղը ենթարկեց խուժանի սոսկալի կամայականութիւններին. քար քարի վրա չը մնաց. 60 տնից բազկացած գիւղն աւերեց, 60 ընտանիք մնացին բաց երկնքի տակ, տարագիր: Ղալաջըըը բոլորովին աւերեց և այժմ էլ աւերակ է նա:

Ղալաջըըն աւերելուց անմիջապէս յետոյ հայերն էլ յարձակեցին և աւերեցին չորս թուրքական գիւղեր, այն է՝ Փուլը, Արիքլուն, Շուքեարը և Մալիքլարը, որտեղերից ժողովուրդը փախաւ մի քանի զոհեր տալով: Այսպիսով աւելի քան 150 ընտանիք էլ այստեղ մնացին բաց երկնքի տակ տարագիր:

Սրանից յետոյ, յուլիսի 9-ին, Սիսիանի և Զօմարդտուրի թուրքերը եկան նորից պաշարեցին Թագաքէնդը, սակայն վրա հասան կօզակները և թուրքերից 8 հոգու սպանելով, ցրեցին նրանց: Իսկ յուլիսի 12-ին եկաւ պատժողական գունդը և յիշեալ երկու թուրք գիւղերը ումրակոծեց, որից յետոյ միայն շրջանը խաղաղեց:

## ԸՆԴՀԱՐՈՒՄՆԵՐԸ ՂԱՓԱՆՈՒՄ

Ղափանը բռնում է Զանգեզուրի գաւառի հարաւային ամբողջ կէս մասը, ուր լեռնային կազմաւածքը շնորհիւ ճոխ բուսականութեան, հարուստ անտառների և բազմաթիւ մանր ու մեծ գետերի, այդ պատմական գաւառին տալիս է մի դիւթիչ տեսք, թէև այդ կողմերին յատուկ թանձր մշուշը յաճախ գալիս է օրերով ծածկելու հետաքրքիր աչքերից բնութիւնն այդ զարդը:


Ղափանի մակերևոյթը ծածկւած է անթիւ ձորերով և պատրուածքներով, որոնց միջով հոսում են Բարգիւշատը, Աջանան, Օխչին, Բասուտը, Մեղրին և շատ գետակներ, որոնք առատօրէն ոռոգում են այդ բազմակերպ մակերևոյթը:

Բացի այդ, Ղափանը յայտնի է իր սղոնձահանքերով, որոնք թէև առ այժմ շահագործութեան մեծ ասպարէզ չեն դարձել, բայց իրենց հարստութեամբ մեծ ապագայ են խոստանում, մանաւանդ երբ ճանապարհների հաղորդակցութեան զարգացման հետ մուտք կը գործի այդտեղ հանքերը շահագործելու նորագոյն տեխնիկան:

Ղափանի շրջանի հայարնակ գիւղերը, ընկած գաւառակի գանազան մասերում, ներկայացնում են վեց խմբակներ, որոնցից երկուսը ազատ մնացին խոշոր մասսայական ընդհարումներից:

Այդ խմբակներն են.

- 1) Ապարակ—Ուժէնիսի շրջան:
- 2) Աջանան գետի հովիտ:
- 3) Հանքերի շրջան կամ Անդրաջանան:
- 4) Օխչի ձոր կամ Օխչի գետի հովիտ:
- 5) Բասուտ գետի հովիտ:
- 6) Մեղրի գետի հովիտ:





# ԸՆԴՀԱՐՈՒՄՆԵՐԸ ԱԳԱՐԱԿ-ՈՒԺԷՆԻՍԻ ԸՐՋԱՆՈՒՄ

ՅՈՒՆՎԱՐ և ՕԳՈՍՏՈՍ 1906 թ.

Բարգիւշատ գետի արեւմտեան մի ճիւղի—Քեահրէզ գետի վերին հովիտների վրա ընկած են Ղափանի վեց հայաբնակ գիւղերը, այն է՝ Մողէսը, Ուժէնիսը, Խըղըրանցը, Եղվարդը, Ագարակը և Տանձաթափան: Իսկ այս վեց գիւղերից դէպի հիւսիս, Չայ-Չամին գետի վրա ընկած է Զէյվան:

Հայ գիւղերի այս խմբակի շուրջը բազմաթիւ թուրքաբնակ գիւղերի շարքում գտնուում են անհանգիստ Իսկևանդարրէկուն, Ալադինը, Եմազլուն, Չարալուն, Փարիջանը, Սալդաշը և Ղուբաթլուն: Ղուբաթլու գիւղում ապրում է Իլդրիմ-բէկ Սուլթանովը, որին մենք պատահեցինք Գորիսի դէպքերի նկարագրութեան ժամանակ և որը ահագին դեր խաղաց Ձանգեղուրի ընդհարումների մէջ:

Ահա հայ գիւղերի այս շրջանում յունվարի սկզբին տեղի ունեցաւ Ղափանի առաջին ընդհարումը:

Մինչև այդ Ղափանի ոչ մի մասում հայ-թուրքական ընդհարում չեղաւ: Օգոստոսին և նրա յետագայ ամիսներին Բուն-Ձանգեղուրում և Սիսիանում տեղի ունեցող դէպքերը արձագանք չը գտան Պարսկաստանին սահմանակից այս շրջանում, սակայն չը պէտք է կարծել, որ այդտեղ յուզմունքներ տեղի չունէին, ընդհակառակը Նախիջևանի դաւառի ընդհարումների միջոցին Ղափանում լուրջ դրուժին ստեղծեց, տեղացի և պարսկահայտակ թուրքերի մէջ սկիւյայտ դարձաւ մի ինչ որ արտասովոր շարժում: ճամբորդ հայերի վերաբերմամբ կատարեցին կողոպուտի և սպանութեան դէպքեր, ճանապարհները դարձան վտանգաւոր և անանցանելի. մի ժամանակ այնպիսի գրգռած դրուժին առաջ եկաւ, մանաւանդ սահմանին մօտ շրջաններում, որ ժամ առ ժամ սպասուում էր յարձակման. բայց հայ ժողովրդի ծայրահեղ համբերողութեան շնորհիւ կարելի եղաւ առ ժամանակ թուրք տարրերի մէջ

նկատուող յուզմունքը մեղմել և ընհարուսնելի առաջն առնել, թէև հնարաւոր չեղաւ այդ դրութիւնը մինչև վերջը պահպանել:

Մի փոքրիկ առիթ և հաս ընդհարումը պայթեց:

Յունվարի 9-ին Եղվարդ գիւղի հանդում Սարալու, Պաշ-թափա գիւղերի մի քանի թուրքերի և եղվարդցի հայերի մէջ կռիւ ծագեց, որի ժամանակ թուրքերից երկուսն սպանուեցին: Այս դէպքից գրգուած, թուրքերը նոյն այդ գիշերը յարձակուեցին Եղ-վարդի բինաների վրա, քրջեցին 150 գլուխ տաւար, կողոպտեցին եղած չեղածը և ապա հրդեհեցին բինաներն ու խոտի դէզերը: Այդտեղ եղող մարդիկ հազիւ կարողացան փախչել և ազատուել: Սրանով չը բաւականացած թուրքերը փորձեցին յարձակուել նաև գիւղի վրա, բայց յետ մղուեցին, որի ժամանակ սպանուեց աւա-զակ Պանքիշին:

Յարձակումը կրկնուեց նաև յունվարի 14-ին, բայց այս անգամ աւելի մեծ ուժով և ուղղւած Մողէս գիւղի վրա:

Փոքրիկ Մողէսը անկարող եղաւ դիմադրել անագին խուժա-նին. ժողովուրդը հազիւ կարողացաւ Արծւանիկ փախչելով ազատ-ուել. գիւղը ենթարկուեց կողոպուտի. թուրքերը տարան 400-ի չափ տաւար ու ոչխար և տնային բոլոր իրերը:

Մողէսը վիճելի գիւղ էր Պալիֆանով բէկերի և գանձարանի մէջ: 1902 թւին հայերի վկայութեան շնորհիւ դատը վերջացաւ յօգուտ գանձարանի. մողէսցիների այդ վարմունքը եկան բէկերը պատժելու: Ահա այն ընդհանրացած կարծիքը, որ գոյութիւն ունի Ղափանում Մողէսի աւերման նկատմամբ:

Մողէսի յարձակման ժամանակ սպանուեց ծերունի Օհանջան Օհանջանեանը, իսկ Բարխուդարեանի և Գալստեանի ընտանիքները հրդեհից ազատուեցին մի հրաշքով Արծւանիկից հասնող օգնու-թեան շնորհիւ: Թուրքերից սպանուեցին աւելի քան 10 հոգի:

Յունվարի 18 և 19-ին յարձակման ենթարկուեց Զէյվան: Ականատեսների վկայութեամբ անագին խուժանին առաջնորդում էր անձամբ ինքը Իլդրիմ-բէկը: Երկու օր շարունակ կրկնուում էին յարձակումները, բայց ապարդիւն. քաջ Զէյվան կարողացաւ յետ մղել խուժանին, որն անկարող լինելով գիւղն աւերել, գնաց հրդեհեց գիւղի բինաները:

Մի նոր յարձակում տեղի ունեցաւ Եղվարդի վրա նաև յունվա-րի 22-ին, բայց դարձեալ ապարդիւն. թուրքերը փախան 22 զոհերով:

Այս յարձակումով շրջանը մի առ ժամանակ խաղաղեց, մինչև եկաւ օգոստոսը, այդ չարարաստիկ ամիսը, երբ քոչւորները շարժեցին իրենց տեղերից: Հանքային շրջանում տեղի ունեցան նախ մի քանի սպանութիւններ և ապա խոշոր դէպքեր, ինչպէս այդ կը տեսնենք մի փոքր յետոյ: Հանքային շրջանի այդ դէպքերը արձագանք գտան նաև այս շրջանում:

Օգոստոսի 10-ի լուսածագին թուրքերի մի ահագին խուժան յարձակեց Տանձաթափայի վրա: Մինչև կէս օր դիմադրելով հայերն անկարող եղան կանգնեցնել խուժումը: Ժողովուրդը հագիւ կարողացաւ փախչել Ագարակ: Հարուստ Տանձաթափան բոլորովին կողոպտեց և հրդեհեց: Խուժանը տարաւ 300 գլուխ տաւար, հարիւրաւոր բեռներով ցորեն, գարի և այլ տնային հարուստ իրեր: Ժողովուրդը փախաւ բոլորովին պլուկած՝ 5 գոհերով և մի քանի վիրաւորներով: Սպանեցին՝ Մէլիք Քարամանաների տանից՝ Միքայէլ-բէկը, 70 տար., Բէգլար-բէկը, 65 տար., Բահրամ-բէկը, 45 տար., Բախշի-բէկի կինը, 40 տար. և Հաբամ-բէկի աղջկը, 19 տար.: Թուրքերը նոյնպէս ունեցան զահիր, բայց անյայտ թւով:

Այդ նոյն օրը հայերն էլ յաճակուեցին և աւերեցին Եմաղլու, Խաշտապ և Ալմալի թուրք գիւղերը: Տանձաթափան մինչև այժմ էլ աւերակ է:

Օգոստոսի 14-ին յարձակման ենթարկեց Ուժէնիսը, որը գրտնւում է մի քանի թուրք գիւղերի սահմանի վրա: Հայերը ծանր դրութեան մէջ ընկան. գիւղի ծայրերում հրդեհեցին 40-ից աւելի մարագներ: Եւ այն վայրկեանին, երբ հայերը յուսահատւած պատրաստւում էին գիւղը թողնել խուժանին և փախչել, Աղարակից օգնութեան եկող հայերը յետևի կողմից յարձակեցին թուրքերի վրա և հալածեցին նրանց մի քանի գոհերով, թլի մինչև այդ նրանք արդէն տարել էին 60 տաւար և 100-ի չափ այծ:

Հայերից սպանուեցին Կոստան Աղասարեանը, 60 տար., Խոսնակ Սահակեանը, 17 տար. և 9 հոգի էլ վիրաւորեցին:

Ուժէնիսի վրա մի նոր յարձակում տեղի ունեցաւ օգոստոսի 22-ին. այս անգամ յարձակմանը մասնակցում էին նաև Պարսկաստանից եկած թուրքեր, բայց չս հայած այդ բանին, ուժեղ դիմադրութեան հանդիպելով թուրքերը յիս փախան, կոտրատելով ճանապարհին պատահած ջրաղացների քարերը:

Ահա ընդհանուր գծերով այն ընդհարումները, որ տեղի ունեցան Ագարակ-Ուժէնիսի շրջանում. սակայն աւելի խոշոր և արիւնալի ընդհարումներ տեղի ունեցան հանքային շրջանում, որին և անցնում ենք:

# ԸՆԴՀԱՐՈՒՄՆԵՐԸ ՀԱՆՔԵՐԻ ԿԱՄ ԱՆԴՐԱ- ՋԱՆԱՆԻ ՇՐՋԱՆՈՒՄ

2 15 ՕԳՈՍՏՈՍԻ 1906 Թ.

Ագարակ-Ուժէնիսի գիւղախմբակից գէպի արեմուտք Աջանան գետի հովիտներում ընկած են Տօրթնի, Վերին և Ներքին Ուտանան, Շրվէնանց, Խլաթաղ, Առաջածոր, Նորաշէն, Կաւարտ, Ըրկենանց, Սեւաքար, Չափնի և Արծուանիկ հայ գիւղերը: Միմեանց մօտ մօտ ընկած այս գիւղերի շրջանում խոշոր մասսային ընդհարումներ տեղի չեն ունեցել. հետևապէս նրանց վրա կանգ առնել չարժէ և եթէ անուճների այդ ցանկը մենք առաջ բերինք, այդ էլ Ղափանի բոլոր հայաբնակ գիւղերի և նրանց տեղագրութիւնների մասին մի ամփոփ գաղափար տալու նպատակով:

Այս գիւղախմբակից գէպի հարաւ, Աջանան և Օխչի գետերի խառնուածքի վրա, Անդրաջանանի շրջանում և Ուղուր-Չայ գետի ձորերում գտնուում են Ղափանի պղնձեայ հանքերը, գործարանները և Ուղուր-Չայի բազարը մի քանի տասնեակ հայերի և թուրքերի խանութներով:

Հանքերի շրջանում աշխատում են աւելի քան 1500 բանւորներ, բաղկացած կէս մասը տեղացի հայերից, իսկ կէս մասը՝ տեղացի և պարսկահպատակ թուրքերից:

Հանքերի շրջանում ընկած են վեց հայաբնակ գիւղեր, այն է՝ Բարարաթումը, Բէխը, Վաչախանը, Պաղավերջը, Գիւտգիւմը, Ճակատէնը և քաղմաթիւ թուրք գիւղեր, որոնց թւում գտնուում են Ղաթարը մի անհանգիստ մեծ գիւղ, Քեարխանան, Գեօմարանը, Դարգուլուն, Աղքէնդը և Ղարաչիմանը:

Հայ-թուրքական ընդհարումների ամբողջ մէկ ու կէս տարւայ ընթացքում անվերջ յուզմունքների և սարսափների տակ

գտնւող այս շրջանը թէև ազատ մնաց յարձակումներէց, բայց վերջ ի վերջոյ նա աղմկեց և այն էլ հասարակ պատճառից, որն և առիթ դարձաւ ընդհարումներ ընկնող ամբողջ Լափանում:

Ճիշտ է, պատճառը չնչին էր, բայց նա առաջ եկաւ քուչոր-ներ յետադարձ շարժումից դէպի իրենց ձմերանոցները:

Օգոստոսի 1-ին Բէխ գիւղի սարում թուրքերի ձեռքով ըս-պանեց մի ձիապան հայ, Աւագ Սարգսեան անունով:

Դրանից մի օր անց, օգոստոսի 2-ին, Տայգաղ և Շիրվանլի քուչորները Բարաբաթումի հողերով անցնելու ժամանակ իրենց նախիրներին խառնեցին այդ գիւղի հանդում եղած տաւարները և ուզեցին քշել: Հայերը դուրս եկան կանգնեցնելու նախիրը-դրանից առաջ եկաւ ընդհարում, որի ժամանակ Բարաբաթումի այգիների մէջ սպանեցին Լարաչիման գիւղացի սնցորդ երկու կողմնակի թուրքեր:

Ահա այդ սպանած թուրքերից մէկի հայրը Ջամալ-բէկը, որդու սպանման լուրն առնելով հաւաքեց մեծ բազում թիւն և յարձակեց Մէլիք-Ազարեանի «Միւնիք» գործարանի վրա, ուր առաջին զոհը եղաւ գործարանի մեխանիկ Մինաս Սօջամիրեանը: Այս տեսնելով, գործարանում եղող մնացեալ 7 մարդիկ պաշտպան-ելով կարողացան մինչև երեկոյ կանգնեցնել խուժումը: Սակայն այդ 7 հոգուց սպանեցին նաև 2-ը, իսկ մնացեալ 5-ը խիստ նեղն ընկած հազիւ կարողացան փախչել ազատել, որից յետոյ աւելի քան 150,000 ռ. արժողութիւն ունեցող այդ շրջանի ամե-նալաւ գործարանը—«Միւնիքը» կողոպտեց և ապա հրդեհեց:

Ահա այս դէպքը սարսափ տարածեց հանքերի ամբողջ շրջա-նի վրա. հանքերը կանգնեցին, բանւորները փախան գիւղերը, բազարում եղող թուրքերը նոյնպէս փախան, որոնց խանութները—մօտ 40 հատ, աւելի քան 30 հազար ըուրլու զանազան ապրանք-ներով, կողոպտեցին հայերի ձեռքով:

Օգոստոսի 4-ին նորից վերսկսեցին խռովութիւնները և ընդհարումները:

Վաչական և Պաղավերջ գիւղերին սահմանակից է թուրքա-բնակ Քեարխանա գիւղը, որտեղից այդ օրը կրակ բացին հայերի վրա: Հայերը մեծ խմբով յարձակեցին և պաշարեցին Քեարխա-նան. թուրքերն անկարող լինելով դիմադրել, փախուստի դիմե-ցին, բայց ահագին զոհեր տալով: Հայերը խուժեցին գիւղ գազա-

նացած բնագրներով. այդտեղ ընկան տասնեակներով մարդ, կին և երեխայ: Ոճիրների յանցաւորութիւնը գիտակցելու ընդունակութիւնը կորցրած հայ խուժանը անխնայ սպանում էր, աւերում և ոչնչացնում պատահածը:

ժողովրդի մի մասը կոտորւեց, միւս մասը փախաւ ազատւեց, իսկ գիւղը հրդեհւեց, որը մինչև այժմ էլ աւեր է:

Եւ ապա մի քանի օր շարունակ տեղի ունեցան երկու կողմերից փոխադարձ յարձակումներ, որի ընթացքում հայերը աստիճանաբար օգնութիւն ստանալով շրջակայ գիւղերից, յարձակեցին և աւերեցին մի շարք թուրք գիւղեր, այն է՝ Զիրլուն, Սալաջը, Գէշի-Շարաղինը, Խնջավարը և Զուլլուն:

Ամենամեծ ընդհարումը այս շրջանում տեղի ունեցաւ Ղաթար գիւղի շուրջը:

Ղաթարը 70—80 տուն բնակիչ ունեցող գիւղ է, ընկած Ղաթար պղնձահանքի բարձրում, Սայադ-Դաշ լեռան կրճքին: Շրջակայ թուրք գիւղերից այդտեղ խմբւեցին բաւական կուռղ ուժեր. խմբւեցին նաև հանքերում բանող պարսկահպատակ մշակներ և քոչւոր թարաքեամաներ: Այդտեղ եկան նոյնպէս մի քանի յայտնի թուրքեր. այնպէս որ ակներև դարձաւ Ղաթարի սպառնական վերաբերմունքը դէպի հայ գիւղերը:

Օգոստոսի 7-ին թէ 8-ին Ղաթարը մի թեթև յարձակում գործեց Բէխ գիւղի վրա, բայց շուտով յետ քաշւեց: Այդ դէպքից յետոյ Աջանան գետի շրջանի, բայց Ղաթարի սահմանակից Կաւարտ մեծ գիւղը սարսափի տակ ընկաւ. նրան սպառնում էր մի մեծ և ահաւոր յարձակում: Այդ նկատելով, հայերն իրենց ուժերը կենտրոնացրին այդտեղ և մինչև որ Ղաթարը կիրազորձէր իր մտադրութիւնը, պաշարւեց չորս կողմից զինւած հայերով:

Օգոստոսի 12-ին տեղի ունեցաւ Ղաթարի սոսկալի կռիւը, որը տևեց մի ամբողջ օր և որի ժամանակ թուրքերի անօրինակ դիմադրութիւնը, ասում են, զարմանք պատճառեց պաշարողներին: Մի ինչ որ անասնաբուժի ղեկավարութեամբ Ղաթարում խմբւած թուրքերը քաջութեան հրաշքներ գործեցին: Սակայն թափուող գնդակներից ընկան բաւականաչափ թուրքեր, ընկաւ նաև դիմադրութիւնը ղեկավարող անասնաբուժը. յուսահատութիւնը տիրեց գիւղին և ահա սկսւեց փախուստը գնդակների տարափի տակ, գիւղների վրայով: Հայերը ներս խուժեցին գիւղ և սկսւեց աւերն

ու հրդեհը: Ժողովրդի մի մասը կարողացաւ փախչել, իսկ միւս մասը, բաղկացած գլխաւորապէս կանանցից և երեխաներից, փակւեց մզկիթում և մի քանի մեծ տներում:

Ահա այդ ժամանակ, պատմում են, յարձակումը ղեկավարողներից մէկը, Մուրադը, խստիւ պատւիրեց մօտ չը գնալ մըզկիթին, չը դիպչել կանանց, երեխաներին և պարսկահպատակ մշակներին, նաև այն մարդկանց, որոնք զէնքը ցած կը դնէին ինքնաբերաբար. և այդպէս էլ եղաւ. բազմաթիւ կանանց, երեխաներին և պարսկահպատակ մշակներին հայ երիտասարդները առաջնորդեցին դէպի թուրք գիւղերը. բայց ոճիրը գործւել էր. յանցանքը հայինն էր, թուրքին, թէ երկրի կարգը պահպանող կառավարութեանը, այդ միևնոյն է. Ղաթարում ընկած գոհերի թիւը հասնում էր մի քանի տասնեակների. ամբողջ գիւղը աւերւել էր, դեռ երէկւայ շէն Ղաթարը այլ ևս չը կար:

Չոհեր տւին նաև հայերը և այն էլ շատ պոհեր, որոնցից միմիայն 7-ի անունները մենք կարողացանք ձեռք բերել. դրանք էին՝ կաւարտեցի Մարգար Մակիեանը, առաջածորցիներ՝ Անդրէաս Թումանեանը, 30 տ., Խաչիկ Թումանեանը, 32 տ., շիկահողցիներ՝ Պապինը, 28 տ., Խունգիանոս Շաքարեանը, 22 տ., Նիկօլայ Տէր-Մատթէոսեանը, 20 տ. և Պետրոս Պետրոսեանը, 40 տար:

Ահա այսպէս շրջանը տակն ու վրայ եղաւ, գիւղեր աւերւեցին, հազարաւոր մարդիկ թշուառութեան մատնւեցին, հանքերում կհանքը մեռաւ, ճանապարհներն աւելի ևս անանցանելի դարձան:

# ԸՆԴՀԱՐՈՒՄՆԵՐՆ ՕԽՉԻ ԶՈՐՈՒՄ ԿԱՄ ՕԽՉԻ ԳԵՏԻ ՀՈՎՏՈՒՄ

8—15 ՕԳՈՍՏՈՍԻ 1906 թ.

Հանքերի շրջանից դէպի արևմուտք Օխչի գետի վերին հովտում կամ Օխչի ձորում ընկած են հինգ հայ գիւղեր, այն է՝ Քաջարանցը, Հանդը, Քրդիկինցը, Մազրան և Փուրխուտը:

Այս հինգ գիւղերին շրջապատում են բազմաթիւ թուրք գիւղեր, որոնց թւում գտնուում են՝ Օխչին, Շաբաղինը, Փերդաուդանը, Աթկըզը:

Շնորհիւ այն բանի, որ յիշեալ գիւղերը հեռու են ընկած թէ հանքերի և թէ Մեղրիի շրջաններից և շրջապատւած են թուրք տարրերով, դեռ Նախիջևանի գաւառի ղէպքերի օրերից նրանք գտնուում էին մի ծանր կացութեան մէջ:

Ճիշտ է, այդ շրջանը չէր փոթորկւում և նա խաղաղ էր, բայց այդ շնորհիւ նրա, որ հայերը համբերութեամբ տանում էին ամէն մի զրկանք, որը յաճախ արտայայտւում էր սպանութիւններով:

Այսպէս, յունվարի 18-ին Ղալարասի կոչւած տեղում սպանւեցին քաջարանցիցի Վարդան Յարութիւնեանը, 40 տ. և մազրիցի Քաչատուր Մկրտչեանը, 45 տար.:

Յուլիսի մէջ Բօլաշղ գիւղի մօտ սպանուեցին Քրդիկինց գիւղացի Պօղոս Յարութիւնեանը, 40 տ. և մազրիցի Անաժն Յակովբեանը, 45 տ., իսկ Մուսալլամ գիւղի մօտ կենդանի գողացան դարձեալ Քրդիկինց գիւղից Աբրահամ Համբարձումեանին:

Ահա այս ձևի պահպանւած խաղաղութիւնը եկան խախտելու հանքերի շրջանում տեղի ունեցող խոշոր ղէպքերը:

Օգոստոսի սկզբին, «Միւնիք» գործարանի հրդեհումից յետոյ, Օխչի գիւղը եկան մի քանի օտարական թուրքեր և սկսեցին տեղացիներին գրգռել հայերի ղէմ:

Այս բանը այնքան ակներև կերպով էր կատարւում, որ



Օխչիի թուրքերը հայերին միամտացնելու համար կարևոր համարեցին գալ նրանց մօտ և հաւատացնել, որ իրենք դէմ են ընդհարումներին և որ այդ օտարականներին փող տալով հեռացնելու են իրենց միջից. այն ինչ օգոստոսի 8-ին Քաջարանցը չորս կողմից պաշարեց թուրքերով:

Հայերը երեք օր կարողացան դիմադրել խուժանին և թոյլ չը տալ նրանց խուժելու գիւղը: Սակայն թուրքերը քչեցին մօտ 400 տաւար, 1300 հատ ոչխար և մօտենալով գիւղի մի ծայրին՝ կողոպտեցին բաւականաչափ տներ և հրդեհեցին մարագները:

Երեք օր գիւղը պաշարած մնալուց յետոյ Մեղրիից և հանքերի կողմից օգնութեան հասան զինւած տղաներ: Օգնութեան եկողները շատ չէին, ընդամենը 20-25 հոգի, բայց դրանք անսպասելի կերպով յետևի կողմից յարձակելով թուրքերի վրա հալածեցին նրանց մեծ կորուստներով, որից տեղացի հայերը սիրտ առած խուժեցին յաջորդաբար Օխչի, Աթկըզ, Փիրդաւուղան, Շաբաղին, Առջազուր, Աջըլլու և Բօղաջղ թուրք գիւղերի վրա, որտեղերից ժողովուրդը փախչելով գիւղերն աւերեցին:

Հայերի համար այսպիսի նեղ պայմաններում այսքան թուրք գիւղերի աւերելը պիտի բացատրել թուրք ժողովրդի այն տարօրինակ հոգեբանութեամբ, որ կուի և կողոպտուի այնքան հեշտութեամբ անապարող թուրք մասսան նոյնքան հեշտութեամբ և ամբողջին յատուկ հետեւողութեամբ գլուխ է վերցնում ու փախչում, այլևս քամակ չը նայելով:


Չը նայած այս բոլորին, Քաջարանց գիւղի դրութիւնը, որը ընկած է Օխչի, Աթկըզ, Շաբաղին և Փիրդաւուղան թուրք գիւղերի մէջտեղը, այնուամենայնիւ, վտանգաւոր համարեց: Այդտեղի ժողովուրդը օգոստոսի 11-ին ստիպւած եղաւ քոչել Քրդիկենց և Հանդ գիւղերը. թուրքերն առանց օր կորցնելու յարձակեցին և տներն աւերեցին ու հրդեհեցին:

Եւ ապա օգոստոսի 12-ին մեծ ուժով եկան պաշարեցին Քրդիկենցը, հանդից քչելով 300-ի չափ տաւար և 500-ի չափ ոչխար. կռիւը տևեց ամբողջ օրը, բայց հայերին յաջողեց մի նոր և ուժեղ հակայարձակումով հալածել թուրքերին:

Ահա այս ժամանակ միայն զօրք եկաւ և շրջանը խաղաղեց:

Օխչի ձորի ընդհարումների մէջ թուրքերը հարիւրից աւելի

զոհեր ունեցան. զոհեր ունեցան նաև հայերը. բացի վիրաւորներից, Քաջարանց և Քրդիկենց գիւղերից սպանւել էին՝ Անտօն Մարտիրոսեանի կինը—Սապին, 35 տ., Թադէոս Զաքարեանը, 28 տ., Խոսրով Վարդանեանը, 27 տ., Օհանջան Դաւթեանը, 40 տ., Աղաբէկ Մինասեանը, 25 տ., Թադէոս Մինասեանը, 25 տ., Ներսէս Բաղդասարեանը, 26 տ., Ղուկաս Համբարձումեանը, 45 տ., Համբարձում Ղազարեանը, 26 տ. և Շահի Յովհաննիսեանը 26 տար.:



# ԸՆԳՀԱՐՈՒՄՆԵՐԸ ԲԱՍՈՒՑ ԳԵՏԻ ՀՈՎ- ՏՈՒՄ

6 15 ՕԳՈՍՏՈՍԻ 1906 Թ.

Հանքերի շրջանից դէպի հարաւ, Բասուտ գետի հովտում ընկած են վեց հայաբնակ գիւղեր, այն է՝ Շիշկերտը, Կիմանցը, Ծաւը, Հանդը, Շիկահողը և Սրաշէնը:

Այս խմբակը նոյնպէս մեկուսացած է հայաբնակ վայրերից, նոյնպէս շրջապատւած թուրք տարրերով:

Այս շրջանի թուրքերը շատ մօտ յարարերութեան մէջ են Պարսկաստանի հետ. սրանց միջոցով և առաջնորդութեամբ անցնում էին սահմանը պարսկահպատակ թուրքեր և յարձակումներ գործում հայ գիւղերի վրա, հասնելով մինչև Ուժէնիս, Տաթև և նոյն իսկ Սիսիան: Կարծում ենք բացատրելու կարիք չկայ այն ծանր կացութիւնը, որի մէջ ապրում էր այդ փոքրիկ գիւղախումբը հայ-թուրքական ընդհարումներից ի վեր:

Մենք կանգ չենք առնի այդ շրջանում տեղի ունեցած մանր մունր դէպքերի վրա. կանգ չենք առնի նաև փհտրվարի սկզբում տեղի ունեցած յարձակման վրա, որի ժամանակ թուրքերը փախան մի քանի դիակներ թողնելով, այլ կը յիշատակենք միայն վերջին ընդհարումը:

Օգոստոսի 6-ին Ձանգելանի և Ղարագեօլի թուրքերը՝ միացած սահմանից այս կողմը անցած պարսկահպատակ թուրքերի հետ, մեծ ամբոխով եկան պաշարեցին Հանդը, Շիկահողը և Սրաշէնը: Հայերը երկու օր շարունակ կարողացան ուժեղ դիմադրութիւն ցոյց տալ և ի դերև հանել նրանց մտադրութիւնը: Թուրքերը նըկատելով որ երեք գիւղերը միաժամանակ աւերելը դժւար է, երրորդ օրը բոլորը միասին մեծ ուժով գնացին պաշարեցին Հանդը,

որ և այդտեղից նրանք կարողացան քշել 60 հաս տաւար, մօտեցան գիւղի սահաններին և կրակեցին մի քանի մարազներ: Ահա այդ նեղ ըրպէին հասաւ օգնութեան երիտասարդների մի խումբ Կորիւնի առաջնորդութեամբ և ազատեց Հանդը անխուսափելի աւերումից:

Դրանից յետոյ հայերը՝ հետևելով թուրք խուժանի օրինակին, այս անգամ էլ իրենք յարձակեցին թուրք գիւղերի վրա, որտեղերից ժողովուրդը փախչելով, աւերեցին Քեօլլու-Ղշլաղը, Մթնաձորը և Սանալուն, որոնք մինչև այժմ էլ անմարդաբնակ են:

Ղափանի այս սոսկալի տարեգրութիւնը փակելու համար, մեզ մնում է յիշել հայաբնակ գիւղերի վերջին խմբակը:

Այդ Մեղրի գետի հովիտն է, ուր ընկած են՝ Կալէշ, Վանք, Տաշտոն, Լիճք, Վահրաւա, Կուտեմիս, Կուրիս, Ագարակ, Մեղրի, իսկ դէպի արևելք՝ Մալե և Շւանիձոր գիւղերը:

Այս շրջանում մասսային ընդհարումներ տեղի չունեցան, բայց նրանց սարսափները մինչև վերջը շարունակեցին:

Ինչ վերաբերում է մասնակի դէպքերին, զրանց հաշիւ չկայ: Մենք կը յիշենք մեր իմացած մի երկու դէպքերը:

1905 թ. յուլիսին թուրքերը քշեցին Տաշտոն և Վահրաւա գիւղերի 1000-ից աւելի ոչխարը՝ և սպանեցին տաշտոնցի Առաքելին:

1906 թ. փետրվարին քշեցին Շւանիձորի տաւարն ու ոչխարը:

1906 թ. ապրիլ ամսին Շւանիձորի մօտ թուրքերի ձեռքով սպանեցին բէխեցի Դաւիթ Մէլիք-Փարսաղանեանը և շիշկերտցի Մարտիրոսը:

1906 թ. սեպտեմբերին թուրքերը քշեցին սարից Մեղրիի 80 տաւարը. ապա՝ Փուշկակ գիւղակի 70 տաւարը և թուրք Լեհվազ գիւղի 30 ոչխարը: Լեհվազի թուրքերը Ալանգեօզի սարում հայերի հետ միասին կուում էին թուրքերի դէմ:

Ինչպէս տեսանք Ղափանի շրջանում խոշոր ընդհարումներ և սոսկալի աւերումներ տեղի ունեցան օգոստոսի 2-ից սկսած մինչև 15-ը:

Այժմ տեսնենք թէ ինչ էր անում այդ ժամանակ աղմինիս-արացիան:

«Միմեանց քամակից հեռագրում էինք Շուշի նահանգապետին և Գորիս գաւառապետին, որ գաւառում ահագին ընդհարումներ կան, որ գիւղեր երկու կողմերից աւերուում, քանդուում են, որ յուզմունքը ծայրահեղ չափերի է հասել և տեղի են ունենում կոտորածներ, սակայն զօրք չէր ուղարկուում, կարգադրութիւն չէր արւում և ամբողջ շրջանը թողնւած էր բախտի կամքին»։ ահա այս պատմում էր մեզ խաղաղարար կօմիսիայի անդամ Ս. Մէլիք-Ստեփանեանը, ցոյց տալով մեզ այն մի շարք հեռագրների պատճէնները, որ ուղարկւած էին նահանգապետին և գաւառապետին։

«Եւ զօրքը եկաւ այն ժամանակ, երբ ընդհարումները բաւականաչափ հանդարտւել էին և պէտք էր տուգանքներ գանձել»։

Եւ իսկապէս ընդհարումներից յետոյ սկսւեցին տուգանքների գանձումը Ղափանում։

15 հայ գիւղերից վերցրին 13,000 բուրլու չափ տուգանք. չը խնայեցին նոյն իսկ Օխչիի ձորի 4 հայ գիւղերին, որոնք ստիպւած էին անհաւասար կռիւ մղել շրջապատող տարրերի հետ։ Տուգանքներ վերցրին նաև թուրքերից, շատ տեղերում նոյն իսկ 10-ական բուրլի իւրաքանչիւր տանից։

Թշւառ ժողովուրդներ. բաւական չէ որ անգիտացած միմեանց աւերում քանդում էիք, միևնոյն ժամանակ աւերում քանդրում էիք տուգանքների և էկզեկուցիաների շնորհիւ, որոնց ոչ չափն էր նախատեսուում և ոչ վախճանը։

Վերջացնելով Չանգեզուրի գաւառի այս արիւնոտ տարեգրութիւնը, մենք առաջ կը բերենք մի հեղինակուոր կարծիք ևս, որը մի աւելորդ պնգամ լոյս կը սփռի հայ-թուրքական ընդհարումների վրա մասնաւորապէս Չանգեզուրում։

Չանգեզուրի IV մասի հաշտարար միջնորդ պ. Փօն-Մենզենկամպֆը Չանգեզուրում հայ-թուրքական ընդհարումը բռնկելուց յետոյ Դանաբակի նահանգի գեներալ-նահանգապետին այդ ընդհարումների առիթով ներկայացրեց մի ընդարձակ և միևնոյն ժամանակ շատ հետաքրքիր դօկլադ, որից քաղւածօրէն մենք կը բերենք մի երկու փոքրիկ կտորներ. ահա նրանք.

«1904 թ. սեպտեմբեր ամսից \*), երբ ես ստանձնեցի հաշ-

\*) Տես „Евгавети. Крoвaв. дaг“ երեսներ 126, 129, 135, 137:

տարար միջնորդի պաշտօնը—ասում է դօկլադի մէջ Ֆօն Մենզենկամպֆը—առանց բացակայելու ապրելով յետ ընկած գիւղերի գիւղացիների մէջ նախ IV և ապա V ոստիկանական մասերում, Ջանգելանում և Բարաբաթումում, ոչ մի անգամ անձամբ չը նըկատեցի և չը լսեցի հայ և թուրք բնակիչներից մինչև անգամ որևէ ակնարկ ցեղային թշնամութեան մասին. ընդհակառակը նըկատեցի մաքուր բարեկամական կապեր գիւղացիների մէջ, մինչև և քաւորութիւնը»:

Ապա իր ասածներին ապացոյց բերելով մի քանի օրինակներ, աւելացնում է.

«Հայերի դէմ ուղղած թուրքական շարժման հող կար, բայց այդ հողը պէտք է փնտռել ոչ թէ խաղաղ կուլտուրական և ինքնապաշտպանութեան ընդունակ հայ ժողովրդի մէջ, ոչ թէ օրէնքի առաջ հայ գիւղացու հետ միեւնոյն պայմանների մէջ եղող թուրք գիւղացիութեան մէջ, այլ թուրք առաջաւոր դասի—բէկերի, սէյիդների և մօլլանների մէջ»:

Ապա բոււսական կանգ առնելով այն պայմանների վրա, որոնք գրգռեցին թուրք առաջաւոր դասին կուլտուրայի ընդունակ հայ ժողովրդի դէմ, շարունակում է.

«Ոչ պակաս դեր խաղում է այստեղ նաև տեղական ազմի-նիստրացիայի անտակտութիւնը՝ թուրքերին ցոյց տւած համակրանքով և հետևապէս նրանց դէմ հէնց սկզբից ձեռք առնելիք վճռական միջոցների բացակայութեամբ և ընդհակառակը իշխանութեան բացասական վերաբերմունքով դէպի հայերը»:

Եւ ապա առաջ բերելով մեղադրանքներ գաւառապետ Աւալիանիի դէմ, անաչառ պաշտօնեան իր դօկլադը վերջացնում է 14 հարցերից բաղկացած մի դիմումով. ահա նրանցից երեքը.

«Ինչո՞ւ Գօրիս քաղաքի աչքերի առաջ 12 ժամ շարունակաւող հրացանաձգութիւնը հայերի և թուրքերի մէջ -- բացականչում է Ֆօն-Մենզենկամպֆը անձամբ դուրս չեկաւ դադարեցնելու գաւառապետը կօղակների հետ միասին, մինչդեռ այդ չարաբաստիկ հրացանաձգութեանը վերադրւում է գաւառի ամբողջ կոտորածը»:

«Ինչո՞ւ II մասի պրիստաւ նշանակեց նախկին բանտարկեալ Սադդ-բէկ Մէլիք-Ասլանովը»:

«Ինչո՞ւ այդ նոյն Մէլիք-Ասլանովը հակառակ մինքէնդցի-

ների խնդրանքի չը հեռացեց պաշտօնից մինչև կոտորածը, սակայն որը հեռացեց նոյն իշխանութեան ձեռքով միմիայն կոտորածից յետոյ»:

Ահա մեղադրական ակտերը պաշտօնական շրջաններից, պաշտօնական շրջանների դէմ:

Միթէ այլևս որևէ կասկած կարող է լինել այն մասին, որ հայ-թուրքական կոտորածների մէջ կար մի խորհրդաւոր ձեռք, որը նիւթել էր այս դժոխքը:

Ցուցակ Ձանգեղուրի գաւառի այն գիւղերի, որոնց ժողովուրդը փախել կամ խոշոր վնասներ է կրել ընդհարումների ժամանակ:

Հ Ա Յ Գ Ի Ի Ղ Ե Ր

№ №	Գ Ի Ի Ղ Ե Ր Ի Ա Ն Ո Ի Ն Ն Ե Ր Ը	Տ ու ն	Ք ո շ չ ած	Կ ո ղ ու ղ տ .	Աւ եր .	Կ ո տ տ ր ած
1	Մինքէնդ	85	քոչ.	կող.	աւեր.	կոտ.
2	Խոզնավար .	80	—	„	—	—
3	Զէյվա .	25	քոչ.	„	—	—
4	Ալիդուլի .	100	„	„	աւեր.	—
5	Հարար .	103	„	„	„	—
6	Թազաքէնդ .	68	„	—	—	—
7	Ղալաջըղ .	42	„	կող.	աւեր.	կոտ.
8	Շամբ .	42	„	—	—	—
9	Դարարաս	42	„	կող.	—	—
10	Եղվարդ .	87	„	„	աւեր.	—
11	Մողէս . .	35	„	„	„	—
12	Տանձաթափա	29	„	„	„	—
13	Քաջարանց .	50	„	„	—	—
14	Քրդիկենց	40	—	„	—	—
15	Հանդ . .	31	—	„	—	—

Թ Ո Ի Ր Ք Գ Ի Ի Ղ Ե Ր

1	Բայինդուր .	50	քոչ.	կող.	աւեր.	—
2	Հալաբ .	35	„	„	„	—
3	Բինաբրի.	15	„	„	„	—
4	Քեօսալար	25	„	—	„	—
5	Մալիբէկլու	50	„	—	„	—
6	Ջաղազուր	40	„	—	„	—
7	Չայլու . .	10	„	—	„	—
8	Քեալավալախ	25	„	—	„	—
9	Նովրուզլու .	10	„	—	„	—
10	Ջէջիմլու	102	„	—	„	—



11	Հաջիլար .	26	քոչ.	կող.	աւեր.	—
12	Բաղրբէկլու .	—	„	—	„	—
13	Քեարահուզ .	30	„	—	—	—
14	Ունաննաւ .	25	„	—	աւեր.	—
15	Քիւրդտար .	19	„	կող.	„	—
16	Աղւանի .	13	„	—	„	—
17	Տանձաւեր .	26	„	—	„	—
18	Սիսիան .	95	—	կող.*	—	—
19	Աղոդի .	100	—	„*	—	—
20	Դարաբաս	110	քոչ.	„	աւեր.	կոտ.
21	Փուլ .	17	„	—	„	—
22	Արիբլու .	18	„	—	„	—
23	Շուքեար .	34	„	—	„	—
24	Մալիբլար .	30	„	—	„	—
25	Եմազլու .	45	„	—	—	—
26	Խաշտապ .	30	„	—	—	—
27	Ալմալի .	12	„	—	—	—
28	Քեարխանա .	28	„	—	աւեր.	կոտ.
29	Ղաթար .	47	„	կող.	„	„
30	Ջիրբլու .	30	„	„	—	—
31	Խալաջ . . .	50	„	—	—	—
32	Գէշի-Շարադին	30	„	կող.	—	—
33	Ինջափար .	19	„	„	—	—
34	Չուլլու .	17	„	„	—	—
35	Օխշի .	176	„	—	աւեր.	կոտ.
36	Աթկըզ . .	20	„	—	„	—
37	Փիրդաւուղան .	—	„	—	„	—
38	Առջագուր	—	„	—	„	—
39	Աջլու . . .	36	„	—	„	—
40	Բողաջղ . . .	—	„	—	„	—
41	Քեօլլու-Ղշլաղ .	23	„	կող.*	—	—
42	Մթնածոր .	10	—	„*	աւեր.	—
43	Սանալու .	17	քոչ.	—	—	—

\*) Մասնաւոր չափով կողոպտւած:

## Գ Ա Ն Ձ Ա Կ

Գանձակը նահանգական քաղաք է, ընկած Թիֆլիսից 180 վերստ հեռավորութեամբ, Բագու տանող երկաթուղու գծի կողքին, երեք չորս վերստ դէպի հարաւ, Գանձակ գետի վրա: Գանձակ գետը սկիզբն առնելով Փոքր-Կովկասեան լեռնաշղթայի հիւսիսային ստորոտներից, գալիս կտրում է Գանձակը հիւսիսարեւելքից հարաւարեւմտեան ուղղութեամբ, քաղաքը բաժանելով երկու մասերի: Գետի աջ ափը, դէպի երկաթուղու գիծը, կոչւում է թուրքական մաս. իսկ ձախ ափը՝ հայկական: Թուրքական մասը ներկայացնում է մի ընդարձակ հարթավայր, իսկ հայկական մասը ձգւած է գետի ափերով բարձրացող մի մակարդակի վրա:

Թուրքական մասում թուրքերից բաց ապրում էին նաև հայեր. դրանցից 20 տուն գետեղւած էին Երևանցոց փոքրիկ թաղում, կամրջին շատ մօտ, իսկ հարիւրից աւելի տուն՝ Նորաշէն թաղում, որն ընկած է թուրքական թաղի յետևի մասում՝ հարուստ խաղողի այգիներով:

Հայկական մասում հայերից բաց ապրում էին նաև աւելի քան 400 տուն թուրքեր, գետեղւած երկու բաւական մեծ թաղերում, այն է՝ Չայլուում և Մօլլա-Չայլուում, որոնք մի երկար գծով ընկած են հայոց թաղի արևելեան սահմանի վրա, կազմելով նրա թիկունքը: Այստեղ ապրում էր թուրք ժողովրդի աղքատ մասը՝ տալով գողերի բաւական մեծ թիւ:

Այս թաղերի հետ մշտական յարաբերութեան մէջ էր Թօփալ-Հասանլուն, հոչակաւոր աւազակաբարոյ այդ գիւղը, որին կը պատահենք յետոյ իր տեղում:

Գանձակը՝ շնորհիւ իր տաք կլիմայի և ճոխ բուսականութեան, մի պճնազարդ քաղաք է, թէև նրա մի քանի մասերը, մանաւանդ թուրք բնակչութեան շրջաններում, իրենց արտաքինով և փողոցների անհանոնութեամբ ու անմաքրութեամբ շատ աւելի հեռու են քաղաքի արժանիքից:

Գանձակը յայտնի է իր ծառայատուղներով, որոնց մէջ աչքի է ընկնում նուրբ: Գանձակը յայտնի է նաև իր խաղողի այգիներով և գինեգործութեամբ, շնորհիւ որի որոշ չափով նա ունի առևտուր և դրամական շրջանառութիւն: Առևտուրը կենտրոնացած էր գլխաւորապէս հայերի ձեռքում, իսկ շուկան գտնւում էր թուրքաց մասում մի ընդարձակ հրապարակի շուրջը, որտեղ կառուցւած է Շահ-Աբասի հինաւուրց մզկիթը: Այդ հրապարակում տեղի ունեցան անա բարբարոս գործողութիւնները:

Հայ-թուրքական ընդհարումներից և հայոց բազարը կողոպուտի և հրդեհի զոհ գնալուց յետոյ\*), ինչպէս քաղաքը, այնպէս էլ շուկան բաժանւած են երկու միմեանցից անջատ մասերի:

Գանձակի ազգաբնակութեան ընդհանուր թիւն է 37,000, որից՝ թուրքեր՝ 17,000, հայեր՝ 15,000 և զանազան ազգեր՝ 5,000:

---

\*) Գանձակի աւերումների ժամանակ կողոպուտել, այրել և աւերել են 450 տուն, խանութ, տան մէջ, խանութի մէջ և այգիներ. ֆլասը հասնում է 3 միլիօն գումարի: Այսքան ֆլաս ունեցել են միմիայն հայերը. թուրքերն էլ ունեցել են կորուստներ աւերումներից և հրդեհումներից առաջ եկած, սակայն նրանց ֆլասները շատ չնչին են հայերի կորուստների հետ համեմատած:

# ԱՒԵՐՆ ՈՒ ԿՈՏՈՐԱԾԸ ԳԱՆՁԱԿՈՒՄ

18 23 ՆՈՅՆՄԲԵՐԻ 1905 թ.

Մարդկային հիւանդութիւնների մէջ կայ մէկը, որը ունի մի տարօրինակ արտայայտութիւն. նա, այդ հիւանդութիւնը, չի հարւածում, ինչպէս թոքերի բորբոքումը կամ տիֆը. նա չի շրպըրտում մարդուն անկողին. նա չի պատճառում ոչ ցաւ, ոչ տենդ և ոչ էլ ջերմ: Բայց նա մարդուն աւելի քան տանջում է, թէև անըկատելի կերպով: Անքնութիւն, անհանգիստ վիճակ, ախորժակի խանգարումն, թափառելու ցանկութիւն, բոպէական վրդովմունք, չնչին երևոյթներից մեծ տպաւորութիւն, և վերջապէս մկանների ուժեղ ցնցումներ. անա այն սիմպտոմները, որոնց գիտութիւնը տւել է ջղային հիւանդութիւն անունը:

Ճիշտ ջղային հիւանդութիւնների և ցնցումների ախտով բռնւած մարդու վիճակ մաշում էր Գանձակը Բագուի փետրվարեան կարմիր օրերից սկսած մինչև նոյեմբերի 18-ը, ամբողջ ինն ամիսներ շարունակ, որին սովորական լեզուով անւանում ենք խաղաղութիւն:

Հայ-թուրքական ընդհարումների բիւմ հանդիսացած քաղաքների մէջ, ճիշտ է, թէև Գանձակը ամենից երկար կարողացաւ խաղաղութիւն պահպանել, բայց նա ոչ թէ խաղաղութիւն էր, այլ անքուն գիշերների, անվերջ սարսափների, վերջապէս անխուսափելի գալիք կոտորածների սպառնական, հոգեմաշ միլիոնաւոր ծանր բոպէների մի անսահման շարան էր, որ Գանձակը մաշում էր տանջող երեակայութեան բեռի տակ: Եւ նա ազատեց այդ բեռի ծանրութիւնից, երբ երեակայութիւնը իրականութիւն դարձաւ, երբ կարմիր հեղուկը նրանից էլ հոսեց:

Հայը, ինչպէս ամեն տեղ, նոյնպէս և Գանձակում, սարսափում էր անմեղ արիւն թափելուց. մարդկային մտքի, ձեռքի ար-

դիւնքները, կուլտուրայի ստեղծած բարիքները այրելուց, ոչնչացնելուց և նա ամեն միջոց գործ էր դնում կանգնեցնել գալիք աղէտները:

Մարտի 4-ին թուրքերը սօճուում էին իրենց կրօնական սուզը—շախսէ-վախսէն. այդ համարելով յարմար առիթ դրացիական կապը աւելի ևս ամրապնդելու համար, հայերը վճռեցին այդ օրը խանութները փակ պահել:

Չը նայած հայերի կողմից գործ դրած նման ջանքերին, Երևանի մայիսեան դէպքերի ժամանակ թուրքերի մէջ նկատուեցին յուզմունքներ, թէև մտքերը շուտով խաղաղուեցին: Այդ յուզմունքները աւելի ակներև դարձան Շուշու կոտորածների ժամանակ, որ և օգոստոսի 19-ին հայերը ստիպուած էին խանութները կողպել և տուն քաշել: Սակայն այս անգամ էլ հնար եղաւ փոթորիկի առաջն առնել: Տեղի ունեցան հայ և թուրք ժողովուրդների, ինչպէս և հոգևորական ներկայացուցիչների խորհրդակցութիւն, եղան փոխադարձ հաւաստիացումներ. նորից մտքերը խաղաղուեցին, բայց ոչ յարատև. այնպէս որ սեպտեմբերի 23-ին նորից կարևոր համարուեց երկու ժողովուրդների փոխադարձ այցելութիւն կատարել. հայերը այցելեցին Շահ-Աբասի մզկիթը, իսկ թուրքերը՝ Ս. Յովհաննէս մայր եկեղեցին: Այս փոխադարձ այցելութիւններին առաջնորդում էր գեներալ Տակալձվիլին: Նա դեռ ևս սեպտեմբերի 12-ին, երբ առաջին անգամ Գանձակ մտաւ, այցելելով առաջնորդարան, ուր հաւաքւել էին բաւականաչափ հայեր, խօսել էր շատ վճռողական տօնով, յայտնել էր, որ ինքը թոյլ չի տալ ոչ մի կարգի խանգարում և որ հայերը կարող են միանգամայն ապահով լինել:

Իշխանական հաւաստիացումն, ծիսական կարգ, ձևական այցելութիւն, ահա Շակաշիձէի աւանդ թողած «փօլիտիկը»:

Եւ քեռի Նակաշիձէի սպանութիւնով վշտացած Տակալձվիլու նենգ ու դիւային մտածումները մի կողմից, քաղաքական հանգամանքների դասաւորութիւնը միւս՝ եկան խորտակեցին գերագոյն ճիգերը:

Հոկտեմբերի 17-ի մանիֆեստը եկել էր ամոքելու վշտեր, մոռացութեան տալու կրած զրկանքները և հաշտութիւն ձգելու խշնամիների մէջ անգամ:

Հոկտեմբերի 21-ին Գանձակի թուրքերը մանիֆեստի առի-

թով ցոյց կազմեցին. ահագին բազմութիւն երաժշտութեան ուղեկցութեամբ կարմիր դրօշակներ բարձրացրած եկաւ Ս. Յովհաննէս եկեղեցու մօտ և համերաշխութեան անունից ճառեր խօսեց:

Նոյնպիսի ցոյց, մի օր յետոյ, ուղեցին կազմել հայերը, նպատակ ունենալով ընթանալ դէպի մզկիթի հրապարակը և ազատութեան տօնի առիթով խօսել կրկին համերաշխութեան մասին, բայց այս միտքը իրագործել հնար չեղաւ. ակներև դարձան խուլիգանական հարիւրեակների կողմից ջանքեր՝ կոտորած սարքելու հէնց որ ցոյցը շարջւէր տեղից: Ռուս ըլբօկրատիան դեռ ևս գոյութիւն ունէր. նա, նոյն իսկ իր մէջ ուժ էր զգում ստպալիլու մանիֆեստը և նախորդ օրւայ ցոյցի մասնակցող թուրքերից փորձում էր սև հարիւրեակներ կազմել: Հայերը զգուշացան և ցոյց տեղի չունեցաւ. այդ զգուշութեան շնորհիւ ահա փոթորիկն այս անգամ էլ անցաւ:

Սակայն ըէակցիան կանգ չառաւ. նա ուղեց իր դժոխային ծրագիրն ինչպէս էլ լինի այստեղ ևս իրագործել: Եւ ահա ընդամենը մի շաբաթ անց, հոկտեմբերի 27-ին, Գանձակում տարածւեց մի յուզիչ լուր և միաժամանակ լոյս տեսաւ Ռուսաց գործակալութեան մի հեռագիրը, որը հաղորդում էր, որ իբր Սարըսու գիւղում հայերը կոտորել են թուրքերին և որ այդ լուրը յուզել է նրանց հաւատակիցներին:

Այս հեռագիրը նպատակ ունէր սպասելիք կոտորածների մեղքը հայերի վրա ձգել, ինչպէս այդ նոյն բանը մենք տեսանք Նախիջևանի և Շուշու կոտորածների նախօրէքին:

Այս անգամ ևս փոթորիկն անցաւ շնորհիւ խելահաս թուրքերի, որոնք ուղարկելով և տեղն ու տեղը քննելով դէպքը, գտան որ ոչ միայն թուրքերի կոտորած չի եղել, այլ և Մանաշէթ հայ գիւղի տաւարը քշելու պատճառով հաւարի գնացած հայերը հանդիպել են Սարըսու գիւղի թուրքերին, որ և տեղի է ունեցել հրացանաձգութիւն, բայց առանց որ և է լուրջ հետևանք առաջացնելու:

Մինչև այդ գաւառներից հասնում էին Տակայշվիլու դէմ բողոքներ. հայերը ենթարկւում էին հալածանքի և էկզեկուցիաների. անմեղ մարդիկ բանդ էին ուղարկւում, շարագործ թուրքերը շարունակում էին ազատ մնալ և մի շաբթ այսպիսի փաստեր: Եւ մինչդեռ Շուշուց մի քանի հայեր Տակայշվիլու գործունէութեան առիթով շնորհակալութեան հեռագիր էին ուղարկում փոխարքային,

Գանձակի յաջորդ Կորիւն վարդապետը նոյեմբերի 9-ին ստիպւած էր Թիֆլիս գնալ, ներկայանալ փոխարքային և անձամբ պատմելով հայ ժողովրդի կրած տառապանքները, ինչդրել հեռացնելու նահանգապետութեան պաշտօնից նոյն Տակայշվիլուն: Հարցը պարզ էր, Տակայշվիլին հայերի համար ներկայանում էր երկսայրի մի սուր: Վերջապէս հասաւ նոյեմբերի 18-ը, Գանձակի համար այդ չարաբաստիկ օրը:

Ձը մոռանանք յիշել, որ երկու օր առաջ Շուշուց Գանձակ էր վերադարձել Տակայշվիլին: Ասում են, նա թթւած էր, Կորիւն վարդապետի բողոքը նրա զգրելի պաշտօնէութեան դէմ նրա սրտի մէջ կաթեցրել էր թոյնի մի նոր կաթիլ:

Նոյեմբերի 18-ին, օրն ուրբաթ, քաղաքային դպրոցի բակում նշանակւած էր միտինգ—մանիֆեստից յետոյ առաջին քաղաքական միտինգը Գանձակում: Այդտեղ պիտի գային թէ հայեր և թէ թուրքեր: Երկու ժողովուրդներ միասին պիտի տօնէին այդ օրը: Սակայն դեռ միտինգից շատ առաջ, առաւօտեան պահին հայոց քաղաքամասի ծայրում, Դիք-Քիւչա փողոցի գլխին, Գրիգոր Տէր-Յարութիւնեանի այգու առաջ ընկած գտան երկու թուրքի, այն է՝ Տօղանլար գիւղացի Բայրամ Մաշադի-Մամադ-Ալի օղլու և Մէհր-Ալի Ջէյնալ օղլու դիակները: Սպանութիւնը կատարւել էր այլ տեղ, իսկ դիակները բերել ձգել էին այդտեղ: Մի թուրք, որն իրեն համարում էր սպանւածների ընկերը, հայոց փողոցով շտապ անցնելիս, ակնատեսների պատմելով, աղաղակում էր, որ իր ընկերներին սպանեցին թուրքերը, այն ինչ այդ նոյն թուրքը, երբ հասաւ թուրքաց մասը, միակնթարթում տարածեց, որ հայերը յարձակեցին և սպանեցին իր երկու ընկերներին:\*)

Ահա այն բոլորը, որն առիթ ծառայեց Գանձակի ամիսներով պատրաստւած սոսկալի դրամայի: Ձէ՞ որ նոյնանման առիթներ մենք տեսանք Նախիջևանի և Շուշու կոտորածների նախօրէքին:

Դիք-Քիւչայի սպանման լուրը ըստէպէս տարածեց քաղաքում, սարսափ տիրեց ամենքին. միտինգը մոռացւեց, թուրքերը համախմբեցին Շահ-Աբասի մզկիթում, ուր ներկայ գտնւեցին

\*) Ստուգւած է, որ այդ երկու դիակները մի օր առաջ բերւած են եղել Բալըլու թուրք գիւղից Բաղմանլար թաղը. իսկ Բալըլուն նոյեմբերի 18-ին ընհարում էր ունեցել Չովդար հայ գիւղի հետ:

նաև անւանի թուրքեր և ժամը 10 և կէսին այնտեղից դուրս խուժեց ամբոխը կատաղած: Առաջին զոհն եղաւ առաջին պատահած հայը—Վասիլ Տէր-Մարտիրոսեանը, որից յետոյ պայթեց փոթորիկն ինչպէս հրաբուխը:

Նոյեմբերի 18-ը ջուճա էր—թուրքերի կիրակին և նրանք առևտուր չունէին այդ օրը, իսկ հայերի խանութները բաց էին: Ահա հէնց դրանց դէմ էլ ուղղեց յարձակումը:

Մի վայրկեան շուկան լցեց զինւած թուրքերով, շողշողացին սրեր, պայթեցին հրացաններ, գլուրեցին անմեղ հայեր տասնեակներով, սկսեց խանութների կողոպուտը մի վանդալական շահատակութեամբ: Ընկան խանութատէրեր, ընկան գործակատարներ, որոնք դեռ երկու օր առաջ ուզում էին գործադուլ անել խանութները հայոց թաղը տեղափոխել տալու նպատակով, սակայն որպիսի փորձերին ամեն անգամ արգելք էր հանդիսանում ոստիկանապետ Հասանբէկովը, ընկան և արհեստաւորներ:

Գազանացած խուժանը աջ ու ձախ սպանելով խուժեց մեծ հրապարակին կից քարվանսարան ,Փուշախչիխանան“, ուր աշխատում էին բազմաթիւ խեղճ ու կրակ, աղքատ ընտանիքներ կերակրող արհեստաւորներ: Այդտեղ աւելի գործ տեսաւ լուռ ու անաղմուկ սառը զէնքը, որը անխնայ ծակում, յոշոտում անցնում էր անխտիր հասակի, տարիքի:

Թափեց եկաւ ընչաքաղց խուժանն ամեն կողմից. սկսեց կողոպուտն ու աւերը: Մի կողմից գլուրում էին անմեղ զոհերը, միւս կողմից բարձոււմ էին խորտակւած խանութների ապրանքները սայլերի և ֆուրչօնների վրա և տարւում օրը ցերեկով ամհնքի աչքի առաջով. և ոչ ոք չէր կանգնեցնում, ոչ ոք չէր փորձում փակել այդ գործողութեան առաջը: Տանող տանողի էր, ով ինչով կարողանար . . . Եւ այս գործողութիւնը շարունակւում էր ամբողջ օրը: Թէ ինչ էր անում այդ միջոցին ոստիկանութիւնը, նրա դերը բնորոշելու համար առաջ կը բերենք ,Единственный Крובהв. Дни“ գրքի 11, 14, 15, 16, և 17 երեսներից հետեւալ քաղւածքները:

„Ոստիկանութիւնը յանձին ոստիկանապետ Հասանբէկովի, ականատեսների պատմելով, ոչ միայն միջոցներ ձեռք չէր առնում կանգնեցնել կոտորածն ու կողոպուտը, ոչ միայն չէր մտածում իր պարտականութիւնների մասին, այլ և շրջապատւած հագուստ-



ները փոխած թուրք գիմնագիստներով, խրախուսուում էր կողոպուտը, միջնորդում արձակել այն թուրքին, որին մի հայի սպանելու մօմենտին ոուս զինւորները բռնելով բերել էին Ասլանդուզեան գնդի գնդապետի մօտ: Բացի այդ, ոստիկանապետի թիկնապահ ինգուշը, մի քանի ականատեսների վկայութեամբ, հրացանագարկ էր անում պատահող հայերին, իր, ոստիկանապետի ներկայութեամբ և նոյն իսկ նրա հրամանով“:

„Բանդարկեալների վրա հսկող թուրք գօրօգօլօյ Քեարիմը, դարձեալ ականատեսի վկայութեամբ, նախ՝ ոստիկանատան միջանցքից սկսեց մաուզեր ատրճանակով կրակել փախչող և ոստիկանատուն դիմող հայերի վրա. ապա՝ դուրս գալով և „խարչենիկ“ ու „չայչի“ թուրքերի հետ միացած ներս խուժելով կոտորեց այն սենեակի դուռը, ուր պահուում էին կառավարչական գէնքեր ու փամփուշտներ և վերցնելով այդ բոլորը արձակեցին 12 թուրք բանդարկեալներին, որից յետոյ սկսեցին ներսն ու դուրսը հայեր փնտռել, նրանց կողոպտելու համար“:

„Պանութում փակած մէկ այլ ականատեսի վկայութեամբ, որը ամեն բան տեսել էր դրան ճեղքից, պրիստաւի օգնական Աբուլ-բէկ Կապանլինսկին ոստիկանապետի թիկնապահ ինգուշի և ուրիշ թուրքերի հետ սկսեցին կողոպտել նրա արհեստանոցը, սակայն սրանց մօտենալով Ալակպար-բէկ Բաֆիրէկովը յանդիմանեց ասելով, որ դեռ կողոպուտի ժամանակ չէ, այլ պէտք է նախ սպանել“:

„Մի ոուս պաշտօնեայի— ժանդարմ Կաչանովսկու վկայութեամբ, զինւած թուրքերի մի մեծ ամբոխ, որը անցնում էր մեծ փողոցով, ոստիկանապետն ուղարկեց նրանց մօտ պրիստաւ Իսրաֆիրէկովին, որը ամբոխին դարձրեց մի այլ փողոց, ուր նա սկսեց կոտորատել հայերի խանութները: Ամբոխին մասնակցում էին զինւորներ և ոստիկանական պաշտօնեաներ, որոնց թւում նա նկատել էր առաջին մասի պրիստաւի օգնական Փաթալիրէկովին: Նոյն վկան մի փոքր անց ականատես էր եղել, թէ ինչպէս „Յենտրալ“ հիւրանոցի մօտ գեներալ Տակալշիլու և ոստիկանապետի ներկայութեամբ թուրքերը քարշ էին տալիս հայերի ապրանքը, կրակում հրացաններից, բայց իշխանութիւնը ոչ մի կարգադրութիւն չէր անում“:

„Ժանդարմ Կաչանովսկու այն հարցին, թէ ինչո՞ւ թուրքերը

սպանում, կողոպտում են հայերին, նորաշէնի թուրք իւզբաշին պատասխանեց. „Այդ գիտէ ինքը գեներալ-գուբերնատորը“:

„Կաշանովսկու ցուցմունքները ամբողջովին հաստատեց նաև ժանդարմ Գօլովենկօն փոխարքայի օգնական Մալամայի ներկայութեամբ, որին և տալիս էին անձամբ իրենց ցուցմունքները առաջ բերած մեր մի շարք դէպքերի ականատեսները“:

Ոստիկանապետին ներկայացրած նոյեմբերի 27-ի թուով երկրորդ մասի պրիստաւ Կամսարականի բապօրտի մէջ արձանագրւած է Գանձակի ոստիկանութիւնը բնորոշող հետևեալ փաստը. „իմ ձեռքի տակ եղող թուրք զօրօգօվօյնները—գեկուցանում է պրիստաւը իր իշխանաւորին— առանց իմ թոյլտուութեան դեռ ևս առաւօտից քաշուցին իրենց տները, իսկ հայ զօրօգօվօյներ իմ ձեռքի տակ կային ընդամենը չորս հոգի և այն էլ առանց որևէ զէնքի, որովհետև զինւած էին միմիայն թուրք զօրօգօվօյնները“:

Չը մոռանանք ասելու, որ Գանձակի ոստիկանութիւնը անշնան բացառութեամբ— սկսած ոստիկանապետից մինչև ստորին պաշտօնեան, կազմւած էր թուրքերից:

Աւելի այլանդակ մի դեր այդ կոտորածի ընթացքում վերցրել էր իր վրա Տակայշվիլին:

Մի խումբ ոռու պաշտօնեաներ, որոնք դուրս էին եկել „Кавказъ“ թերթի մէջ \*) (№ 27 1906 թ.) պաշտպանւելու Չրելսեվի յարձակումներից, որը „Возрождение“ թերթի մէջ Գանձակի կոտորածի յանցանքը բարդում էր նրանց վրա, բացարձակ մեղադրում են Տակայշվիլուն, յայտարարելով. „... որ նոյեմբերի 18-ին, առաւօտեան ժամը 7<sup>1</sup>/<sub>2</sub>-ին, երբ պաշտօնապէս յայտնեցին քաղաքի վրոգովւած դրութեան մասին և հարց դրեց պահակներ հանել քաղաքում շրջելու համար, նա ոչ միայն այդ մասին հոգս չը տարաւ, այլ և կարգադրելով թուրքերին ժողովել մզկիթ նրանց հետ տեսնւելու համար, չը շտապեց այնտեղ ոչ ժամը 8-ին, ոչ 9-ին և ոչ էլ 10-ին“:

„Բացի այդ, չը նայած այն բանին, որ կոտորածը սկսւել էր բազարում դեռ ևս ժամը 10<sup>1</sup>/<sub>2</sub>-ից և վայրագութիւնները խուժանի կողմից գնալով մեծ չափեր էին ընդունում, գեներալ Տակայշվիլին մինչև 2-ը դուրս չեկաւ իր բնակարանից: Եւ երբ

\*) Տես . . . Елисаветпольск. Кровавые Дни. Երես 160.

տանից դուրս գալուց յետոյ դեռ շարունակուամ էր կողոպուտը, նա միջոցներ ձեռք չառաւ կանգնեցնելու աւերը, չը նայած որ հրապարակը խուժանից մաքրելու համար բաւական էր մի համազարկ նոյն իսկ օդի մէջ, և նա Տակայշվիլին ոչ միայն այդ չուզեց անել, այլ և քաղաքի ամենալաւ մասը չը փորձեց հրդեհից ազատել, մինչդեռ այդ հնարաւոր էր նրան\*) “:

Վկայում են շատերը, թէ երբ Տակայշվիլին բաւական ժամանակ անց քաղաք դուրս բերեց զօրքեր և թնդանօթներ, առաջին հոգսը եղաւ նախ ամրացնել կամուրջը՝ թնդանօթի բերանը դարձնելով դէպի հայկական մասը, որտեղից սպասուում էր օգնութիւն կողոպտիչների քամայաճոյքին թողնւած բազարի և այնտեղ մնացած հայերի համար:

Մի քանի զինւորներ, որոնք այդպիսի գործողութիւնների լուռ հանդիսատես լինելը համարելով վիրաւորական զինւորի կոչման, դիմեցին Տակայշվիլուն խնդրելով թոյլ տալ կանգնեցնելու կողոպուտը, այդ նրանց մերժեց:

„Գնե՛րալ Տակայշվիլին անտարբեր մտիկ էր տալիս կողոպուտման վայրագ տեսարանին, ծխում էր, զրուցում շքախմբի հետ, ժպտում, ծիծաղում, նոյն իսկ ժպտադէմ դառնում յաճախակի իր մտերիմ սիրելուն, ոստիկանապետ Թէմուր-բէկ Հասանբէկովին, որն սքանչելի ժպիտով պատասխանում էր մեծաւորի հարցերին, գրում է „Մշակ“ ի թղթակիցը շարունակելով \* \*)—մի քանի հայ առևտրականներ իրենց պատասպարանից մի կերպ հասնելով Տակայշվիլուն, երբ խնդրում էին նրան կանգնեցնել կոտորածն ու կողոպուտը, երկրի անդորրութեան համար նշանակւած գեներալը ժպտադէմ պատասխանում էր նրանց,— Այդ, աղանեակներ, յետոյ, յետոյ . . . Մի յուզւէք այդպէս . . . Այժմ կրակել չի կարելի . . . Յետոյ կը հրամայեմ զօրքով շրջապատեն ամբողջ բազարը և բոլոր կողոպտած իրերը հաւաքել մի տեղ, այն ժամանակ ամեն ոք կը ստանայ իր սեփականութիւնը . . .“

„(Это, голубчикъ, потомъ, потомъ . . . Не волнуйтесь такъ . . . Теперь стрѣлять нельзя . . . Потомъ прикажу оцѣнить базаръ и весь награбленный товаръ собрать въ одно мѣсто, тогда каждый подучить свое . . . .)“

\*) Տես „Елисаветпольск. Кровавые Дни“ էրես 122, 123,

\* \* Տես „Մշակ“ № 238—1905 թ.

„Նրբ բազարում սկսեց հայերի խանութների, տների և քարվանսարանների հրդեհը, երբ աղէտը հասաւ իր զարգացման զազաթնակէտին, այդ ժամանակ (ժամը 3<sup>1</sup> շին) գեներալ Տակաշւիլին, շրջապատւած կօզակներով ժպտադէմ եկաւ հայոց քաղաքամասը ու կանգնեց յաջորդարանի առաջ, իսկոյն շրջապատուեց ամբոխով, որը գանգատներով մօտեցաւ նրան: Գանգատաւորները շատ էին, անթիւ. շատերը կորցրել էին արդէն իրենց ամբողջ հարստութիւնը մի քանի ժամայ մէջ: Տասնեակ տարիների ընթացքում ձեռք բերած հարստութիւնը կորցրած մարդիկ խնդրում, պահանջում էին արդարացի զայրութով գոնէ կեանքի ապահովութիւն, կանանց, երեխաների փրկութիւն վայրագ խուժանից: Բազարի դժոխքից եկած Տակաշւիլին, դժոխքի, որը ամենարութ զգացմունքի տէր մարդու վրա անգամ կարող էր աղղել, ճնշել, զրուցում էր աղէտի զոհերի հետ, ինչպէս հին „քաղքի լօթին“ խօսում է սքաւոր ընտանիքների տեսութեան գնացած ժամանակ. անդադար ժպտում էր, ծիծաղում, նոյն իսկ զւարճախօսում էր և այդպիսով մխիթարում հայերին“:

„Նրբ հայոց եկեղեցու առաջ հայ հասարակութեան ներկայացուցիչները պահանջեցին Տակաշւիլուց կանգնեցնել խանութների կողպատումն ու հրդեհումը, կողպատողների վրա կրակել հրացաններից, կրակել նոյն իսկ թնդանօթներից, առանց ազդութեան խտրութեան, գեներալ-նահանգապետը իր անփոփոխ ժպտով պատասխանեց հարցական ևզանակով, —միթէ, կրակել նոյն իսկ թնդանօթներից, լաւ, հա, հա, հա, հա, . . . Հայերի այդ պահանջը զուարճացրեց նահանգապետին“:

Խանութներում փակւած հայերին զօրքը առաջնորդում էր հայոց թաղը վարձատրութեամբ միայն: Ճիշտ է, գինւորների մէջ կային մարդիկ, որոնք առանց դրամի կատարում էին գինւորի կոչումը, իսկ կօզակները առանց վարձատրութեան մի քայլ անգամ չէին անում: Մի հայ, որը ամբողջ ունեցածը կորցնելուց յետոյ կարողացել էր խանութից վերցնել միմիայն 180 ռ. փող, այդ բոլորը տեց կօզակներին, որ նոր կարողացաւ նրանց պաշտպանութեան տակ հայոց թաղը հասնել:

Մինչդեռ թուրք խուժանը շուկայում շարունակում էր իր սխրագործութիւնները իշխանութիւնների ներկայութեամբ, մինչդեռ յուսահատ մարդիկ զոհերի ու կորուստների վշտով համակ-

ւած այս ու այն կողմն ընկած, Տակայշվիլու փէշերից քարշ ընկած օգնութիւն էին աղերսում և սառն ու անտարբեր պատասխաններ լսում, քաղաքի հայկական մասում դաշնակցական գործողների ղեկավարութեամբ կազմակերպւում դասաւորւում էր ինքնապաշտպանութեան գործը:

Միմիայն շուկան չէր, ուր տեղի ունեցաւ կոտորած և կողոպուտ. ծրագիրը աւելի էլ ընդարձակ էր:

Շուկայում կոտորածն սկսելու հետ միաժամանակ յարձակման նշաններ դէպի հայոց թաղը նկատելի դարձան Չայլուի և Մօլլա-Ջալլուի կողմերից, ուր, ինչպէս յետոյ յայտնի եղաւ, շրջակայ գիւղերից, մասնաւորապէս Թօփալ-Հասանլուից, եկել խմբել էին բաւական թւով թուրքեր:

Այդ երկու թաղերի այս և այն կողմերից պայթեցին հրացաններ մի առանձին թափով. ուժեղ հրացանաձգութիւն տեղի ունեցաւ Չայլուի կողմից, առանձնապէս Մաշադի-Ռահիմ Հաջի-Մէլիքովի խանութից և նրա դիմաց գտնւող Մուստաֆա օղլու ցախի պահեստից, որոնք ծառայում էին որպէս դիրքեր: Այդ երկու թաղերը լուրջ երկիւղ էին ազգում հայերի վրա իրենց զըրւածքով, որտեղից դէպի հայոց թաղը խուժելը շատ դիւրին էր: Սակայն ազմիրխատրացիայի խրախուսանք գտած Չայլուի թուրքերի յարձակումը հէնց սոսջին քայլափոխում դիմադրութեան հանդիպեց և յետ մղեց մի քանի զոհերով, որոնց թւում ընկաւ նաև անուն հանած Ղարա Թաթ օղլին:

Մի անյաջող յարձակում այդ նոյն օրը տեղի ունեցաւ Չօլաք կոչւած այգիների վրա մի խումբ ձիաւոր թուրքերի կողմից, այնտեղ աշխատող մշակներին կոտորելու նպատակով, սակայն նրանց դէմ դուրս եկան ընդամենը հրեք զինւած երիտասարդներ և յետ մղեցին՝ սպանելով մէկին և վիրաւորելով երկուսին, թէև մէկն էլ իրենցից վիրաւորեց. մշակներից սպանւեցին 2-ը, իսկ աւելի քան 100 հոգի ազատեցին:

Հրացանաձգութիւն դէպի հայոց թաղը տեղի ունեցաւ նաև Բաղմանլարից, բայց այդտեղ էլ նրանք դիմադրութեան հանդիպեցին:

Յարձակման ենթարկւեց նաև Երևանցոց թաղը, որը նոյնպէս անփնաս մնաց, նախ՝ որ հայոց թաղից կարելի էր լինում

պաշտպանել նրան և երկրորդ՝ որ հէնց թաղի մէջ կային կուռղ տղաներ. քիչ չէր նպաստում նրա պաշտպանութեանը նաև կամրջի վրա եղող զօրքը, որի մէջ, այնուամենայնիւ, աւելի շատ մարդասիրութեան զգացմունք կար, քան վատթար գեներալի: Երևանցոց թաղի հայերը շնորհիւ այդ պայմանների փոքր առ փոքր կարողացան իրենց իրերով տեղափոխել հայոց մասը:

Ամենից վտանգաւոր դրութեան մէջ գտնուում էին Նորաշէնի հայերը, որոնք ընկած թուրք թաղի յետեր, ոչ մի հնարաւորութիւն չունէին օգնութիւն ստանալ: Այդ թաղի վրա ամբողջ խուժեց այն ժամանակ, երբ արդէն շուկայի հետ ամեն բան վերջացել էր, սակայն մինչև այդ՝ նորաշէնցիները թողած տուն ու տեղ խմբել էին հկեղեցու մէջ, որը նրանց պատուարանը դարձաւ չորս օր շարունակ: Մի քանի կուռղ երիտասարդներ առաւօտեան տեղի ունեցած թոյլ յարձակմանը կարողացան այնքան դիմադրել, մինչև որ օգնութեան եկող զօրքերի հետ հկեղեցու դիրքերից դէմ դրին նաև մեծ գրոհին, թէև խուժանը կարողացաւ մի քանի տրներ կողոպտել և այգիներ կտրատել:

Չորս օր ու գիշեր շարունակ անգին թւով ժողովուրդը զօրքի հետ միասին ապրում, գիշերում էր հկեղեցու մէջ. մի ընդհանուր սեղանից ուտում-խմում էր չորս օր շարունակ հարուստն ու աղքատը, մարդ ու կին, մեծ ու փոքր, մինչև 22-ին ֆուրգօսներով կարելի եղաւ տեղափոխել հայերի մասը, որից յետոյ տներն ամբողջովին հրդեհեցին և այգիները կտրատեցին:

Նոյեմբերի 18-ի չարաբաստիկ օրը միմիայն բազարի կոտորածով ու կողոպուտով և հայկական թաղի վրա եղած մի քանի յարձակումներով չը վերջացաւ: Հայերի ամբողջ գոյքը բազարում կողոպտելուց յետոյ երեկոյեան ժամը 5-ին մի քանի տեղից հրդեհեցին հայերի տները և խանութները: Երկու մեծ շէնքերի հրդեհները, որպէս երկու վիթխարի խարոյկներ, ամբողջ գիշերը լուսաւորում էին ոչ միայն քաղաքը, այլ և հեռու շրջակայքը: Այնպէս որ, այն, ինչ որ հնար չեղաւ կողոպտել, տանել՝ հրդեհեցին, ոչնչացրին: Այսպէս էր ծրագիրը:

Նոյեմբերի 19-ին Չայլուի և Մօլլա-Ջալլուի կողմերից յարձակման մի նոր փորձ եղաւ: Այդ թաղերում խմբել էին բաւականաչափ ուժեր՝ եկած թուրքական միւս մասերից. շուկայում ունեցած յաջողութիւնը նրանց մղել էր այս անգամ դէպի հայոց

Թաղը, բայց ի զուր. մի ամբողջ օրւայ յամառ կուից յետոյ, երբ զօրք եկաւ մի Թնդանօթով Թուրքերի խուժումը կանգնեցնելու համար, հայ կուտղները կարողացան գրաւել Թուրքական երկու զօրեղ դիրքեր, մէկը Մօլլա-Ջալլում, իսկ միւսը Չայլում, օրիորդաց գիմնազիայի դիմաց, որից յետոյ Թուրքերը յուսահատւած փախան՝ դատարկելով Թաղերը: Երկու օրւայ կոտորածի, կողոպուտի ու հրդեհի պատճառած զայրոյթը հայերը Թափեցին այդ երկու Թաղերի վրա. Թուրք խուժանին յատուկ կողոպուտը հայերն էլ սրբապորձեցին, սակայն այն տարբերութեամբ, որ վերջինները հրդեհի չը դիմեցին, և ձեռք չը տւին այն Թուրք կանանց ու երեխաներին, որոնք անկարող լինելով փախչել գերի ընկան հայերի ձեռքը: Սրանք փոխանորդի միջոցով յանձնեցին Թուրքերին:

Հայերը նպատակ չունէին Թաղեր աւերել. այդ նրանց ցանկութիւններից դուրս էր, բայց երկու հանգամանք, նախ՝ ապահովութեան և երկրորդ՝ մի նոր ճանապարհ բացելու ինդիքը դէպի երկաթուղու կայարանը, ստիպում էր նրանց քշել Թուրքերին այդ տեղերից: Եւ այդ կարիքն առաջ եկաւ այն օրից, երբ Թուրքերի Թաղով հայերի երթևեկութիւնը միանգամայն դադարեց: Նոյեմբերի 22-ին Թուրքերը հրդեհեցին Նորաշէնի տները. հրդեհեցին նաև 2 տուն բազարի մօտ. դրանց և յաջորդ դէպքերին որպէս պատասխան հայերն էլ հրդեհեցին և աւերեցին Չայլուն և Մօլլա-Ջալլուն:

Գանձակի ընդհարումները այսքանով չը սահմանափակեցին. կուի ամենայամառ տեսակը տեղի ունեցաւ նոյեմբերի 22-ից լոյս 23-ի գիշերը: Այդ օրը քաղաք էր մտել Դալի-Ալին, այդ Թուրք աւազակը, որին բերել էին տւել Թուրք երևելիները, երաշխաւորելով, որ նրան կառավարութիւնը չի դիպչելու: Եւ այդպէս էլ էր, Դալի-Ալու Գանձակ լինելը ազմինիստրացիան գիտէր և նրան անհանգիստ չէր անում:

Դալի-Ալու մուտքը Գանձակ նոր ոգևորութիւն առաջ բերեց Թուրքերի մէջ, մի ամբողջ օր շարժման մէջ էր Բաղմանլարը:

Երեկոյեան ժամը 9-ին Բաղմանլարի կողմից պայթեցին հրացաններ, որոնց արձագանք տւին այս և այն կողմից լուող ուրտոները. գնալով հրաձգութիւնը սաստկացաւ. հայերն էլ իրենց կողմից սկսեցին կրակել: Շուտով յայտնեց զօրքը Թնդանօթով,

որը նոյնպէս կրակել սկսեց: Մի ժամանակ հրացանաձգութիւնը սոսկալի չափերի հասաւ: Թուրքերը փորձեցին անցնել գետը և նրանցից մի քանիսը հասնելով հայերի այդիններին, հրդեհեցին մի դէպ: Այս դէպքը իրարանցում առաջ բերեց հայերի մէջ, սարսափ տիրեց ամենքին. հայերի թաղը վտանգի մէջ էր. բայց այդ յուսահատ ըրողէին առաջ անցաւ. Համբօն, հայ դաշաղը, լայնաթիկունք, յաղթանդամ, ամեհի ուժի տէր, 42 տարեկան մարդը և իր մի քանի կտրիչներով նետուեց կրակի մէջ, անցաւ գետը, մտաւ Բաղմանլար և հասաւ մինչև թուրքաց գերեզմանատունը: Եւ երբ կէս գիշերից անց, ժամը 3-ին վերադարձաւ Համբօն, Բաղմանլարը լուռ էր որպէս գերեզմանը: Համբօն զոհ տալով իր ընկերներից երեքին—խաչակապցի Արզումանին, Գրիգորին և բանանցեցի Հանէսին, մի քանի անգամ աւելի թւով զոհեր էր առել, սարսափ տարածելով ամբողջ Բաղմանլարում: Յաջորդ օրը հայերի այգիների մէջ գտնուեցին մի կապոյտ դրօշակ և նաւթած լաթեր:

Այդ կուռում բացի վերև յիշածները ընկան նաև փիբեցի Խաչատուրը և բանանցեցի Տօնոնց Նիկօլը: Կային նաև վիրաւորներ: Զոհեր ունէին և թուրքերը, այն էլ շատ զոհեր. եթէ հաւատանք մի ֆելդշերի տւած տեղեկութեան՝ 85 էր այդ զոհերի թիւը:

Թէև այս մեծ ընդհարումը իր հետևանքներով որոշ ազդեցութիւն թողեց թուրքերի վրա և մասսայական յարձակումները դադարեցին, այնուամենայնիւ, տեղի ունեցան հետևեալ պօզալի դէպքերը:

Նոյեմբերի 24-ին փոխարքայի օգնական Մալամայի ներկայութեամբ, որը եկել էր Գանձակ 4 օր առաջ, հանդիսաւոր հաշտութիւն տեղի ունեցաւ, մինչդեռ այդ հաշտութիւնից մի ժամ յետոյ պրիստաւ Կապանլինսկու ուղեկցութեամբ թուրքաց մասում դիւաններ փնտոնելու գնացած, ինչպէս և կայարանից երկու կառքերով անցնող հայերը հնթարկուեցին յարձակման և սպանուեցին:

Այս դէպքի յաջորդ օրը, նոյեմբերի 25-ին, խաղաղարար կօմիսիայի նիստին փաստարան Ալակպար Խաս-Մամեդովը և Ալակպար-բէկ Բաֆիրէկովը յայտնելով, որ թուրքերի մօտ կան գերի հայեր, որոնց համար ըրողէն թանկ արժէ, առաջարկեցին փոխանակել թուրք գերիների հաւ: Սակայն երբ յաջորդ օրը հաշտարար դատաւոր Չերնիցը և Սերբերիակովը երեք թուրք գերիներով ներկայացան որոշած տեղը—ժողովարան, Միխայիլովը



և Խան-Մամեդովը չեկան և երբ երկար սպասելուց յետոյ, թուրք գերիներն արձակեցին, յայտնի եղաւ, որ հայ գերիները սպանւած են արդէն:


Գանձակի այս սոսկալի պատմութեան մէջ չը պիտի մոռանալ մի էջ ևս:

Երկու ժողովուրդներին հաշտեցնելու նպատակով կոտորածի յաջորդ օրը Թիֆլիսից ևկաւ մի խաղաղարար մարմին, որի անդամներից մէկն էր Զրելանը: Պ. Զրելանը իր միասիան հասկացել էր Տակալշվիլու պաշտպանութեան մէջ, որը և «Возрождение» թերթի էջերում մի շարք յօդածներով իր անունը անմահացրեց տխրահռչակ գեներալի սխրագործութիւնների արդարացումներով:

Գանձակի կոտորածի օրերում մեծ սարսափի տակ գտնուում էր նաև երկաթուղու կայարանը, ուր կային մի քանի հայ խանութպաններ, որոնց կոտորելու և կողոպտելու նպատակով թուրքերի կողմից տեղի ունեցան մի շարք յարձակումներ, բայց ամեն անգամ էլ նրանք յետ էին մղուում զո՛ներ տալով: Երկաթուղու ծառայողները—ոռւս, վրացի, և այլ տեղերից եկած հայեր—բոլորը մօտ 40 հոգի և 16 զինւորների մի պահակ երեք օր կարողացան կայարանը պաշտպանել, թոյլ չը տալով խուժանին որիէ վնաս հասցնել նրան:

Մի սոսկալի դրամայ էլ տեղի ունեցաւ քաղաքի շրջակայքում այգիների մէջ:

Գանձակից դէպի հիւսիս, մի տափարակի վրա, ձգւած են գերմանացի Ֆերի, ոռւս Գօրչակովի, Արդանեանի և Առաֆելեանի ընդարձակ այգիները, ուր տարւայ այդ միջոցին բանելիս են լինում բաղմաթիւ հայ մշակներ: Ահա այդ այգիների վրա յարձակեցին թուրքերը: Մշակներից մի մասը կարողացաւ փախչել, բայց ընկնողներ էլ շատ եղան: Ապա աւերող ձեռքը հաշիւ տեսաւ Արդանեանի և Առաֆելեանի այգիների հետ: Տասնևհինգ հազարներ արժեցող շինութիւններն իրենց թանկագին կահկարասիներով զո՛ գնացին լափող հրդեհին:



Մի երկու բնորոշումներ ևս տանք գերմանացիների վերաբերմամբ:

Գանձակ կայարանից ոչ հեռու յայտնի Փօրերի այգում բանում էին այդ ժամանակ բազմաթիւ հայ մշակներ: Քաղաքում կոտորածն սկսելուն պէս այգու կառավարիչն այդ մշակներին դուրս քշեց այգուց, խլելով մէկի ձեռքից նոյն իսկ հրացանը—նրա վերջին պաշտպանութիւնը:

Աւելի նողկալի էր միւս դէպքը: Ալաբաշլի կայարանի մօտ Փօրերն ունի մի այլ ընդարձակ այգի «Ղարաբեր» անունով: Այդտեղ բանող մշակներից մի քանիսն ազատեցին շնորհիւ չովդարեցի մի կտրիչ մարդու, որն իր հրացանն առած մտաւ եղեգնուտների մէջ և կուսեց թուրքերի դէմ: Մշակներից 25 հոգի, որոնց անւանացուցակը բերւած է գրքի վերջում, ընկան սրախողխող: Քարասիրտ գերմանացին այդ դժբախտ կեանքերը փրկելու համար զլացաւ տալ շարագործներին մի փոքրիկ գումար որպէս փրկանք: Մինչև անգամ մէկը մշակներից, որն ազատեց մի հրաշքով և որը 5 տարի շարունակ ծառայել էր Փօրերին, երբ դիմեց նրա կառավարչին մի քանի բուբլի խնդրելով, գերմանացին մերժեց տալ, մինչև որ սպառնալիքով կարելի եղաւ 3 ռ. փող դուրս քաշել նրա գրպանից, մահից ազատւած մարդու ճանապարհածախքի համար:


Ահա իր տեսակի մէջ հզակի Գանձակի աղէտը, որ մի աւելորդ անգամ եկաւ ոռւս բիւրօկրատիայի ճակատին դրօշմելու որբերի և այրիների անէծքը:

Երկու օրուայ մէջ Գանձակում ընկել էին 150-ից աւելի անմեղ զոհեր. հայերի ամբողջ շուկան կողոպտւել էր, որի կորուստը հասնում էր երեք միլիօնի. 60-ից աւելի խանութներ և բազմաթիւ տներ թէ շուկայում և թէ թաղերում հրդեհի զոհ էին դարձել: Աւերւել էին նաև երկու թուրքական թաղերը: Մի խօսքով շէն քաղաքի մի քանի մասերը ներկայացնում էին աւերակների կոյտեր:

Այդ բոլորից յետոյ միայն արձակեց Տակայվիլին, այդ զագիր Եագօն. այդ էլ կարծէք աւերւած հայերին մխիթարելու համար. իսկ նրա փոխարէն նշանակեց գեներալ Ֆլէյշբերը, որը բաւական կեանքեր էր փրկել կոտորածի առաջին օրը: Գանձակի ոստիկանապետ Հասանբէկովը, ոչ պակաս մեղսակից քան Տա-

կայՉՎիլին, իր պաշտօնում մնաց. կողոպուտը և կոտորածը դեկավարող յայտնի աւագակներն անպատիժ մնացին և այդ բոլորից յետոյ անբնական էլ կը լինէր, եթէ Ֆլէյշերը շարունակէր իր պաշտօնավարութիւնը առաջին օրերի անաշատութեամբ. չէ՞ որ կոտորածները անհատների գործեր չէին, այլ մի մեծ ծրագիր վերակից, շատ վերակից եկած:

Այդ ծրագրին դէմ գնալ ոչ ոք չէր կարող, լինէր նա ՏակայՉՎիլի թէ Ֆլէյշեր, տարբերութիւնը նրանումն էր, որ ՏակայՉՎիլին, որպէս վատթարագոյնը, հոգիների մի այլանդակութիւն, անձնական հաճոյք էր գտնում, երբ գոհերը շատ էին լինում և գոհերի տանջանքը սոսկալի. իսկ Ֆլէյշերը անձնականապէս դժգոհ այդօրինակ բարբարոսութիւններից, այնուամենայնիւ, անգոր էր իրերը այլ կերպ դարձնել: Եւ այդպէս էլ էր: Բարի Ֆլէյշերը շարունակեց գեներալ-նահանգապետի պաշտօնավարութիւնը, թշնամական գործողութիւնները հայերի դէմ շարունակեցին առաջւայ պէս, կեանքն իր սովորական ընթացքի մէջ չը մտաւ, հայերը նրանից էլ դժգոհ մնացին . . .



## ԳԱՆՁԱԿԻ ԳԱՒԱՈ

Գանձակի գաւառը՝ ընկած նահանգի հիւսիսային կողմում, իր բազմամարդութեամբ և ընդարձակութեամբ միւս գաւառների շարքում բռնում է առաջին տեղը, թէև հայ ազգաբնակչութիւնը բաւական փոքրաթիւ է, եթէ չը հաշւենք քաղաքում բնակողներին:

Գաւառի ազգաբնակչութեան ընդհանուր թիւը քաղաքի հետ միասին հասնում է 162,000-ի, որից թուրքեր՝ 105,000, հայեր՝ 43,000 և զանազան ազգութիւններ՝ 14,000:

Գանձակի գաւառը իր աշխարհագրական դիրքով երկու տարբեր դրութիւններ է ներկայացնում: Հիւսիսային մասը հարթտափարակ է, ձգւած Բուր գետի երկու ափերի վրա, բնակեցրած բացառապէս թուրքերով, իսկ հարաւային մասը լեռնոտ է և տեղ տեղ անտառապատ, ուր հայ և թուրք ապրում են խառը:

Գանձակի գաւառում եղող 171 գիւղերից հայաբնակ են 56-տևեալ 38 գիւղերը:

№№	ԳԻՒՂԵՐԻ ԱՆՈՒՆՆԵՐԸ	Տուն պաշտ. թւեր	Մատակատուն՝ մերը
1	Վերին-Շէն (Աղջաքէնդ-Վերին)	121	240
2	Ներքին-Շէն (Աղջաքէնդ-Ներքին)	130	270
3	Պարխա	49	80
4	Խարխապուտ	30	50
5	Մանասրէկ	55	80
6	Աղջաղալա (Ղարաչինար)	141	200
7	Ղարրիքէնդ (Ենգիքէնդ)	19	25
8	Գետաշէն (Չայքէնդ)	464	700
9	Ազատ (Սուլուկ)	59	110
10	Աբլահ	41	60
11	Նորաշէն (Ղուշուլար)		40
12	Ղարաբուլաղ	60	100
13	Բախշիկ (Հաշիքէնդ)	43	70

14	Ղարադաղլու . . . . .	76	80
15	Ոսյլար (Ոսնքէնդ) . . . . .	38	40
16	Սարով . . . . .	27	30
17	Բուզլուզ . . . . .	115	—
18	Մանաշէթ . . . . .	46	80
19	էրքէջ . . . . .	150	220
20	Ոսկանապատ (Ձուռնարատ) . . . . .	102	—
21	Միզրիկ . . . . .	75	—
22	Մուրութ . . . . .	34	—
23	Բարաջուր (Ղարաքէշիշ) . . . . .	56	—
24	Քարհատ-Վերին (Դաշքէսան-Վերին) 1	84	—
25	Քարհատ-Ներքին (Դաշքէսան-Ներքին) 1		
26	Բանանց (Բայան) . . . . .	281	400
27	Քաշակապ (Ղուշչի) . . . . .	119	—
28	Կիրանց (Սէյխ) . . . . .	45	—
29	Փիր (Ձագիկ) . . . . .	327	—
30	Չովղար . . . . .	99	—
31	Բարսում . . . . .	185	—
32	Բարում . . . . .	102	—
33	Գուլամբիր . . . . .	—	—
34	Նուզզէր . . . . .	102	—
35	Ջագիր . . . . .	110	—
36	Ջարդախլու . . . . .	331	—
37	Բադաքէնդ . . . . .	256	400
38	Ղազախ . . . . .	60	—
39	Գիւլիստան . . . . .	63	—

Ի նկատի ունենալով Գանձակի գաւառում բռնկւած ընդհանուր մեծ իրենց ծաւալով և աշխարհագրական դիրքերով, սկսած գաւառի արևելեան սահմանից դէպի արևմուտք, նրանց կարելի է բաժանել հետևեալ վեց շրջանների.

- 1) Ղարա-Չայ գետի հովիտ:
- 2) Քիւրակ-Չայ գետի հովիտ:
- 3) Գանձակ գետի հովիտ:
- 4) Արթօնաջուր կամ Ղուշղարա գետի հովիտ:
- 5) Շամքոր գետի հովիտ:
- 6) Բադաքէնդ-Գետարէկի շրջան:

## ԸՆԴՀԱՐՈՒՄՆԵՐԸ ՂԱՐԱ-ՉԱՅ ԳԵՏԻ ՀՈՎՏՈՒՄ

1905 թ. ՀՈԿՏԵՄԲԵՐԻՑ—1906 թ. ՓԵՏՐՎԱՐ:

Մրաւ լեռան ստորոտներից սկիզբն առնելով հիւսիսարեւելեան ուղղութեամբ հոսում է փոքրիկ, բայց բեղմնաւոր Ղարա-Չայ գետը, որի հովտում ընկած են պատմական Գիւլիստանի մի շարք պտղատու, այգիներով հարուստ Վերին-Շէն, Ներքին-Շէն, Պարխա, Պարխապուտ, Մանասբէկ, Աղջաղալա\* ) և Ղարբիքէնդ գիւղերը:

Աղջաղալայից սկսւում է Ղարա-Չայի ստորին հովիտը՝ ձրգւած գէպի ընդարձակ դաշտավայրը, ուր ընկած են Մօլլա-Վալաղլու, Զէյվա, Ղարակուջաղ, Սաֆի-Գիւրդ, Ղըզըլ-Հաջըլու, Ղասումբէկլու, Բօյ-Ահմէդլի և այլ բազմաթիւ թուրք գիւղեր իրենց անհանգիստ տարրերով, որոնք նոյն իսկ խաղաղ ժամանակ առիթը բաց չեն թողնում զիպչել տեղացի և անցորդ հայերին ու նրանց կայքին ու կենդանիներին:

Այս շրջանի թուրքերի մէջ յուզման նշաններ նկատելի դարձան դեռ ևս ամրան վերջերին, երբ քոչը սարից վայր իջաւ: Սեպտեմբերի վերջերին Աղջաղալայի վրա տեղի ունեցաւ մի թիթեկ յարձակում, որի ժամանակ սպանւեցին երկու հայեր: Դրանից յետոյ տեղի ունեցան հետեւի սպանութիւնները և կողոպուտները:

Մօլլա-Վալաղ գիւղում, մղկիթի վրա բանիխ, սպանւեց Ներքին-շէնեցի որմնագիր Ղարախանը, 35 տարեկան:

Սեպտեմբերի 20-ին Եանդ կոչւած սարում սպանւեցին 3 սարովցի հայեր:

---

\*) Պարխապուտ, Աղջաղալ գիւղերում, ինչպէս և Թալիշում մինչև այժմ ապրում են Գիւլիստանի նախկին տիրապետող Մէլիք-Բէզլարեանների ժառանգները, որպէս բէկեր, սակայն բաժան բաժան եղած իրենց փոքրիկ կալուածներով:

Հոկտեմբերի 7-ին Աղջաղալայի մօտ սպանւեց վերին-չէնեցի Սիմօնը:

Հոկտեմբերի 10-ին թուրքերը քշեցին Ղարաբուլաղի ձիերը և ապա՝ տաւարը:

Մի քանի օր անց Պարիս գիւղի հանդից քշեցին 72 տաւար:

Իսկ հայերն այդ միջոցին իրենց հերթում Մրաւ սարի ստորոտներից քշեցին Սաս-Մամեղբէկովի 100-ի չափ ոչխարը:

Հոկտեմբերի 19-ին Աղջաղալայից քշեցին 127 տաւար: Ապա քշեցին 70 տաւար և նորից 84 տաւար:

Հոկտեմբերի 23-ին Դոզիւար թուրք գիւղի մօտ սպանւեցին աղջաղալեցի 5 հայեր, դրանք էին՝ Սարգիս Ղարայեանը, 35 տար., Յովհաննէս Մարինեանը, 25 տ., Դուխան Գզիրեանը, 30 տ., Ֆրիդօն Բաղիեանը, 20 տ. և Զաւաղ Շիրինեանը, 18 տարեկան:

Եւ վերջապէս 3 օր անց Աղջաղալայի մօտ մի այգում խլելեցին Ղազար Յարութիւնեանի ձեռքից հրացանը և նրա 3 գումէշները:

Մալականների Պարիս գիւղում կողոպտւեցին գտնաւեցի Արշակ Լիսիկեանի խանութը և հացի ամբարները, մօտ 10,000 ռ. գումարի ապրանքներով: Կողոպտողները թէև Ղարաղոյունու գիւղի թուրքերն էին, բայց քիչ մասնակցութիւն չէին ունեցել նաև մալականները, որոնց տներում գտնւեցին կողոպտւած ապրանքներ:

Յունվարի 1-ին Զէյվայի թուրքերը գիւղից կրակ բացին անցորդ աղջաղալեցի հայերի վրա, որից առաջ եկաւ ընդհարում: Այդ ընդհարման ժամանակ հայերից սպանւեց մի 20 տարեկան երիտասարդ Միրզա Բաղմանեան անունով, իսկ թուրքերից լսպանւեցին մի քանիսը:


Այս դէպքը թուրքերը չը կարողանալով տանել, շրջականերից մեծ բազմութիւն հաւաքելով՝ յունվարի 4-ին, առաւօտեան ժամը 5-ին, մեծ ուժով յարձակւեցին Աղջաղալայի վրա, ուր տեղի ունեցաւ ամբողջ օրը տաք կռիւ: Յարձակումը վերջացաւ նրանով, որ թուրքերը բաւական սպանւածներ տալով, սակայն միմիայն 4 դիակներ թողնելով, փախան:

Այդ կուում հայերից սպանւեց Սարով գիւղացի Միքայէլ Ազիզեանը, 40 տարեկան և երեք հոգի էլ վիրաւորւեցին:

Փետրվարի 13-ին Աղջաղալայի վրա մի նոր յարձակում

տեղի ունեցաւ Մօլլա-Վալադ գիւղի կողմից, բայց թուրքերը  
յետ փախան՝ ուժեղ դիմադրութեան հանդիպելով. հայերը զայրա-  
ցած այդքան յանդգնութիւնից հետամուտ եղան նրանց մինչև  
գիւղը. այդ տեսնելով թուրքերը վերցրին իրենց ընտանիքները  
և փախան, որից յետոյ նրանց տներն աւերւեցին:

Այս շրջանի դէպքերից աւելի խոշոր դէպքեր տեղի ունեցան  
Քիւրակ-Չայ գետի հովտում, որին և դիմում ենք:





## ԸՆԴՀԱՐՈՒՄՆԵՐԸ ՔԻՒՐԱԿ-ՉԱՅ ԳԵՏԻ ՀՈՎՏՈՒՄ

ՀՈԿՏԵՄԲԵՐԻՑ ԴԵԿՏԵՄԲԵՐ 1905 թ.

Իր բարձրութեամբ հռչակաւոր Մրաւի հետ մրցել է ուզում նրանից 15 վերստաչափ դէպի արեւմուտք ցցւած Քեափազը, որի սեպածն ժայռերից հիւսած լայնանիստ կատարը նրան տալիս է արտասովոր մի տեսք: Այդ կատարը գեղեցիկ է, աննման՝ բազմած մինչև մրաւը շղթայի ձևով ձգւած գագաթների վրա:

Միտուն Քեափազի հիւսիսային հեռաւոր փէշերի վրա Իլխազարա և Օմարգլայ գագաթների ստորոտներէից հիւսիսարևելեան ուղղութեամբ բացւում է մի ընդարձակ աւազան, սակայն խորդ ու բորդ մակերևոյթով:

Ահա այդ աւազանի եզրներով ձգւած են Ագատ, Բախշիկ, Աբլահ և Ղարարուլայ գիւղերը. աւազանի երկարութեամբ նոյն Քեափազի ծմակներից վազող Քիւրակ-Չայ գետը աղմկայոյզ հոսում է \*) համանուն մի ձորակի միջով. այդ ձորակի մի բանաստեղծական պատուածքում, Ղալին-Ճակատը գագաթի դիմաց, մի ըմբոստ կուրծքից կախ ընկած է Գետաշէնը՝ այդ շրջանի ամենամեծ, 6-700 տուն ունեցող շէն գիւղը գեղեցիկ տեսքով, գեղեցիկ շինութիւններով և ծաղկած արհեստներով ու առևտրով: Իսկ Գետաշէնից մի փոքր ցած, նոյն ձորակի վրա ընկած է Նորաշէն գիւղը:

Քիւրակ-Չայ գետի արևելեան կողմից միացող էրքէշ գետակի վրա ընկած են Բուզլուղ, Մանաշէթ և էրքէշ գիւղերը:

Այս շրջանում եղող թուրք գիւղերի շարքում իրենց անհանգիստ գործողութիւններով աչքի են ընկնում Չայլիլարը, Դարգարան, Սարըսուն, Դօզլիլարը և Թօղանը:

Նոյն Քիւրակ-Չայի ստորին հովտում, Գանձակից դէպի արևելք, տափարակի վրա, թուրք ազգաբնակչութեան խիտ տեղում,

---

\*) Այս գետից սկսւում է պատմական Գիւլիստանի գաւառը՝ տարածւելով մինչև Թարթար գետը:

հայաբնակ շրջաններից միանգամայն կտրւած, գտնւում են երեք հայ գիւղեր, այն է՝ Ղարադաղլուն, Խօյլարը և Սարովը\*): Ղարադաղլուն և Խօյլարը համարեայ թէ կպած են միմեանց, իսկ Սարովը ընկած է մի փոքր հեռու, դէպի հիւսիս:

Այս երեք գիւղերը բաւական ընդարձակ և բերրի հողեր ունէին, որտեղ մշակում էին հացահատիկներ, բամբակ, խաղող և նոյն իսկ շերամ: Դրանցից Ղարադաղլուն յայտնի էր մանաւանդ իր հացի առատութեամբ, բայց թուրքական ճնշումներն արգելք էին լինում այդ գիւղերի աւելի ևս ծաղկելուն: Ծնշումներ, առանձնապէս գործ էին դնում Շաղլու, Ագաւ-Ահմէլու, Սաֆի-Քիւրդ, և Բորսունլու մեծ ու աւազակարարոյ գիւղերը:

Հայ-թուրքական ընդհարումների հետ հայ գիւղերի վիճակը միանգամայն վատթարացաւ, որքան էլ Ղարադաղլուն յայտնի էր իր քաջ երիտասարդներով: Սովորական ճնշումները տեղի տւին սպանութիւնների և նման բռնութիւնների:

Այսպէս, հոկտեմբերի սկզբին Սարով գիւղում իր բակի մէջ առանց որ և է պատճառի գնդակահար եղաւ Մամիկոն Մաղաթեանը, 40 տարեկան, որից անմիջապէս յետոյ ժողովուրդը քոչկոց Ղարադաղլու և Գանձակ: Գիւղը դատարկելուց յետոյ տների պէտքական մասերը նախ կողոպտւեցին և ապա հրդեհւեցին:

Սարովը քոչելուց յետոյ Ղարադաղլուի և Խօյլարի գրութիւնը աւելի ևս վատացաւ. սրանց պաշտպանութեան համար այնտեղ ուղարկւեցին 30 կօզակներ, սակայն իրերի դրութիւնը չը փոխւեց:

Նոյեմբերի 8 թէ 10-ին երկաթուղու ճանապարհին սպանեց Կոստի Քաթանեանը, 35 տարեկան:

Նոյեմբերի 17-ին Ղարադաղլուից կէս վերստ հեռաւորութեան վրա գտնող Փրիդօնովի ջրաղացում սպանւեցին ջրաղացի կառավարիչը և մէկ ուրիշ հայ:

Այս սպանութեան յաջորդ օրը, ինչպէս գիտենք, տեղի ունեցաւ Գանձակի կոտորածը, որից յետոյ թուրքերը բացարձակ սպառնական դիրք բռնեցին: Կօզակների օփիցերը հրաժարւեց այլ ևս մնալ այդտեղ և խորհուրդ տւեց հայերին քոչել գիւղերից: Հայերը դիմեցին Գետաշէն սայլեր խնդրելու և նոյեմբերի 20-ին

\*) Այս Սարովը չը պէտք է շփոթել Ջիւանշիրի գաւառի երկու Սարովների հետ, որոնցից մէկը կոչւում է Սարով-Բագիւմ, իսկ միւսը Սարով-Մարալեան:

վերցնելով միմիայն այն, ինչ որ հնարաւոր էր տանել, քոչեցին գիւղից, ձգելով ցորենով լի հորերը և ամբարները, խոտն ու դարմանը, գինիներով և այլ մթերքներով լի մառանները: Սակայն քոչը իր այդ „դադարգիւն“ վիճակում դեռ Գետաշէն չը հասած, Չայլիլար գիւղի մօտ ենթարկւեց թուրքերի յարձակմանը, որը, շնորհիւ Գետաշէնից հասած օգնութեան, վերջացաւ կօզակների 2 ձիու սպանումով միայն, որոնց արժէքը 300 ռ. փոխանակ Չայլիլարից պահանջելու, կօզակները վերցրին փախստական հայերից. չէ՞ որ թուրքերից պահանջելը դժւար էր:

Ժողովուրդը քոչելուց յետոյ երկու գիւղերն էլ կողոպտւեցին մինչև վերջին հատիկը, վերջին չփըր, գինիներն անգամ տարան վաճառեցին թուրքերը, իսկ տները հրդեհեցին:

Այդ երեք գիւղերի կորուստը՝ հաշւած ընդամենը 150 տուն, իւրաքանչիւր տան փասը շէնքերի և մթերքների համար միասին վերցրած 5 600 ռ., կը լինէր ոչ պակաս 70 80,000 ռուբ., դեռ չը հաշւած այն կորուստները, որ նրանք կրել էին և մինչև այժմ էլ կրում են դաշտերի անմշակ ֆնալուց 1):

Այս շրջանում բացի յիշեալ գիւղերն աւերւեցին՝ 1) Փրիդօնովի շքեղ ջրաղացն իր շինութիւններով, որի փասը հասնում էր 40 50,000 ռուբլու, 2) Առաֆելիանի կալւածքը—20 դեսեստին այգին իր շինութիւններով և 600 դեսեստին վարելահողը—կրելով 70 80,000 ռուբլու վնաս և 3) Ղորղանեանի կալւածքը 50 դեսեստին այգին, շքեղ տունն իր շքեղ կահաւորութեամբ, պահեստները 12,000 վեզրօ հին և նոր տեսակի գինիներով և 250 դեսեստին վարելահողը—ունենալով 150,000 ռուբլու կորուստ:

Սակայն թուրքերի զործողութիւններն այս շրջանով չէին սահմանափակուում. նրանք իրենց շահատակութիւնները տարածում էին աւելի ու աւելի հեռուն, մինչև Քիւրակ-Չայի վերին հովտում ընկած հայ գիւղերը, նախ սկսելով մասնակի յափշտակութիւններից և սպանութիւններից, ինչպէս և ամեն տեղ:

Միմիայն Գետաշէնը, մի կարճ ժամանակի ընթացքում, 18 մասնակի զոհեր էր տուել:

\*) Այժմ Սարովի ժողովուրդը միանգամայն ձեռք է վերցրել իր հողերից, իսկ Ղարադաղուի և Պօլյարի ժողովուրդները սարսափի տակ մի կերպ գնում են վար ու ցանք անում և գիշերները թնում եկեղեցու մէջ, որովհետև գիւղի միակ ծածկւած տեղը եկեղեցին է ֆնացել:

Այսպէս սեպտեմբերի 10-ին Գեօրան կայարանի ) մօտ սպանւեց Յակոբ Զաքարեանը:

Այդ նոյն միջոցներին, Նոյն Գեօրան կայարանի ճանապարհին սպանւեցին գետաշէնցի 5 տղամարդիկ, այնէ՝ Շամիր Խաչատրեանը, Մէջլում Մալումեանը, Սիմօն Նազարեանը, Քեամալ Խաչատրեանը և Յովհաննէս Առաքելեանը:

Սեպտեմբերի 20-ին սպանւեց Սարգիս Առստամեանը:

Ապա յաջորդաբար մէկը միւսի յետեից սպանւեցին. Յարութիւն Գրիգորեանը—Չայիլարի մօտ, Սիմօն Գրիգորեանը—Փանձակի ճանապարհին, խոզարած Սարգիս Ռոստոմեանը—Սարըսու գիւղի սահմանի մօտ, վանքի ձորում, պլօտնիկ Արշակ Մարկոսեանը, Ջվալանց Եղիգարի 18 տարեկան տղան և այլն:

Սոյնաման գոհր ունենում էին նաև միւս գիւղերը, օրինակ՝ Բախշիկ գիւղը, որտեղից սպանւեց Գիսունց Գարբէլը:

Սպանութիւններից բաց տեղի էին ունենում նաև նախիրներ և տաւարներ քշելու ղէպքեր:

Այսպէս սեպտեմբերի 18-ին թուրքերը քշեցին Գետաշէնի սահմաններից Մէլիք-Մնացականեանի տաւարը:

20-ին քշեցին Յովհաննէս Լպիսկոպոսեանի տաւարը:

22-ին Գիւրգալիլար գիւղի թուրքերը յարձակւեցին նախրի վրա, բայց գիմադրութեան հանդիպելով յետ փախան, տալով 2 սպանւած և 3 վիրաւոր:

Հոկտեմբերի 21-ին զինւած թուրքերի մի խումբ արշաւեց Նորաշէն և Ղարաբուլաղ գիւղերի վրա, սակայն յետ փախաւ՝ գերի թողնելով 4 հոգու, որոնք կրում էին Լաբինեան գնդի ուսնոցներ:

Հոկտեմբերի 27-ին Սարըսու գիւղի թուրքերը յարձակւեցին և քշեցին Մանաշէթի տաւարը, որի պատճառով տեղի ունեցաւ տաք կռիւ: Անա այս ղէպքը նիւթ դարձաւ գործակալական այն հեռագրին, որի մասին մենք յիշեցինք անցեալ գլխում:

Այսպէս, ղէպքերը յաջորդում էին միմեանց, մինչև վրա հասաւ Փանձակի կոտորածը, որից յետոյ թուրքերի սահմաններով հայերի երթևեկութիւնը միանգամայն դադարեց: Գետաշէնը, ինչպէս և միւս գիւղերը, զրկւեցին ղէպի Գեօրան և միւս տեղերում ընկած հողերը հրթեկեկիւ ու հնարաւորութիւնից:

<sup>\*)</sup> Գեօրան կայարանի մօտ Գետաշէնը ունի 2,100 գեսեատին վարելահող, իսկ Բախշիկը՝ 320: Այդ հողերն այժմ ընհարումների պատճառով հնարաւորութիւն չը կայ մշակելու:

Վերջապէս դեկտեմբերի 10-12-ին Չայլիւարի թուրքերը երկու անգամ յարձակեցին Աբլահի սահմանների վրա, առաջին անգամ քշելով 85 տաւար, իսկ երկրորդ անգամ՝ 100-ից աւելի այծ:

Դրանից յետոյ Չայլիւարը երես առած պատրաստուում էր մեծ ուժով արշաւել դէպի հայ գիւղերը, երբ ինքը պաշարեց հայերով:

Գանձակի կոտորածը մի կողմից, Ղարադաղլոււի, Սոյլարի, և Սարովի քարուքանդ լինելը միւս՝ և անընդհատ կրկնող սպանութիւններն ու յափշտակութիւնները երրորդ կողմից, զայրոյթի բուռն թափով շրջակայ հայ գիւղացիներին մղեցին դէպի Չայլիւարը, դէպի այդ աւազակային որջը:

Դեկտեմբերի 15-ին, տաւառտեան ժամը 6 1/2-ին Չայլիւարը տաշարեց երեք կողմից մի ծանր օգակով:

Այդտեղ համախմբուած բաւականաչափ ուժերը անկարող եղան երեք կողմերից թափուող կրակին դէմ դնել, մի քանի ժամուայ յամառ դիմադրութիւնից յետոյ, դաշտի կողմից թուրքերը փախան, որից յետոյ հայերը խուժեցին գիւղը և սկսեց կողոպտուտը, աւերն ու հրդեհը: Սակայն հայերը գիւղի հետ դեռ ևս գործը չէին վերջացրել, երբ տափարակի կողմից եկաւ մի մեծ խուժան. կռիւը նորոգեց մի նոր ուժով, մի նոր թափով, որը տեւեց ժամեր: Վերջապէս թուրքերը յետ մղեցին, բայց ծանր կոււից յետոյ. այդտեղ հայերից ընկան Սաչէնի ըմբոստ բնութեան ըմբոստ զաւակը Բախչին, Իվան Բալասանեանը և զարարուլաղցի Ղուկաս Պետրոսեանը և բացի այդ, վիրաւորեցին 6 հոգի, իսկ թուրքերից սպանեցին աւելի քան 20 հոգի:

Չայլիւարից յետոյ յարձակման ենթարկեցին և աւերեցին այդ նոյն հայերի ձեռքով Դարգարան, Սարըսուն, Դօզլիւարը, աւերեցին նաև Արաս-Դարան, և Փանահլարը: Վերջին երկու գիւղերից ժողովուրդը քոչել էր դեռ ևս յարձակումից առաջ:

Ահա այս բոլորը տեղի ունեցել վերջացել էր և ահագին թւով զոհեր ընկել ու գիւղեր աւերել էին արդէն, երբ այդ շըրջանում մարտի վերջերին յայտնեց պատժողական գունդը: Ինչպէս մի քանի գիւղերից, այնպէս էլ Գետաշէնից պահանջեցին զէնքեր և տուգանքներ: Գետաշէնի վրա 18 անգամ թնդանօթ որոտաց, Գրիգոր Կարապետեանի, Նիկօլայ Մէլիք-Մնացականեանի և մի քանի այլ մարդկանց տները ոռւմբերից հարածներ կրեցին: Յովհաննէս Մարտիրոսեանի տունը հրդեհի մատնեց:

Եւ այս բոլորը այն ժամանակ, երբ երկու կողմերն էլ համահաւասար քանդուել էին և աւերել:

## ԸՆԿՀԱՐՈՒՄՆԵՐԸ ԳԱՆՁԱԿ ԳԵՏԻ ՀՈՎՏՈՒՄ

Գանձակ գետի վերին հոսանքի և նրա ձիւղերի վրա ընկած են չորս հայաբնակ գիւղեր—Ոսկանապատը, Միղրիկը, Մուրու-թը և Բարաջուրը:

Շնորհիւ այն հանգամանքի, որ այս չորս գիւղերը արեւել-եան և արևմտեան կողմերից պաշտպանուած են Արթօնաջուր և Քիւրակ-Չայ գետերի հովիտներում ընկած հայ գիւղերով, այդ պատճառով սրանց վիճակը համեմատաբար լաւ է եղել, համեմա-տաբար ենք ասում, որովհետև սրանք, այնուամենայնիւ, բաւա-կան անհատական գոհեր տւին, որոնցից առաջ կը բերենք մեզ յայտնի մի քանի դէպքեր:

Չը մտանանք յիշել, որ աւաղակաբարոյ Թօփալ-Հասանլուի սխրագործութիւնները տարածուած էին նաև այս գիւղերի վրա:

Հոկտեմբերի 8-ին այս գիւղերի շրջանում սպանւեցին չով-դարեցի Լրկու հայիր, Ոսկան և Արրահամ անուաններով:


Սրանից մի քանի օր անց ոսկանապատցիներ—Պօղոս Սալ-գրսեանը և Պօղոս Յովհաննիսեանը փայտ կտրելիս սպանւեցին Թուրք անտառապահների ձեռքով:

Սրանց հաղորդելու գնացած ծերունի Տէր-Միքայէլը նոյն-պէս գնդակահար եղաւ և սպանւեց անտառում:

Մի երկու օր անց սպանւեց Յարութիւն անունով մի ծերունի:

Հէնց այդ նոյն միջոցներին Թօփալ-Հասանլուի Թուրքերի ձեռքով սպանւեցին երեք այլ գիւղացիներ, երկուսը սայլապան-ներ—Կարապետ և Աւետիս անուաններով, իսկ երրորդը մի ածխա-տար՝ Միրզա անունով:

Մասսայական յարձակումներ այս շրջանում տեղի չունեցան, նրանք կատարուած էին միւս շրջաններում, որոնց և յաջորդաբար անցնում ենք:



# ԸՆԴՀԱՐՈՒՄՆԵՐԸ ԱՐԹՕՆԱԶՈՒՐ ԿԱՄ ՂՈՒՂԱՐԱ ԳԵՏԵՐԻ ՀՈՎՏՈՒՄ

ՍԵՊՏԵՄԲԵՐԻՑ ԴԵԿՏԵՄԲԵՐ 1905 թ.

Արշախանի բարձունքներից սկիզբն առնելով հիւսիսային ուղղութեամբ մինչև Քուրը հոսում է Արթօնաջուր կամ Ղուղարա գետը, որի հունի և ճիւղաւորութիւնների վրա ընկած են հայրնակ հետեւեալ եօթ գիւղերը, այն է՝ Վերին-Քարհատը, Ներքին-Քարհատը, Բանանցը, Սաչակապը, Կիրանցը, Փիւր և Չովղարը:

Այս շրջանի թուրք գիւղերի շարքում իրենց անհանգիստ և աւազակաբարոյ գործողութիւններով աչքի են ընկնում Աղ-Շօխուշը, Ախրջան, Բալչըլուի ղշլաղները և հոչակաւոր Թօփալ-Հասանլուն, որոնց շնորհիւ այս շրջանում ոչ միայն անհատական, այլ և մասսայական ընդհարումներ տեղի էին ունենում դեռ ևս Գանձակի դէպքերից առաջ:

Գանձակից 20—25 վերստ դէպի արևմուտք «Մըլզնաբերդ» և «Մթին-Քարեր» լեռնագագաթների մի բարձրավանդակի վրա փռւած է Չովղարը: Ամուր գիրքեր ունեցող միջավայրը դարբընել է չովղարեցու մէջ անվեհեր հոգի, քաջութիւն և տոկունութիւն:

Ամրակուռ Չովղարը խոչնդոտ էր հանդիսանում յիշեալ թուրք գիւղերին յարձակել Բանանց, Սաչակապ, Փիւր, Կիրանց և Քարհատ գիւղերի վրա: Եւ ահա ռազմական տեսակէտով առաջնորդւելով, դեռ ևս օգոստոս ամսին թեթևակի յարձակումներով թուրքերը փորձեր արին Չովղարը քոչեցնել իր տեղից, սակայն այդ նրանց չը յաջողեց, թէև մէկ այս և մէկ այնտեղ շարունակուում էին թեթևակի յարձակումները:

Սկստեմբերի 4-ին մի ընդհարում հայերի և թուրքերի մէջ տեղի ունեցաւ Փիւր գիւղի սահմաններում:

Փիրը ունի Աղւէսաշէն անուն կրող մի ամարանոց, ուր պահուում են գիւղի անասունները: Ձինւած թուրքերը յարձակելով՝ այդտեղից քշեցին 70 ձիերից բաղկացած երամակը. լուրն առնելով գիւղից օգնութեան հասաւ զինւած երիտասարդների մի խումբ, որը ոչ միայն յետ բերեց երամակը, այլ և խլեց թուրքերից 7 ձի և 2 իրացան: Ընդհարման ժամանակ հայերն ունեցան երկու վիրաւոր, իսկ թուրքերը՝ մի քանիսը:

Հոկտեմբերի 9-ին Հարամ-Դարասի կոչւող ձորում սպանեց Բանանց գիւղացի Արտեմ Մատթէոսեանը:

Մէկ թէ երկու օր անց ծանր կերպով վիրաւորեց, դարձեալ Բանանց գիւղացի, Գրիգոր Տէր-Մկրտչեանը:

Սրանից յետոյ տեղի ունեցան մի շարք սպանութիւններ, սակայն, որոնց արձանագրել մեզ չը յաջողեց:

Հոկտեմբերի 14-ին թէ 15-ին Չովդարի վրա տեղի ունեցաւ նորից մի ուժեղ յարձակում: Բալչըլու խմբելով շրջականերից բազմաթիւ թուրքեր, եկան պաշարեցին գիւղը չորս կողմից. երեք օր տեղոյ յամառ կուրից այս անգամ էլ Չովդարը դուրս եկաւ պատուով և հպարտ: Թուրքերը յետ փախան՝ տանելով իրենց հետ մի քանի սպանւածներ:

Այս դէպքից անմիջապէս յետոյ տեղի ունեցան Գանձակի կարմիր օրերը, որոնք լայն չափով արձագանք գտան գաւառամասերում:

Քաղաքի կոտորածը, կողոպուտն ու աւերը խրախոյս հանդիսացան գաւառի թուրք ժողովրդի համար: Սկսեց մի չը տեսնւած, չը լսւած շարժում. ամեն կողմից դիմում էին դէպի քաղաք անզէն ու զինւած մարդիկ. ճանապարհները միանդամայն վտանգաւոր դարձան հայերի համար: Բաղաքէնդն ու Գիտարէկը սրածուծութիւնների վայր դարձան. երթեկութիւնը Բանանց, Չարդախլու և այլ գիւղերից դէպի քաղաք և միւս շրջանները միանգամայն ընդհատուեց. ասպարէզը մնաց ամբողջովին թուրք հրոսակախմբերին, որոնք անարգել յայտնուում էին այս և այն տեղ և բորբոքում սկսւած ընդհարումները:

Այսպիսի պայմանների մէջ ապրելն անկարելի էր, պէտք էր մի ելք, մի ճանապարհ գտնել . . .

Ինչպէս վերը տեսանք, աւազակութիւնների և ասպատակութիւնների մէջ մասնակցութիւն ունէին նաև Աղ-Յօխուշ և Ախրջա



գիւղերը. ահա այս գիւղերի դէմ ուղղեցին հայերն իրենց հակա-  
յարձակումները:

Դեկտեմբերի 10-ին պաշարեց Աղ-Նօխուշը. շրջաններն  
ասպատակող գիւղը չուզեց վախկոտ հայերի առաջ տեղի տալ.  
յուսահատ ճիգեր թափեց նա ազատեւելու աւերումից, բայց զուր,  
զայրոյթի զագաթնակէտին հասած հայերը գերագոյն ճիգեր թա-  
փելով գրաւեցին գիւղը: Թուրքերը փախան ահագին զոհեր տա-  
լով: Պատմում են, որ կուռղ տղամարդկանցից միմիայն ընկել  
էին 40 հոգի: Գիւղն ամրողչովին աւերեց, բայց նախ քան աւեր-  
ելը կողոպտեց, որտեղից տարան 150-ի չափ տաւար, 600 ոչ-  
խար և 35 -- 40 ձի:

Աղ-Նօխուշում գերի ընկան 12 թուրք կանայք, որոնց Բանանց  
գիւղը տանելով այնպէս պատուով պահեցին հայերը, որ յունվարի  
11-ին, երբ Գանձակ էին ուղարկում թուրքերին յանձնելու հա-  
մար, սկանատեաների պատմելով, նրանք խնդրում, թախանձում  
էին պահել իրենց զոհէ մինչև գարունը:

Աղ-Նօխուշից յիտոյ յարձակման ենթարկեց Ախրջա գիւղը.  
ժողովուրդը տեսնելով իր զրացու ասպարդին դիմադրութիւնը,  
փախուստի դիմեց առանց կոխ տալու, որին հետեւեցին նաև մի  
քանի փոքրիկ գիւղերի ժողովուրդները, քոչելուց առաջ իրենց  
ձեռքով քանդելով իրենց տները:

Սակայն շրջանը չը խաղաղեց և ճանապարհները չապահով-  
եցին. դեռ մնում էր Թօփալ-Հասանլուն, այդ աւազակարունը,  
այդ որջը:

Դա ամբողջ գաւառում անուն հանած գիւղ է, ընկած Բա-  
նանցից Գանձակ տանող ճանապարհի վրա: Նա նոյն իսկ իազազ  
ժամանակ մի կատարեալ պատիժ էր ոչ միայն հայ գիւղերի, այլ  
և գերմանական զաղութի, Ելեննդօրֆի համար: Սովորական գո-  
ղեր, ճանապարհ կտրողներ ու անցորդներին կողոպտողներ և  
մինչև անգամ աւաղակախմբեր արտադրում էր այդ գիւղը անթիւ,  
անհաշիւ: Կառավարութիւնն անգամ զսպել չէր կարողանում, ա-  
ւելի ճիշտը չէր կամենում նրան, շնորհիւ ոստիկանական թուրք  
պաշտօնեաների:

Այդ նոյն Թօփալ-Հասանլուն հայ-թուրքական ընդհարումնե-  
րից ի վեր առիւծ էր կտրել. աջ ու ձախ խփում անցնում էր նա-  
քաղաքը աւերող մեծ ոյժ դա էր տալիս, ինչպէս տեսանք քաղաքի

դէպքերը նկարագրելիս: Մի խօսքով նա մի պատուհաս էր իր շրջապատի համար:

Ահա դրա հետ պէտք էր հաշիւ վերջացնել շրջանը խաղաղացնելու համար, մտածեցին հայերը և դեկտեմբերի 22-ին գործի անցան:

Թօփալ-Հասանլուն նախատեսելով մի այդպիսի բան առաջօրէն դուրս էր տարել կանանց և երեխաներին: Գիւղում մնացել էին միմիայն տղամարդիկ և կուռղ ուժերը: Սակայն այդ հանգամանքը չը կանգնեցրեց գիւղի կործանումը. թէև երկար, բայց անօգուտ դիմադրութիւնից յետոյ գաւառը «զարի» բերող աւազակները փախան՝ թողնելով գիւղի փողոցներում 20-ի չափ դիակ: Դրա հետ միաժամանակ հայերը մի ջարդ էլ տւին Թօփալ-Հասանլուին քաղաքից օդնութեան եկող թուրքերին Աղ-Քեօրփի կոչւող ձորում, փախցնելով ու ցրիւ տալով նրանց՝ առաջօրէն բռնած լինելով այդ ձորի անցքը:

Թօփալ-Հասանլուն նախ քան աւերելը կողոպտեց, որտեղից հայերը տարան 200-ի չափ տաւար, 1000-ի չափ ոչխար, 30—40 ձի ու ջորի և բազմաթիւ տնային իրեր ու ապրանքներ՝ մեծ մասամբ հայերի պատկան, կողոպտուած ու բերւած Գանձակից:

Թօփալ-Հասանլուի աւերման հետ միաժամանակ դատարկւեցին Դարաբէկլու և Կարաեաթաղ թուրքաբնակ գիւղերը, որտեղերից ժողովուրդը քոչեց, նախօրօք աւերելով տները:



## ԸՆԴ-ՀԱՐՈՒՄՆԵՐԸ ՁԱՄՔՕՐ ԳԵՏԻ ՀՈՎՏՈՒՄ

1905 թ. ՆՈՅԵՄԲԵՐԻՑ 1906 թ. ՅՈՒՆՎԱՐ

Շամքօրը, Գուրից յետոյ, Գանձակի գաւառի ամենամեծ և ընդարձակ հովիտների ունեցող գետն է, որի ընթացքով ընկած են չորս հայաբնակ գիւղեր, այն է՝ Բարուժը, Բարսուժը, Գուլամբիրը և Նուզգէրը: Բացի այս չորս գիւղերից, գետի ստորին հովտում ընկած է գերմանական երկրորդ գաղութը, Անհնֆելդը, ուր բնակութիւն ունեն հաստատած 25 30 առևտրով և արհեստներով պարապող հայեր իրենց ընտանիքներով, որոնք և եղան այդ շրջանի բռնութիւնների առաջին զոհը:

Անհնֆելդի մօտ գտնուում է աւազակաբարոյ թուրքական Մօրուլ գիւղը, որը շահատակութիւնների առաջին օրինակը տւեց այդ շրջանում:

Նոյեմբերի 18-ից լոյս 19-ի գիշերը, երբ Գանձակի կոտորածի լուրը տարածւեց գաւառի բոլոր ծայրերը, յիշեալ Մօրուլ գիւղի թուրքերը յարձակում գործեցին գաղութում եղող հայերի և նրանց խանութների վրա: Հայերն անզէն էին և գուրկ ինքնապաշտպանութեան միջոցներից, այդ պատճառով նրանք փախան և մտան գերմանացիների տները, խանութները թողնելով խուժանին, որն առանց արգելքի սկսեց փակ դռները խորտակել և միջի եղած ապրանքները կողոպտել: Դրանով չը բաւականացած ամբոխը փորձեց խուժել նաև տները, բայց բարեբախտաբար մի հայի ունեցած միակ ուումը իր ուժգին պայթումով սարսափահար արեց խուժանին և փախցրեց:

Յաջորդ օրը \*) յայտնւեց պրիստաւ Իամայիլ-բէկ Հաջիրէ-կովը, որը ոչ մի միջոց ձեռք չառաւ կողոպուտը դադարեցնելու, առաջարկեց հայերին հաւաքել Դալլար կայարանը գնալու համար. հայերը հրաժարւեցին ընդունել այդ առաջարկութիւնը, չը վստա-

\*) Տես „Մշակ“ № 235, 1905 թ.

հանալով պրիստաւի պաշտպանութեանը, բայց գերմանացիներն ստիպեցին նրանց հեռանալ: Հայերն ստիպւած եղան հնազանդել, և հէնց որ նրանց մի մասը պատրաստեց ճանապարհ ընկնել, թուրքերը յարձակեցին նրանց վրա և պրիստաւի ներկայութեամբ սկսեցին կողոպտել այս անգամ էլ գրպաններն ու տնային ֆնացած իրերը, որից յետոյ միայն բոլորովին պլոկւած հայերը կարողացան մի կերպ Դալլար հասնել: Այդ դէպքից մի օր անց պրիստաւ Հաջիբէկովը ոմն Սարւազեանին և մի քանի այլ հայերի պաշտպանելու համար փրկանք վերցրեց 300 ր.:

Աւելի մեծ կողոպուտ տեղի ունեցաւ Դալլար կայարանում, ուր հայերը բաւական խոշոր առևտուր ունէին: Բացի այդ, այնտեղի հայերից սպանւեցին մի քանի հոգի, իսկ մի քանի հոգի էլ գերեցին, որոնց փրկելու համար նոյն պրիստաւի ձեռքով 800 ր. փրկանք վճարւեց, թէև մի կին և մի օրիորդ, այնուամենայնիւ, չազատուցին:

Անհնֆելդի հայերը կորցրին 10-ի չափ լեցուն խանութներ, 20-ի չափ մանր խանութներ ու արհեստանոցներ և տնային իրեր աւելի քան 120,000 ռուբ. արժողութեամբ: Իսկ Դալլար կայարանում եղող հայերի կորուստը աւելի մեծ էր, նա հասնում էր 200,000 ռուբլու:

Նոյեմբերի 27-28-ին, Բաղաքէնդի և Գետարէկի կոտորածներից յետոյ, կռիւներ տեղի ունէին Չարդախլուի շուրջը: Թուրքերն այդտեղ հանդիպելով անյաջողութեան՝ եկան պաշարեցին Բարսումը, որը շնորհիւ իր ամուր դիրքերի ուժեղ դիմադրութիւն ցոյց տւեց և յետ քշեց յարձակումը:

Սակայն թուրքերը չը խրատւած այդ բանից, դեկտեմբերի 5-ին յարձակեցին Բարսումի վրա և հանդից քշեցին նախիրը, որի ժամանակ պատահարաւ Չարդախլուից եկող զինւած մի խումբ հրիտասարդներ օգնութեան հասնելով, ոչ միայն նախիրը յետ խլեցին, այլ և հետևելով թուրքերին մինչև Մալաքլու գիւղը, կրակի կապեցին նրանց: Մալաքլուի ժողովուրդը փախաւ գիւղից գլուխը կորցրածի պէս, որից յետոյ տները ենթարկեցին կողոպուտի և աւերի: Հայերը տարան 2 բերդան, 6 ձի և 65 տաւար, թուրքերից սպանւեցին 4-ը, որոնցից երկուսը բէկեր էին:

Յունվարի 5-ին յարձակման ենթարկւեց Նուզգէր գիւղը: Յարձակման մասնակցում էին ոչ միայն շրջակայ գիւղերից, այլև


Շամքօր գեի հոտ հեռաւորվիտներից եկած թուրքեր: Յարձակումը յետ մղւեց շնորհիւ հայերի ցոյց տւած ուժեղ դիմադրութեան:

Յունվարի 10-ին տեղի ունեցաւ երկրորդ յարձակումը աւելի բազմամարդ, աւելի ուժեղ չափով, քան առաջինը: Այս յարձակման առաջնորդում էր Դալի-Ալին. այդտեղ էին նաև Գետաբէկի պրիստաւ Մուսէիրը և Սուլէյման-բէկ Շամքօրսկին:

Հայերը նախատեսելով այդպիսի մի յարձակում նոյնպէս կենտրոնացրել էին բաւականաչափ ուժեր, որոնց մէջ աչքի էին ընկնում Չովդարի կտրիչները: Ընդհարումներն ստացել էին բացարձակ կուրի բնաւորութիւն, կարծէք կառավարութիւն գոյութիւն չունէր: Յամառ կռիւն սկսւեց առաւօտեան ժամը 5-ից և տևեց ամբողջ օրը: Թուրքերը կարողացան բաւական առաջ գնալ դէպի գիւղը և հրդեհեցին մի քանի մարագներ. այդ ժամանակ հայերը մի կատաղի գրոհ տւին և թուրքերին փախցրին կորուստներով: Գերմանացիները վկայութեամբ թուրքերը կողոպուտի համար բերած ֆուրգօնները յետ տարան մարդկային դիակներ բարձած:

Այս կուում զոհեր տւին նաև հայերը և այն էլ լաւ զոհեր. բացի 3 վիրաւորներից ընկել էին 6 հոգի. դրանք էին՝ Նաւասարդ Առաքելեանը, Անտօն Գալստեանը, Սիմօն Աւագեանը, Յովհաննէս Առաքելեանը, Յարութիւն Առուշանեանը և Մակիչ Պետրոսեանը, բոլորն էլ ընտիր, քաջ մարդիկ:

Սակայն թուրքերը խրատ ասածը չը գիտէին ինչ բան է. այս դէպքից ընդամենը 4 օր անց, յունվարի 14-ին, յարձակւեցին այս անգամ էլ Միլրիկ գիւղի վրա և քչեցին 350 հատից բաղկացած ոչխարի սուրուն:



# ԲԱՒԱՔԷՆԴ-ԳԵՏԱՐԷԿԻ ԿԱՄ ԲԱՐՔԱՐՉ- ՍՈՒԹԻԻՆՆԵՐԻ ՇՐՋԱՆ

19 25 ՆՈՅԵՄԲԵՐԻ 1905 թ.

Այն բոլորը, ինչ որ մենք արձանագրեցինք Գանձակի և Գանձակի գաւառի վերաբերեալ մինչև այժմ, նսեմանում են այն բարբարոսութիւնների դիմաց, որոնց նոր պիտի պատահենք: Դրանք Բաղաքէնդ-Գետարէկի կոտորածներն են, որոնց վրա մի փոքր երկար պիտի կանգ առնենք:

Գանձակի գաւառի արևմտեան մասում, քաղաքից 30—35 վերստ, իսկ Դալլար կայարանից դէպի հարաւարևմուտք 20- 25 վերստ հեռաւորութեամբ ընկած է Չարդախլու մեծ և շէն գիւղը, հայ գիւղախմբերից անջատ, թուրքերով շրջապատւած, բայց ամուր գիրքերով՝ հպարտ ու խիզախ, որպէս անմատչելի ժայռի գաղաթին բազմած արծիւր:

Չարդախլուից դէպի հիւսիսարևմուտք 15 վերստ հեռաւորութեամբ Բաղա գետի վրա ընկած է Բաղաքէնդը, նոյնպէս հայ գիւղախմբերից անջատ ու միայնակ: Գիւղը փուած է մի սարահարթի վրա մի կողմից պաշտպանւելով Օղուզի և Սանփերի գաղաթներով, իսկ միւս կողմից՝ Բաղա և Սազնի անուն կրող ձորերով: Այդ ձորերի մէջ ձգւած են գիւղի այգիները, որոնք ոռոգւում են Բաղա գետակով:

Բաղան հարուստ է հողերով և յայտնի իր տնտեսութեամբ. նա պարապում էր երկրագործութեամբ, անասնապահութեամբ և այգեգործութեամբ: Գիւղի հարստութիւնը անասելի էր. 40—50-ով եզ, կով, ձի, գոմէշ ունենալը սովորական էր բաղեցու համար. միմիայն եզների թիւը գիւղում հասնում էր 2500-ի. նրա ամբարներն ու հորերը լիքն էին, մատանները նոյնպէս, տներն ամուր ու գեղեցիկ:

Բաղան միևնոյն ժամանակ բաւական հիւրասէր գիւղ էր. նրա սեղանը յաճախ բացւում էր մանաւանդ դրացի թուրքերի առաջ, նրանց բարեկամութիւնը շահելու համար. այդպէս թիւադրում էր դրութիւնը:

Բաղան ունէր 400-ից աւելի ծուխ. 1388 արական և 1225 իգական՝ շուրջ 2713 բնակիչ:

Բաղային շրջապատում էին թուրքական 24 մեծ գիւղեր, որոնց թւում գտնւում են՝ Խինանլուն, Իւխարի-Այիրլուն, Աշաղա-Այիրլուն, Իրմաշլուն, Թապարլուն և Դուգհարլուն:

Չարդախլուից դէպի հարաւ 25 վերստաչափ հեռաւորութեամբ, անտառներով ծածկւած մի լեռնոտ տեղում ընկած են «Միմէնս և Հալսկէ» ընկերութեան Գետարէկի հոշակաւոր պղնձի հանքերը: Դրանք բաւական ընդարձակ ու շահաւէտ հանքեր են հանդերձ մետաղ գտող գործարաններով:

Հանքերում և գործարաններում աշխատում են աւելի քան 2000 մշակներ: Մշակների խոշոր մասը թուրքեր են, մեծ մասամբ պարսկաստանցիներ: Հայերը կը լինեն մօտ 500 հոգի, հաւաքւած շրջակայ Ղազախ, Չարդախլու, Ջագիր, Բարսում գիւղերից, որոնք կատարում են համեմատաբար լաւ աշխատանքներ և պարապում են արհեստներով: Կան նաև յոյներ և տաճկաստանից եկած սիւննիներ, որոնք աւելի բարձր աշխատանքներ են կատարում և բոլորից էլ լաւ վարձատրւում: Իսկ հանքերի կառավարութիւնը գտնւում է մի քանի տասնեակ մասնագէտ գերմանացիների ձեռքում:

Հանքերը շահագործւելով՝ իրենց հետ առաջ են քաշել կապիտալ և կուլտուրա, որի շնորհիւ այդտեղ ստեղծւել է մանր և մեծ առևտրականների մի շուկայ: Ահա այդ շուկայում կային 50-ի չափ հայ խանութպաններ և արհեստաւորներ և մի 20 էլ մանրավաճառ թուրքեր:

Հանքերից մի վերստ հեռու մի ձորակի մէջ ընկած է Ղազախ գիւղը 70—80 տնից բաղկացած, նոյնպէս միայնակ և թուրքերով շրջապատւած:

Գետարէկի և Ղազախի շրջակայ վայրերը բռնած ունեն Այրում և այլ անուն կրող ցեղերը, որոնք ապրում են Սօգիւտլու, Արըխտամ, Ղարադոյունլու, Միսկինլու, Սարիքեօհնա, Եաղուբլու և բազմաթիւ գիւղերում՝ փուլած այս և այն տեղ: Բացի այդ, ա-

մառնե՛րը հեռաւոր դաշտավայրերից չու՛մ գալիս եւս Գետարէկի սարերը բաւականաչափ քոչւորնե՛ր, որով սերտ կապ է հաստատուել լեռնական և տափարակների վրա ապրող թուրքերի մէջ:

Ահա այս չորս կէտերի շուրջը կատարւած դէպքերի և լարաբարոսութիւնների նկարագրութեանը անցնում ենք այժմ:

---

Գանձակի առաջին օրւայ կոտորածի հետ միաժամանակ, այն է, նոյեմբերի 18-ին, թուրքական մի խուժան յարձակեց Չարդախլուի վրա աւերելու և այդ խոչնդոտը մէջտեղից վերացնելու նպատակով: Վաղուցւայ մտադրութիւնը այս անգամ էլ չիրագործւեց, Չարդախլուն դիմադրեց որպէս վահան և մնաց կանգուն ու հպարտ:

Յարձակումը կրկնւեց նաև 19-ին, բայց դարձեալ անյաջող, որից յետոյ խուժանը դարձաւ դէպի Բաղաքէնդ, պղնձահանքերը և Ղազախ:

Բաղաքէնդը, ինչպէս վերը տեսանք, սիրտը բաց մի հիւրասէր գիւղ էր. նրա սեղանը ամենից յաճախ բացւում էր հարևան թուրք գիւղացիների առաջ. օր չը լինէր, որ 20-30 թուրքեր իրենց ձիերով հիւր չը լինէին բաղեցուն, չուտէին, չը խմէին նրա սեղանից: Սակայն բաղեցին զրանից փրկութիւն չը գտաւ. թուրքերը աչք թեքեցին հարուստ Բաղայի վրա, նրանց միտքը պղտորւեց և սկսեցին նախ և առաջ մասնակի սպանութիւններ, ինչպէս և ամեն տեղ:

Այսպէս մի կարճ միջոցում Բաղա գիւղից սպանւեցին Տամբուտ-Ղօթի քեօլում իմաշլուեցիների ձեռքով Իւսն Բարսեղեանը, 25 տար.:

Նոյն իմաշլուեցիների ձեռքով սպանւեց Նովեր-Եսալում Յարութիւն Պառադեանցը, 27 տար.:

Սինանլու գիւղի մօտ, ջրաղացում, սպանւեցին Պետրոս Աղասեանը, 47 տար. և Մարիտմ Պաշատրեանը:

Ղըզըլղալում սպանւեց Եսայի Աւագեանը, 27 տար.:

Բաղա գետի վրա Յոսէփին ջաղացում սպանւեց Սողոմոն Տէր-Յարութիւնեանը, 45 տար.:

Նոյեմբերի 14 թէ 15-ին այգիների մօտի գոմերից քշեցին 50-ի չափ տաւար:

Չը նայած այդ բոլորին, բազեցիները լուծւած էին և, ինչպէս ասում են, իրենց ցաւը իրենց ատամը պցած՝ քաշ էին տալիս



չարագուշակ օրերը: Բայց ի դուր:

Նոյեմբերի 19-ին, առաւօտեան ժամը 7-ին, թուրքերն հկան բռնեցին գիւղի շրջակայ բլուրները, իսկ գիւղից 5 վերստ հեռու գտնուող Զառչի-Բինան կողոպտեցին և եղած չեղածը տարան:

Այս տեսնելով հայերը դիմեցին կալաժատէր Ալլահար-բէկ Զուլգաղարովին, որպէս ազդեցիկ մարդու և խնդրեցին հեռացնել իրենց գիւղի գլխին կուտակած փոթորիկը: Եկաւ Ալլահար-բէկը իր մի քանի ձիաւորներով, իջնանց իր բարեկամ բաղեցիներէ մօտ. մնաց այնտեղ մի օր և մի գիշեր, գտաւ փառահեղ հիւրասիրութիւն, յագեցաւ բաղեցու ճոխ սեղանից և երգեց իր կտրած աղ ու հացով, որ նա քանի կենդանի է, բաղեցու մի մազին անգամ դիպչող չի լինի: Բայց քաղցած ամբոխի „ռեխը“ ձգելու համար 3,000 ռուբլ. պահանջեց, թէև յետոյ այդ գումարը վեր բերեց մինչև 1,000-ի: Պահանջեց նաև 15 թաղար (650 փութ) գարի իր ձիերի համար:

Եւ մինչդեռ յաջորդ առաւօտ, այս սակարգութիւնից յետոյ, Ալլահար-բէկը նոր հաւաստիացումներ անելով պատրաստուում էր ճանապարհ ընկնել, հայերը լուր բերին, որ թուրքերն ուզում են գիւղը կոխել: Ալլահար-բէկը դուրս եկաւ թուրքերի առաջ յանդիմանութիւններով, սակայն մատախուղի միջից (օրը մատախուլպատ էր) նրա սկանջին հասան այս խօսքերը. „Բէկ, դու չէ՞ր, որ միւս բէկերի հետ սովորեցնում էիր մեզ յարձակել, կողոպտել, կոտորել, հայերին՝ ասելով, նամէստնիկը և ուսնները ձեզ չեն պատժի, իսկ այժմ դու պաշտպան ես կանգնում հայերին“:

Ալլահար-բէկը լսեց այս խօսքերը և բարկանալով ու հայհոյելով յետ դարձրեց թուրքերին:

Սակայն միմիայն մի օր անց, նոյեմբերի 21-ին, խուժանը նորից երևաց, բայց այս անգամ աւելի մեծ չափով. այգիների ցանկապատերը հրդեհեցին, գիւղը պաշարուեց չորս կողմից՝ սկսեց մի անհաւասար, օրհասական կռիւ, որպիսին լինում է յուսահատական ըրպէներին: Բաղայի փոքրաթիւ կուղիները մինչև 22-ի երեկոյեան քաջարար դիմադրելով դիրքերը ձեռքից թողին միմիայն հերոսարար ընկնելուց յետոյ\*):

\*) Ահա, ճիշտ այս բովանդակութեամբ Բաղայի ժողովուրդը իր ծխատէր քահանայ Տէր-Մեսրոպը Ստեփանեանի միջոցաւ բողոք ներկայացրեց փոխարքային, մատնացոյց անելով, որպէս Բաղայի կոտորածի ղեկավարների, մի

Սակայն Բաղայի ժողովուրդը հերոսութեան նոր ապացոյցներ սուսց. թուրքերի ներս խուժումից յետոյ մի յամառ կոիւ էլ տեղի ունեցաւ գիւղի փողոցներում փայտերով, կացիններով և այլ գործիքներով. մինչև վերջին ճիգը, վերջին շունչը, ինչպէս գօտեմարտը, որից յետոյ խուժանը կատարեց իրեն յատուկ բարբարոսութիւնը մեծի ու փոքրի, կանանց և երեխաների վերաբերմամբ:

Ժողովուրդը ցրիւ եկաւ խելակորոյսի պէս. մայրը որդուն, որդին հօրը կորցրած՝ սարսափահար ընկան չոլերը, սարերն ու ձորերը, որոնց խուժանը հետեւելով այդ սարերն ու ձորերն էլ նախշում էր անմեղ դիակներով: Սպանութիւնների պէս պէս ձեւերը գերազանցեցին մէկը միւսին. խուժանը փորձեց տանջանքի տեսակները նոյն իսկ ծծկեր մանուկների վերաբերմամբ:

Այսպէս, Քաջատուր Պապեանի 8—9 ամսական երեխայի դիակը գտնուեց առանց երկու թևերի՝ մարմնի միւս տեղերը անվրնաս:

Այս սրտաճմլիկ տեսարանների շարքում լինում էին և ոգիւտորիչ բռնակներ:

Այսպէս, մի 70 տարեկան ծերունի իր որդու հետ մինչև ընկնիլը քաջութեան հրաշքներ գործեց, գլորելով 10-ի չափ թուրքեր:

Յովհաննէս Մովսէսեանի կինը, 18 տարեկան Նինօն և Սար-

---

շարք ազգեցիկ մարդկանց վրա: Դրանք էին.

1) Ալլահնար-բէկ Զուլգադարովը, Քինանլու գիւղից:

2) Բէիւր-Աղա և Քաղի-բէկ Ղարաբէկօցները և Սարիբէկ Իսմայիլ օղլին, Իւխարի-Այիրլու գիւղից:

3) Մաշադի Ասլանը և Ղահրաման քեօխվան, Իրմաշլու գիւղից:

4) Ղադի Քեօխվան, Ղոյլար-Սարբլի գիւղից:

5) Հաջի-Ջէյնալ-Արդինը և Քեալբալայ-Մամէդ Համգա օղլին, Աչաղա-

Այիրլու գիւղից:

6) Մաշադի-Ալլահվէրան Հաջի-Սօին օղլին, Քաղարլու գիւղից:

7) Ալլահ-Քանչալ Սէիդը և Քեալբալայի-Մահարլամը, Դուգեարլու գիւղից:

Յիշեալ անձանց պատասխանատու թեան ենթարկել տալու նպատակով կազմած այդ բողոքը վերջանում էր հետեւալ բնորոշ խօսքերով: «Ալլահնարբէկ Զուլգադարովը իր հատակիցների մէջ ունի ահագին ազգեցութիւն և շնորհիւ այն հանգամանքի, որ նա համարուում է ձերդ պայծառափայլութեան մօտ առանձին յանձնարարութիւնների պաշտօնեայ, թուրք ժողովրդին ներշնչում է այն միտքը, որ իբր հայերին ճշելը կառավարութեան հակառակ չէ՛:»

գիս Պետրոսեանի կինը, 20 տարեկան գեղեցիկ Սալլուն, որոնց խաբեբայութեամբ Բաղաձորից դուրս բերելով և ազգականներին կոտորելով թուրքերն ուզում էին այդ երկուսին առևանգել, մի յուսահատ ճիգով դուրս պրծան գազանացած ամբոխի ձեռքից և ահագին քարափից ձորը նետուցին՝ ազատելով իրենց պատիւը, թէև ջարդ ու փշուր հղած, օրերով տառապում էին անկողնում:

Այսպէս էր հիւրասէր, սիրալը բաց Բաղայի վիճակը: Շէն գիւղն իր բոլոր հարստութիւններով ու կենդանիներով, լիցուն հորերով ու շտեմարաններով, գեղեցիկ տներով ու տնային իրերով կողոպտեց մինչև վերջին հատիկը, աւերեց ու այրեց, որի կորուստը, հաշտարար միջնորդի ցուցակով, հասնում էր երկու միլիոն երկու հազար երեք հարիւր բուբլի գումարի (2,002,300 ռ.): Իսկ ժողովուրդը, որի մի մասն ընկել էր գիւղի փողոցներում, սարերի ու ձորերի քերծելում և գերի տարելի, շող անցաւ այս ու այն տեղ, մի անկիւն և մի կտոր հաց մուրալու համար:

Փախստական բաղեցիկների այն սուտար մասը, որը ապաստան գտաւ Չարդախլու գիւղում, այնտեղից էլ «ղաղարգիւն» ընկաւ: Այդ հալածածները դեռ շունչ չէին քաշել հիւրընկալ գիւղում, երբ նա պաշարուեց նոյն արիւնածարաւ խուժանով: Ծիշտ է, Չարդախլուն չընկճեց, ինչպէս այդ կը տեսնենք յետոյ, բայց սարսափահար հղած բաղեցիկ այդտեղից էլ չեց, ամեն տեղ թողնելով իր թափթփուկները, այնպէս որ նա աստիճանաբար ծծուում, մաշուում էր ճանապարհներին:

Փետրվար ամսին բաղայի փախստականները գտնուում էին Բանանց, Սաչակապ, Փիր, Չովդար, Կիրանց, Բարում, Բարսում, և Չարդախլու գիւղերում, որոնցից 560 հոգի ապաստանել էին Բանանց գիւղում: Այդ փախստականներից մի խոշոր մաս էլ անցել էր Ղազախի գաւառը, ապաստանելով Քարվանսարա, Վերին-Աղդամ, Սաչթառակ, Թաթլու, Թօուզ և այլ գիւղերում: Ինչ վերաբերում է գերի ընկածներին, նրանք շարաթներով պահուում էին թուրքերի մօտ և եթէ ազատուում գալիս էին, այն էլ մաս մամ մեծ ջանքեր գործ դրելուց յետոյ:

Այսպէս, յունվարի 20-ին գերութիւնից ազատեցին 9 հոգի, դրանք էին՝ կանայք՝ Ազիզ, 30 տար., Մագթաղ, 27 տ., օրիորդներ՝ Վարդանուշ, 11 տ., Սօփիա, 7 տ., Շուշանիկ, 4 տ., Զաւահիր, 13 տ., և մանուկներ՝ Դրիգոր, 7 տ., Ազիզ, 3 տ. և Իւան, 2 տար.:

Յունվարի 29-ին ազատուեցին 22 գերիներ, որոնցից 3-ը տղամարդ, 4-ը կին, իսկ 15-ը փոքրահասակ տղաներ և աղջիկներ էին: Թէ գերութեան մէջ այդ թշուառները որպիսի բարոյական և ֆիզիքական տանջանքներ էին կրել, մանաւանդ կանայք և օրինորդները, լաւ է այդ մասին լռել:

Փետրվարի սկզբին ազատուեցին դարձեալ մի քանի գերիներ. սրանց թւում եղող օրիորդ Շահնազարեանը յայտնեց, որ Գիտարէկի շրջակայքում ապրող Այրումների մօտ գտնուում են դեռ ևս հետևեալ գերիները:

1) Ստեփան Գասպարեան Բաղդապեանը, 6 տ., թլպատւած:

2) Օր. Անուշ Մէլիքեան Աղամեանը՝ շարդախուլուեցի, 14 տ.:

3) Օր. Վարդանուշ Սարգսեան Յակովբեանը, գետարէկցի, 16 տարեկան:

4) Օր. Վարսենիկ Սարգսեան Յակովբեանը, 16 տար.:

5) Տիկին Նինա Գասպարեան Օղարաշեանը—գանձակեցի, 20 տարեկան:

Սկզբնորում, երբ Բաղայի ժողովուրդը սարսափահար, զլուխը կորցրած դեռ ևս այս ու այն կողմն էր թափառում, սնաւեր ու տարագիր, հնարաւորութիւն չը կար Բաղայի զոհերի թիւը ստուգել. յունվարի 20-ին միայն կարելի եղաւ իմանալ այդ թիւը. տանջանքներով ընկել էին մարդ, կին, երեխայ 118 հոգի, որոնց անուանացուցակը կը գտնէք գրքի վերջում:

Այն ժամանակ, երբ կատարուում էին Բաղաքէնդի սարսափները, աւելի վատթարագոյն սարսափներ տեղի ունէին պղնձահանքերում, մասնակցութեամբ մասի պրիստաւի:

Նոյեմբերի 19-ին Գիտարէկի շուրջը մի ցոյց կատարելուց յետոյ թուրք խուժանը մի երկաթէ օղակի պէս նկաւ պաշարեց միաժամանակ թէ բազարը (հանքերի շուկան) և թէ Ղազախ գիւղը: Թէև փոքրաթիւ, բայց քաջ երիտասարդների մի խումբ զիրք բռնելով բազարի և գիւղի մէջտեղ ընկած գերեզմանատան քարերի մէջ՝ կարողացաւ մի ամբողջ օր պաշտպանել թէ մէկ և թէ միւս տեղը. սակայն գնալով՝ խուժանը աւելի ևս մեծանում էր, որին զուգընթաց դժուարին էր դառնում նաև կռիւը: Գերեզմանատանը զիրք բռնած երիտասարդները, տեսնելով որ երկու տեղը միաժամանակ այլ ևս անհնար է պաշտպանել, անցան դէպի գիւղ,

որից յետոյ ամբողջ խուժեց բազարի վրա մի վանդալական շահատակութեամբ: Սկսեց նախ խանութների խորտակումն ու կողոպուտը. թալան-թրաշը հասաւ ծայրահեղ չափերի. գազանացած, մոլեգնած ամբողջ մի կարճ ժամանակով միայն տեղի տւեց մի յուսահատ հայի նետած ուժմբին, որը մի քանի զոհեր խլեց ամբողջից: Քուժանը յետ եկաւ աւելի կատաղած, աւելի գազանացած: Կողոպուտից յետոյ սկսեց հրդեհը, որի ժամանակ ամբողջ յարձակում էր տների վրա, դուրս էր քաշում թագնւած տեղերից մարդ, կին, երեխայ և կենդանի կենդանի նետում կրակի մէջ: Կրակի բոցերի մէջ այրւողների տանջանքի աղաղակն աւելի ևս կատաղեցնում էր ամբողջին, որը աւելի ևս կրակի խորն էր հըրում զոհին: Այդպիսի զոհերից մէկն էր 75 տարեկան մի պառուս կին Գիւլիգար Բաղդասարեանը: Յղի կանանց փորերը պատուում էին և երեխաներին հանելով կրակը նետում: Մարդկանց նախ քան սպանելը մաս մաս կտրատում էին և այնպէս մահացնում: Բարբարոսութիւնների ձեւը գերազանցեցին մէկը միւսին, մի քանի տասնեակ մարդ, կին, երեխայ ընկան առանց զընդակի՝ սրով ու հրով. այդպէս էր ամիրվարցի քեօթվա Մահմէդի կարգադրութիւնը. չարժէր նրանց համար փամփուշտներ փչացնել:

Այս սարսափներից ազատւած բաւականաչափ հայեր դիմեցին հանքերի կտտավարչին պաշտպանութիւն խնդրելով նրանից: Կտտավարիչը զրանց երկու մասի բաժանելով՝ մի մասին իր մօտ տեղ տւեց, իսկ միւսին տեղաւորեց իր օգնական էնկլունդի մօտ: Երկու օր պահելուց յետոյ, նոյեմբերի 25-ին, ներկայացաւ պրիստաւ Մուսէյիր-բէկ Ալիւը և առաջարկեց հայերին իրեն հետ գնալ Չարդախլու: Ասում են, զերմանացի մի ստոր արարած, անունը Վալտեր, ցոյց էր տւել հայերի տեղը, այն Վալտերը, որը զինաթափ էր արել հայերին, երբ նրանց մօտ նկատել էր ինքնապաշտպանութեան համար զէնք: Հայերը հրաժարւեցին գնալ, չը վրստահանալով Մուսէյիրի պաշտպանութեանը, որը չուզեց բարբարոսութիւնների առաջն առնել, բայց գերմանացիները հրաժարւեցին այլ ևս նրանց տեղ տալ և յանձնեցին հրէշ Մուսէյիրին, հակառակ նրանց ցանկութեան և դժները փակելով ներս մտան:

Որպէս սպանդանոց ուղարկւող ոչխարներ, երեք Ֆուրգօնների մէջ նստեցրին մի քանի տասնհակ հայերին, որոնցից 18-ը տղամարդ, իսկ մնացեալը կին և երեխայ և 8 ստրաժնիկների ու-

ղեկցութեամբ ճանապարհ ձգեցին, բայց ֆուրգօնները դեռ ևս մի քանի հարիւր քայլ չանցած պրիստաւ Մուսէյիբի ներկայութեամբ յարձակեց ամբողջ և մի նոր մարտիրոսութիւն կատարեց այդ թշուառների վրա: Կոտորեցին անխտիր բոլոր տղամարդկանց՝ Ենթարկելով նրանց սոսկալի տանջանքների: Մտնելով կանանց և օրիորդների մէջ ընտրեցին ամենագեղեցիկներին իրենց մէջ բաժանելու համար: Դրանք էին.

1) Թիֆլիսեցի տօկար Սարգսի 18 տար. աղջիկը:

2) Չարդախլուեցի դամբրչի Սիմօնի 16 տար. աղջիկը:

3) Չարդախլուեցի սայլապան Մէլիքի 17 տար. աղջիկը:

4) Դազախեցի նալրանդ Սարգսի աղջիկը, 18 տար. Վարսե-  
նիկը, չարդախլուեցի պրապիր Ալէքսանի հարսնացուն:

5) Նիկօլայ Բաղդասարեանի կինը, 18 տար. Նինօն, որի  
ամուսինն սպանեց, բայց չորս թուրք սպանելուց յետոյ:

Մեր իմացած այս հինգ զոհերից առաջին երկուսը բաժին  
ընկան պրիստաւ Մուսէյիբին, որը վերադարձրեց մէկին մի ամիս,  
իսկ միւսին երկու ամսի շափ պահելուց յետոյ:

Վերջինը բաժին ընկաւ քիօթվա Մանուգին, որն այլ ևս չը  
գտնեց և անհետ կորաւ:

Մնացեալ երկուսը նոյնպէս անհետ կորան:

Այդ միևնոյն ժամանակ պաշարած էր նաև Դազախը: Յար-  
ձակումները կրկնուում էին պարբերաբար ամեն օր: Նոյեմբերի  
23-ի յարձակումը տևեց ամբողջ օրը: Գիշերւայ պատճառով յետ  
քաշւած խուժանը նորից յարձակեց նոյեմբերի 24-ի առաւօտեան  
ծէգին: Կռիւը ծանր էր. գիւղը պաշտպանելու այլ ևս հնար չը կար:  
Զինւած տղամարդիկ պաշտպանելով դէպի դուխօբուրների Սլաւ-  
եանկա դիւղը ձգող ճանապարհը, հնարաւորութիւն տւին ժողո-  
վրդին այդ կողմով փախչել գլուխ ազատել, բայց դուխօբուրները  
ոչ միայն ներս չառան յոգնած ու տանջւած փախստական ժողո-  
վրդին, այլ և հրաժարեցին սայլեր տալ ուժասպառ կանանց և  
երեխաներին տեղափոխելու համար: Սարսափը մոռացնել տալով  
և քաղցը, և ծարաւը և տանջող յոգնածութիւնը՝ քչից այդ թշուա-  
ռներին մինչև Չարդախլու: Չը մոռանանք յիշել, որ մինչև այդ  
թուրքերը Սլաւեանկա գիւղում կողոպտել էին երկու հայի, այն է՝  
Յովսէփեանի և Մնացականեանի խանութները:

Ղազախի ժողովուրդը քոչելուց յետոյ գիւղն ամբողջապէս կողոպտուեց և այրուեց:

Քէ կառավարութեան երկու ներկայացուցիչները—պրիստաւ Մուսէյր-բէկ Ալիեւը և Միսկիլինի հասարակութեան ստարշինա Մահմէդը ինչ դեր խաղացին այս դրամայի մէջ, կը բերենք այդ մասին Գետարէկի նոր նշանակած պրիստաւ Շեպիլովի խօսքերը, քաղելով այդ նրա լրագրութից \*), ուղղած Գանձակի նահանգական դատախազին՝ դէպքերից անմիջապէս յետոյ:

«Նոյեմբերի 24-ին ես պրիստաւ Ալիեւի հետ գնացինք հանքերը դինամիտը պահպանելու համար: Պրիստաւ ալիեւը նկատելով, որ Ղազախ գիւղից հայերը փախչում են դէպի Չարդախլու, թողնելով ինձ, մօտեցաւ թուրքերին և նրանց ուղարկելով Չարդախլուի ուղղութեամբ, հրամայեց նրանց կենդանի չը թողնել և ոչ մի հայի, որ և ճանապարհին սպանուեցին երկու հայեր»:

«Նոյեմբերի 25-ին ներս թափելով 15 զինւած թուրքեր դուրս տարան ինձ մօտ պահւած 2 հայերի և նստեցրին՝ ֆուրգօնների վրա միւս հայերի հետ Չարդախլու տանելու համար: Ալիեւն առաջարկեց ինձ ուղեկցել նրանց, բայց ես չը գնացի, որովհետև լսել էի, որ ուզում են ինձ սպանել: Ֆուրգօնները ութ պահապաններով դեռ 200 սաժէն չը հեռացած բացուեցին հրացանները նրանց վրա և սպանուեցին տղամարդիկ և մի կին: Ազատուցին 10 կանայք, իմ թարգմանը, Չինգերի ագէնտ Բէրզեանը և մի երեխայ: Սակայն մի փոքր անց ինձ մօտ թափուեցին թուրքերը և դուրս տանելով 3 հայերին սպանուեցին կամրջի մօտ»:

«Թուրքերի Գետարէկից դուրս գնալուց յետոյ հողին յանձնեցի 18 հայի դիակ, իսկ 27-ին՝ նորից 7-ը, ընդամենը՝ 25 դիակ: Ինձ հասած տեղեկութիւններից իմացայ, որ տներում այրւած են 50-ի չափ մարդ, կին, երեխայ: Երկու օրիորդներ 23-ից մինչև այժմ մնում են պրիստաւ Ալիեւի մօտ և մի քանի կանայք ուղարկւած են Միսկիլինի հասարակութեան գիւղերը, ուր մինչ այժմ էլ մնում են նրանք»:

«Սարաժնիկները գանգատուում էին, որ թուրքերը խլում էին նրանց ձեռքերում եղած փամփուռները: Իսկ նրանցից մէկը,

\*) Տես՝ «Елисаветполецъ» Крѳав. Лист. № 150:

թուրք, անուրն Ասաան, յայտնեց որ պրիստաւ Ալիեւը հրամայեց վիրցնել նրանից հրացանն այն պատճառով, որ նա չէր միանում յանցաւոր թուրքերին:»

«Պատիւ ունիմ յայտնելու, որ պրիստաւ Ալիեւը իր ստրած-նիկներով և Միսկիլինի ստարշինա Մահմէդը եռանդուն մասնակցութիւն ունէին այս խուճովութիւնների մէջ: Աւելացնելու եմ նաև այն, որ թուրքերն իմանալով, որ ես ընդունելու եմ պրիստաւի պաշտօնը, կողոպտեցին իմ գրասենեակը և արձակեցին բոլոր բանդարկեալներին և երբ ես այդ մասին յայտնեցի պրիստաւ Ալիեւին, նա ծիծաղելով պատասխանեց ասելի լաւ, գործ քիչ կը լինի:»

Անա իրողութիւնը, վկայեած մի այլ պրիստաւի բերանով. բայց չը նայած այդ բոլորին, մինչև այժմ էլ ինչպէս Ալիեւը, այնպէս էլ ստարշինա Մահմէդը մնում են իրենց պաշտօնների մէջ:

Բայց արդեօք այսքանով վերջացաւ այս շրջանի աղէտը. ոչ: Ինչպէս տեսանք, Բաղայի, Գետարէկի ու Ղազախի փախստական ժողովրդի մի խոշոր մասը ապաստան գտաւ Չարդախլու գիւղում: Սակայն նրանց այդտեղ էլ հանգիստ չը տւին: Բաղայի, Գետարէկի և Ղազախի հետ ամեն բան վերջացնելուց յետոյ, նորից թուրք խուճանը դարձաւ դէպի Չարդախլու: Նոյեմբերի 25-ից սկսած մինչև 30-ը պարբերաբար յետ մղւելով և նորանոր թարմացած ուժերով նոր յարձակումներ գործելով, նա չը յոգնեց: Բաւական էր մի քանի ժամայ ընդհատում, որ յոգնած խուճանը թարմանար նոր հոսանքով: Նոյեմբերի 30-ին տեղի ունեցաւ վճռական յարձակումը և այս անգամ խուճանը յետ փախաւ մեծ կորուստներով: Հայերից սպանւեց այդ կուում մի հոգի, բայց լաւ հոգի. դա չարդախլուեցի Շահէնն էր:

Գանձակի գաւառի պատկերը ամբողջացնելու համար չը մոռանանք յիշել նաև երկաթուղու երկու կայարաններում, այն է՝ Դալլարում և Ջէգամում տեղի ունեցած դէպքերը:

Այդ երկու կայարաններում կային հայի խանութներ, իւրաքանչիւրում 8- 10-ի չափ, անա այդ խանութների վրա յարձակեց խուճանը և կողոպտեց Գանձակի առաջին օրւայ կոտորածի հետ միաժամանակ. Դալլարում կողոպտեց նաև օղիի մի գործարան:

Բացի այդ, խուճանի գազանութիւններին զոհ գնացին Դալ-



լար կայարանում մի հոգի, դա օղիի գործարանի վարպետ գանձակեցի Քէրովբն էր, իսկ Ձէգամ կայարանում՝ 5 հոգի, դրանք էին՝ Յակովբ Փարսազանեանը, Պօղոս Նալրանդեանը, գրագիր Մուսէսը, գանձակեցի դերձիկ Սարգիսը և դազախեցի գրագիր Բէյբուրը:

Անցան շաբաթներ, շրջանը մի փոքր խաղաղեց, փախստականները մի կերպ տեղաւորեցին այս և այն գիւղերում, բայց Բաղայի և Գիտարէկի աղէտը չը մոռացուեց: Տարագիր ու տնաւեր և դաժ մարդիկ տեսնելով կառավարութեան պապանձումը, չարագործների անպատիժ մնալը, աւելի ևս վրդովուում էին և բուռն գայրոյթով լցուում: Միթէ այդքան զոհերը և այդ աստիճան վիրաւորանքները տանել կարելի էր: Միթէ այդ բոլորը մոռացութեան պիտի տրւէր. բայց կառավարութիւնը լուռ էր, համր . . . Ուրեմն մնում էր մի միջոց, այն է՝ սեփական ուժերին դիմելու միջոցը յանցագործներին պատժելու համար: Իշխանաւորներն էլ չէնց այդ էին ուզում, չէ՞ որ թշնամութիւնը գնալով խոր արմատներ էր ձգում երկու ժողովուրդների մէջ . . .


Սօգիւթլու գիւղը հանդիսանում էր ղեկավար Գետարէկի ամբողջ բարբարոսութիւնների և ահա այդ գիւղի վրա էլ թափուեց ծովացած վրէժը:

1906 թ. յունվարի 1-ի վաղորդեան հետ Սօգիւթլուն անսպասելի կերպով պաշարուեց չորս կողմից: Անընդհատ տեղացող կրակը մի սոսկալի շփոթ առաջ բերեց ոճրագործ գիւղի մէջ: Սկսեց մի յուսահատ դիմադրութիւն գիւղի տներից. գլուխը կորցրածի պէս պաշարւածները կրակում էին նոյն իսկ միմեանց վրա: Այսպիսի դիմադրութիւնը տեւեց շատ կարճ. թուրքերը դիմեցին փախուստի, սակայն մի քանի տասնեակ դիակներ թողնելուց յետոյ: Գիւղը կողոպտուեց. հայերը քշեցին Սօգիւթլուից մի քանի հարիւր տաւար, 2000-ի չափ ոչխար և բաւական իրեր, որոնց մէջ կային Գիտարէկի և Ղազախի կողոպտուից շատ իրեր:

Եւ մինչդեռ Սօգիւթլուն շարունակուում էր աւերել գայրոյթով լցւած հայերի ձեռքով, վրա հասաւ գրագունների մի վաշտ և կրակ բացեց հայերի վրա, որոնք իրենց հերթում պատասխանեցին կրակով, նրանց ընդունելով թուրքերի տեղ:

Վերջապէս հայերը յետ քաշւեցին, բայց մի քանի զոհեր տալուց յետոյ, դրանք էին՝ զազախեցի Բէգլար Աւագեանը, ախալքալակցի Պետրոսը և Սերգէ Մարտիրոսեանը, բարսումեցի Պապինը և Նիկօլը, բացի այս մի քանի հոգի էլ վիրաւորւեցին:

Ահա Գանձակի գաւառի մարտիրոսագրութեան թոյլ պատկերը:



Յուցակ Գանձակի գաւառի այն գիւղերի, որոնց ժողովուրդը փախել կամ խոշոր վնասներ է կրել ընդհարումների ժամանակ:

Հ Ա Յ Գ Ի Ի Ղ Ե Ր:

№№	ԳԻՒՂԵՐԻ ԱՆՈՒՆՆԵՐԸ	Տուն	Փախած	Կորսու-	Աւերած	Կոտորած
1	Բաղաքէնդ .	400	փախ.	կող.	աւեր.	կոտ.
2	Ղաղախ .	60	»	»	»	
3	Անենֆիլդ .	30	»	»	—	
4	Սարով .	30	»	»	աւեր.	—
5	Ղարադաղլու .	80	»	»	»	—
6	Գետաբէկ .	30	»	»	»	կոտ.
7	Խոյլար .	40	»	»	»	

Թ ՈՒՐ Ք Գ Ի Ի Ղ Ե Ր

1	Մօլլավալադ .	—	փախ.	կող.		
2	Չայլիլար .	—	»	»		
3	Դարդարա .		»	—	աւեր.	
4	Սարըսու .	—	»	—	»	—
5	Դոզիլար .	—	»		»	
6	Աբաս-Դարա .	—	»	—	»	
7	Փանահլար .	—	»		»	—
8	Աղ-Նօխուշ .	—	»	կող.	»	կոտ.
9	Ախրջա .	—	»	»	»	—
10	Թօփալ-Հասանլու .	—	»	»	»	—
11	Դարաբէկլու .	—	»	—	»	
12	Կարա-Նաթաղ .	—	»	—	»	
13	Մալաքլու .	—	»	կող.	»	—
14	Սօգիւթլու .	—		»	»	կոտ.



# ՂԱԶԱԽԻ ԳԱԽԱՌ

Ղազախի գաւառն ընկած է նահանգի հիւսիսարեւմտեան ծայրում, երեք կողմերից կազմելով Երևանի և Քիֆլիսի նահանգների սահմանը, իսկ հարաւարեւելեան կողմից միանալով Գանձակի գաւառին:

Գաւառի ազգաբնակչութեան ընդհանուր թիւը հասնում է 112 հազարի, որից 64 հազարը թուրքեր են, 44 հազարը՝ հայեր, իսկ 4 հազարը՝ զանազան ազգեր:

Ղազախի գաւառը իր աշխարհագրական դիրքով բաւական գեղեցիկ տեսք ունի. բարձր լեռները և անտառապատ ձմակներն իրենց բազմաթիւ առակներով, որոնցից գոյանում են Աղստաֆա, Թարսա-Չայ և միւս գետերը, կազմում են գաւառի հարաւային և հարաւարեւմտեան մասի զարդը: Իսկ հիւսիսային և հիւսիսարեւելեան մասը հարթ տափարակ է, ընկած Քուր գետի երկու ափերի վրա: Հայերն աննշան բացառութեամբ ապրում են լեռնոտ մասերում թուրքերի հետ խառն, իսկ տափարակները բնակած են թուրքերով:

Ղազախի գաւառը բաղկացած է երկու գաւառամասերից, այն է՝ Բուն-Ղազախից՝ ընկած արեւմտեան մասում և Շամշազիւնից՝ ընկած հարաւային մասում:

Ղազախի գաւառի 131 պիւղերից 48-ը հայաբնակ են, որոնցից 30-ը գտնուում են Բուն-Ղազախում, իսկ 18-ը՝ Շամշազիւնում: Դրանք են.

№ №	Գ Ի Ի Ղ Ե Ր Ի Ա Ն Ո Ի Ն Ն Ե Ր Ը	Տուն՝ պաշտ. թւեր.	մատա- զատուն՝ մերը.
	<b>Բ Ո Ի Ն-Ղ Ա Չ Ա Խ Ո Ի Մ</b>		
1	Պօղոս-Քիլիսա	130	—
2	Դիլիջան . . .	160	—
3	Ջարխէջ (Շարխաչ)	100	—
4	Ղօշավանք . . .	25	—

5	Աղղան-Վերին .	111	-
6	Քարվանսարա	153	—
7	Թագա-Քէնդ .	80	120
8	Քրդէվան . .	74	—
9	Ղարանլուղ-Դարա .	23	—
10	Նաշտառակ .	95	—
11	Աղղան-Ներքին .	47	—
12	Րէվազլու .	30	—
13	Աչասու .	392	—
14	Ուզուն-Թալա . .	130	—
15	Սև-քար (Ղարաղաշ) .	283	—
16	Լալի-Գիւղ (Լալի-Քէնդ) .	43	—
17	Մէլիքի-Գիւղ (Մէլիք-Քէնդ) .	49	-
18	Սրի-Գիւղ (Ղլիջ-Քէնդ) .	86	—
19	Կունէն . . . .	44	—
20	Պիպիս (Ջօղազ) . . .	43	—
21	Ճօճավանք (Ճաճվական) .	13	—
22	Ղօշոթան	88	—
23	Բաղանիս . . . . .	46	—
24	Աքսիրար (Ոսկէպար)	36	—
25	Կօտը-Քէնդ . . . .	193	—
26	Կուրումսու . . . .	72	—
27	Բարանա . . . . .	95	—
28	Դօւէղ (Բալա-Քէնդ) .	25	—
29	Կողբ . . . . .	158	—
30	Ղալաշա . . . . .	157	—
<b>Շ Ա Մ Շ Ա Դ Ի Ն Ո Ի Մ</b>			
1	Կրդէն . . . . .	30	41
2	Հախում . . . . .	80	100
3	Թաթլի-Քէնդ . . . .	105	—
4	Նաուր . . . . .	80	—
5	Չինչին	30	—
6	Թօուղ-Ղալա . . . .	97	250
7	Թօուղ-Քէնդ . . . .	100	210
8	Մոսէս-Քէնդ . . . .	120	180

9	Կարմիր-Ադրիւր-Վերին (Ղըզլ-Բուլաղ)	98	120
10	Թագա-Քէնդ (Նորաշէն) . . . . .	40	—
11	Կարմիր-Ադրիւր-Ներքին (Ղըզլ-Բուլաղ)	130	—
12	Ղուլալի . . . . .	120	250
13	Ղարաղայա (Ղրղի)	90	260
14	Զինարլու . . . . .	55	67
15	Զորաթան	28	62
16	Բաշքէնդ . . . . .	213	350
17	Ճամրարաք-Վերին . . . . .	86	160
18	Ճամրարաք-Ներքին . . . . .	91	170

Բացի յիշեալ 48 գիւղերը, 200-ից աւելի ընտանիքներ և առևտրականներ ապրում են նաև գաւառի կենտրոնավայր Ղազախ քաղաքում, ինչպէս և մի քանիսը՝ երկաթուղու Թօուզ, Թաթլի և Աղստաֆա կայարաններում:

Ղազախի գաւառում բռնկած կողոպուտներն ու ընդհարումները կարելի է բաժանել հինգ շրջանների, դրանք են.


1) Ղազախ քաղաքը և Թօուզ, Թաթլի, Աղստաֆա կայարանները:

2) Կրզէն գիւղը:

3) Հասան-Սու, Թօուզ և Սնձորկոտ գետերի հովիտները:

4) Բաշքէնդը և երկու Ճամրարաքները:

5) Աղստաֆա և Կունէն գետերի հովիտները:



## ԿՈՂՈՊՈՒՏՆ ՈՒ ՀՐԴԵՀԸ ՂԱԶԱԽ ՔԱՂԱՔՈՒՄ ԵՒ ԹՕՈՒԶ, ԹԱԹԼԻ, ԱՂՍՏԱՖԱ ԿԱՅԱՐԱՆՆԵՐՈՒՄ

18 28 ՆՈՅԵՄԲԵՐԻ 1905 Թ.

Գանձակում և Գանձակի գաւառում տեղի ունեցած կոտորածներն ու աւերը չէին կարող արձագանք չը գտնել սահմանակից Ղազախի գաւառում, երբ յանցագործութիւնները շարունակուում էին անպատիժ կերպով:

Սակայն Ղազախի գաւառում դէպքերն այլ կերպ գասաւորուեցին:

Բացի այն, որ այդ գաւառում, ինչպէս վերը տեսանք, նայ տարրը բաւական մեծ թիւ է կազմում, նա միևնոյն ժամանակ քաջ և իր իրաւունքները պաշտպանող ժողովուրդ է: Դաշտային մասում միայն նա թւով շատ փոքր է և թոյլ, ուր և առաջին անգամ թուրք խուժանն ուղղեց իր արշաւանքը:

Այդպիսի մի վայր ներկայանում էր գաւառի կենտրոնատեղին—Ղազախ քաղաքը:

Ղազախը նոր քաղաք է, ընդամենը 25—30 տարւայ պատմութիւն ունեցող, շինւած Ալստաֆա գետի վրա հրկաթուղու Ալստաֆա կայարանից 9 վերստ հեռաւորութեամբ դէպի հարաւարեմուտք: Այդ քաղաքն, առ այժմ, աւելի շուտ կարելի է համարել կառավարչական հիմնարկութիւնների կենտրոնատեղի, քան բնակութեան վայր և նա շատ քիչ ընդհ ժողովուրդ ունի, եղածներն էլ մեծ մասամբ առևտրականներ և ժամանակաւոր ապրողներ են:

Ղազախ քաղաքում կային աւելի քան 200 տուն հայեր, որոնք պարապում էին գլխաւորապէս առևտրով և զանազան արհեստներով: Ահա դրանց գոյքն ու կայքը ենթարկուեցին կողոպու-

տի ադմինիստրացիայի տակտիկայից խրախուսւած թուրք տգէտ մասսայի ձեռքով. բայց նախ քան քաղաքի կողոպուտը, կողոպուտեցին երկաթուղու գծի վրա գտնուող կայարանները:

Գանձակի կոտորածների ժամանակ երկաթուղու գիծն իր ամբողջ երկարութեամբ—սկսած Թիֆլիսից մինչև Բագու, կատարելապէս անցաւ թուրք խուժանի ձեռքը. գծի վրա տիրեց կատարեսլ անիշխանութիւն: Թուրքերը Եւլախից սկսած կողոպտեցին այն բոլոր կայարանները, ուր հայերը խանութներ ունէին դրած: Շատ տեղերում հազիւ կարողացան խանութատէրերը փախչիլ և գլուխ ազատել: Գանձակի գաւառում, ինչպէս տեսանք, կողոպուտեցին Դալլարը և Զէգամը. ահա այդ նոյն վիճակին ենթարկեցին նաև Ղազախի գաւառի կայարաններն, այն է՝ Թօուզը, Թաթլին, Աղստաֆան:

Այս բոլորը տեղի ունէր նոյեմբերի 18-ից մինչև 20—22-ը:

Այս դէպքերի, ինչպէս և Գանձակում տեղի ունեցող ընդհարումների հետ միաժամանակ դրութիւնը վատացաւ նաև Ղազախ քաղաքում և չը նայած այն բանին, որ նա առերևոյթ խաղաղ էր, սակայն մի փոքրիկ առիթը բաւական էր թուրք մասսան տակըն ու վրա անհլու համար, և առիթը ներկայացաւ:

Նոյեմբերի 27-ին մի թուրք գնդակ արձակեց նասիր էիւբովի խանութի մէջ և վիրաւորեց Մամադ էֆէնդի Եաղուբովին և մի վրացի ծառայի: Այդ դէպքի վրա քաղաքում սկսեց հրացանաձգութիւն և իրարանցում: Գաւառապետ Արնօլը, որն իր բարեխիղճ պաշտօնավարութեամբ երկար ժամանակ կարողանում էր գաւառը ազատ պահել ընդհարումներից և կոտորածից, իր մի բուն ստրածնիկներով կարողացաւ այդ օրը կողոպուտի առաջն առնել, թէև ստրածնիկներից շատերը չէին հնազանդում գաւառապետի կարգադրութիւններին:

Հայերը, որոնց մի մասն առաջօրէն տեղափոխւել էր մօտակայ հայ գիւղերը պատսպարւեցին զօրանոցում, գանձարանում և հեռագրատանը:

Այդ դէպքի յաջորդ օրը, նոյեմբերի 28-ին, փոխարքայի դիւանի կարգադրութեամբ Արնօլը, որի դէմ թուրքերը բողոքներ էին տւել, անսպասելի կերպով կանչեց Թիֆլիս: Այդպէս էլ պէտք է լինէր . . . Արնօլը անընդունակ ադմինիստրատոր էր. նա ժամանակի պահանջը չը հասկացաւ, գնաց: Եւ հէնց նրա



գնացած օրն էլ քաղաքի կողոպուտն սկսեց. թուրք խուժանը ազատութիւն էր գտել . . . Քափուց Ղրաղ-Քեասամանից, Քեօսալարից և շրջակայ միւս գիւղերից թուրք խուժանը, որպէս մի վանդէյ և սկսեց մի սոսկալի կողոպուտ ու աւեր միաժամանակ թէ շուկայում և թէ տներում. թափուի եկել էին բոլոր սեռերը և բոլոր հասակները: Կողոպուտը կրում էին մէջքի վրա, ձիերով և սայլերով. կողոպուտին մասնակցում էին փոքրիկ մանուկները, նոյն իսկ կանայք: Հայերի կողմից դիմադրութեան որեւէ փորձ տեղի չունեցաւ, հրապարակը մնաց խուժանի ձեռքին: Կողոպուտից յետոյ սկսեց նրդեհ, որին զոհ գնացին Սաչատրեանի, Մէլիք-Իսրայէլեանների, Գալումեանի, Ջաղէթեանի և մի շարք հայերի տներ:

Ահա այդ բոլորը կողոպուտելուց և հրդեհելուց յետոյ միայն տեղական վաշտը Գանձակից եկած մի օֆիցերի նրամանատարութեամբ դիմեց զէնքի, որի ժամանակ ընկան մի քանի թուրքեր:

Հայերը զօրքերի պաշտպանութեան տակ տեղափոխուեցին Թիֆլիս, Գանձակ և մօտակայ հայ գիւղերը:

Ղազախի և երեք կայարանների հայերին հասած նիւթական ֆւասը մեծ էր, շատ մեծ, թէև մարդկային զոհերը քիչ: Քաղաքում սպանուեց մէկը թուրքէնդցի Աղէքսանյր Սաչատրեանը, 35 տար., մի առևտրական հայ ոչխարի պէս մորթեց Փօլլի կայարանի պլատֆորմայի վրա պահակ զօրքի, ճանապարհորդների և հարազատ մօր ներկայութեամբ: Նոյնանման մի մարտիրոսութիւն տեղի ունեցաւ նաև Աղստաֆա կայարանում, մի 14 տարեկան պատանու վերաբերմամբ դեկտեմբերի 6-ին:

Չը մոռանանք յիշել և այն կողոպուտը, որին ենթարկուեցին Ալեքսէսկա գիւղում և նրա մօտակայքում ձեռնարկութիւն ունեցող մի երկու հայեր:



## ԿՐԶԷՆ ԳԻՒՂԻ ԱԽԵՐՈՒՄԸ

20 --28 ՆՈՅԵՄԲԵՐԻ 1905 թ.

Աւելի վատթար օրեր վիճակւած էին Կրզէն հայ գիւղին:

Կրզէնը Շամշադինի ամենափոքր գիւղերից մէկն էր, ընդամենը 41 ծխից բաղկացած, 220 շնչով, ընկած Քուրի աջ ափին, մին մենակ, հայ գիւղերից հեռու, շրջապատւած թուրք գիւղերով, որոնց մէջ աւազակային հակումներով աչքի էր ընկնում Բօզանդալուն, որը և պատճառ դարձաւ թշուառ Կրզէնի աւերման:

Կրզէնը թէև ունէր վատ կլիմայ, բայց նրա ժողովուրդը օգտուում էր ջրարբի և արգաւանդ հողերով, մշակում էր հացահատիկներ և խաղողի այգիներ և ապրում կուշտ փոքրով:

Սակայն այն պայմանները, որոնց մէջ գտնուում էր նա, շատ էին ստիպել նրան խեղճանալ, լեզուն կարճ անել, տանել ամեն մի նախատինք և վերաւորանք. բայց այդ էլ չը փրկեց նրան, ընդհակառակը զէնքի կուլտը նւիրապործող թուրք խուժանը այնքան աւելի երես էր առնում և անգուսպ դառնում, որքան քիչ դիմադրութեան էր հանդիպում: Այսպիսի պայմաններում բնական պիտի համարել այն, ինչ որ տեղի ունեցաւ Կրզէնի վերաբերմամբ.

Նոյեմբերի 20-ին Բօզանդալուի թուրքերը քշեցին Կրզէնի 300 գլուխ տաւարը և սպանեցին նախրչուն:

Նոյեմբերի 21-ին նոյն թուրքերը մտան գիւղ և տարան պատահած ձիերը, եզներն ու կովերը: Դիմադրելու ննարաւորութիւնից միանգամայն զուրկ Կրզէնի ժողովուրդը Մանսուրու գիւղի թուրքերից պատասպարան խնդրելով քոչեց նրանց մօտ, թողնելով գիւղը թուրք խուժանին: Բայց այդտեղ էլ նրան հանգիստ չը տւին:

Նոյեմբերի 24-ին ամբոխը յարձակեց Մանսուրու գիւղի վրա, զօռով դուրս քաշեց տներում պահւած հայերին, կողոպտեց նրանց բոլոր ունեցած չունեցածը և ապա մաս մաս անելով, որպէս

գերինների, քշեց տարաւ աղիողորմ՝ աղաղակ բարձրացրած այդ բազմութեանը: 4 օր անյայտութեան մէջ մնալուց յիտոյ, նոյնմբերի 28-ին, զօրք հասաւ Բօզանդալու և ազատեց գերինների մի մասին, այն է 23 ընտանիքի 120 շնչից բաղկացած, որոնք այդ 4 օրւայ գերութեան մէջ ենթարկելի էին անասելի բարոյական և ֆիզիքական տանջանքների: Մի քանիսը կանանցից սարսափի տակ ներկել էին հինայով իրենց ձեռքերը. տղամարդիկ ածիլել էին գլուխները, յիտեից միայն «քեաքիւնեթ» թողնելով, բացի այդ, տեղի էին ունեցել բոնաբարութիւններ:

Այս 23 ընտանիքի գերութեան տեղում, Բօզանդալում, կազմեց արձանագրութիւն, որի մէջ, որպէս Կրզէնի աւերման յանցագործներ, ցուցակագրեցին մի շարք անուներ, զրանք էին, բօզանդալուեցի Սարի-Ասադ Քեալբալայի-Օվչի օղլին, չովդարլուեցի Մարդան Մարդան օղլին և Արուլար Թանդրի-Կուլի օղլին, ալիմարդանլուեցի Շամիլ Մամէդ-Ասադ օղլին և Վալի Բահարլի օղլին:

Կրզէնի մնացեալ 17 տուն գերինների ուր լինելը երկար ժամանակ մնաց անյայտ և մեծ ջանքեր եղան, մինչև որ յունվարի (1906 թ.) մէջ նրանց տեղը կարելի եղաւ իմանալ. զրանցից 24 հոգի ազատեցին եկան միմիայն փետրվարի 6-ին:

Զրկանքների, բռնութիւնների և սնարգանքների այս սուկալի փաստերի շարքում պակաս էր մնացել միմիայն հեզնանքը, բայց շուտով կրզէնցուն առիթ հանդիսացաւ այդ էլ ճաշակելու:

Փետրվարի վերջերին, երբ կրզէնցիները թիֆլիսում արզէն պատսպարելի էին, Բօզանդալուի թուրք առաջաւորները, նոյն կրզէնցիներին կողոպտող աւազակները, 750 բուրլի գրամ հանգանակելով, որպէս զրացիական նպաստ ուղարկեցին թիֆլիս կրզէնցիներին յանձնելու համար: 30,000-ի կողոպուտ և կորուստ պատճառով շարագործները, ինչպէս այդ կը տեսնենք Ղազախի գաւառի վնասները որոշող յանձնաժողովի ցուցակից, 750 բուրլու նուիրաբերութիւն էին անում:

Սակայն կրզէնցիները բաց է թաց մերժեցին ընդունել այդ նւիրաբերութիւնը, յայտարարելով հետեւեալը.


„Եթէ Ռուսաստանում դեռ գոյութիւն ունի օրէնք, թող դատեն շարագործները և այդ կը լինի մեր ամենամեծ վարձատրութիւնը“:

Կրգէնցիներն այժմ ապրում են Կարմիր-Աղբիւր գիւղում և այդ տեղից մի կերպ մշակում են իրենց հողերը, սակայն այդ մշակումը կատարում է արեան գնով:

Արեան գնով ենք ասում, որովհետև այդ բոլոր զրկանքներից յետոյ նրանք դարձեալ ազատ չէին թուրքերի գազանութիւններից:

Ներկայ գարնանը, ապրիլի 25-ին (1906 թ.), ցանքերը ջրելու ժամանակ, միանգամից սպանեցին 4 հոգի, դրանք էին՝ Սուսան Մայիլևանը, 50 տար., Աստան Ղազարեանը, 60 տար., Բայվէրդի էրմիեանը, 55 տ. և Գրիգոր Ոսկանեանը, 25 տար.:

Եւ այս, բիւրօկրատիայի ոճով, համարում էր խաղաղած դրութիւն . . .



# ԸՆԴՀԱՐՈՒՄՆԵՐԸ ՀԱՍԱՆ-ՍՈՒ, ԹՕՌԻՋ ԵՒ ԽՆՁՈՐԿՈՏ ԳԵՏԵՐԻ ՀՈՎԻՏՆԵՐՈՒՄ

1905 թ. ՆՈՅԵՄԲԵՐԻՑ—1906 թ. ՅՈՒՆՎԱՐ:

Շամշաղինի գաւառամասի 18 հայ գիւղերից 14-ն ընկած են Հասան-Սու, Թօուզ և Խնձորկոտ գետերի և նրանց ճիւղաւորութիւնների հովիտներում, միմեանց բաւական մօտ մօտ այս կարգով:

Հախումը և Թաթլի-Քէնդն ընկած են Հասան-Սու գետի վրա: Նաուլը, Չինչինը, Թօուզ-Կալան, Թօուզ-Քէնդը, Մոսէս-Քէնդը, Վերին-Կարմիր-Աղբիւրը, Թազա-Քէնդը և Ներքին-Կարմիր-Աղբիւրն ընկած են Թօուզ գետի և նրա ճիւղերի վրա:

Իսկ Ղուլալին, Ղարաղայան, Չինարլին և Չորաթանը՝ Խընձորկոտ գետի և նրա ճիւղերի վրա:

Ահա այս շրջանում բռնկեցին ընդհարումները Ղազախ քաղաքի և Կրզէն գիւղի դէպքերից մի փոքր ժամանակ անց:

Սակայն Ղազախի գաւառում ընդհարումները բոլորովին այլ բնաւորութիւն ստացան, և այդ շնորհիւ այն հանգամանքի, որ հայերը տեսնելով կառավարութեան չեզոք վերաբերմունքը դէպի ընդհարումները, որով աւելի ևս խրախուսանք էլ գտնում կողոպտւտների և աւերումների հակած թուրք մասսան, դիմեցին իրենց սեփական միջոցներին, իւրաքանչիւր յարձակման պատասխանելով նոյն ձևի յարձակումներով, իւրաքանչիւր աւերման պատասխանելով նոյն ձևի աւերումներով: Ընդհարումներն այսպիսի ընթացք ստացան նաև գաւառի միւս վայրերում:

Բայց չը պէտքէ մոռանալ և այն հանգամանքը, որ ինչպէս բոլոր շրջաններում, այնպէս էլ այստեղ, նախապարձակ լինում էին թուրքերը:

Շամշաղինում, ինչպէս և ամեն տեղ, ընդհարումներն սկսե-

ցին մասնակի դէպքերից, որոնք կատարուում էին թէ թուրքերի և թէ հայերի կողմից:

Այսպէս, նոյեմբերի 25- 29-ին Թաթլի գիւղի թուրքերը քշեցին հայ Թաթլի գիւղի 50 - 60 տաւարը, որի փոխարէն մի օր յետոյ հայերն էլ քշեցին թուրքերի նախիրը 70 գլխից բաղկացած:

Այս միջոցին Շամշազին հասաւ Բաղայի կոտորածից փախած ժողովրդի մի մասը, որն իր մերկութեամբ, տանջանքների ու սարսափի իր սոսկում պատճառող արտաքինով յուզեց տեղացի հայ ժողովրդին: Այս դէպքի պատճառով այն փոքրիկ թուրք խմբակները, որոնք ապրում էին հայ գիւղերի ձմեռանոցներում, քոչեցին իրենց նախկին գիւղերը:

Դեկտեմբերի կեսերին Հաջալու գիւղի թուրքերը քշեցին Ներքին-Կարմիր-Աղբիւրի 800 գլխից բաղկացած երկու սուրու ոչխարը:

Այս դէպքից մի քանի օր անց, երկու երիտասարդների, մէկը Մոսէս-Քէնդ գիւղացի, Ոսկան անունով, միւսը Ղարադայա գիւղացի, Մեհրաբ անունով — որոնք շրջանի պրիստաւին ուղեկցելով մինչև Ալիբէկլու թուրք գիւղը վերադառնում էին տուն, ճանապարհին թուրքերն սպանեցին և զիակները անհետացրին:

Այս սպանութեանը որպէս պատասխան երկու օր անց Վերին-Կարմիր-Աղբիւր գիւղի սահմաններում հայերն անհետացրին ձմեռանոցներից վերադարձող մի քանի թուրքերի:

Դրանից յետոյ Մրղուզ լեռան փէշերում սպանեց թուրք-ղալացի մի ծերունի հայ չորան: Մի այլ հայ չորան անհետացաւ Չինարլու գիւղի հանդում:

Ապա թուրքերը յարձակեցին և Ղուլալի գիւղի գոմերից տարան տաւարներ, մեղրի փեթակներ և այլ իրեր:

Ահա այս բոլորից յետոյ տեղի ունեցան մասսայական ընդհարումները:

Դեկտեմբերի 18-ին մասսայական յարձակման ենթարկեցին Թուրք գետի շրջանում Ներքին-Կարմիր-Աղբիւր և Մոսէս-Քէնդ գիւղերը: Դեկտեմբերի 18-ը մի մառախլապատ թխպոտ օր էր, որն ընտրել էին թուրքերն իրենց յարձակումը աննկատելի դարձնելու համար:

Մոսէս-Քէնդն լրնկած է մի ձորի մէջ, շրջապատւած բլուրներով,

որից զէպի հիւսիս մի սարի հտև ընկած է Ալիբէկլու թուրք գիւղը. ահա հէնց այդ գիւղն էլ հկել էր Մոսէս-Քէնդի վրա. իսկ Ներքին-Կարմիր-Ալբերի վրա հկել էին Օքիւզլու և Հաջալու գիւղերի թուրքերը: Բացի այս, մի թեթև յարձակում էլ կատարեց Չորաթանի շուրջը, խնձորկոտ գետի վրա, հայերին մի քանի կէտերում զրաղեցնելու և նրանց ուժերը ջլատելու նպատակով:

Յարձակումների ծրագիրը խելացի էր և մօմենտի ընտրութիւնը յաջող, այնպէս որ թուրքերն աննկատելի կերպով կարողացել էին հասնել մինչև գիւղերի բուն սահմանին: Չր նայած այդ բոլորին, նրանք հայերին լուրջ փնասներ հասցնել չը կարողացան: Երկու գիւղերում միաժամանակ սկսւած կռիւր տեւեց մի քանի ժամ. հայերը մօտակայ գիւղերից օգնութիւն ստանալով, թուրքերին աստիճանաբար դուրս քշելով իրենց սահմաններից, հալածեցին նրանց և առաջ գնալով պաշարեցին Ալիբէկլուն և Հաջալուն: Այդ գիւղերի շուրջը երկար կռիւ տեղի ունեցաւ, որտեղերից թուրքերը ստիպւած հզան փախչել բաւական զոհեր տալով, մանաւանդ Ալիբէկլուն: Հայերը ներս խուժելով այդ կրկու գիւղերը, նախ կողոպտեցին և ապա հրդեհեցին:

Յետ մղեց նաև Չորաթանի վրա տեղի ունեցած յարձակումը: Այստեղ էլ ինչպէս և Ներքին-Կարմիր-Ալբերում և Մոսէս-Քէնդում հայերն օգնութիւն ստանալով հարեան գիւղերից, թուրքերին հալածեցին մինչև Աղզամ գիւղը և նրա մի մասը կողոպտեցին ու հրդեհեցին:

Ալիբէկլուն և Հաջալուն աւերելուց յետոյ երկու օր լըռութիւն տիրեց, բայց շուտով թուրքերը յայտնւեցին մեծ պատրաստութիւններով և շրջանը նորից աղմկեց:

Դեկտեմբերի 21-ին թուրքերի մի մեծ բազմութիւն հաւաքեւեց Օքիւզլու, Օջաղլու, Դրադ-Քեսասաման և Դադ-Քեսասաման գիւղերում: Այդտեղ թափուեցին եկան թուրքեր նոյն իսկ Բօրչալուի և Գանձակի կողմերից: Եւ հազարաւոր խուժանը երկրորդ անգամ հկաւ պաշարեց յիշեալ երկու հայ գիւղերը զլիաւորապէս Ներքին-Կարմիր-Ալբերի: Սուժանի հետ, ասում են, կային նաև ստրամբիկներ և կօզակներ առաջնորդութեամբ մի ինչ որ հայատեաց օֆիցիրի:

Այդ օրը նոյնպէս մտախլապատ էր, այնպէս որ, երբ թուրքերը մի վայրկեան քաշեց, Կարմիր-Ալբերի հայերը նկատեցին

գիւղից ընդամենը կէս վերստի վրա գտնուող Շիշթափա բլուրի փէշերը, բոնւած աճազին խուժանով կօզակների հետ միասին:

Հայերը մի վայրկեան սարսափի մէջ ընկան: Մինչդեռ կօզակները սպիտակ դրօշակ պարզած բանակեցելու նշաններ էին տալիս, յանկարծ գիւղի հիւսիսային և արևելեան կողմերից յայտնուեցին ձիաւոր խմբեր, իսկ հեռու Ներքին-Հաջալուի այն սահմանից, ուր գտնուում է Նորաշէնի ձմերանոցը, բարձրացաւ հըրդեհի թանձր ծուխը: Սարսափն ընդհանուր եղաւ, ձիաւոր խմբերը կրակ բացին և սկսեցին արագութեամբ առաջ գալ. աճա այս ծանր վայրկեանին Մոսէս-Քէնդից օգնութեան հասան բաւականաչափ հայեր և յարձակեցին մօտեցող և կրակող ձիաւոր խմբերի վրա: Այս բանից սիրտ առած կրակեցին նաև գիւղի դիրքերում եղողները: Տեղի ունեցաւ մի յամառ կռիւ փոփոխակի յաջողութիւններով, մինչև որ հայերը՝ շնորհիւ նոր հասած օգնութեան, կարողացան յարձակումը յետ մղել, որի ժամանակ ընկան շատ թուրքեր և հրկու կօզակներ: Չոհեր ունեցան նաև հայերը. կօզակների գնդակներից ընկան Իւան-բէկ թումանեանը, 40 տար., 25 տարեկան մի ճամբարաքցի երիտասարդ Սեւան անուռնով և 30 տար. մի այլ երիտասարդ Դիլիջանից: Բացի այս, մի քանի հօգի էլ վիրաւորեցին: Սպանւած հրկու կօզակների պատճառով գիւղը ենթարկւեց 5,000 ռ. տուգանքի:

Մինչդեռ Ներքին-Կարմիր-Աղբիւրի շուրջը տեղի էին ունենում այս խոշոր ընդհարումները, մի այլ խուժան աւերում և հըրդեհում էր Չինարլու գիւղի տները, դէզերը և լիքը դարմանանոցները. ժողովուրդն այդտեղից առաջօրէն տեղափոխւել էր Ղուլալի: Հրդեհեցին և աւերեցին այդ նոյն օրը նաև Չինարլուի Ղօզլու անուն կրող ձմերանոցը և Չորաթանի ձմերանոցն իր խոտերով:

Դեկտեմբերի 23-ին և 24-ին տեղի ունեցան նոր ընդհարումներ, բայց թուրքերի կողմից արդէն թոյլ դիմադրութիւններով: Հայերը յարձակեցին Ալա-Թալա թուրք գիւղի վրա. աննշախ դիմադրութիւնից յետոյ թուրքերը փախան բաւական զոհեր տալով. գիւղը ենթարկւեց կողոպուտի և աւերի: Այդ միջոցին աւերեցին նաև Հադամ-Աղալու, Քեօհնա-Ղըշլաղ և Եարագուլլի թուրք գիւղերը, որտեղերից ժողովուրդը դեռ ևս երկու-երեք օր առաջ տեղափոխւել էր հարևան թուրք գիւղերը:



Մի մեծ յարձակում տեղի ունեցաւ յունվարի 2-ին Թաթլու գիւղի շուրջը, որն ընկած Հասան-Սու գետի երկու ափերէ վրա և Թուրքերի սահմանի բերանը, հիւսիսային կողմից բուլղովին անպաշտպան է: Թուրքերի մի ահագին խուժան պաշարեց գիւղը երեք կողմերից, միաժամանակ հրդեհելով երկու վեջատ հեռաւորութեան վրա ընկած Թաթլուի ձմեռանոցն իր խոտի դէզերով: Եւ չը նայած այն բանին, որ Թաթլուն նախատեսելով մի այդպիսի յարձակում համախմբած ունէր բաւական ուժեր, այնուամենայնիւ, Թուրքերին յաջողեց մօտենալ գիւղին, գրաւել աչգինները և նոյն իսկ մի քանի տներ գիւղի ծայրում: Ահա սոց ժամանակ Թօուզ-Ղալայից հասաւ մի խումբ և մի յամառ կաւից յետոյ կարելի եղաւ Թուրքերին քշել մեծ կորուստներով:

Նման յարձակումներ կրկնեցին նաև յաջորդ երեք օրերը, բայց ամեն անգամ էլ անյաջող հետևանքներով:

Այս կուում հայերից սպանեցին՝ բողիգիւզացի Համբարձում անունով մի երիտասարդ, դիլիջանցի Պետրոս Սաղաթէլեանը և 3 հոգի էլ վիրաւորեցին:

Այդ նոյն օրը հայերն այրեցին Հագամ-Աղալուի ձմեռանոցը:

Թաթլուի վրա մի յարձակում էլ տեղի ունեցաւ յունվարի 16-ին, բայց դարձեալ անյաջող վերջաւորութեամբ. Թուրքերը յետ փախան՝ թողնելով մի քանի դիակներ:


Մի շարք յարձակումներ տեղի ունեցան նաև յունվարի վերջերին:

Այսպէս, 23-ին հրդեհեցին Չորաթան գիւղի մի քանի դէզերը:

25-ի գիշերը կրակեցին Նորաշէն գիւղի այգիների ցանկապատերը և մի քանի դէզեր:

26-ին, 27-ին և 29-ին յարձակումներ տեղի ունեցան Մոսլս-Քէնդ գիւղի վրա, բայց առանց լուրջ վնասներ պատճառելու նրան:

Ահա այսպէս անվերջ կերպով տեղի էին ունենում անմիտ և կորստաբեր յարձակումները երկու կողմերից փոխադարձ կերպով:



# ԸՆԴՀԱՐՈՒՄՆԵՐԸ ԲԱԸ-ՔԷՆԴ ԵՒ ՃԱՄԲԱՐԱՔ ԳԻՒՂԵՐԻ ՂՈՒՐՋԸ

1905 թ. ԴԵԿՏԵՄԲԵՐԻՑ 1906 թ. ՅՈՒՆՎԱՐ:

Շամշազիսի երեք մեծ գիւղերը, այն է՝ Բաշ-Քէնդը, Վերին և Ներքին Ճամբարաքները ընկած են գաւառամասի հարաւային կողմում, կտրւած հայաբնակ վայրերից և շրջապատւած թուրք գիւղերով:

Դրանցից առաջինը, Բաշ-Քէնդը, ընկած է Տունդուրլու գետի վրա, իսկ միւս երկուսը, Վերին և Ներքին Ճամբարաքներն, ընկած են Բաշ-Քէնդից 10 վերստ հեռաւորութեան վրա, Թարսա-Չայ գետի վերին հովտում:

Այս երեք գիւղերն իրենց առանձնացած գրութեան շնորհիւ ենթարկւեցին մի շարք յարձակումների, մանաւանդ յունվար ամսի ընթացքում: Այդ յարձակումներն այնքան շատ են և այնքան յաճախակի կրկնւած, որ նրանց մի առ մի թւելը նոյն իսկ ձանձրալի կը լինէր: Միայն Բաշ-Քէնդ գիւղի վրա հաշոււմ են աւելի քան տասն յարձակումներ:

Ամենամեծ յարձակումները տեղի ունեցան յունվարի 2-ին և 21-ին, որոնք մի անօրինակելի թափով կրկնոււմ էին 3, 4 օր անընդհատ և՛ վերջ ի վերջոյ յետ մղոււմ մեծ կորուստներով, շնորհիւ որի այս երեք գիւղերը խոշոր փլասներ չը կրեցին և եթէ մենք նրանց առանձին տեղ տւինք, միմիայն այն պատճառով, որ արձանագրած լինինք մի միսիթարիչ հանգամանք, թէ ինչպէս այդ գիւղերը մի արտասովոր տոկունութեամբ դիմադրելով բոլոր յարձակումներին կարողանոււմ էին յետ քշել նրանց և անվտանգ մնալ հրի ու սրի այս ժամանակամիջոցում, այն էլ մեկուսացած, աննպաստ վիճակի մէջ:

Ինքնապաշտպանութեան բաւարար միջոցները, զէնք կրելու ընդունակութիւնը և դրանց հետ միասին կեանքի ու գոյքի պաշտպանութեան խորը գիտակցութիւնը մի այնպիսի հերոսութեան են հասցրիլ բաշքէնդցուն և ճամբարաքցուն, որ նրանք դիւրութեամբ կարողանալով մինչև այժմ յետ մղել Այրում և այլ ցեղերի վանդէական յարձակումները, յարգել ևն տւել իրենց, զէնքի կուտը սրբագործող այդ միջավայրում:

Ճամբարաքի անւան հետ կապւած է մի դէպք, որը չենք կարող այստեղ չարձանագրիլ:

Գանձակի դէպքերից անմիջապէս յետոյ Ճամբարաքի ժողովըրդի դրութիւնն այնքան վտանգաւոր դարձաւ, որ նա այլ միջոց չը գտնելով անխուսափելի վտանգից ազատելու համար, մարդ ուղարկեց Սևանի լճի վրայով Նոր-Բայազէտ օգնութիւն խնդրելու: Օգնութեան գնացող 17 զինւած հայերի մի խումբ, որը նոյեմբերի 27-ին շտապով Նաղէժդինո\*) (Շօրջալու) գիւղի մօտով աճապարում էր դէպի նւղն ընկած Ճանբարաքը, այդ գիւղի մալականների կողմից մատնեց, որի շնորհիւ Աղբուլաղ և Թոխլիջա գիւղերի թուրքերը մի կիրճում թակարդի մէջ առնելով խմբին, 7 հոգուն սպանեցին, իսկ միւսները վիրաւոր և խոշտանված հազիւ կարողացան փախչիլ և ազատել:

Այս ձևով արտայայտւել էին մի քանի տեղերում մալականները:

---

\*) Նաղէժդինոն զուտ մալականաբնակ գիւղ է:

# ԸՆԴՀԱՐՈՒՄՆԵՐՆ ԱՂԱՏԱՖԱ ԵՒ ԿՈՒՆԷՆ ԳԵՏԵՐԻ ՀՈՎԻՏՆԵՐՈՒՄ

ՅՈՒՆՎԱՐ 1906 թ.

Բուն-Ղազախը ոռոգում է մի քանի գետերով, որոնցից ամենամեծը Աղստաֆան է, որը հարաւային լեռներից սկիզբն առնելով և խոշոր պտոյաներ կազմելով գնում թափւում է Քուրը: Բացի Աղստաֆան, դէպի հիւսիսարեւմուտք հոսում են նաև մի շարք մանր ու մեծ գետեր, որոնցից յիշելու ենք Զօղազը իր կունէն և Բաղանիս ճիւղերով և Խնջա-Սուն իր Բարանա և Կողբ ճիւղերով:

Այս գետերի և նրանց բազմաթիւ երկրորդական ճիւղերի հովիտների վրա ընկած են Ղազախի 30 գիւղերը այս կարգով:

Աղստաֆա գետի հովտում՝ Պօղոս-Քիլիսան, Դիլիջանը, Զար-խէջը, Ղօշավանքը, Վերին-Աղղանը, Քարվանսարան, Թաղա-Քէնզը, Քրդէվանը, Ղարանլուխ-Դարան, Խաչթառակը, Ներքին-Աղզանը, Բէվազլին, Աչասուն, Ուզուն-Թալան, Սևքարը, Լալի-Գիւղը, և ապա Ղազախ քաղաքը:

Կունէն գետի հովտում՝ Մէլիքի-Գիւղը, Սրի-Գիւղը, Կունէնը և Պիպիսը:

Բաղանիս գետի հովտում՝ Ճօճալանքը, Ղօշղօթանը, Բաղանիսը, Աքսիրարը, իսկ դէպի հիւսիս՝ Կօար-Քէնզը և Կուրումսուն: Բարանա գետի հովտում՝ Բարանա և Դօվէղը:

Եւ Կողբ գետի հովտում՝ Կողբը և Ղալաչան:

Ահա այս գիւղերի շուրջը տեղի ունեցան մի շարք ընդհարումներ, որոնցից մենք առաջ կը բերենք խոշորները:

Բուն-Ղազախում մասսային ընդհարումները շատ ուշ սկըսւեցին: Նոյն իսկ այն միջոցին, երբ Շամշաղինը ընդհարումների մի բեմ էր ներկայացնում, այս գաւառամասը խաղաղ էր գոնէ մասսայական շարժումների նկատմամբ, թէև կինդանիներ քշելու և

գաղտադողի սպանութիւնների դէպքեր կատարուում էին և այն էլ մեծ չափով:

Այսպէս, նոյեմբերի 15-ին Դաշ-Սալահլուի և Չայլուի թուրքերը Ուշկուլ-Նաթաղ կոչւած տեղից քշեցին Կօսը-Քէնդ գիւղի 300 գլուխ տաւարը:

Այդ նոյն միջոցին Փօյլու գիւղում եղող սևքարեցի կարապետ Սարիրէկեանի և Գրիգոր Փաշիկեանի 700 գլուխ ոչխարը թուրքերը բաժանեցին իրենց մէջ, որը Լևիցկին հաւաքեց և յետ տւեց տէրերին միմիայն յունւարի վերջերում:

Տեղի ունեցան աւելի մեծ չափով անհատական սպանութիւններ, որոնցից առանձին յուզմունք պատճառեց հայերին հետեւել դէպքը:

Դեկտեմբերի վերջերին Գեօզ-Դաղ սարի ճամապարհին, Աքսիբար և Կուշչու-Այրում թուրք գիւղերի սահմաններում գերեցին 9 ճամբորդ հայեր: Դրանք էին. Դօստըլու գիւղացիներ՝ Վասիլ Մարմարեանը, 30 տար., Պօղոս Վարդանեանը, 26 տ., Խալաթ Եսայեանը, 18 տ., Սարիրէկ Չիթչեանը, 18 տ., Ճօճավանք գիւղացիներ՝ Մէլիքսէթ Բարաջանեանը, 40 տ., Ղահրաման Չիլինկարեանը, 40 տ., Ղալաչա գիւղացիներ՝ Շամիլ Նիազեանը, 17 տ., Սարգիս Բարխուդարեանը, 22 տ., Արշակ Երիցեանը, 30 տ.:

Այս 9 հոգուն թուրքերը տանելով Ղարա-Համգա կոչւած թուրքական գոմերը, սոսկալի տանջանքների տակ, մաս մաս կտրատելով ականջները, ձեռքերը և մարմնի միւս անդամները, սպանեցին և ապա այրեցին, որոնց այլանդակւած դիակներն այդտեղից կարելի եղաւ հանել 10 օր փնտռելուց յետոյ:

Այս դէպքի վրա թուրքերը թէև դադարեցրին իրենց երթեւեկութիւնը հայ գիւղերի մօտով ձգւող մի քանի ճանապարհներով, բայց աւազակութեան դէպքեր, այնուամենայնիւ, շարունակեցին:

Այսպէս, Ղալաչա գիւղի Հօնուղ կոչւող տեղից Դաշ-Սալահլու և Չայլու գիւղերի թուրքերը քշեցին 46 գլուխ տաւար և 100-ի չափ ոչխար:

Սրան որպէս պատասխան հայերը քշեցին Շըխլու թուրք գիւղի 8 տաւարը, բայց վերադարձրին, ի նկատի ունենալով Շըխլուի անմասն լինելը Ղալաչայի՝ տաւարը քշելու մէջ:

Այս միջոցին Շըխլու գիւղում գտնուող կողբեցի Եարալեանի 1000-ի չափ և Սարգիս Տէր-Բարսեղեանի 300-ի չափ ոչխարները

Թուրքերը բաժանեցին իրենց մէջ, որը մի քանի ամսից յետոյ  
 Լեւոնի հաւաքելու և յանձնեց տէրերին: Բայց Տէր-Բարսեղ-  
 Կանի ընդունած ոչխարների միջից դուրս եկան այս անգամ էլ թիֆ-  
 լիսեցի Աղա-Մուրադեանից գողացած ոչխարները՝ թւով 40 հատ:

Նման աւագակային գործողութիւնների դիմեցին նաև հայերը.  
 այսպէս, սևաբալէցիք քղեցին թուրք Աքսիբար գիւղի 45 տաւարը,  
 խաչթառակցիք քղեցին Սօփըլու գիւղի 65 տաւարը, թէև երկու  
 դէպքում էլ տաւարները վերագարձրին տէրերին:

Բայց շրջանը դարձեալ չը խաղաղեց, մանր դէպքերը կըր-  
 կընւելով բարդացան և առաջ բերին խոշոր ընդհարումներ:

Յունվարի 21-ի գիշերը յարձակման ենթարկեց Լալի-Գիւղը:  
 Թուրքերի մի մեծ բազմութիւն անսպասելի կերպով խուժելով  
 գիւղը կողոպտեց և իրենց մի քանի տներ և անասելի մի շփոթ  
 առաջացնելով գիւղի մէջ, քրեց 200-ի չափ ոչխար, ճանապարհին  
 իրենց կողով պատահած շինութիւնները և ջրաղացները: Հայ երի-  
 տասարդները հետևելով կողոպտիչներին հազիւ կարողացան Չախ-  
 մախլու գիւղի մօտ յետ խել ոչխարը:

Նոյնպիսի մի յարձակում այդ օրը տեղի ունեցաւ Ուզուն-  
 Թալայի վրա. թուրքերն այստեղ էլ անկարող եղան գիւղը մտնել  
 և յետ քաշեցին, իրենց կողով ճանապարհի վրա և կայսրսնի մօտ  
 շինւած խանութներն ու ջրաղացը:

Այդ նոյն օրը յարձակման ենթարկեց նաև Պիպիսը, որտե-  
 ղից դեռ մի օր առաջ, անխուսափելի վտանգը տեսնելով, ժողո-  
 վուրդը քոչել էր մօտակայ հայ գիւղերը: Դատարկ մնացած տները  
 իրենց կողով և աւերեցին:

Սրանից մի օր անց, յունվարի 23-ին, սևաբալէցիք յարձակեցին  
 Ղըզլ-Հաջըլու գիւղի վրա, ուր այդ ժամանակ մնացել էին միմի-  
 այն կուռղ տղամարդիկ: Մի փոքր դիմադրութիւնից յետոյ թուր-  
 քերը փախան 8—10 զոհ տալով, բայց նրանք շուտով վերագար-  
 ձան մեծ ուժ հետնին առած: Հայերը քաշեցին Սաթլմիշ լեռան  
 գագաթը, իսկ թուրքերը՝ Արասբէկու գիւղին կպած սարը:  
 Սկսեց մի յամառ և երկարատև իրացանաձգութիւն երկու կող-  
 մերից . . . Եւ մինչդեռ այդ երկու բարձրութիւնների մէջ շարու-  
 նակում էր անմիտ կռիւը, Ուզուն-Թալայի և Լալի-Գիւղի հայերը  
 յարձակեցին Չաֆարլու գիւղի վրա: Ժողովուրդն առանց դիմա-  
 դրութեան փախաւ, որից յետոյ գիւղը կողոպտեց և իրենց:

Իրանից յետոյ դատարկւեցին նաև Չախմախի, Ղըզըլ-Հաջըլի, Աբաս-Բէկլու և Բարխուղարու թուրք գիւղերը, որոնք նոյնպէս աւելի կամ պակաս չափով վնասներ կրեցին:

Աւելի խոշոր ընդհարումներ տեղի ունեցան յունվարի 25-ին և 26-ին:

Աքսիրարից Կունէն գնալիս մի քանի հայ ճամբորդների վրա Աքսիրար գիւղի թուրքերը կրակ բացին, որից սպանւեց մի ձի:

Այդ դէպքից վրդովւած հայերը մեծ ուժով յարձակեցին և Աքսիրարը երեք կողմերից պաշարեցին: Գիւղի շուրջը երկար կռիւ տեղի ունեցաւ, որի ժամանակ թուրքերը պաշտպանուած էին մի անասելի քաջութեամբ:

Այստեղ կատարւած մի ուշագրաւ դէպք արժէր արձանագրել: Թուրքերի մի խումբ դիրք էր բռնել գիւղին մօտ ընկած մի աւերակ վանքի մէջ: Այդտեղ եղող թուրքերից մէկն սպանւեց: Սպանւածի մայրը—մի պատու կին, լսելով որդու մահը, խելակորոյս դուրս թռաւ գիւղից և կարկտի պէս թափւող գնդակների տակ վազում էր բաց դաշտի միջով դէպի վանքը: Բոպէներ շարունակ վազում էր այդ կինը. գնդակներ թափւում էին անընդհատ նրա շուրջը, բայց նա գնում էր առանց կանգնելու: Մայրական սէրը քշում էր նրան դէպի իր որդին, դէպի նրա ընկած տեղը: Որդեկորոյս մայրն անցաւ այդ տարածութիւնը, թափւող գնդակների միջից, այդ մահաբեր ճանապարհը նա անցաւ անփորձ և տեղ հասաւ: Հերոսութեան հասած մայրական սիրոյ այդ ակտը յիշում էին ականատեսները յափշտակութեամբ:

Այս գիւղի շուրջը տեղի ունեցող կռիւը սոսկալի էր, նա տևեց ամբողջ օրը. յուսահատութիւն տիրեց թուրքերին, բայց վրա հասան զօրքերը և գիւղը փրկւեց:

Այս կուում, բացի վիրաւորները, հայերից սպանւեցին բարանեցի Գրիգոր Քօսեանը, 40 տար., ղօշօթանցի Յարութիւն Խէչիկեանը, 35 տ., Մովսէս Սարիբէկեանը, 35 տ., բաղանիսեցի Հասան Ալիխանեանը, 27 տ., և զարաղայեցի Պապի Յարութիւնեանը, 23 տարեկան: Թուրքերի կորուստը աւելի ևս մեծ էր:

Այդ նոյն օրը թուրքերի կողմից յարձակում տեղի ունեցաւ Կօտը-Քէնդ և Դօստըլու գիւղերի վրա, ուր մինչև երկույ աննպատակ կրակելուց յետոյ թուրքերը յետ քաշուեցին մի երկու զոհերով:

Յունվարի 26-ին Աքսիրար գիւղում նկատուեց մի մեծ բազ-

մութիւն: Այդտեղ հաւաքել էին շրջակայ գիւղերից բազմաթիւ թուրքեր: Այդտեղ էր նաև գաւառապետի օգնականը դրագունների մի վաշտով:

Չը նայած այն բանին, որ այդ օրը հայերն իրենց ուժերը կենտրոնացրած ունէին Պիպիսում և Սրի-Գիւղում, բոլորովին մօտ Աքսիրարին, ուր տեղի ունէր թուրքերի համախմբումը, բայց և այնպէս, ի նկատի ունենալով գաւառապետի օգնականի և զօրքի ներկայութիւնը, նրանք ընդհարման որևէ առիթ չուզեցին տալ, մինչդեռ թուրքերի մի խումբ զօրքի ներկայութեամբ առաջանալով կրակ բացեց Սրի-Գիւղի վրա: Ահա այդ ժամանակ գաւառապետի օգնականը դրագունները վերցրած դուրս եկաւ գիւղից, բռնելով Ղազախ քաղաքի ճանապարհը:

Մի փոքր ճանապարհ կտրելով, գաւառապետի օգնականը նկատեց թուրքերի մի մեծ հոսանք, որը շտապում էր դէպի Պիպիս: Բայց չը նայած այն բանին, որ կարգ ու կանոնի պահպանութեան համար կոչւած այդ պաշտօնեան տեսաւ մի խոշոր ընդհարման հնարաւորութեան անխուսափելիութիւնը, այնուամենայնիւ, անցաւ ու գնաց, հետը տանելով վաշտը:

Եւ մինչդեռ նրա յաղթական գնացքը նկատելի էր սովորական աչքերին, թուրքերը մի ամուր շղթայով եկան պաշարեցին Պիպիսը և Սրի-Գիւղը: Սկսեց մի սոսկալի կռիւ երկարատև ու յամառ, որը տևեց մի ամբողջ օր: Սար ու ձոր թնդում էին համազարկերի աղմուկից. ընդհարումները բորբոքում էին կատաղի ուժով մէկ այս և մէկ այնտեղ, մինչև որ երեկոյ եղաւ, մութը կոխեց սար ու ձոր և միմեանց տեսնելու հնարաւորութիւնը չբացաւ: Լուռ գիշեր տիրեց և երբ առաւօտը ծագեց, Աքսիրարից թուրք ժողովուրդը քոչել էր. դատարկւած գիւղը ենթարկեց աւերի:

Այս կռիւը վերսկսեց երկրորդ և երրորդ օրը. ընդհարումները դառնում էին երբեմն այս և երբեմն այն գիւղի շուրջը փոփոխակի յաղթութիւններով և փոխադարձ հրդեհներով ու աւերումներով:

Այսպէս, ահա, կոտորածը երկու ժողովուրդների մէջ փոխադարձ աւերումներով երկու ամիս անընդհատ շարունակուում էր ամբողջ Ղազախի գաւառում, մինչև որ Լեիցկին եկաւ և թնդանօթի բերանից յայտարարեց, «բաւական է որքան միմեանց կոտորեցիք»:



Ղազախի գաւառի բնդհարումների, աւերւած գիւղերի և կըրած նիւթական զրկանքների ցանկը աւելի մեծ է, քան մեր թւածը: Այդ ցանկը մանրամասնութեամբ կը գտնէք յանձնաժողովի այստեղ առաջ բերած ցուցակում, որը Լեիցկու կարգադրութեամբ կազմւած էր հակառակ կողմերից փաստերը պահանջելու և տուժող կողմերին տալու նպատակով:

Պէտք է նկատել, որ այսպիսի մի փորձ միմիայն Ղազախում տեղի ունեցաւ, որը որքան էլ թերի և պակասաւոր, այնուամենայնիւ, որոշ գաղափար է տալիս աւերումների չափի մասին, թէ և այդ փաստների մի հրրորդական մասը միայն պահանջեց և փաստւած գիւղերին վճարեց:

Ղազախի գաւառի վնասւած գիւղերի և նրանց կորուստների ցուցակը, կազմւած վնասներն ստուգող յանձնաժողովի ձեռքով:

Հ Ա Յ Գ Ի Ի Ղ Ե Ր

№ №	Գ Ի Ի Ղ Ե Ր Ի Ա Ն Ո Ւ Ն Ն Ե Ր Ը	Տոմ	Պիտրտի վերցրուելի
1	Ղազախ—քաղաք .	200	124.725
2	Աղստաֆա—կայարան	10	9500
3	Ալեքսէկէկա	5	15300
4	Թօուզ կայարան	10	9130
5	Թաթլի-Քէնդ	105	3900
6	Թաթլի կայարան.	10	1150
7	Ուզուն-Թալա	130	5000
8	Լալի-Գիւզ	43	14440
9	Կրզէն	30	30000
10	Պիպիս	43	10050
11	Սեփար	283	1700
12	Ղօզլուի ձմերանոց	—	1041
			225.936

Թ Ո Ի Ր Ք Գ Ի Ի Ղ Ե Ր

1	Ալիբեկլու	180	14340
2	Միւլքիւլու .	60	842
3	Հաջալի	30	7977
4	Քեօհնա-Ղշլաղ.	70	6230
5	Եարադուլի	30	5738
6	Հաթամ-Աղալի.	30	2517
7	Ալաթալա	19	7813
8	Սաֆուլի	15	5195
9	Բարխուդարլու	12	1000
10	Զաֆարլի	40	20086
11	Զախմախլի .	19	1500
12	Փօլատ-Այրում	85	120
13	Գեօրչափ		190
14	Մրտէլ		873
15	Ալաչղ-Ղայա	216	3000
16	Աղքիլիսա		2000
17	Ախկիլի .	31	10000
18	Ղըղլ-Հաջըլի	56	10000
19	Բաղանիս-Այրում	34	1700
20	Խէյրումլի	14	4000
21	Մազամլու	26	500
22	Ղուշչի-Այրում	60	700
23	Աքսիբար Վերին և Ներքին	38	3000
			109,420

# ԸՆԴՀԱՐՈՒՄՆԵՐՆ ԱՐԷՇԻ ԳԱԻԱՌՈՒՄ

28 ՆՈՅՆԲԵՐԻ 1905 Թ.

Արէշի գաւառն ընկած է Գանձակի նահանգի հիւսիսարեւելեան մասում, Քուր գետի ձախ ափին, Նուխու, Գանձակի և Զիւլանշիրի գաւառների մէջտեղ, արեւելեան կողմից կազմելով Բագուի նահանգի սահմանը:

Նահանգի ութ գաւառների մէջ թէ տարածութեամբ և թէ ազգաբնակչութեան թւով ամենավերջին տեղը բռնում է Արէշի գաւառը, միևնոյն ժամանակ վերջին տեղը բռնելով նաև հայ ազգաբնակչութեան քանակի նկատմամբ:

Գաւառի ազգաբնակչութեան ընդհանուր թիւն է 67 հազար, որից 53 հազարը թուրքեր են, իսկ 14 հազարը՝ հայեր:

Արէշի գաւառն իր աշխարհագրական դիրքով աննշան բացառութեամբ ներկայացնում է հարթ դաշտավայր, որի հեռաւոր մասերը ամայի են, իսկ կենտրոնական մասը, շնորհիւ Ղարա-Չայ գետից ճիւղաւորած բազմաթիւ առուների, մշակւած է և յայտնի բամբակի, բրնձի, խաղողի և շերամի բերքերով:

Արէշի գաւառում հաշուում են 137 գիւղ, որոնցից հայաբնակ են հետևեալ 18-ը.

№№	ԳԻՒՂԵՐԻ ԱՆՈՒՆՆԵՐԸ	Տուճ պաշտ. թւեր	Մատաղատուն
1	Չայթէնդ	97	—
2	Ղայարաշի	228	—
3	Պանարադ—136 տ. թուրք	33	—
4	էրմէնի-Բազար—14 տ. թուրք.	35	39
5	Նէմէթարադ—204 տ. թուրք :	69	90

6	Քեանդակ	122	165
7	Նաւարիկ	116	180
8	Մազրղու	44	53
9	Մեծ-Սօգիւթլու	381	—
10	Փոքր-Սօգիւթլու	96	—
11	Պօշկաշէն	75	—
12	Ծիրիկ	26	—
13	Թօսիկ	24	—
14	Բէզլար-Քէնդ	141	—
15	Բլէղ	48	—
16	Սարդ-Ենգիջա	41	—
17	Գիրդաղուլ	151	—
18	Չանաղ-Բուլաղ	116	—

Գաւառի արևմտեան մասում, Ալլիգեան գետի վրա ընկած են՝ Չաքէնդը, Ղայարաշին, Պանարաղը. աւելի ցած—Քուրի ափին ընկած են՝ Մազրղուն, Հաւարիկը, Քեանդակը, իսկ այս վերջին երեք գիւղերից բաւական հեռու, դէպի արևելք, դոնում են Նէմէթարաղը և Էրմէնի-Բազարը:

Գաւառի հիւսիսային մասում, Թոզան-Չայ գետի վերին հոսանքի դաշտերի վրա ընկած են՝ Մեծ-Սօգիւթլուն, Փոքր-Սօգիւթլուն, Պօշկաշէնը, Ծիրիկը և Թօսիկը, իսկ դէպի արևելք, Գեօզ-Չայ գետի դաշտերի վրա՝ Բէզլար-Քէնդը, Բլէղը, Սարդ-Ենգիջան, Գիրդաղուլը և Չանաղ-Բուլաղը:

Փոքր թիւ կազմող այս գիւղերը մի քանի խմբակների բաժանւած գտնուում են՝ միմեանցից բաւական հեռու հեռու, թուրք գիւղերով շրջապատւած:

Այսպիսի պայմանների մէջ, բնականաբար, թեթև պիտի համարել այն աղէտը, որ հասել է այս շրջանի միմիայն հինգ գիւղերին:

Այդ գիւղերն են. 1) Մազրղուն, որն ունէր 53 ծուխ 400 շնչով<sup>\*)</sup>, 2) Քեանդակը՝ 162 ծուխ 1000 շնչով, 3) Հաւարիկը՝ 180 ծուխ 1100 շնչով, 4) Էրմէնի-Բազարը՝ 39 ծուխ 274 շնչով և 5)

\*) Այս գիւղերի վերաբերեալ տեղեկութիւնները մենք բերում ենք պ. Ե. Սարգսեանի գեկուցումից՝ ներկայացրած Քիֆլիսի նպաստամատոյց յանձնաժողովին:

Նէմէթարաղը՝ 90 ծուխ 600 շնչով, բոլորը միասին 524 ծուխ 3374 շնչով:

Այս գիւղերից երկուսը Էրմէնի-Բազարը և Նէմէթարաղը թուրքախառն են, որոնցից առաջինում կան 14 տուն, իսկ երկրորդում 204 տուն սիւննիներ:

Թէ այս հինգ գիւղերը շնորհիւ պողատու դաշտերի և ժողովրդի ժրաջան աշխատութեան որպիսի բարեկեցիկ վիճակ ունէին, գաղափար կազմիլու համար առաջ կը բերենք մի քանի թւեր նրանց եկամուտներից: Շերամապահուծիւնից նրանք տարեկան վերցնում էին 70--80 հազար բուրլի, բամբակից՝ մինչև 60 հազար, չալթուկից և խաղողից՝ մինչև 30 հազար, այնպէս որ այս հինգ գիւղերի տարեկան եկամուտը միասին վերցրած հասնում էր 100-ից մինչև 170 հազար բուրլու, մի եկամուտ, որով 3374 հոգին կարող էր ապրել շատ մարդավայել կերպով:

Եւ իսկապէս, երբ նայում էք այս գիւղերի ունեցած կենդանիների և մի քանի տնային կարասիների ու գործիքների քանակութեանը, համոզուում էք, որ նրանք բաւական լաւ տնտեսութիւն ունէին:

Այսպէս, այդ հինգ գիւղերը միասին ունէին լծկան գոմէշներ 1020 հատ, կթի գոմէշներ և կովեր՝ 3045 հատ, ձիեր՝ 219 հատ, այծեր՝ 500 հատ, չութեր՝ 500 հատ, կամեր՝ 650 հատ, կարասներ և տակառներ՝ 4600 հատ և վերջապէս սայլեր՝ 305 հատ:

Ահա այս հինգ գիւղերի տոկուն աշխատանքով իրեն համար բարեկեցիկ գրութիւն ստեղծած ժողովրդին նոյնպէս վիճակած էր կրել սոսկալի աղէտը, ընկնել թշուառութեան գիրկը:

Այն հանգամանքը, որ Արէշի գաւառի թուրք ազգաբնակիչները պատկանում է մեծ մասամբ սիւննի դաւանութեան, այդ բանն անգամ չօգնեց հայերին ազատ ֆնալ թուրքական յարձակումներից:

Ինչպէս ամեն տեղ, այնպէս էլ այստեղ, նախ տեղի ունեցան մի շարք կողոպուտներ և կենդանիներ քշելու դէպքեր. այսպէս, նոյեմբեր ամսի մէջ քշեցին Խանարազ գիւղից 14 տաւար, Քեանդակ գիւղից՝ 22 տաւար և ձի, Նէմէթարազ գիւղից՝ 32 ձի և 260 տաւար:

Մի շարք այսպիսի մանր դէպքերից յետոյ, նոյեմբերի 28-ին, Ղարաբաղի թուրքերը Քուր գետն անցնելով եկան պաշարեցին

Մազրդուն: Վերջին տասնամակի յեղափոխական և մտաւոր շարժումն իր ազիցութիւնը թողել էր նաև Արէշի սակաւաթիւ հայ ժողովրդի վրա՝ զարգացնելով նրա մէջ ինքնապաշտպանութեան գիտակցութիւնը: Եւ ահա Հաւարիկ և Քեանդակ գիւղերից օգնութիւն ստանալով, Մազրդուի երիտասարդները կարողացան գիւղի սահմաններից թուրքերին հալածել: Սակայն տեղացի թուրքերը, նրանց հետ միասին նաև պրիստաւ Մամադ-բէկ Ղալարէկովը, տեսնելով հայ երիտասարդների յաջողութիւնը, ետեից հասան և նրանց կրակի մէջ առան: Հայերը մի փոքր ժամանակ պատասխանելով երկու կողմից թափուող գնդակներին, այդ անհաւասար կռից դուրս եկան ծանր զոհեր տալով. նրանցից ընկել էին 37 հոգի: Դրանք էին՝ Գ. Մարտիրոսեանը, Պ. Մարգսեանը, Թ. Ամիրբեանը, Յ. Ստեփանեանը, Ն. Ստեփանեանը, Ղ. Գրիգորեանը, Յ. Տէր-Պօղոսեանը, Հ. Սարգարեանը, Ա. Թէւանեանը, Յ. Թումուկեանը, Ս. Եղիազարեանը, Ի. Սաքիւսեանը, Մ. Եղիազարեանը, Ա. Պօղոսեանը, Ա. Շահվէրդեանը, Գ. Անանեանը, Ա. Տօնեանը, Ա. Մալեանը, Յ. Անդրէասեանը, Բ. Յակոբեանը, Պ. Հայրապետեանը, Ա. Կարապետեանը, Ս. Եղիզարեանը, Ա. Հայրապետեանը, Բ. Պետրոսեանը, Ն. Մանուկեանը, Մ. Մարտինեանը և մեզ անյայտ անուններ:

Դաշտում տեղի ունեցած կոտորածի լուրը սարսափ ու իրարանցում առաջ բերեց գիւղի մէջ. կանայք և երեխաներ սուգ ու շիւանով դուրս փախան գիւղից. թուրք խուժանը ներս թափեց գիւղ և սկսեց մի սոսկալի կողոպուտ, աւեր ու հրդեհ:

Թուրքերի մի այսպիսի բարբարոսութիւնը սարսափ տարածեց Հաւարիկ, Քեանդակ և Երմէնի-Բազար գիւղերի ժողովուրդների վրա, որոնք նախատեսելով նոյն վիճակը նաև իրենց համար, լծեցին սայլերը և շտապ վերցնելով միմիայն թիթի իրերը՝ քոչեցին Ղայաբաշի, որից անմիջապէս յետոյ թուրքերը մտան դատարկած գիւղերը, պտուտեցին տների ծակուծուկերը, պատերն ու յատակները և հանեցին այն ամենը, ինչ որ պահել էին հայերը:

Աւելի քաղաքավարի կերպով կողոպուտեց նէմէթաբազը: Այդտեղի հայերը պահ տալով ունեցած շունեցածն իրենց հարեւաններին և փրկաներին, նոյնպէս գլուխ վերցրին և փախան Ղայաբաշի: Սակայն երբ մի փոքր սնց վերադարձան գիւղ իրենց

իրերն ստանալու համար, հաւատարիմ քիրվանները հրաժարեցին տալ, յայտարարելով, որ իրենց մօտ պահ տւած ապրանքներ չը կան:

Բացի այդ, հայերը սարսափահար գիւղերը դատարկելով և փախչելով, նրանցից աւելի քան 60—70 հոգի ճանապարհներին անհետ կորան և գերի ընկան թուրքերի ձեռքը, որոնցից մի քանիսը կրօնափոխ եղան և կանայք բռնի կնութիւն ընդունեցին: Թէ այդ թշուառները որքան ժամանակ գերի մնացին, երևում է այն բանից, որ դեռ ևս փետրվարին էրմէնի-Բագար գիւղի քահանայ Տէր-Շղիշէն ներկայանալով Գանձակի գեներալ-նահանգապետ Ալֆտանին, խնդրում էր կարգադրութիւն անել գերիներին ազատելու համար:

Այսպէս, հինգ գիւղերի ժողովուրդն աւելի քան 3300 հոգի, տնաւեր, կողոպտւած ու թալանւած եկաւ թափւեց Ղայարաշի, մի փոքրիկ գիւղի մէջ, այն էլ ձմրան օրերին, ցրտին ու անձրևներին ենթակայ: Ի հարկէ, այդպէս ապրել անկարելի էր, զըրկանքներ կրած այդ ժողովուրդը նորից դուրս ընկաւ մի անկիւն մուրալու համար: Նա շաղ անցաւ Արէշի և Նուխու գիւղերը, այն է՝ Դաշ-Բուլաղ, Գեօյ-Բուլաղ, Ջաֆարաբադ, Ալեար, Այդին-Բուլաղ, Աղփաքան, Ղօզլու, Սալբբէկ, Մէջլիս, Ջուջամիշ, Սաբաթլու, Նիժ, Եաղուրի, Չայքէնդ, Ջառաֆ, Սօգիւթլի, ուր նա անց էր կացնում սողունի կեանք, ապրելով մերկ յատակների վրա, սառն ու խոնաւ խրճիթների մէջ, միմեանց վլա թափւած և վարակիչ հիւանդութիւններով բռնւած, որին զոհ գնացին մի քանի ամաւայ մէջ աւելի քան 80 հոգի:

Արէշի այս հինգ գիւղերի նիւթական փնասը հասնում էր մէկ միլիօն ռուբլու: Ահագին կենդանիներից և գոյքերից ազատել էր մի չնչին մասը միայն:


Բացի այս, Արէշի գաւառում կողոպտւեց և աւերւեց Սաֆ-բագեանի կալւածքը, որի փնասը հասնում էր 35,000 ռուբլու:



Յուզակ Արէշի գաւառի այն գիւղերի, որոնց ժողովուրդը փախել կամ խոշոր փնասներ է կրել յարձակումների ժամանակ:

**Հ Ա Յ Գ Ի Ի Ղ Ե Ր**

№№	Գ Ի Ի Ղ Ե Ր Ի Ա Ն Ո Ւ Ն Ն Ե Ր Ը	Տ ու ն	Փ ա խ ծ	Կ ող ու պ ու ռ .	Աւերած	Կոտորած
1	Մազրղու .	53	փախ.	կող.	աւեր.	կոտ.
2	Քհանդակ .	165	»	»	—	—
3	Հաւարիկ .	180	»	»	—	—
4	Էրմէնի-Բազար .	39	»	»	—	—
5	Նէմէթարաղ .	90	»	»	—	—





## ՆՈՒԽՈՒ ԳԱԽԱՌ

Գանձակի նահանգի 8 գաւառներից ամենաբախտուորը Նուխու գաւառն է, ուր հայ ժողովուրդը մասսային ընդհարումներից ազատ մնաց, թէև մանր աւազակային ղէպքերի և ընդհարումների ուրւականի սարսափի տակ երկար ժամանակ նա ապրեց:

Գանձակի նահանգի հայ ազգաբնակութեան մասին մի ընդհանուր գաղափար տալու համար մի երկու տեղեկութիւններ կը տանք նաև Նուխու գաւառի վերաբերեալ, որով և կը փակենք մեր գրքի այս բաժինը:

Նուխու գաւառն ընկած է Գանձակի նահանգի հիւսիսարեւելեան ծայրում: Նրա հիւսիսային մասը լեռնային է և հարուստ բազմաթիւ գետերով ու գետակներով, որոնք առատորէն իջնելով և ոռոգելով հարաւային տափարակ մասը, նրան դարձնում են խիստ արդիւնաբեր:


Նուխու ազգաբնակութեան ընդհանուր թիւն է 120 հազար, որից 92 հազարը թուրքեր են, 20 հազարը՝ հայեր և 8 հազարը՝ զանազան ազգեր:

Գաւառի կենտրոնավայրը կազմում է Նուխի քաղաքը, որն ունի 30 հազար բնակիչ, որից 6 հազարը միայն հայեր են:

Նուխու գաւառն ունի 128 գիւղ, որոնցից հայաբնակ են հետևեալ 29-ը, ընկած հարաւային մասում, արևելեան կողմից սկսած, այս կարգով:

№№	Գ Ի Ի Ղ Ե Ր Ի Ա Ն Ո Ի Ն Ն Ե Ր Ը	Տուն հայ պաշտ. թւեր
1	Զալի . . . . .	58
2	Միրզաբէկի . . . . .	51
3	Սուլթան-Նուխի— 61 տ. թուրք .	156
4	Մէլիքի . . . . .	41
5	Նիժ— 87 տուն թուրք	681

6	Վարդաշէն—հայեր և ուտիացիներ . . .	505
7	Վարդանլի—168 տուն թուրք .	10
8	Փաղար—74 տուն թուրք .	19
9	Եաղուբլու . . .	192
10	Օթմանլու .	26
11	Զարաֆ	142
12	Թոփեր . . . .	48
13	Ճալէթ—26 տուն թուրք	195
14	Մալլղ .	30
15	Զովան	11
16	Ենգի-Քէնդ	24
17	Զուջամիշ	50
18	Սալիբէկ	58
19	Մէջլիս	67
20	Ալիար	67
21	Այդին-Բուլաղ	80
22	Աղբլաքէնդ	227
23	Ղօզլու . . .	102
24	Գէյրէկլու . . .	59
25	Զաֆարարադ-Նոյ	68
26	Գիւլլու-Դաղ .	86
27	Շէն . . .	106
28	Դաշբուլաղ .	232
29	Գէյրուլաղ .	200



## ԹԻՖԼԻՍԻ ՆԱՀԱՆԳ

Թիֆլիսի նահանգն ընկած է Գանձակի, Երևանի, Քուլթայիսի նահանգների և Կարսի, Թերէքի, Դաղստանի շրջանների կենտրոնում՝ կազմելով Կովկասի սիրտը:

Կովկասի բոլոր նահանգների մէջ իր բազմամարդութեամբ առաջին տեղը բռնում է Թիֆլիսի նահանգը: Ազգաբնակչութեան ընդհանուր թիւը, համաձայն 1897 թւի միօրեայ վիճակագրութեան, հասնում է 970 հազարի, որի գերակշիռ մասը կազմում են վրացիները:

Նոյն վիճակագրութեան համաձայն 1897 թւին Թիֆլիսի նահանգում ապրում էին 219 հազար հայեր, որից աւելի քան 50 հազարը բնակւում էին բուն Թիֆլիսի մէջ:


Իսկ թուրքերը Թիֆլիսի նահանգում ապրում են աւելի ևս քիչ չափով, ընդամենը 113 հազար, այն էլ մեծ մասամբ սիւննի դաւանութեան պատկանող:

Հայ և թուրք ժողովուրդների համեմատական թւերը Թիֆլիսի նահանգի 9 գաւառներում, վերցրած նոյն թւի վիճակագրութիւնից հազարների հաշուով, հետևեալ պատկերն է ներկայացնում:

№№	ԳԱՒԱՌՆԵՐԸ ՔԱՂԱՔՆԵՐԻ ՀԵՏ ՄԻԱՍԻՆ	Ընդ. թիւը	Հայեր	Թուրքեր	Վրացիներ և այլ ազգեր
1	Թիֆլիսի .	235	65	20	150
2	Ախալքալախի .	73	55	8	10
3	Ախալցխայի	71	20	35	16
4	Բօրչալուի	129	45	38	46
5	Գօրու .	191	13	---	178
6	Դուշէթի	68	3	---	65
7	Թելաւի .	67	8	4	55
8	Թիօնէթի	34	1	2	31
9	Սդնախի .	102	9	6	87
	Բոլորը միասին	970	219	113	638

Առաջ բերելով հայ և թուրք ժողովուրդների թւական այս համեմատութիւնը, աւելորդ ենք համարում բացատրել թէ ինչո՞ւ թիֆլիսի նահանգում հայ-թուրքական ընդհարումները, որոնց կը պատահենք շուտով, այնպիսի մեծ ծաւալ չընդունեցին, ինչպէս, օրինակ, Երևանի և Գանձակի քահանգներում:

Ինչ վերաբերում է յատկապէս թիֆլիսի մէջ և Բօրչալուի գաւառում տեղի ունեցած ընդհարումներին, այդ էլ անխուսափելի էր շնորհիւ այն քաղաքական փոթորկոտ մօմենտի, որն ստեղծեց ընդհարումների օրերին ամբողջ Ռուսաստանում, մասնաւորապէս Կովկասում և թիֆլիսում, և որը եկաւ մի անգամ ևս նւիրագործելու հայ-թուրքական ընդհարումը, որպէս փրկութեան մի դուռ հոգեվարքի հասած ըէժիմի համար:



# Թ Ի Ֆ Լ Ի Ս

Թիֆլիսը Կովկասի մայրաքաղաքն է և խառնարանը Կովկասի ազգութիւնների, նրանց ձգտումների ու մտքերի: Աւելի բազմամարդ, աւելի այլատարր և աւելի եռուն ու աղմկող քաղաք, քան Թիֆլիսը, չը կայ մէկ ուրիշը կովկասում:

Այդտեղ կենտրոնացած է Կովկասի ամբողջ մտածողութիւնը, կեանքի և փարթամութեան հեշտանքները. այդտեղ կենտրոնացած են նաև Կովկասի կապիտալները և նրանց շրջանառութիւնները:

Կովկասի էներգիան Թիֆլիսումն է ասպարէզ գտնում գործելու, Կովկասի խրախճանքը նոյնպէս այդտեղ է բաւականութիւն փնտռում:

Ահա թէ ինչու նա ընդարձակում, մեծանում, ճոխանում է թռիչքներ գործելով:

1864 թւին Թիֆլիսն ունէր 66 հազար բնակիչ, 1874 թւին՝ 100 հազար, 1897 թւին՝ 162 հազար, 1903 թւին՝ 210 հազար, իսկ 1905 թւին այդ թիւը հասաւ արդէն 240 հազարի:

1905 թւին, ոստիկանական տեղեկութիւնների համաձայն, Թիֆլիսի ազգաբնակչութիւնը կազմւած էր հետևեալ տարրերից:

1	Հայեր . . . . .	84 հազար
2	Ռուսներ . . . . .	57 »
3	Վրացիներ . . . . .	55 »
4	Թուրքեր—չիա և սիւննի միասին . . . . .	13 »
5	Ասիական ցեղեր . . . . .	11 »
6	Լեհեր, գերմանացիներ և այլ ևւրոպացիներ . . . . .	11 »
7	Լեռնականներ . . . . .	4 »
8	Հրէաներ . . . . .	5 »
Բոլորը միասին		240 հազար

Ինչպէս տեսնում էք, Թիֆլիսում գերակշիռ տարր կազմում են հայերը, որոնք և առաջնակարգ տեղ են ընդունում առանձնապէս վաճառականական ասպարիզում:

Թիֆլիսի այն մասում, որը կոչւում է հին քաղաք և ընկած է Քուրի երկու ափերի վրա, սկսած Բօտանիկական այգու զառիվայրից, տարածւելով Մետեխի և Հաւլաբարի կամուրջներով մինչև Քօջիվանքի գերեզմանատունը, ապրում են գլխաւորապէս հայեր: Այդ տարածութիւնը Թիֆլիսի ամենախիտ բնակութիւն ունեցող և ամենախառնաշփոթ ու անկանոն մասն է, ուր գտնւում են հին բազազխանան և բաւական առևտրական շարքեր: Այդ նոյն շրջանում գտնւում է նաև թուրքերի Շէյթան-Բագարը և թուրքական թաղը, սակայն սահմանակից, տեղ տեղ նոյն իսկ խառը հայաբնակ թաղերին:

Ահա այս շրջանում տեղի ունեցան Թիֆլիսի հայ-թուրքական ընդհարումները իրենց կորստաբեր հետևանքներով:



## ԸՆԴՀԱՐՈՒՄՆԵՐԸ ԹԻՖԼԻՍՈՒՄ

22-30 ՆՈՅԵՄԲԵՐԻ 1905 թ.

Ոչ մի տեղ հայ-թուրքական ընդհարումն այնպէս արհեստական կերպով առաջ չը քաշուեց, ինչպէս Թիֆլիսում: Այստեղ ամեն ինչ բղխում էր տիրող շրջաններից, այն էլ բացայայտ կերպով:

Ինչպէս մեր առաջ բերած վիճակագրութիւնից տեսանք, Թիֆլիսում հայերը կազմում են մի խոշոր թիւ—84 հազար, իսկ թուրքերը շիա և սիւննի միասին վերցրած՝ ընդամենը 13 հազար:

Երկու ազգութիւնների այսօրինակ անհամաչափ լինելը մի կողմից, Կովկասի բարձր ազմինիստրացիայի ներկայութիւնը միւս կողմից, միանգամայն հնարաւոր էին դարձնում հաւատալ, որ Թիֆլիսն ազատ կը մնայ հայ-թուրքական ընդհարումներից, բայց այդպէս չեղաւ:

Ոչ հայ և ոչ էլ թուրք ժողովրդի ջանքերը չը կարողացան յետ կասեցնել այն ընդհարումը, որը ծրագրուեց Թիֆլիսում և որի լուտարանութիւնը առանձնապէս արժէր ընդգծել:

Որ հայերը Թիֆլիսում ամեն կերպ խուսափում էին ընդհարումներից, սա բացատրութեան կարօտ չէ: Ընդհարումներից խուսափում էին նաև Թիֆլիսի թուրքերը. նախ՝ որ նրանց մէջ էլ քիչ չէին ընդհարումների կորստաբեր հետևանքները ըմբռնող անհատներ և երկրորդ՝ թւական չափը թելադրում էր նրանց խուսափել գերակշիռ ուժից:

Սրանով էլ պիտի բացատրել այն երևոյթը, որ նոյեմբերի 18-ին Գանձակում սկսւած ընդհարումն արձագանք չէր կտնում Թիֆլիսում:

Այս հանգամանքը հանգիստ չէր տալիս Թիֆլիսի սև հարիւրակային հերոսներին:

Համառուսական պօստ-հեռագրական ընդհանուր գործադուլը շարունակուում էր, զբաղեցնելով հասարակական միտքը: Այդ

գործադուլը տարածելով Ռուսաստանի բոլոր ծայրերում, հրապարակ էր բերել մի այլ ահաւոր գործադուլի խնդիր: Յամառ կերպով պատրաստուում էր համառուսական երկաթուղիների երկրորդ գործադուլը: Ռուսաստանի մի ծայրից մինչև միւսը ետանդուն կերպով արծարծուում էր հոկտեմբերեան մեծ գործադուլի երկրորդ փորձը:

Ահա մի նոր փոթորիկ յեղափոխող Ռուսաստանի ծոցում, մի նոր ահաւոր պայքար ուղղւած բիւրօկրատիայի դէմ: Պարզ է, թէ որպիսի մի միտք զբաղեցնում էր հոգեվարքի հասած կառավարութեանն այսպիսի մի նեղ ճգնաժամին:

Այսպիսի ազդեցութիւններից ազատ չէր նաև Կովկասը, մանաւանդ Քիֆլիսը, ուր ամենից շատ և այն էլ մեծ թափով արձագանք էր գտնում Ռուսաստանի իւրաքանչիւր շարժումը:

Պէտք էր գալիք դէպքերը կանխատեսել, պէտք էր այդ դէպքերին հակակշիռ մի դրութիւն ստեղծել չէնց իրեն, ազմկող ժողովրդի ծոցում: Իսկ դրա համար նիւթ շատ կար: Ամեն անգամ հրապարակ էր քաշուում հայ-թուրքական ընդհարումը: Այստեղ էլ, ինչպէս և Բագուում, թուրք անգիտակ մասսան հրապարակ բերեց որպէս սև հարիւրակային հակադիր մի ուժ գործադուլների դէմ:

Եւ մինչդեռ Գանձակի արիւնոտ անցքերի սարսափի ազդեցութեան տակ Քիֆլիսում գերագոյն ճիպեր էին թափուում ժողովրդի տրամադրութիւնը խաղաղ պահելու համար, նոյեմբերի 22-ին, երեկոյեան ժամը 7-ին, Շէյթան-Բազարում հայերի և թուրքերի մէջ տեղի ունեցաւ հրացանաձգութիւն:

Ի՞նչից առաջացաւ այդ հրացանաձգութիւնը, թի՞ առաջինը պատճառ դարձաւ ընդհարման, մինչև այժմ էլ պարզւած չէ. սակայն փաստ է այն, որ մութ ու կասկածաւոր մարդիկ մի շարքից ի վեր վխտում էին երկու ժողովուրդների այդ շփման տեղում:

Նոյեմբերի 22-ի երեկոյեան սկսւած հրացանաձգութիւնը գիշերւայ ընթացքում վերսկսեց մի քանի անգամ, երկու կողմերից տանելով մի քանի զոհեր:

Հրացանաձգութիւնը հայերի և թուրքերի մէջ տներից և պատշգամբներից վերսկսեց նաև նոյեմբերի 23-ի առաւօտեան, որն ընդամիջումներով շարունակեց մինչև ցերեկայ ժամի 3-ը, ունենալով նոր զոհեր: Լրագրների տեղեկութիւններով զոհերի թիւը հասնում էր 42-ի, որոնց մեծ մասը թուրքեր էին, իսկ փոքր



մասը՝ հայեր, վրացիներ և ռուսներ\*):

Ահա այդ ժամանակ միայն քաղաքում յայտնւեցին զօրքեր, այն էլ կարծէք լոկ ձևի համար:

Այդ ժամանակ իր հեղինակաւոր ձայնով հրապարակ եկաւ նաև սօցիալ-դեմօկրատիան: Հայ-թուրքական ընդհարումներից ֆուսուում էին նաև նրա, ինչպէս և ամբողջ երկրի շահերը:

Երկաթուղու բանւորները գործադուլ յայտարարելով և Նախարարութեան մի մեծ միտինգ կազմելով, սպիտակ դրօշակներ պարզած անցան Թուրքի Մէյդանով, Շէյթան-Բազարով, Վարանցովի փողոցով մինչև Արրուզնի հրապարակը, ուր խաղաղութեան և համերաշխութեան անունից ճառեր խօսելով ցրւեցին:

Հստ երևոյթին ընդհարումները պիտի որ դադարէին: Ցանկանում էին այդ հայերը, ցանկանում էին և թուրքերը, մանաւանդ որ Թիֆլիսի բանւորութիւնը գործադուլի միջոցաւ բողոքեց կառավարութեան բռնած դիրքի դէմ, բայց դարձեալ անպտուղ, խաղաղութիւնը 24 ժամ էլ չը տևեց:

Նոյեմբերի 24-ի առաւօտեան հայերի և թուրքերի շփման շրջանում, աշդ Զիւանու սրճարանի մօտ, մահացու կերպով վիրաւորւեցին երեք հայեր, որը և առիթ դարձաւ նոր ընդհարման:

Սօցիալ-դեմօկրատները տեսնելով իրենց ջանքերի ապարդիւն լինելը, նորից գործադուլ յայտարարեցին:

Այս ժամանակ տեղի ունեցաւ մի կօմեդիա:

Օրւայ խնդրի առիթով «Возрождение» լրագրի խմբագրատանը կազմուած յեղափոխական կուսակցութիւնների խորհրդակցութեան ժամանակ ներկայացաւ Թիֆլիսի ոստիկանապետ Յիսը և մտքերի փոխանակութիւնից յետոյ համաձայնելով հայ-թուրքական խաղաղացման գործը յանձնել սօցիալ-դեմօկրատներին, խոստացաւ միջնորդել փոխարքայի մօտ կառավարչական պահեստից տալու 500 հրացան:

Ոչ ոք չէր հաւատում, որ կառավարութիւնը գէնք կը տայ և հասարակական կարգերին հսկելու համար կը հրաւիրի մի յեղափոխական մարմնի. բայց անհաւատալին հաւատալի դարձաւ

\*) Նոյեմբերի 22 25-ը Միքայէլեան հիւանդանոց էին տարւել 23 ըսպանուած, որոնցից 11-ը՝ թուրք, 7-ը՝ հայ, 2-ը՝ վրացի, 1-ն՝ ռուս, 2-ն՝ անյայտ և 39-ը վիրաւորներ, որոնցից 22-ը՝ թուրք, 17-ը՝ հայ, իսկ 10-ը՝ վրացի և ռուս:

և փաստը կատարւեց: Այդ խաղը շատերի համար մութը մնաց. հագարաւոր զօրքերի կողքին թիֆլիսի հայ-թուրքական ընդհարումը խաղաղացնելու գործը յանձնւում էր մի յեղափոխական կուսակցութեան:

Նոյեմբերի 25-ին սօցիալ-դեմօկրատների ղրուժինան դուրս եկաւ քաղաքի կարգը պաշտպանելու կառավարչական գէնքով՝ կրծքներին սպիտակ, խաչաձև կտորներից նշաններ կպցրած: Այդ ղրուժինայի մի մասն անցաւ հայ-թուրքական սահմանների վրա հսկելու համար, իսկ միւս մասը կարգերով տեղափոխուած էր քաղաքի մէջ երթևեկող թուրքերին այս և այն տեղ: Չը մոռանանք յիշել, որ զինւելու և կրծքներին որոշ նշաններ կրելու իրաւունք ստացել էին նաև միւս յեղափոխական կուսակցութիւնները, սակայն առանց կառավարչական գէնքերի:

Եւ մինչդեռ յեղափոխական յաղթանակի այս անհաւատալի ակտով հայ-թուրքական հաշտութիւնը համարուած էր ապահովւած, տեղի ունեցան հետևեալ բնորոշ միջնադէպերը:

Թիֆլիսի զինւորական շրջանները անբաւական մնալով փոխարքայի այդ կարգադրութիւնից և վիրաւորական համարելով իրենց համար դեմօկրատների զինւած ներկայութիւնը, հարց դրին զինաթափ անել նրանց և զօրքերը դեմօկրատների մի խմբի ձեռքից բռնի կերպով խլեցին զէնքերու. խլեցին զէնքեր նաև մի խումբ դաշնակցականների ձեռքից, թէև ադմինիստրացիայից այդպիսի կարգադրութիւն չը կար:

Մինչդեռ զինւորականների կողմից տեղի ունէր այս կարգի արշաւանք, մի այլ ձևի արշաւանք սկսւած էր հայ-թուրքական սահմաններում հսկող դէմօկրատների դէմ:

Նոյեմբերի 26-ի գիշերը մի թուրքի թէյատան մէջ դեմօկրատների պահակների խմբից պողացեցին 5 հրացան և երկու հոգի էլ վիրաւորւեցին:

Մի նոր դաւադրութիւն դեմօկրատ պահակների դէմ տեղի ունեցաւ նոյեմբերի 27-ին, որի ժամանակ վիրաւորւեցին երկուսը, իսկ մէկը, Միլիեստրին ազգանունով, սպանւեց:

Ահա դաւադրական այս մի քանի փորձերն ստիպեցին դեմօկրատներին զէնքերը վեր դնել և քաշուել ասպարէզից, յայտնելով հայերին իրենց անզօրութիւնը սկսւած պրօվակացիայի դէմ:

Այսպէս, մի կողմից դեմօկրատները զէնքերը վեր դրին,

խակ միւս կողմից Բօրչալուի գաւառի թուրքերը բաւական խոշոր խմբերով սկսեցին քաղաք մտնել առանց դիմադրութեան հանդիպելու ճանապարհների վրա հսկող զօրքերի կողմից:

Նոյեմբերի 28-ը խաւար ուժերի յաղթանակի մեծ օրն էր: Թիֆլիսին յատուկ մտայլը այդ օր իջել էր քաղաքի վրա մի հոգեմաշ ծանրութեամբ: Բօտանիկական այգու դիրքերի վրա կանգնած ոռու գինւորական պահակները երեսները դարձրած դէպի քաղաքի դուրսը համազարկեր էին տալիս: Միթէ Բօրչալուից թուրքերը խուժոււմ էին քաղաք . . . Տալիս էր ամեն մէկն այս հարցը: Բայց խուժոււմն չը կար: Ապա ինչո՞ւ համար էին այդ բոլորը . . .

Դեմօկրատներից զէնքերը յետ էին խլոււմ, Բօրչալուից քաղաք մտնող թուրքերին արգելք չէր դրոււմ, իսկ այժմ էլ պահակներն ստանց առիթի կրակոււմ էին խմբերով:


Այդ համադարկները աննպատակ չէին, նրանք իրենց դերը կատարեցին: Շուտով հրացանի պայթոցներ լսեցին թուրքերի դիրքերից, հռանդի եկան նաև հայերը և սկսեց իսկական ընդհարոււմն իր սարսափներով: Ամբողջ օրը Սուրբ Գէորգի, Պարփուխի և թուրքական թաղերի մէջ անընդհատ որոտոււմ էին հրացաններ: Այդ օրն ընկան նորից նորանոր զոհեր, բայց թէ որքան յայտնի չեղաւ:

Միջնեց վերջապէս նոյեմբերի 28-ը—այդ արիւնոտ օրը, բացւեց 29-ի առաւօտը աւելի ևս չարագուշակ մտայլով, կէս օր եղաւ, յուզմունքը դեռ կար՝ ահա և հրդեհ . . . Բազազխանայի դիմացի քարվանսարայում ծուխն ու բոցը երկինք բարձրացաւ, պատկերը կատարեալ եղաւ:

Հրդեհաշէջների խումբը կրակի տեղին հասնելով յետ դարձաւ՝ պատճառ բերելով թուրքերի թաղից տեղացող գնդակների տարափը: Հրդեհն սկսեց աւելի և աւելի մեծ ծաւալ ստանալ: Հրդեհելու փորձեր տեղի ունեցան նաև հայկական թաղի մի քանի տեղերում. մութ ուժերը աւելի ևս հռանդի եկան: Շփոթ տիրեց քաղաքին. հրդեհի շրջանից դէպի քաղաքի հեռաւոր թաղերն ըսկսեց մի արտասովոր գաղթ: Այդ խառը դրութիւնից օգտւելով՝ գլուխ բարձրացրեց կողոպուտը: Մի խօսքով՝ Թիֆլիսի այդ մասում տիրեց անիշխանութիւնը. . . Եւ երբ երկկոյ եղաւ և հրդեհը մեծ ծաւալ ընդունելով Մէյդանի, Վօրօնցովի, Կրասիխայա և

Կրէպաստնոյ փողոցների շրջանում արդէն բոցավառեց Խարազ-  
հանի, Յարութիւնեանների, Քէփիւնեանների, Զախարբէգնանի,  
Տէր-Յակովբեանի, Աբամէլիքի, Թուլաեւի, Թէմուրագեանի, Թոփ-  
չիբաշևի և մի քանի այլ տներ, այդ ժամանակ միայն հրդեհի  
տեղը եկան զօրքեր և հրդեհաշէջների խումբը՝ հրդեհի առաջն առ-  
նելու համար: Բայց ո՛ր, արդէն բազմաթիւ շէնքեր այրել էին  
և բազմաթիւ ընտանիքներ զրկել ապրուստի միջոցներից:

Այստեղ էլ ազմիրնիստրացիան չքմեղ ձևացաւ: Հայ-թուրքա-  
կան ընդհարումը կառավարչական զէնքով զինւած սօցիալ-դեմօ-  
կրատիան էլ չը կարողացաւ կանգնեցնել. բիւրօկրատիան մի անգամ  
ևս ելք գտաւ. նրա կեանքը մի օրով էլ երկարեց. անմեղ արիւնը  
մի անգամ էլ հոսեց. . . Թիֆլիսին այլ ևս վտանգ չէր սպառնում:



# ԿՈՂՈՊՈՒՏՆԵՐԸ ԲՕՐՀԱԼՈՒԻ ԳԱԽԱՌՈՒՄ

ՆՈՅՆՄԲԵՐ ԵՒ ԴԵԿՏԵՄԲԵՐ 1905 Թ.

Թիֆլիսի նահանգի ինը գաւառներից միմիայն մէկում—Բօրչալում—տեղի ունեցան կողոպուտներ և աւերումներ և այդ ունէր իր պատճառները:

Ինչպէս վերն առաջ բերած վիճակագրութիւնից մենք տեսանք, Թիֆլիսի նահանգում թուրք ազգաբնակութեան թիւը հասնում է 113 հազարի, որից Թիֆլիսի գաւառում ապրում են 20 հազար հոգի, իսկ 35 հազարն ապրում են Ախալցխայի գաւառում, 38 հազարը՝ Բօրչալում, իսկ 20 հազարը՝ մնացեալ վեց գաւառներում. հետեւապէս թուրքերի ամենամեծ թիւն ապրում է Բօրչալում:

Եթէ ի նկատի ունենանք և այն հանգամանքը, որ Բօրչալուն համեմատաբար մեծ թիւ կազմող թուրք ազգաբնակութեամբ սահմանակից է Գանձակի նահանգի Ղազախ գաւառին, ուր հայ-թուրքական ընդհարումները այնքան մեծ ծաւալ ընդունեցին, այն ժամանակ հասկանալի կը լինի, թէ ինչո՞ւ Բօրչալուն հանդիսացաւ կողոպուտների և աւերումների բնմ:

Բօրչալուի գաւառում հայերի թիւը հասնում է 45 հազարի, սակայն այս հանգամանքն էլ արգելք լինել չը կարողացաւ թուրքական կողոպուտներին:

Ձը գիտենք, ինչո՞ւ Բօրչալուեցի թուրքերը մի արտասովոր սարսափ ունեն տարածած առանձնապէս Թիֆլիսի հայերի վրա: Այդ սարսափի մասին գաղափար կազմելու համար պէտք էր լինել Թիֆլիսում ընդհարումների ժամանակ: Ամբողջ քաղաքը մի անօրինակ ա՛ն ու զոզով ընդունում էր իւրաքանչիւր լուր, որը գու-

ժուժ էր Բօրչալուեցի թուրքերի խուժման մասին. և թիֆլիսեցի հայն այդ բառը լսելիս, վախկոտ նապաստակի պէս ականջները խլշկոտացրած, մի անկիւն էր փնտռում գլուխը թագցնելու համար:

Բօրչալուի թուրքերը թիֆլիս մտան և այնտեղից դուրս եկան դատարկաձեռն, սակայն նրանք դատարկաձեռն չը մնացին Բօրչալուի մէջ:

Նոյեմբերի 26-ին թուրքերը յարձակեցին Բաշկեչէտ դուխօբօրնների գիւղում առևտրով պարապող հայերի վրա և կողոպտեցին մի քանի տասնեակ հազարների ապրանքներ, տանելով նաև 300-ի չափ տաւար և ոչխար: Հայերը պաշտպանութիւն չը գտնելով ոչ դուխօբօրներից և ոչ էլ պրիստաւի կողմից, փախան գիւղից բոլորովին պլոկւած:

Նոյն օրը թուրքերը յարձակեցին և կողոպտեցին դուխօբօրնների Ղարաքլիս գիւղում առևտրով պարապող հայերին՝ տանելով մեծ գումարի ապրանքներ և 350 հատ ոչխար: Հայերն այստեղ էլ դուխօբօրներից պաշտպանութիւն չը գտնելով փախան բոլորովին պլոկւած: Այս շրջանում կողոպուտեցին նոյնպէս մի քանի արհեստաւոր հայեր:

Աւելի վատթար վիճակ ստեղծեց Եկատերինենֆելդի շուրջը եղող հայ գիւղացիների համար: Կիանէթի, Ակաուրտի, Բատեւանի և Եկատերինենֆելդի հայերը ձգելով տուն ու տեղ փախան թիֆլիսի գաւառի Դաղէթ-Պաչէն, Շամշուղա և Սամղարէթ գիւղերը: Դատարկւած տները ենթարկեցին կողոպուտի, մանաւանդ Կիանէթում, ուր հորերում պահած ցորենն անգամ հանելով՝ որը տարել և որն էլ շող տւել, փչացրել էին ճանապարհներին:

Նոյնանման կողոպուտի ենթարկեց նաև Բօւլէպ գիւղը Բաշկեչէտի շրջանում, ուր հայ և վրացի ապրում են խառը: Գիւղացիները հազիւ կարողացան փախչել Գօրնջուկ հայ գիւղը և գլուխ ազատել: Բօւլէպից թուրքերը կրեցին, տարան այն բոլորը, ինչ որ կարելի էր: Այսքանով չը բաւականացած թուրքերը շարունակեցին ասպատակել շրջանը, որ և Բօւլէպ գիւղի մօտ նոյեմբերի 30-ին ընդհարում տեղի ունեցաւ զօրքերի և նրանց մէջ, որի ժամանակ վերջինները բաւական զոհեր ունեցան:

Այս շրջանում յարձակումներից ազատ չը մնացին նաև հայ-վրացարնակ Բալիջի և Դումանիս գիւղերը. այս երկու գիւղերից թուրքերը քշեցին բաւականաչափ կենդանիներ:

Հանգիստ չէր և Լուին: Այդ շրջանի հայ-կաթօլիկարնակ երկու գիւղեր, Ղարաքիլիսա և Շիշթափա, նոյնպէս ենթարկւեցին յարձակման, որոնցից թուրքերը քշեցին նոյնպէս բաւականաչափ տաւար և ոչխար:

Նոյեմբերի 27-ին զինւած թուրքերի մի մեծ բազմութիւն, առաջնորդութեամբ Բօրչալուի մի քանի ազգեցիկ թուրքերի, եկաւ պաշարեց Շուլաւէրը—գաւառի այդ կենտրոնավայրը՝ հայերին պատերազմի կանչելով: Սարսափը տիրեց Շուլաւէրին: Ազմինիստրացիան փոխանակ կտրուկ միջոցների դիմելու, ստանձնեց միջնորդի դեր, ինչպէս նա այդ անում էր ամեն տեղ: Երկու օրւայ պաշարումից յետոյ թուրքերը յետ քաշւեցին, համոզւած լինելով, որ Շուլաւէրի վրա գնալն այնքան էլ հեշտ բան չէ:

Սակայն մեր առաջ բերած կողոպուտները չնչին, աննշան բաներ են համեմատութեամբ այն աւերումների, որոնց ենթարկւեցին մի շարք կալւածներ և պանրագործարանների այդ գաւառում:

Բօրչալուի գաւառն իր կլիմայական պայմաններով և հրաշալի արօտատեղիներով իր ծոցում զարգացրել է մի շարք պանրագործարաններ, ապարակներ և գիւղատնտեսական ձեռնարկութիւններ:

Այսպէս, այդ շրջանում գտնուում են Մանթաշեանի, Արամեանի, Ծատուրեանի, Միրզօեանի, Վարդ-Պատրիկեանի և Էնիկօլօփեանի մշակւած ընդարձակ կալւածները. Շաղինեանի, Քալանթարեանի, Մէլիք-Բախտամեանի, Յակովբեանի և Մատթէոսեանի պանրագործարաններն իրենց բոլոր պարագաներով:

Կապիտալը, ձեռնարկող ուժին և աշխատանքը միացած տարիների ընթացքում ստեղծել էին Բօրչալուի հարուստ բնութեան ծոցում մի նախանձելի կուլտուրա:

Ահա կուլտուրական այս ձեռնարկութիւնները կրեցին ամհնամեծ հարւածը:

Ընդարձակ շինութիւններն այրւեցին, շարժական ահագին գոյքեր կողոպուեցին, մեծ քանակութեամբ պանիր և այլ մթերքներ թալանի մատուեցին. հարիւրաւոր ընտիր կովեր, երկրագործական գործիքներ և այն բոլորը, ինչ որ ձեռք էր բերել տարիների ընթացքում, յափշտակեցին: Մի խօսքով հարիւր հազարներ արժեցող այդ կուլտուրական ձեռնարկութիւններն աւերւեցին:

Այդ շրջանի մի քանի օտար ֆիրմաներ ազատ մնացին աւե-

ըուններից. դրանցից մէկն էր Կուչենըսխը, որի ըունած դիրքը դէպի հայերը, ասում են, թուրքերին դուր գալու համար, հասնում էր այլանդակութեան:

Ահա, այս շրջանն ուղարկեց թիֆլիսի չեզոք անձնաւորութիւններից կազմւած մի խաղաղարար յանձնաժողով երկու ժողովուրդների մէջ բարեկամական կապեր հաստատելու համար: Սակայն այդ յանձնաժողովը յայտնի դարձաւ նրանով, որ նա իր միասիան հասկացաւ գաւառի վարչական կենտրոնը Շուլաւէրից Եկատերինենֆելդ փոխադրելու միտքը արծարծելում:

Ցուցակ Բօրչալուի գաւառի այն գիւղերի, որոնց ժողովուրդը փախել կամ խոշոր փնասներ է կրել յարձակումների ժամանակ:

№№	Գ Ի Ի Ղ Ե Ր Ի Ա Ն Ո Ի Ն Ն Ե Ր Ը	Փախած	Կողոպտւ.
1	Կիանէթ .	փախ.	կող.
2	Ակաուրթ .	»	»
3	Րատեանի .	»	»
4	Եկատերինենֆելդի հայերը .	»	»
5	Բօսլէպ .	»	»





Երկու տարւայ հայ-թուրքական ընդհարումների ժամանակ աւերել և խոշոր ֆաւաններ կրել են հետեւեալ գաւառներում, հետեւեալ քանակութեամբ գիւղեր և ընտանիքներ:

№№	Գ Ա Ի Ա Ռ Ն Ե Ր	Հայաբնակ		Թուրքաբնակ		Բոլորը	
		Գիւղ	Տուն	Գիւղ	Տուն	Գիւղ	Տուն
1	Նախիջկանի Երև. նահ.	29	2205	2	630	31	2835
2	Շարուր-Դար.» »	11	1068	1	100	12	1168
3	Երևանի » »	9 <sup>3)</sup>	318	7	305	16	623
4	Էջմիածնի » »	2	52	9	458	11	510
5	Շուշու Գանձ. »	7	333	12	984	19	1317
6	Ջիւանշիրի » »	9	655	17 <sup>3)</sup>	840	26	1495
7	Ջիբրայիլի » »	14 <sup>1)</sup>	434	5 <sup>3)</sup>	43	19	477
8	Ձանգեզուրի » »	15	317	43 <sup>1)</sup>	1495	58	2312
9	Գանձակի » »	7	67	14 <sup>1)</sup>	—	21	67
10	Ղազախի » »	6	634	23	1065	29	1699
11	Արէշի » »	5	527	—	—	5	527
12	Բօրչալուի Թիֆ. »	5 <sup>3)</sup>	—	—	—	5	—
Ընդամենը		119	7110	133	5920	252	13030

Այսպիսով, երկու տարւայ ընթացքում հայ-թուրքական ընդհարումների պատճառով աւերել ու ֆաւանել են 252 գիւղ, որից հայաբնակ են 119-ը, իսկ թուրքաբնակ՝ 133-ը: Վնասւած ընտանիքների թիւը եղել է 13,030, որից հայեր՝ 7,110, իսկ թուրքեր՝ 5,920. սակայն այս բոլորը չէ. ծանօթութիւնից տեսնում ենք, որ այս թւերի մէջ չեն մտել ֆաւանւած 9 հայաբնակ և 24 թուրքաբնակ գիւղերի ընտանիքների թւերը: Եթէ այդ 33 գիւղերի ընտանիքների թւերը հաշուելու լինենք 50-ական և աւելացնենք հայ ընտանիքների թիւը 450-ով, իսկ թուրքերինը՝ 1,200-ով, կըստանանք հայ ընտանիքների թիւը 7,560, իսկ թուրքերինը՝ 7,120. ընդամենը 14,680: Բացի այս, ընդհարումների բեմ հանդիսացել են Բագու, Թիֆլիս, Շուշի, Գանձակ, Երևան, Նախիջկան և Ղազախ քաղաքներն, ուր զրկանքների ենթարկւած ընտանիքների թիւը դարձեալ հազարների է հասնում:

3), 1), 2), 3), 3), 1), 11) այս թւերը ցոյց են տալիս թէ յիշեալ գաւառներում քանի ֆաւանւած գիւղերի ընտանիքների թւերը՝ յայտնի չը լինելու պատճառով, չեն մտել առաջ բերած գումարների մէջ:

## ՌՄԲԱԿՈԾՈՒԹԻՒՆ ԵՒ ԷԿԶԵԿՈՒՑԻԱ

Բազմաթիւ գլուխներ մենք նւիրեցինք այն աղէտների նկարագրութեան, որոնք տեղի ունեցան Կովկասի իրականութեան մէջ հայ-թուրքական ընդհարումների պատճառով երկու տարի շարունակ:

Սակայն մենք չարձանագրեցինք աղէտների այն շարքը, որոնց ենթարկւում էր աւերած ժողովուրդը էկզեկուցիաների պատճառով ընդհարումների միջոցին:

Երկու ժողովուրդներ կուում, կողոպտում, սպանում էին միմեանց, իրանք էլ չը հասկանալով ինչո՞ւ համար. երկու ժողովուրդներ հրդեհում, աւերում էին փոխադարձաբար գիւղեր և գիւղախմբեր, իրանք էլ չը հասկանալով ո՞ր աներևոյթ ձեռքի դրգամար:

Եւ երբ տներ աւերւում, գիւղեր կողոպտւում, ամայի էին դառնում, այն ժամանակ յայտնւում էին պատժողական արշաւախմբերը թնդանօթներով և աւերումներից ազատ մնացած գիւղերը պատժի ենթարկում:

Յանցաւոր համարւած գիւղից նախ պահանջւում էր, որպէս տուգանք, խոշոր գումարներ, ապա թնդանօթի բերանը դարձնելով դէպի գիւղ ուժակոծւում էին լաւ շէնքերը. դրանից յետոյ զօրքի համար պահանջւում էր առատ ուտեստ և ապա, եթէ գիւղի յանցանքը համարւում էր ծանր, իսկ արշաւախմբի առաջնորդը լինում էր դաժան մարդ, տեղի էր ունենում կողոպուտ, թալան, ծեծ, բռնութիւն, բռնաբարութիւն և ամեն տեսակ բարբարոս գործողութիւններ կօզակների ձեռքով: Իսկ երբ կօզակի սանձը բաց է թողնւում, նա աւելի ևս անզուսպ է, քան նոյն իսկ տաճիկ զափտիէն:

Հայ-թուրքական ընդհարումներից ի վեր թէ քանի քանի գիւղեր այս և այն գաւառում ու շրջանում ենթարկեցին տուգանքների, ուժակոծութեան և նման ճշդումների, դրանց հաշիւ չը կայ: Ազգախի, Գանձակի, Զիւանշիրի, Շուշու և Զանգեզուրի գա-

ւաններում բազմաթիւ են այդօրինակ բռնութիւնների ենթարկւած գիւղերի թիւը \*) . դրանց անունները մենք առաջ չենք բերի:

Բայց մենք առաջ կը բերենք ումբակոծութեան, էկզիկուցիաների և սուկալի բարբարոսութիւնների այն շարքը, որ տեղի ունեցաւ 1905 թ. մարտ ամսին Շուշու գաւառում Վարանդայի աւելի քան 15 հայ գիւղերի վերաբերմամբ: Գաղափար կազմելու համար, թէ ռուսացի ազէտ հանդիւանում էր նոյն ինքը կարգի պաշտպան արշախումբը, կը բերենք նրա գործողութիւններից մի քանի մանրամասնութիւններ:

էկզիկուցիայի ենթարկւած գիւղերն էին՝ Աւետարանոց, Շէ-խեր, Սարգսաշէն, Թաղավարդ, Թաղլար, Տող, Տուժի, Ազոխ, Հաղորտի, Սօս, Գիւնէյ-Ճարտար, Ղուզէ-Ճարտար, Խնուշինակ, Գիշի և այլն:

Այս շրջանն ուղարկւեց աւելի քան 400 զինուորներից և կօզակներից բաղկացած արշաւախումբը չորս թնդանօթներով:

Արշաւախմբին առաջնորդում էին՝ փոխ-գնդապետ Վիվերնը, սպաներ՝ Բիրբիւկինը և Հաջիւը, գաւառապետ Յրէյլիխը, հաշտարար միջնորդ Երմօլակը և պրիստաւ Ֆիտին:

Արշաւախումբը մօտենալով յիշեալ գիւղերին պահանջում էր յանձնել եղած գէնքերը, յայտնի գումարի տուգանք և խուովարար մարդկանց և այդ բոլորը կատարելու համար տրւում էր որոշ ժամանակ, որից յետոյ տեղի էին ունենում ումբակոծութիւն, տների հրդեհումն, ծեծ, տանջանք, բռնաբարութիւն, կողոպուտ ու աւեր:

Այսպէս, Գիշի գիւղը վճարեց 500 ռ. տուգանք, ենթարկւեց թնդանօթային 12 հարւածի, որից առաւելապէս փրասեց Սարգիս Մահտեսի-Բարայեանի տունը, և գանակոծւեցին մի շարք մարդիկ, որոնցից Սայի Ղահրամանեանը անկողին մտաւ, իսկ Ասատուր Քամալեանի գլուխը պատուեց կարի մեքենայի ծանր հարւածից:

Խնուշինակ գիւղում Թէոս Այդինեանի հոյարկանի գեղեցիկ տունը նախ ումբակոծւեց և ապա հրդեհւեց, որի բոցերին գոհ գնաց ամբողջ շէնքը: Մի այլ գեղեցիկ տուն կարելի եղաւ փրկել

---

\*) Նման բռնութիւններից ազատ չէին նաև թուրքերը. մենք տեսանք նոյն իսկ գիւղեր, ինչպէս էին՝ Ջահրին, Մափրաւանդը և Ղարափիրումը, որոնք աւերւեցին զօրքերի ձեռքով:

Ռուսաստանում ընդունւած մի շատ սովորական միջոցով:

Ղուզէ-Ճարտար գիւղը վճարեց 600 ր. տուգանք, ումբակոծ-  
ւեց Միրզա Սարգսեանի տունը, հրդեհեցին Վանի և նրա եղբայր  
Միքայէլ Քոչարեանների գեղեցիկ տները. ժողովուրդը փախաւ  
սարերը. կօզակները մտան գիւղը, վերցրին գինի, գարի, հաց,  
իւղ, պանիր և այլ մթերքներ. ձեռեցին շատ մարդիկ: Այստեղ  
բռնարարեց մի 60 տարեկան ծերունի:

Գիւնէյ-Ճարտար գիւղի կրած նիւթական ֆլամները և բարո-  
յական տանջանքները սոսկալի էին. մարդ չէ հաւատում իր ա-  
կանջներին, երբ լսում է այն բոլորը, որոնք անցան այդ գիւղի  
գլխով: Ժողովուրդը լսած լինելով Սօս գիւղում կատարւած բար-  
բարոսութիւնների մասին, դեռ արշաւտումը գիւղ չը մտած,  
սարսափահար փախաւ սարերն ու ծմակները:

Գիւղը վճարեց 1200 ր. տուգանք: Աղաջան Պետրոսեանի և  
Միքայէլ Հայրապետեանի տներն ումբակոծեցին. գիւղում մնա-  
ցած տղամարդիկ ենթարկեցին ձեռի և տանջանքների: Աւելի  
քան 400 զինուորներ և կօզակներ ապրեցին գիւղում ամբողջ վեց  
օր. հարուստ Գիւնէյ-Ճարտարի պինու կարասները դատարկեցին  
և ապա կոտրատեցին, գարու և ցորենի հորերը բացեցին և  
անխնայ ձիերի կերակուր դարձան ու ոտի տակ դնացին. հա-  
րուստ Ճարտարի տներում պաշար չը մնաց, բոլորը լափեց և  
կողոպտեց: Ենիշէրիները մորեխի պէս աղում էին պատահածը:  
Սարերն ու ծմակները փախած ժողովուրդը ցրտից և սովից սոս-  
կալի տանջանքներ կրեց:

Երկու երեք օրւայ ծնած, անկողնից դեռ ևս չազատւած կա-  
նայք 35 տարեկան Թալագիւլ Պետրոսեանը և Գէորգ Մայլիւա-  
նի կինը շալակեցին իրենց նորածինները և փախան անտառ:

Մարիամ Պետրոսեանը, 33 տ., Մինա Պօղոսեանը, 29 տ.,  
Բագիւմ Յարութիւնեանը, 28 տ., Մինա Պետրոսեանը, 32 տ.  
և Անուշ Սուլէյմանեանը, 24 տարեկան, ծնեցին ծմակների մէջ:

Մարգարիտ Պետրոսեանը, 30 տ. վիժեց երեխան նոյնպէս  
ծմակում:

Հայ կիներն ազատ չը մնաց մինչև անգամ բռնարարութիւնից,  
տաճկական այդ զագիր գործողութիւնից: Այդպիսի մի զոհ էր  
Սարգիս Կարապետեանի կինը—երկու օրւայ ծնած 30 տ. Սառան,  
որը չէր կարողացել անտառ փախչել: Բայց քանի՞սը կային, ո-

րոնք հրաժարուում էին հրապարակ հանել այդպիսի անարգանքը:

Գիւնէյ-Ճարտարի կրած գրկանքներից վատթարագոյնը վիճակւած էր Սօս գիւղին: Առանց արցունքի անկարելի էր լսել այդ գիւղին հասած տառապանքների պատմութիւնը: Արշաւախումբն այստեղ մնաց երկու օր. գիւղը թողնւեց կօզակների լիակատար տրամադրութեան տակ: Տները կողոպուեցին, պաշարը լափեց և ոտի տակ գնաց, շատ կահ-կարասիներ ջարդ ու փշուր եղան. յափշտակեցին կանանց զարդարանքները. բազմաթիւ մարդիկ ենթարկեցին ծեծի և սոսկալի տանջանքների: Եւ որ ամենազազրելին է, շատ կանայք և օրիորդներ ենթարկեցին լլկանքների ու բարբարոսութեան:

Այդպիսի զոհերից էին՝ Մարիամ Յովհաննիսեանը, 25 տ., Մինա Բալայեանը, 35 տ., Նանագիւլ Դադասեանը, 38 տ., Աննա Սարգսեանը, 40 տ., Շուղի Սարգսեանը, 42 տ., Մինա Գասպարեանը, 45 տ., Թուֆի Գասպարեանը, 50 տ., օրիորդներ՝ Քօլա Յարութիւնեանը, 18 տ. և Նարաթ Դանելեանը, 12 տ.: Այս վերջինը՝ մի հիւանդոտ օրիորդ, բռնաբարւեց ծերունի պապի ներկայութեամբ, որը կօզակներին դիմադրելու համար սոսկալի ծեծի տակ արիւնհոսութիւն ստացաւ ստամոքսում:

Սակայն այս բոլորը նսեմանում են այն ողբերգութեան առաջ, որը տեղի ունեցաւ մի անօրինակ բռնաբարութեան ժամանակ:

Ենիչէրիները որդու ներկայութեամբ փորձեցին բռնաբարել 60 տարեկան Նուբար Հայրապետեանին. պատւախնդիր որդին— 30 տար. Յովհաննէսը, չը կարողանալով տանել մի այդպիսի անարգանք, դիմադրեց ենիչէրիներին: Գազան կտրած կօզակները ծեծի տակ առան պատւախնդիր որդուն. սոսկալի հարւածների տակ ջարդ ու փշուր եղան նրա գլուխը, թևերն ու կողերը, որից յետոյ նա ապրեց երկու օր, բայց տանջելու համար: Թուս կօզակի ձեռքով անարգած մօր պատիւը պաշտպանող որդին սպանւում էր ծեծի տակ:

Ահա, այսպիսի փոթորիկներ եկել անցել էին նաև Աւետարանոց, Շէխեր, Սարգսաշէն, Թաղավարդ, Թաղլար, Տոզ, Տումի, Ազոխ, Հաղորտի գիւղերի վրայով:

Տոզ գիւղում ուբակոծութիւնից այրւեց այրի Սօփիա Պօղոսեանի տունը, իսկ Յարութիւն Մուսայէլեանի եոյարկանի

տունը ճոթեղէնի խանութի և ցորենի ամբարների հետ միասին հրդեհեց նաւթոտ լաթերով: Բարա Աթայեանին երկու անգամ նետեցին կրակի մէջ, սակայն նա ազատեց հրաշքով:

Այս գիւղում սոսկալի ծեծի ենթարկեցին 40-ի չափ տղամարդիկ, որոնցից մահացու կերպով Սարգիս Բարսեղեանը, Գարբիէլ Մուսայէլեանը, Յարութիւն Դանելեանը և Ալէքսան Գրիգորեանը:

Այս նոյն գիւղում բռնաբարեցին՝ Մայկօ Սարգսեանը, 17 տ.—երկու տարւայ ամուսնացած, Բալախանում Զիթչեանը, 25 տ., սրա չորս տարեկան աղջիկը—Նաղեժդան սրտաճաք եղաւ մեռաւ, Մանուշակ Փուլեանը, 35 տ., Թամամ Սարգսեանը, 40 տ., Նախշուն Նաղիրեանը, 50 տ., Ազիզգիւլ Զաւարեանը, 55 տ., Մարիամ Աւանէսեանը 60 տ., օրիորդ Շուշանիկ Զախմախեանը, 14 տ., Մարիամ Հայրապետեանը, 16 տ.—նորահարս, Մարիամգիւլ Օհանջանեանը, 17 տ.—նորահարս, Թութի Աղաջանեանը, 35 տ., Սիրանոյշ եգանհանը, 40 տ., Մէհրի Մովսիսեանը, 50 տ., Թամամ Ապրէսեանը, Մանուշակ Աբաղեանը և Բաջի Գրիգորեանը: Իսկ թագուհի Քուշլեանցը վախից երեխան վիժեց:

Ազոխ\*) գիւղում տեղի ունեցան նոյն կողոպուտներն ու վայրագութիւնները. սոսկալի ծեծի ենթարկեցին բազմաթիւ մարդիկ, որոնցից մահացու կերպով Աւագ Արզումանեանը, Յովակիմ Օհանեանը, Աւետիս Արզումանեանը և Առստամ Արզումանեանը:

Բացի այդ, բռնաբարեցին՝ Սահրնազ Բալասանեանը, Նանա Բալասանեանը, 20 տ., Ազիզ Բալասանեանը, Խուրդա Վանէսեանը, Բախչազիւլ Յակոբեանը, 25 տ., Սահրնազ Հայրապետեանը, Մանուշակ Յարութիւնեանը, 28 տ., Սօնիչկա Զաքարեանը, 30 տ., Անթառամ Աւագեանը, 38 տ., Մալազ Մնացականեանը 40 տ., Մինա Գարբիէլեանը, 45 տ. և Մարգարիտ Գրիգորեանը, 50 տ.:

Իսկ այրի Դաստա Թիւնեանը, 35 տ. բռնաբարեց իր 3 և 9 տարեկան որդկերանց ներկայութեամբ, որից յետոյ անարգած կիներն ստիպւած եղաւ համբուրել կօզակների սեռական անդամները. Խոսրով Կարապետեանի բերանը ապականեցին նրա համար, որ նա կօզակներին չը յանձնեց իր կնոջը:

\*) Տող և Ազոխ գիւղերի բռնաբարւած կանանց անունները մենք վերցրել ենք «Մի քանի գլուխ հայ-թուրքական ընդհարումներից» զբօյգից, իսկ միւս գիւղերինը հաւաքել ենք մենք անձամբ իրենց տեղերում:

Վարանդայի այդ 15 գիւղերի մարտիրոսագրութիւնը լի է այսօրինակ բարբարոսութիւններով, սակայն որոնց մի առ մի թւիչն անկարելի էր:

Ականատես գիւղացիները վկայում են, որ Երմօլաւը քաջալերում էր կօզակներին և իր ձեռքով նաւթը շաղ տալով տների վրա հրդեհում նրանց:

Արշաւախմբի ղեկավարները մերժում էին հայերի առաջարկած ճաշը և ընդունում էին Մինքէնդի կոտորածների յանցագործ նախկին պրիստաւ Սաղղ-բէկ Մէլիք-Ասլանովի հիւրասիրութիւնը, որն ապրում էր Տող գիւղում:


Ահա այն բարբարոսութիւնները, որոնք իրենց բոլոր մանրամասնութիւններով հաստատուեցին քանիցս նշանակւած պաշտօնական քննութիւններով, թէև յանցագործները մնացին անպատիժ և նոյն իսկ իրենց պաշտօնների մէջ:

Սակայն բարբարոսութիւնների այս անօրինակ ակտը մնաց անջնջելի էջ Կովկասի պատմութեան մէջ. Կովկասի ամբողջ մամուլն արձանագրեց իր էջերում այդ ակտը իր մանրամասնութիւններով. նա դարձաւ նիւթ այն հեռագրների, որոնք ուղարկւում էին նոյն իսկ բարձր ազմինիստրացիային:

Մի հեռագիր էլ մարտի 28-ին Շուշի քաղաքի հայ կանայք ուղարկեցին կայսրուհուն, որը մենք այստեղ առաջ ենք բերում մի քանի կրճատումներով: Ահա նա:

«Մի ամբողջ տարւայ հայ-թուրքական կոտորածի արիւնահեղ սարսափներից յետոյ մեզ, հայերիս վրա պայթեց մի նոր և աւելի անեղ արհաւիրք, որի նմանը մեր պատմութիւնը չէ յիշում նոյն իսկ մահմեդական տիրապետութեան ժամանակներից: Մեր գաւառն է ուղարկւած կօզակների թուուցիկ խումբը իրրև թէ հայերին և թուրքերին խաղաղեցնելու և նրանց մէջ կարգը և հանգստութիւնը վերականգնելու համար: Այդ զօրախումբը, որի հրամանատարն է փոխ-գնդապետ Վիվերնը և որի գործողութիւնները ղեկավարում են գաւառապետ Ֆրէյլիխը և հաշտարար միջնորդ Երմօլաւը, գաւառի խաղաղ հայ ազգաբնակչութեան վրա այնպիսի սարսափելի բաներ է գործադրում, որոնց նկարագրելը մարդու երակների մէջ արիւն է սառեցնում: Զինաթափ անելու պատրւակով կօզակները մտնում են անպաշտպան ազգաբնակչութեան տները, կողոպտում են բոլոր արժէքաւոր իրերը, ոչնչա-

ցընում և անպէտք են դարձնում ժողովրդի վերջին ստացածքը, թափում են հացահատիկների սուղ պաշարը ցեխի մէջ և հէնց այդտեղ էլ ոտնահարում, տրորում են: Գիւղացիներին գանակոծում և ենթարկում են ամենասոսկալի տանջանքների, որոնց շընորհիւ մահւան դէպքերը հազագիւտ չեն և կատարում են այնպիսի շատ ուրիշ բաներ, որպիսիները չեն կատարել նոյն իսկ թշնամու երկրում: Եւ ահա դեռ ևս թուրքերի ձեռքով հրդեհւած գիւղերի և քաղաքների մխացող աւերակների առաջ երևում են նոր աւերակներ՝ կոզակների ձեռքով կատարւած և թուրքերի ձեռքից ընկած զոհերի դեռ ևս թարմ գերեզմաններին կից աւելանում են նորերը կոզակների շնորհիւ: Եւ այդ բոլորը կատարւում են նրանց հրամանատարների ներկայութեամբ: Բայց որ ամենասարսափելին է և որ կարող է վրդովեցնել խորապէս ամեն մի կնոջ, դա այն է, որ պղծւում է ամեն մի կնոջ համար ամենանւիրական սրբութիւնը, նրա կուսութիւնը: Իրենց ամուսինների, եղբայրների և հայրերի աչքի առաջ բռնարարւում են կանայք, քոյրերը և աղջիկները, սկսած 60 տարեկան պառաւներից մինչև 11 տարեկան օրիորդները: Չեն խնայում նոյն իսկ երկունքով բռնւած կանանց անկողինները: Այդպիսի արհաւիրքների են ենթարկւել մեր գաւառում սկսած մարտի 15-ից Թաղլար, Տոդ, Ազոխ, Տումի, Սօս, Ճարտար և այլն գիւղերը: Դրա շնորհիւ բնակիչներից շատերն առանց ուշադրութիւն դարձնելու լեռների բուրբի և սառնամանիների վրա, հարկադրւած էին փրկութիւն որոնել անտառներում, լեռներում ու լեռների խոռոչներում»:





## ՀԱՅ-ԹՈՒՐԹԱԿԱՆ ՀԱՄԱԳՈՒՄԱՐԸ

Հայ-թուրքական ընդհարումների հէնց սկզբից, ինչպէս մենք տեսանք, ամեն տեղ կատարուում էին խաղաղարար թափօրներ, ժողովներ ու խորհրդակցութիւններ և նոյն իսկ միտինգներ երկու ժողովուրդների մէջ հաշտութիւն ձգելու նպատակով, սակայն ոչ մի տեղ կարելի չեղաւ տևողական խաղաղութիւն հաստատել. իւրաքանչիւր փորձ, որ տեղի էր ունենում այդ նպատակով, նոյն օրն էլ խախտուում էր:

Երկու ժողովուրդների մէջ հաշտութիւն կայացնելու այդ փորձերին մասնակցում էին նաև պաշտօնատար անձինք—այն է՝ ոստիկաններ, գաւառապետներ և նոյն իսկ նահանգապետներ: Յաճախ այդ նոյն պաշտօնեաները հանդիսանում էին ձեռնարկողներ յիշեալ փորձերին և վերջնում իրենց վրա միջնորդի ճարպիկ դերը տաղանդաւոր կերպով: Բայց և այնպէս խաղաղութիւն չէր ընկնում, երկու ժողովուրդներ հաշտութեան չէին գալիս և ընդհակառակը դրութիւնը գնալով սրւում էր:

Այս տարօրինակ էր: Այն աղմինիստրացիան, որն իր ձեռքում ունէր բաւական միջոց յանցաւոր կողմը զսպելու համար, թողնում էր այդ միջոցը և երկու կողմերի ներկայացուցիչներին ժողովելով միատեղ յայտարարում էր նրանց թշնամի կողմեր, և առաջարկում հաշտելի, ինքը ներկայանալով որպէս միջնորդ:

Պաղաղութեան այս ձևի փորձերից ամենամեծը տեղի ունեցաւ Թիֆլիսում փոխարքայի պալատի մէջ 1906 թ. փետրվար ամսին:

60 հայ և թուրք ներկայացուցիչներ—իւրաքանչիւր կողմից 30-ական մարդ՝ ընտրւած Երևանի, Գանձակի, Թիֆլիսի և Բագուի նահանգների հայ և թուրք ժողովուրդների կողմից, փետրվարի 20-ին դիմաւորեցին միմեանց փոխարքայի պալատի սպիտակ դահլիճում: Փոխարքան անձամբ բացելով ժողովը, նախա-

գահութիւնը յանձնեց իր օգնական գեներալ Մալամային և հեռացաւ:

Ժողովները շարունակեցին ամբողջ 15 օր, որին մասնակցում էին նաև փոխարքայի դիւանի բարձր պաշտօնեաներ և Երեւանի ու Թիֆլիսի նահանգապետները: Ժողովը փակեց մարտի 6-ին նոյն սպիտակ դահլիճում փոխարքայի հանդիսաւոր նախագահութեամբ և այն կարգով, ինչ կարգով որ նա բացել էր:

Ահա այդ ժողովը կոչեց հայ-թուրքական համագումար:

Ի՞նչ արեց արդեօք հայ-թուրքական համագումարը. . . Շատ բան և ոչինչ . . .

Շատ բան այն պատճառով, որ հայ ներկայացուցիչները, փոխարքայի պալատում, բարձր ազմինխատրացիայի ներկայութեամբ, հայ-թուրքական ընդհարումների և նրանից առաջացած կոտորածների ու աւերումների մէջ, որպէս յանցագործ, յայտարարեցին կառավարութիւնը, որը կարող էր այդ սղէտի առաջն առնել, բայց չէր առնում, թէև թուրք ներկայացուցիչները մի գլուխ մեղադրում էին հայերին և Դաշնակցութեանը:

Եւ ոչինչ այն պատճառով, որ համագումարը ստեղծւած դրութիւնը մազաչափ անգամ փոխել չը կարողացաւ, և համագումարից ընդամենը երեք ամիս անց տեղի ունեցան նոր ընդհարումներ և նոր աղէտներ Շուշի քաղաքում, Շուշու, Զիւանշիրի և Զանգեզուրի գաւառներում:

Հաշտութեան այդ բոլոր փորձերը ճիշտ այն նշանակութիւնն ունեցան, ինչ որ կատակերգութիւնը բեմի վրա:



## ԴԱՌԸ ԽՈՍՏՈՎԱՆՈՒԹԻՒՆՆԵՐ

Հայ ժողովուրդը Կովկասում համարեց որպէս յեղափոխական և անվստահելի մի տարր, որի յեղափոխական ձգտումները զսպելու և սանձահարելու համար Կովկասի ադմինիստրացիային օգնութեան հասաւ թուրք ժողովրդի արտօնեալ դասակարգը գիտակցօրէն թելադրեալ իր շահերից և յետադիմական հայեացքներից. իսկ մասսան՝ անգիտակցօրէն, հակառակ նոյն իսկ իր շահերին, խաբւած այդ նոյն արտօնեալ դասակարգի և պաշտօնական շրջանների թելադրումներից:

Ահա, այս գալիս էին խոստովանելու յաճախ թուրք շրջանները բացարձակօրէն, որոնցից առաջ կը բերենք միմիայն բնորոշ չորս դէպքեր: Իրանք նոյնքան դառն են, որքան պերճախօս և նոյնքան պերճախօս, որքան և դառր:

1905 թ. յունվարի սկզբներին, երբ Գանձակի երկաթուղու կայարանում ոռւս զինւորները հրացանի կոթերով ցրում էին այդտեղ խմբւած թուրքերին, խաղաղարար յանձնաժողովի անդամ երդւեալ հաւատարմատար Ալակպար-բէկ Խասամահովը, որը այդտեղ գտնւելով ենթարկել էր մի սևինի հարւածի, վրդովւած այդ բանից, դիմեց կայարանում եղող օֆիցերներին հետևեալ ճառով:

«Պ. պ. ոռւս օֆիցերներ\*), այս ի՞նչ են անում ձեր զինւորները, այս ի՞նչպէս են վերաբերում մեզ, թուրքերիս. ասում են, խփեցէք, կոտորեցէք թուրքերին, այն թուրքերին, որոնք ոռւսաց թագաւորի գահի անասանութեան համար իրենց կեանքն ու գոյքն են զոհում այսօր, որոնք, մեծից սկսած մինչև փոքրը, հաւատարիմ հպատակութեան զգացմունքով լցւած, առանց հասակի և սեռի խտրութեան, ընկւած են բուռն սիրով դէպի թագաւորը,

\*) Տես «Մշակ» № 7 1906 թ.

կատարում են նրա հրամանները, նրա կամքը, նրա բոլոր ցանկութիւնները և գիշեր ու ցերեկ աղօթում են նրա արևշատութեան և հզօրութեան համար»:

«Պարոնայք, հասկացրէք ձեր զինւորներին, որ մենք, թուրքերս, բազմաթիւ զոհեր տալով մեզանից, կուտում ենք թագաւորի թշնամի հայերի դէմ, ոչնչացնում ենք նրանց, ջլատում ենք նրանց ուժերը, հալածում ենք նրանց իբրև յեղափոխականների ու այդպիսով անզօր ենք դարձնում նրանց թագաւորի իշխանութեան դէմ գնալու, նրա զօրքերի հետ կուելու. իսկ այդ զօրքերը մեզանից շատ շնորհակալ լինելու փոխարէն ուզում են մեզ կոտորել»:

«Հասկացրէք պ. պ. օֆիցերներ, ձեր զինւորներին, որ նրանք մեծ յանցանք են գործում, ձեռք բարձրացնելով թուրքերի վրա, հալածելով իրենց թագաւորի անձնուրաց բարեկամներին»:

«Հասկացրէք նրանց, որ եթէ կովկասի հայաբնակ նահանգներում թուրքեր չը լինէին, հիմա հայերը, իբրև յեղափոխականներ, իբրև թագաւորի իշխանութեան դէմ կուողներ, գերազանցելիս կը լինէին թէ ոուս յեղափոխականներին, և թէ բոլոր միւս ապստամբ ազգերին: Լիհացիները, հրէաները, ֆինլանդացիներն ու վրացիները նրանց հետևում կը մնային, նրանց հետ չէին կարող մրցել իբրև յեղափոխականներ . . . Երկար բացատրութիւնների կարօտ չէ, պարոններ, այդ բանը. հայերին ոուսաց յեղափոխութեան գործից, յեղափոխական կուից հեռացնողը, ձեր վրտանգաւոր թշնամիներից մեծի ձեռքերն ու ոտքերը կապողը, նրան անզօր դարձնողը մենք ենք, մենք, թուրքերս»:

«Մեծ պարտք ունէք մեզ տալու . . .»

«Հասկացրէք այդ ձեր զինւորներին, նրանց գլխները մտցրէք (ВДОЛЖИТЕ НАСЬ), որ հայերը նրանց համար պատրաստած ունէին վաղուց հարիւրաւոր ուժեր, զինամիտի պահեստներ, միլիօնաւոր փամփուշտներ: Այդ բոլորը պէտք է նրանց գլխին թափւէր, նրանց արիւնով շաղախւէր, եթէ մենք, թուրքերս չը լինէինք»:

«Դրդւած անսահման սիրուց դէպի թագաւորը, դէպի նրա ինքնակալութիւնը, որը հայերն ուրիշ յեղափոխականների հետ միասին ոչնչացնել են ձգտում, մենք գնացինք ու գնում ենք հայերի դէմ, մեր կրծքերն ու մեր գլուխները դէմ ենք անում նրանց ուժերին, հարիւրաւոր թանկագին զոհեր ենք տալիս մեզանից, հաւատացած լինելով, որ կառավարութիւնը մեր ան-

ձնուրաց ծառայութիւնը կը գնահատի և կը վարձատրի ըստ արժանւոյն»:

«Ահա թէ ինչպէս են վարձատրում մեզ ձեր զինւորները. երկու քայլ ձեզանից հետու սւիճով վերարկուս ծակեցին, մահից հրաշքով փրկեցի. աֆերիմ ձեր քաջ զինւորներին»:

Սրանից աւելի բնորոշ խոստովանութիւն թուրք շրջանների կողմից տեղի ունեցաւ 1906 թ. Շուշու յուլիսեան ընդհարումների առիթով:

Վլադիկավկազում ապրող շուշեցի թուրքեր յուլիսի 25-ին հետևեալ հետապիրն ուղարկեցին Կովկասի փոխարքային\*):

«Շուշուց մուսուլմանների մասին ստացւած լուրերը մեզ պատմելու անկարելիութեան չափ վիշտ պատճառեցին: Երևում է, որ գեներալ Գօլօշչակովն իր կողակները հայերի խմբերին միացնելով, մեր մայրերին, քոյրերին ու եղբայրներին թնդանօթի ու հրացանի է բռնել»:

«Փոխարքայ, սրանից քիչ ժամանակ առաջ, երբ յեղափոխութեան հեղեղը Ռուսիային իր հոսանքի առաջն էր ձգել, եթէ մեր մուսուլմանների հաւատարմութիւնը և անկեղծութիւնը չը լինէր, հիմա Կովկասն ընդհարումների ու յեղափոխութեան կրակով հրդեհուէի էր, բայց մենք, մեր այդ հաւատարմութեամբ ու անկեղծութեան մէջ հաստատ մնալով, պաշտպանեցինք Կովկասը»:

«Ափսոս, ափսոս, հիմա նոյն իսկ նոյն զօրքերը, նոյն կառավարութիւնն իրենց այդչափ հաւատարմութիւնը ցոյց տուող նոյն մուսուլմանների դէմ ուղղեցին իրենց թնդանօթները»:

Արդեօք մեզ համար կը լինէր սրանից դառն ու արհամարհական մի վարձատրութիւն»:

Այժմ տեսնենք որպիսի խոստովանութիւն զղջման մի ուժեղ թափով գալիս էր միւս կողմից: Յունիս ամսի 10—12-ին (1906 թ.), երբ Գանձակի ընդհանուր նահանգապետ Ալֆտանը շրջագայելու էր դուրս եկել նահանգը, Ղազախ քաղաքի հրապարակում հաւաքւած հազարաւոր թուրք բազմութեան միջից դուրս գալով մի բէկ, հետևեալ խօսքերով դիմեց Ալֆտանին, իբրև պատասխան նրա հարց ու փորձերին:

\* Տես «Ալիք» 1906 թ. № 74:

«Ահա տեսնում էք<sup>\*)</sup> Ղազարի քաղաքը, որը 7—8 ամիս առաջ շէն էր, իսկ այժմ քանդած, աւերած. այդ բանը ոչ թէ մենք թուրքերս ենք արել, այլ Ձեզ մօտ կանգնած Օրլովը՝ հաշտարար միջնորդը, Ձերդ գերազանցութիւն, որը գիշեր ցերեկ հանգստութիւն չէր տալիս մեզ. անդադար դրդում, ստիպում էր մեզ ուղղակի կոտորել, ջնջել հայերին անխնայ, անողորմ, առանց սեսի ու հասակի խտրութեան՝ ասելով, որ կտաւարութեան ցանկութիւնն է այդ: Մենք բէկերս Օրլովին, ի հարկէ, չէինք լսում, բայց երբ Գանձակում հայ-թուրքական կոիւն սկսեց, գիւղացի թուրքերը թափւեցին Ղազար ու Օրլովի զրդմամբ աւերեցին մեր խեղճ քաղաքը»:

Բէկից յետոյ առաջ եկաւ մի ծերունի թուրք և գիմեց Այֆուտանին հետեւալ խօսքերով:

«Ինչ որ մեր բէկն ասաց Օրլովի մասին, բոլորը ճշմարտութիւն է: Այդ Օրլովն ամեն օր թուրք գիւղերն ընկած, զրդում էր գիւղացիներին կոտորել հայերին»:

«Բայց մեր յարգելի բէկը մի բան շատ սխալում է, ասելով, որ Ղազարի աւերողը մենք, գիւղացիներս ենք եղել. այդ սուտ է, անխիղճ սուտ. Ղազարն աւերել ու կողոպտել են իրենք թէկերս, աղալարները և մեզ խեղճերիս թշնամացրել են ուժով մեր զբացի հայերի հետ, որոնց հետ հարիւրաւոր տարիներ, նոյն իսկ մեր խաների օրօք, հաշտ ենք ապրել»:

Աւելի դառն խոստովանութիւն այն ճառն էր, որ թուրք պատգամաւոր Ջիաթխանովը խօսեց Պետական Կոմիտէի ասաջ յունիսի 12-ի նիստում: Ահա այդ ճառի մի կտորը:

«Հրաշագեղ Վրաստանը ազմինխաբարասոյնները մասնակցին զօրքերի աւերին, իսկ ժուաւումաններին ու հայերին իբրս պէժ գրգռեցին ու կռուեցին»:

«Այս ամբիոնից ես յայտարարում եմ, սր մեր ու հայերի մէջ անտեսական ռոզի վրա թշնամութիւն չի եղել, մենք ապքում էինք իբր բարի գրացիներ և սիրում էինք միմեանց: Ձերած ընդհարումներ երբէք մենք չենք ունեցել, եթէ եղել են մասնակի սպանութեան գէպեր: Նրանք չէ՛ որ մինչև այժմ էլ աւելի սքանչելի»:

\*) Տես «Այբր» 1906 թ. № 44:

բայց երբէք այսպէս հսկայական չափեր չէին ստացել»:

«Մեր աղմինիստրատօրներն ալ գիներալները երևան հանեցին իրենց լիակատար սնանկութիւնը: Արդէն երկու ամբողջ տարի է մենք լողում ենք արեան ծովում, մինչև ծունկներս քայլում ենք դիակների միջով: Թող նրանք հեռանան, թող նրանք կորչեն: Բաւական է որքան որ զմայլեցինք այդ հրդեհների բոցերով, բաւական է որքան հրճեցինք ընկած դիակների տեսարաններով, հերիք է ինչքան որ լսեցինք թշուառ մայրերի ու քոյրերի ողբն ու հեծեծանքը»:

Ահա խոստովանութիւններ, որոնք զալիս էին արիւնոտ Կովկասի գաղտնիքները բացելու, կառավարութեան դաւերը հրապարակ հանելու թուրքական աղբիւրներից:



## Հ. Յ. ԳԱՇՆԱԿՑՈՒԹԻՒՆՆ ԻՆՔՆԱՊԱՇՏ- ՊԱՆՈՒԹԵԱՆ ԳՈՐԾՈՒՄ

Մեր ձեռնարկած աշխատանքը վերջացնելու համար մեզ փնտմ է մի երես էլ նւիրել Հ. Յ. Դաշնակցութեանը, որն իր վրա վերցրել էր հայ ժողովրդի ինքնապաշտպանութեան գործը:

Հ. Յ. Դաշնակցութիւնը, որպէս յիղափոխական կուսակցութիւն, ծնունդ առնելով տաճկահայ ժողովրդի իրականութիւնից, նպատակ էր դրել արտակարգ բռնութիւնների և հալածանքների ենթակայ այդ կլասիկ ժողովրդի համար ստեղծել կեանքի ու գոյքի ապահովութիւն և մարդկային իրաւունքների անբռնարարելիութիւն:

Նրա տակտիկան ընթանում էր ժողովրդային ապստամբութեան և պարտիզանական կռիւների ճանապարհով: Եւ այդ ուղղութեամբ նա գործում էր ամբողջ տասն և երեք տարի յատկապէս տաճկական հողի վրա, պատրաստելով մարտիկ ուժեր:

1903 թւին, երբ կովկասահայ ժողովրդի դէմ գօլիցիների ըէժիմի սկսած հալածանքը ծայրահեղ չափերի հասաւ, արտայայտւելով այդ եկեղեցական կալաւծների վանդալական ձեռ գրումամբ, երբ բռնի ուսացման քաղաքականութիւնը այլանդակ կերպարանք ընդունեց, հալածւելով այն բոլորը, ինչ որ հայ անւան հետ էր կապւած, լինէր նա կրթական, գրական, բարեգործական, թէ նոյն իսկ տնտեսական. ահա այդ ժամանակ Հ. Յ. Դաշնակցութիւնը, որն այնքան ճիւղեր ունէր տարածած կովկասահայ ժողովրդի մէջ յօգուտ տաճկահայ դատի, հրապարակ եկաւ նաև Կովկասի իրականութեան մէջ, գործելով սկզբում ինքնապաշտպանութեան մի պասսիւ շրջանակում:

Սկսեց ուսուեապօնական պատերազմն այնքան անյաջող հետևանքներով. դրա հետ միաժամանակ գլուխ բարձրացրեց կեղեքւած, հարստահարւած սուս բազմամիլիօն ժողովրդի դժգո-



հուլիսին տարերային ուժով. ծայր տւեց ոռւսական մեծ յեղափոխութիւնը. նա արձագանք գտաւ նաև Կովկասում: Յեղափոխական կուսակցութիւնները լարեցին իրենց ուժերը մի ահաւոր կուրի համար. այդ եռուն կհանքը եկաւ կլանեց նաև Հ. Յ. Դաշնակցութիւնը, որը Կովկասի շարժման մէջ տեղ գրաւելով՝ կազմակերպել սկսեց մարտիկ խմբեր իր փորձառու ուժերի զեկավարութեան տակ:

Ահա, հայ ժողովրդի այդ կենսունակ քայլերի դէմ այդ պատմական մօմենտում ձգւեց դիւանագիտական թոյնը, թուրք մասսաները շարժեցին, տեղի ունեցան ջարդերը, կողոպտւածները, աւերումներն ու հրդեհումները և սկսեց հակայեղափոխական այդ մեծ ակտը:

Դարերով ճնշւած ու հալածւած և ինքնապաշտպանութեան ընազդը միանգամայն կորցրած հայ ժողովուրդն անկարող լինելով անգամ մտածել, որ կարելի է թուրք խուժանին դիմադրել, փախչում էր սարսափահար թողնելով նրա քմահաճոյքին իր ունեցած չունեցածը, աւելի ևս խրախուսելով նրա կոպիտ ինստինկտները:

Այսպէս էր պատկերը Բազում, Երևանում, Նախիջևանի և Շարուր-Դարալագիզի գաւառներում ստաջին յարձակումների անակնկալների ժամանակ:

Ահա, այդ սարսափահար եղած, այդ փախչող, կոտորուղ և կողոպտուող ժողովրդին դուրս հկաւ պաշտպանելու Հ. Յ. Դաշնակցութիւնն իր մարտիկ ուժերով, միևնոյն ժամանակ վարժեցնելով նրան կուրի, դիմադրութեան և անձի ու գոյքի պաշտպանութեան—ադմինիստրացիայի ձեռքում գործիք դարձած անպիտակ մասսաների խուժման դէմ:

Կարճ ժամանակի ընթացքում հայ-թուրքական ընդհարումների շրջաններում կազմակերպեցին ինքնապաշտպանութեան խմբեր, որոնք յաջող կերպով յետ էին մղում յարձակումները և առնում գալիք աղէտների առաջը:

Եւ Հ. Յ. Դաշնակցութիւնն իր դերը կատարեց. նա հայ ժողովրդի մէջ մտցրեց վստահութեան, քաջութեան և ինքնապաշտպանութեան գիտակցութիւնը, իր մարտիկների անձնագոհութեան օրինակներով:

Այս կազմում է Հ. Յ. Դաշնակցութեան գործունէութեան առաջին շրջանը:

Ինչ էր երկրորդ շրջանը:

Հայ-թուրքական ընդհարումները չը դադարեցին. նրանք գնալով ընդհակառակը մեծ ծաւալ ստացան և մեծ չափեր ընդունեցին. ամբողջ շրջաններ ու գաւառներ դարձան խռովութիւնների բնակ, ժողովուրդը կլանեց ինքնապաշտպանութեան հոգսերի մէջ: Զէնքի և ռազմամթերքի կարիքը դրամական տուրքի խնդիր հրապարակ բերեց. ասպարէզ եկան այն բոլոր տարրերը, որոնք այսպէս կամ այնպէս կարող էին դեր խաղալ ինքնապաշտպանութեան գործի մէջ, առանց որեւէ առնչութիւն ունենալու Հ. Յ. Դաշնակցութեան ծրագրի ոգու և նպատակների հետ:


Եւ սկսեցին մի կողմից դրամական տուրքերի, իսկ միւս կողմից ներքին խնդիրների ու դատաւարութեան պրօցէսները:

Ահա, այս քաօս դրութեան մէջ Հ. Յ. Դաշնակցութեան ծրագրի և նպատակների հետ որեւէ կապ չունեցող և իրերի դրութեան ուժով ասպարէզ եկած անհատներ գիտակցօրէն և անգիտակցօրէն գործեցին մի շարք ճնշումներ և բռնութիւններ ժողովրդի վերաբերմամբ:

Այն հանգամանքը, որ Հ. Յ. Դաշնակցութիւնը շարունակում էր մնալ ինքնապաշտպանութեան գործի ղեկավար, այդ եղաւ առիթ նրան մեղադրելու տեղի ունեցած ճնշումների ու բռնութիւնների մէջ:

Հ. Յ. Դաշնակցութիւնը, որը թուրքական յարձակումների առաջին անակնկալների ժամանակ ասպարէզ նետելով և ինքնապաշտպանութեան օրինակը տալով պիտի հրաժարւէր ինքնապաշտպանութեան գործի ղեկավարութիւնից, այդ թողնելով իրեն ժողովրդին, յապաղեց:

Ահա, այդ յապաղումը մի տակտիկական սխալ էր, որը և դարձաւ նրա հակառակորդների ձեռքում որպէս մի ուժեղ զէնք:



## Հ Ե Տ Ե Ի Ա Ն Ք

Մի համատարած թշւառութիւն . . . Ահա այն հետեանքը, որ ունեցաւ երկու տարի շարունակեող հայ-թուրքական ընդհարումը:

Աւերւեցին և խոշոր փնասներ կրեցին երկու կողմերից 252 գիւղեր և 7 քաղաքներ. զրկանքների ենթարկւեցին և քայքայուցին 15,000 ի չափ ընտանիքներ, աւելի քան 100,000 ժողովուրդ գաւառներում և մի քանի հազար՝ քաղաքներում: Մարդկային զոհերի թիւը, մեր հաշւով, հասնում է 10,000-ի, որից սրախողխող, գնդակահար և հրդեհների զոհ գնացել են 5,000 և գաղթումներից, ցրտից ու շոգից, սարսափներից ու անուղի պակասութիւնից առաջացած հիւանդութիւններից մահացել են նոյնչափ:

Երկու տարի շարունակ 12 գաւառների աւելի քան մի միլիօն երեք հարիւր հազար ժողովուրդ երկու թշնամի բանակների բաժանւած և խաղաղ կուլտուրական աշխատանքը թողած, վարում էր անմիտ կռիւ, վառօդի և գնդակի վրա ծախսելով իր ունեցած շունեցածը, վատնելով, տեղեակ մարդկանց հաշւով, 3-4 միլիօնի գումար:


Կողոպուտներից, աւերումներից և հրդեհումներից 252 գիւղերի ժողովուրդը կրել է փնաս ոչ պակաս 10 միլիօնից, իսկ 7 քաղաքների փնասը աւելի ևս մեծ է. նա հասնում է 2-3 տասնեակ միլիօնների:

12 գաւառներում երկու տարի շարունակեող ընդհարումների և թշնամական գործողութիւնների շնորհիւ մեծ չափով նւազեցին դաշտային աշխատանքները: Հաշտարար միջնորդների տեղեկութիւններով 1906 թւին հացահատիկների բերքը միմիայն Շուշու և Զանգեզուրի գաւառներում արդիւնք էր տւել 4 միլիօն փթով պակաս քան սովորական տարիները: Գիւղատնտես Զաւարեանի տեղեկութիւններով, այդ երկու գաւառների շատ տեղերում ցանքերը նւազել էին 30, 40, նոյն իսկ 50 տոկոսով: Նոյն

գիւղատնտես Զաւարեանի հաշուով Գանձակի նահանգի միմիայն Շուշու, Զանգեզուրի, Զիւանշիրի և Զիբրայիլի գաւառներում հացի պակասը արտայայտուում էր 6 միլիօն փթով, որը ներմուծելու համար այժմեան գներով հարկաւոր էր 10 միլիօնի գումար:

Եւ այժմ, երբ գրում ենք այս տողերը, հայ-թուրքական ընդհարումների շրջաններում, առանձնապէս մի քանի վայրերում, կանգ է առել կուլտուրան. չարատանջ ժողովրդի վրա տարածել է իր թեւերը սովի սև ուրւականը իրենից անրաժան տարափոխիկ ախտերի հետ միասին, տանելով զոհեր նրա շարքերից: Շատ տեղերում մարդիկ տառապում են սովից, գիւղերը դատարկուում են, քաղաքները լցւում քաղցած, անգործ մարդկանցով, բազմա-նում են աւազակախմբերը և աւազակային գործողութիւնները:

Համատարած այս թշուառութեան հանդէպ, սակայն, մխիթարական է այն խորին հաւատը, որ հազարաւոր անմեղ զոհերի արիւնը, որպէս պատւանդան ծագող լաւագոյն օրերի, գալիս է ամրապնդելու երկու ժողովուրդների մէջ փոխադարձ զոհերի գիտակցութիւնն ընդդէմ բռնակալութեան և կեղեքիչների, որոնք և ստեղծեցին Կովկասի դժոխքը, որ ներկայ արիւնոտ անցքը իր դառը և խրատական հետեանքներով գալիս է դարապլուխ կազմելու անգիտութեան մէջ պահւած թուրք մասսաների մտաւոր յեղաշրջման:





1905 թ. ՓԵՏԱԿԱՆ 6—9-Ի ԲԵՐԻՒ ԿՈՏԱՐԵԾԻ ԺԱՄԱՆԵԿ ԵՎ ՆԵՐՆԵՑ-  
ՆԵՐԻ ԸՆԴՆԵՆՑՈՒՑՆԵՐ \*

№№	Անուն, ազգանուն	Ո՞րտեղացի	Ո՞ր գաւառից	Տարիք
1	Արզարեան Պետրոս	գեօզալդարե.	Նոր-Բայազէ.	28
2	Աբրահամեան Եղիա	գնդեվազցի	Գարալագեազ	25
3	Աբրահամեան Զհանգիր	խնածախցի	Շուշու	37
4	Ադամեան Աղէքսանդր	շուշեցի	---	50
5	» Մարիամ—կինը	»	—	34
6	» Նիկալայ—որդին	»	—	15
7	Ազգապետեան Քէրովրէ	բիթլիսցի	—	22
8	Աթնասեան Սուլէյման	աշանցի	Շուշու	16
9	Աթաբէգեան Հայրապետ	նախիջևանիկ.	»	19
10	Աղայիան Յովսէփ	բազուեցի	---	53
11	» Սիմէօն—որդին	»	---	20
12	Անանեան Արշակ	-	---	—
13	Ապրեսեան Ալէքսան	վանքցի	Գեօկչայ	-
14	Առստամեան Յովհաննէս	ալիդուլեցի	Զանգեզուր	35
15	Առաքելեան Յովհաննէս	շարքարանցի	Շամախու	45
16	Առաքելեան Մկրտիչ	անգեղակոթ.	Զանգեզուր	45
17	Առուշանեան Գրիգոր	կրկժանցի	Շուշու	23
18	Ասրիեան Սարգիս	շուշեցի	---	50
19	Աւանեան Նիկալայ	ալիլուեցի	Զանգեզուր	-
20	Աւանեան Կարապետ	գիւրջևանցի	Շամախու	28
21	Աւետիսեան Բախչի	շուշեցի	---	—
22	Աւետիսեան Բախչի	հաղորտեցի	Շուշու	25
23	Բալասանեան Արամ	շուշեցի	—	24
24	Բալասանեան Միրզա	ձորեցի	Զիրբայիլ	22
25	» Սիմէօն—եղբայրը	»	»	18
26	Բաղդասարեան Զհանգիր	գիրք գիւղից	—	55
27	Բաղդասարեան Խանլար	խանձաձորցի	Զիրբայիլ	19
28	Բաղդասարեան Տիգրան	միսարցի	Շամախու	15

\*) Այստեղ առջ բերած անունների ցանկերը բոլորը չեն, թէև նրանց մէջ մտածների թիւը հասնում է 1,200-ի:

29	<i>Բարսեղեան Յովհաննէս</i>	<i>դահրազցի</i>	<i>Շուշու</i>	29
30	<i>Բաղալեան Բէգլար</i>	<i>շաղաթեցի</i>	<i>Զանգեզուր</i>	35
31	<i>Բարայեան Միրզաջան</i>	<i>տաթևացի</i>	»	—
32	<i>Բարայեան Յարութիւն</i>	<i>վանքցի</i>	<i>Գէօղչայ</i>	—
33	<i>Բէջանեան Արրահամ</i>	—	—	55
34	<i>Գասպարեան Սարգիս</i>	<i>շուշեցի</i>	—	73
35	<i>Գասպարեան Ներսէս</i>	»	—	42
36	<i>Գէորգեան Սամսոն</i>	<i>քարահունջ.</i>	<i>Զանգեզուր</i>	27
37	<i>Գէորգեան Պաշտուր</i>	<i>ղուշչիլարցի</i>	<i>Դարալագեազ</i>	37
38	<i>Գիւլարչեան Ալէքսան</i>	<i>նուխեցի</i>	—	12
39	<i>Գրիգորեան Յարութիւն</i>	<i>աշանցի</i>	<i>Շուշու</i>	22
40	<i>Գրիգորեան Պաշտուր</i>	<i>շուշեցի</i>	—	28
41	<i>Գրիգորեան Սուլէյման</i>	<i>տրնաւարզցի</i>	<i>Շուշու</i>	18
42	<i>Գրիգորեան Սահակ</i>	<i>քարահունջ.</i>	<i>Զանգեզուր</i>	—
43	<i>Գրիգորեան Սահակ</i>	<i>նուխեցի</i>	—	—
44	<i>Գրիգորեան Յովհաննէս</i>	<i>վանեցի</i>	—	28
45	<i>Դանիէլեան Մարտիրոս</i>	<i>ուզեցի</i>	<i>Զանգեզուր</i>	39
46	<i>Դաւթեան Գրիգոր</i>	<i>նինգեցի</i>	<i>Շուշու</i>	25
47	<i>Դաւթեան Արզար</i>	<i>ազուլիսեցի</i>	—	40
48	<i>Դաւթեան Արա</i>	<i>զէյլեցի</i>	<i>Զանգեզուր</i>	49
49	<i>Դաւթեան Սողոմոն</i>	<i>ձորեցի</i>	<i>Ջիբրայիլ</i>	21
50	<i>Դսողաշեան Ներսէս</i>	<i>շուքարջեցի</i>	<i>Գէօղչայ</i>	40
51	<i>Եղիազարեան Տիգրան</i>	<i>շամախեցի</i>	—	19
52	<i>Եսայեան Ներսէս</i>	<i>շուշեցի</i>	—	31
53	<i>Թաղէոսեան Նիկալայ</i>	»	—	29
54	» <i>Մարիամ—կինը</i>	»	—	25
55	» <i>Եւզենիա—աղջիկը</i>	»	—	1
56	<i>Թաւաքալեան Արշակ</i>	<i>շուշեցի</i>	—	18
57	<i>Թարազդարեան Լեոն</i>	<i>շամախեցի</i>	—	15
58	<i>Թաթոսեան Սերգէյ</i>	—	—	1
59	» <i>Էլեւիինա—քոյրը</i>	—	—	2
60	<i>Թառայեան Սմբատ</i>	<i>չորքարանցի</i>	<i>Շամախու</i>	54
61	<i>Թալիշ</i>	<i>զանձակեցի</i>	—	10
62	<i>Թէոսեան Պաշանէս</i>	<i>նուխեցի</i>	—	30
63	<i>Թովմասեան Արշակ</i>	<i>շաղաթեցի</i>	<i>Զանգեզուր</i>	28

64	Թումանեան Արշակ	շուշեցի		35
65	Թումանեան Սիմէօն	ուրմեցի	—	40
66	Թումանեան Սիմէօն			18
67	Հազարեան Սեդրակ	բագուեցի		33
68	Ծատուրեան Մանուշար	խնձորեսկցի	Զանգեղուր	—
69	» Բաղդասար	»	»	—
70	» Գրիգոր	»	»	19
71	Ծատուրեան Ստեփան	շիկահողցի	»	—
72	Կարապետեան Գրիգոր	խնձորեսկցի	»	—
73	Կարապետեան Յակոբ	ագուլիսեցի		23
74	Կիրակոսեան Մկրտիչ	ալէքսանդր.		—
75	Կօլօբէկեան Եսպոր	շուշեցի	—	15
76	Հայրումեան Վարդուհի	բագուեցի		60
77	Համբարձումեան Ալէքսան	շամախեցի	-	21
78	Համբարձումեան Եփրեմ			—
79	Հազարեան Դաւիթ		Սուրմալուի	20
80	Հարիրեան Սմբատ	ագուլիսեցի	—	27
81	Հարագեօզեան Միքայէլ	բագուեցի	—	55
82	Համբարեան Լեւոն	նորբայազ.		23
83	Ղորղանեան Սմբատ	շուշեցի		30
84	Մանուկեան Յարութիւն	շամախեցի		51
85	Մատինեան Միքայէլ	թիֆլիսեցի	—	53
86	Մարտիրոսեան Պօղոս	ղալագեցի	Գէօկչայ	13
87	Մարտիրոսեան Կարապետ	վանեցի	—	34
88	Մարտիրոսեան Սեբգէյ	նինգեցի	Շուշու	20
89	Մարտիրոսեան Արշակ	նորաշէնցի	Զանգեղուր	—
90	Մատթէոսեան Նիկալայ	բագուեցի		32
91	Մատթէոս—բէալակա. աշ.	—	—	18
92	Մամալեան Խաչատուր	գիւրջևանցի	Շամախու	18
93	Մաղաքեղեան Համբարձու.	քերքեջցի	»	20
94	Մարութեան Գասպար	շաղաթեցի	Զանգեղուր	32
95	Մէլիք-Աղամիրեան Գրիգոր	նորաշէնցի	Զանգեղուր	30
96	Միրզախանեան Յովհանն.	գիւրջևանցի	Շամախու	18
97	Միրզայիան Յարութիւն	շամախեցի		82
98	Միրզայիան Նիկալայ	սղնախցի		19



99	Մկրտչեան Եհրսէս	—	Զանգեղուր	44
100	» Յովհաննէս—որդին	—	»	22
101	» Մարուք	—	»	17
102	Մուսայէիան Զուճուղ	շուշեցի	—	18
103	Մուրադեան Օվսաննա	մաղրասեցի	Շամախու	40
104	Յարութիւնեան Յակովբ	—	—	—
105	Յարութիւնեան Ոսկան	ալաղանլիցի	Գէօկչայ	22
106	Յովսէփեան Զաւաղ	շուշեցի	—	30
107	Յովհաննիսեան Յովհաննէս	բանազուրցի	Զիրբայիլ	14
108	Յովհաննիսեան Սեղրակ	գանձակեցի	—	18
109	Յովհաննիսեան Յարութ.	օրդակլուեցի	Նոր-Բայաղ.	23
110	Նասիրեան Գրիգոր	քարահունջ.	Զանգեղուր	—
111	Նիկողոսեան Թէոս	ղայրալեցի	Շուշու	18
112	Շահվերդեան Անդրէաս	մաղրասեցի	—	49
113	» Պետրոս	»	—	38
114	Շամխալիան Սամսոն	միրիշանլու.	Շուշու	55
115	Շահնազարեան Շահրիման	թէհրանցի	—	25
116	Շահնազարեան Պաշատուր	—	—	—
117	Շահնազարեան Սէյրան	խոնաշէնցի	Շուշու	52
118	Շահրիմանեան Համբարձ.	բազուեցի	—	29
119	Շաղաթեան Մէլիքսէթ	բազուեցի	—	30
120	Շիրմազանեան Մովսէս	փառակեցի	Նախիջևան	60
121	» Իսահակ—որդին	»	»	20
122	Շիւեան Երեմիա	սօպուշէնցի	Գէօկչայ	24
123	Պետրոսեան Սամսոն	բոնակոթցի	Զանգեղուր	23
124	Պօղոսեան Սարգիս	Գիրք գիւղից	—	19
125	Զանկիւեան Բալարէկ	ուզունթալե.	Ղազարի	—
126	Ռոստոմեան Աւետիս	հերհերցի	Դարալագեա.	30
127	Սահակեան Զաւաղ	—	Շամախու	32
128	Սահակեան Վարդան	փահրաջուղ.	Շամախու	40
129	Սահակեան Ղուկաս	ալիլուեցի	Զանգեղուր	25
130	Սարգսեան Ռոստոմ	մաղրեցի	Զանգեղուր	40
131	Սարգսեան Սարգիս	բանազուրցի	Զիրբայիլ	14
132	Սարգսեան Գրիգոր	գէյրուլաղցի	Նուխու	18
133	Սանամեան Գրիգոր	գանձակեցի	—	17

134	<i>Սարիեան Սիմէօն</i>	<i>ալիլուեցի</i>	<i>Զանգեզուր</i>	10
135	<i>Սիմէօնեան Կոստանդին</i>	<i>բագուեցի</i>	—	50
136	<i>Սիջանեան Լևոն</i>	<i>շուշեցի</i>		21
137	<i>Ստեփանեան Ստեփան</i>	<i>տրնաւարացի</i>	<i>Շուշու</i>	60
138	<i>Ստեփանեան Դաւիթ</i>	<i>ջիւանցի</i>	<i>Զիրբայիլ</i>	22
139	<i>Վարդապետեան Մինաս</i>	<i>ճարտարեցի</i>	<i>Շուշու</i>	
140	<i>Վարդանեան Պետրոս</i>	<i>շամախեցի</i>	—	45
141	<i>Վարդանեան Նիկալայ</i>	»	—	40
142	<i>Վարդանեան Արտեմ</i>	<i>քարհատցի</i>	<i>Շուշու</i>	27
143	<i>Վարդանեան Համօ</i>	<i>մազրեցի</i>	<i>Զանգեզուր</i>	40
144	<i>Վարդանեան Մկրտիչ</i>		—	—
145	<i>Տէր-Գրիգորեան Յովհան.</i>	—	<i>Զանգեզուր</i>	
146	<i>Տէր-Թոմասեան Թոմաս</i>	<i>աշանցի</i>	<i>Շուշու</i>	33
147	<i>Տէր-Պաշատրեան Գասպար</i>	—	—	22
148	<i>Տէր-Մանէլեան Առաքել</i>	<i>տրնաւարացի</i>	<i>Շուշու</i>	23
149	<i>Տէր-Յարութիւնեան Մար.</i>	—		—
150	<i>Տէր-Պօղոսեան Տիգրան</i>	<i>քարւանսար.</i>	<i>Ղազախ</i>	
151	<i>Տէր-Ստեփանեան Նատալ.</i>	—		26
152	» <i>Սերգէյ որդին</i>	—	—	11
153	<i>Տէր-Ստեփանեան Սերգէյ</i>	—	—	28
154	<i>Փանեան Արմենակ</i>	<i>ագուլիսեցի</i>	—	24
155	<i>Քոչարեան Յովհաննէս</i>	<i>շամախեցի</i>	—	18
156	<i>Օրբելեան Յովհաննէս</i>	<i>վաչականցի</i>	<i>Զանգեզուր</i>	30
157	<i>Օհանեան Սողոմոն</i>	<i>ուզեցի</i>	<i>Զանգեզուր</i>	25
158	<i>Օհանեան Յարութիւն</i>	<i>կելարցի</i>	<i>Շամախու</i>	17
159	<i>Օհանեան Ահարոն</i>	<i>քեօհնեկցի</i>	<i>Շուշու</i>	13

160—176-ը չը ճանաչւած դիակներ:



**ՇՈՒԹԻ ԲԱՂՎԱԹԻ ՍՊԱՆԻՍԻՆՆԵՐԻ ԸՆԵՐՆԵՑՈՒՑՈՒՄԸ,**

հանւած Շուշու նպաստամատոյց յանձնաժողովի գործերից

1	Արրահամեան Աղաջան . . . . .	.
2	Արրահամեան Վարդանոյշի ամուսինը . . . . .	.
3	Այւագեան Թազայի ամուսինը . . . . .	.
4	Ալէքսանեան Սոփիայի ամուսինը . . . . .	.
5	Ալլահվերդեան Յակոբ . . . . .	.
6	Ալլահվերդեան Թազագիւլի ամուսինը . . . . .	.
7	Առաքելեան Մարգար . . . . .	.
8	Արզումանեան Սոփիայի որդին . . . . .	.
9	Արզումանեան Աղալար (շուշիբէնդցի) . . . . .	.
10	Արզանեան Նախշունի որդին . . . . .	.
11	Աւանէսեան Եղիսաբէթի ամուսինը . . . . .	.
12	Աւանէսեան Հոփսիմէի ամուսինը . . . . .	.
13	Բարայեան Մինայի տղան . . . . .	.
14	Բալայեան Սոփիայի ամուսինը (կորած) . . . . .	.
15	Բաղայեան Սոփիայի ամուսինը . . . . .	.
16	Բալայեան Գրիգորի կինը . . . . .	.
17	Բալայեան Միքայէլի որդին . . . . .	.
18	Բաղդասարեան Քոթանի ամուսինը . . . . .	.
19	Բաղդասարեան Ներսէս . . . . .	.
20	Բաղայեան Մարգարիտի ամուսինը . . . . .	.
21	Բաղիեան Մովսէս . . . . .	.
22	Բարայեան Յովհաննէս . . . . .	.
23	Բէկեան Սաթենիկի ամուսինը . . . . .	.
24	Գաբրիէլեան Մովսէս (Թաղավարդցի) . . . . .	.
25	Գաբրիէլեան Վարդանոյշի ամուսինը . . . . .	.
26	Գասպարեան Մինայի որդին . . . . .	.
27	Գալստեան Նանագիւլի ամուսինը . . . . .	.
28	Գիւլստանեան Մկրտչի որդին . . . . .	.
29	Գիւլնազարեան Աննա . . . . .	.
30	Գրիգորեան Վարդան . . . . .	.
31	Դանիէլեան Մարիամի փեսան—Ղազարը . . . . .	.
32	Դանիէլեան Սահրնազի որդին (կորած) . . . . .	.

33	Դանիէլեան Գիօզալի ամուսինը . . .
34	Դաւթեան Մարիանդիլի ամուսինը . . .
35	Եսայիան Յովհաննէս . . .
36	Եղիազարեան Աւետ . . .
37	Եղիեան Բախշի . . .
38	Եղիեան Գալիլէի ամուսինը . . .
39	Զալիեան Լևոն . . .
40	Զաքարեան Թազուհու ամուսինը . . .
41	Զէյնալեան Թոխի որդին (շուշիքէնդցի) . . .
42	Թաթոսեան Աղաջան . . .
43	Թաուումեան Նիկալայ (դամղալուեցի) . . .
44	Փամհարեան Մարգար . . .
45	Փամհարեան Բալախանումի ամուսինը . . .
46	Լալայիան Թազուհու որդին . . .
47	» » Երկրորդ որդին . . .
48	Լալայիան Անդրէաս . . .
49	Սաչատրեան Բախշի . . .
50	Սաչատրեան Ներսէս . . .
51	Սաչատրեան Նախշունի որդին . . .
52	Կարապետեան Մալաքի ամուսինը . . .
53	Կարապետեան Ղումաշ . . .
54	Կօլմանեան Մարգարիտի որդին . . .
55	Համբարձումեան Անինկայի ամուսինը (կորած) . . .
56	Հաղլաթեան Հայկ . . .
57	Հայրումեան Անուշկայի ամուսինը (մինքէնդցի) . . .
58	Հայրապետեան Գիօզալի ամուսինը ; . . .
59	Հայրապետեան ալիդուլեցի երկու եղբայրներ . . .
60	Հայրապետեան Մարգարիտի որդին . . .
61	Հայրապետեան Սառայի որդին . . .
62	Ղազարեան Յովհաննէս . . .
63	Մանգասարեան Աղէքսանդր . . .
64	Մանասեան Թէոս . . .
65	» Թէոսի կինը . . .
66	» » աղջիկը . . .
67	Մարութեան կարապետ . . .

68	<i>Մարգարեան Զաքարէ .</i>	.
69	<i>Մատթէոսեան Մէլիքսէթի կինը .</i>	.
70	<i>Մասումեան Յակովբ .</i>	.
71	<i>Մելիք-Միրզախանեան Սարգիս</i>	.
72	<i>Մինասեան Նուբարի ամուսինը .</i>	.
73	<i>Միրզաքելեան Միրունայի որդին</i>	.
74	<i>Միրզայիան Սահակ .</i>	.
75	<i>Մելքոնեան Անդրէաս</i>	.
76	<i>Մկրտչեան Մարգար</i>	.
77	<i>Մկրտումեան Աւագի որդին</i>	.
78	» » <i>երկրորդ որդին</i>	.
79	<i>Մկրտչեան Արտեմ .</i>	.
80	<i>Մկրտումեան Մարիամի ամուսինը</i>	.
81	<i>Մուսայէլեան Նատալիայի ամուսինը</i>	.
82	<i>Մուսայէլեան Նիկալայ .</i>	.
83	<i>Մուսայէլեան Սաթենիկի ամուսինը</i>	.
84	<i>Մուսայէլեան Սառայի ամուսինը</i>	.
85	<i>Մովսիսեան Սօնիչկայի ամուսինը</i>	.
86	<i>Յակորջանեան Օլինկայի ամուսինը</i>	.
87	<i>Յարութիւնեան Միրզա .</i>	.
88	<i>Յակորեան Յարութիւն .</i>	.
89	<i>Յարութիւնեան Սոփիայի որդին</i>	.
90	» » <i>երկրորդ որդին</i>	.
91	<i>Յարութիւնեան Կատինկայի ամուսինը</i>	.
92	<i>Յարութիւնեան Մնացական</i>	.
93	<i>Յարութիւնեան Գրիգոր</i>	.
94	<i>Յակորեան Վարդիի ամուսինը .</i>	.
95	<i>Յովսէփեան Շուշանիկի ամուսինը</i>	.
96	<i>Յովսէփեան (ճարտարեցի) .</i>	.
97	<i>Յովսէփեան Գայիանէի ամուսինը</i>	.
98	<i>Նասիրեան Թէլլուի ամուսինը (կորած)</i>	.
99	<i>Նաջարեան Խոսրով .</i>	.
100	<i>Շահբազեան Մինայի ամուսինը .</i>	.
101	<i>Շահրիմանեան Մարիանգիւլի ամուսինը .</i>	.
102	» » <i>որդին</i>	.

103	Շաքարեան Ղուկասի որդին	.
104	Պետրոսեան Սոփիայի որդին (կորած)	.
105	Պետրոսեան Սալբիի ամուսինը	.
106	Պետրոսեան Նիկալայ (քարինտակցի)	.
107	Պետրոսեան Սոփիայի ամուսինը	.
108	Պետրոսեան Թագուհու ամուսինը	.
109	Պետրոսեան Ալէքսան	.
110	Զալալեան Մովսէս	.
111	Զհանգիրեան Միրզա	.
112	Սարգսեան Զառիի որդին	.
113	Սարգսեան Սարգիս	.
114	Սարգսեան Նուբարի ամուսինը	.
115	Սարգսեան Աւանէսի որդին	.
116	Սարգսեան Դանէլ	.
117	Սարգսեան Բաղա	.
118	Սողոմոնեան Մարտիի որդին	.
119	Ստեփանեան Ասատուր	.
120	Վարդազարեան Մարգարիտի ամուսինը	.
121	Տէր-Յովհաննիսեան Գէորգ	.
122	Տէր-Աստուածատրեան Համբարձում	.
123	Տէր-Ներսէս Իաշուէն գիւղի	.
124	Տէր-Զաքարեան Գէորգի որդին	.
125	Տէր-Իշխանեան Լիզայի ամուսինը	.
126	Փիրումեան Մարգարիտի ամուսինը	.

**ՅՈՒՅՈՒ ԳՆԻՆԻ ՄԻ ԶՆԵՒ ԳԻՒԳՆԻ ԶՆԵՆԶՆ ՏՅՂՆԵՈՒՄ ՍՊԵՆԵՆԸ-  
ՆԵՐԻ ԸՆԹՈՆՆՅՈՒՅՈՒՅԸ:**

հանւած Շուշու նպաստամատոյց յանձնաժողովի գործերից:

1	Բարսեղեան Միքայէլ	.
2	Բաղդասարեան Եղիսաբէթ	.
3	» Սէիի ամուսինը	.
4	Գալստեան Թագուհու ամուսինը	.
5	Գասպարեան	.
6	Թութունջեան Ալէքսան	.

7	Դարախանեան Սալաթիւնի որդին	.
8	» » փեսան	.
9	Մէլիքեան Մագթաղի ամուսինը	.
10	Միրզաբէկեան Աւագի հայրը	.
11	Մկրտումեան Սօնայի ամուսինը	.
12	» Սարգիս . . .	.
13	Յակոբեան Սամսոն . . .	.
14	Յարութիւնեան Խազունու որդին	.
15	Շամխայեան Սոփիայի ամուսինը	.
16	Պետրոսեան Նանուխի ամուսինը	.
17	Պօղոսեան Բաղի . . .	.
18	Սարգսեան Մայկոյի ամուսինը	.
19	Օհանեան Բաղդասար	.
20	» Մինայի ամուսինը . . .	.

**ՃԱՐՏԱՐԵՑԻՆԵՐ**

1	Բարայիան Հայրապետ . . .	.
2	» Դումաշի ամուսինը	.
3	Գալստեաններ—երեք հոգի	.
4	Դուլեան Մարգարիտի ամուսինը	.
5	Յովսէփեան Մարիամի » . . .	.
6	Պօղոսեան Շողիի » . . .	.
7	Սահակեան Բալլուի » . . .	.
8	Վանեան Սարուխան . . .	.

**ՏՐՆԱՎԱՐՉՑԻՆԵՐ**

1	Ադամեան Յարութիւն . . .	.
2	Գասպարեան Թարխան . . .	.
3	Կարապետեան Դանէլ . . .	.
4	Յովհաննիսեան Առաքիլ . . .	.
5	Ստեփանեան Գալուստ . . .	.

**ՍՈՍԵՑԻՆԵՐ**

1	Աւագեան Գիւլլիի որդին . . .	.
2	Գարբէլեան Գրիգոր . . .	.
3	Կարապետեան Արշակի հայրը . . .	.
4	Յարութիւնեան Մինայի որդին . . .	.

**ԹԱՂԱՎԱՐԴՑԻՆԵՐ**

- 1 Ալլահվերդեան Անուշի ամուսինը . . .
- 2 Համբարձումեան Նանագիւլի » . . .
- 3 Շահրիմանեան Մարգարտի » . . .

**ԱԻԵՏԱՐԱՆՈՑՑԻՆԵՐ**

- 1 Շահնազարեան Կոստանի կինը . . .
- 2 » » որդին . . .

**ՄԱՇԱԴԻՇԷՆՑԻՆԵՐ**

- 1 Բաղդիեան Մարտիրոս . . .
- 2 Պօղոսեան Օհան . . .

**ՍԽՏՈՐԱՇԷՆՑԻ**

- 1 Յակօրեան Սանթուր . . .

**ԽԵՐԽԱՆՑԻ**

- 1 Ղազարեան Բախշի . . .

**ԿՈՐՆՁՈՐՑԻ**

- 1 Աղարարեան Ասլան . . .

**ԹԱՂԼԱՐՑԻ**

- 1 Յովհաննիսեան Հայրապետ . . .

**ԳԻՇԵՑԻ**

- 1 Հայրիեան Չանազանի ամուսինը . . .

**ՍԶՆԷՔՑԻ**

- 1 Աւանդեսեան Եղիսարէթի որդին . . .

**ՏՈՒՄԵՑԻ**

- 1 Մնացականեան Հայրապետի որդին . . .

**ԱԶՈՒՆԵՑԻ**

- 1 Գրիգորեան Բարա . . .

**ՍԱՐԳՍԱՇԷՆՑԻ**

- 1 Հայրապետեան Սահակ . . .



**ԽՐՆՔԷՆԻ ԸՐՇՆԻ (ՇՈՒՇՈՒ ԳՐԻՒՌ) ԳՈՐԾՐԿԸՆԹԵՆԸ 34 ԳԻՒՂՆԻ  
ԶՐՆԸԶԸՆ ՏՅՂԵՐՈՒՄ ԽՊԸՆԻՇՆԵՐԻ ԸՆԻՇՆԵՑՈՒԾԸԿԸ,  
ՔՐՂԻՐԾ ԳՈՐԾՐԿԸՆՆԻ ՏԷՐ-ՊԵՏՐՈՍ ՏԷՐ-ՅՈՎՀԱՆՆԻՍԵՐՆԻ ՏՅՂԵԿԳԻՐԾ**

**ՀԱՐԱՂՇԸԱՂ ԳԻՒՂՈՒՄ**

1	<i>Աւուսնց Յարութիւն</i>	.
2	<i>Բալասանեան Սահակ</i>	.
3	<i>Բողունց Արրահամ</i>	.
4	» <i>Սահակ</i>	.
5	» <i>Ղարա</i>	.
6	<i>Գէւունց Ասուածատուր</i>	.
7	<i>Գեօղունց Ներսէս</i>	.
8	<i>Դանէլեան Յակոբ</i>	.
9	<i>Եախշունց Ղազար</i>	.
10	<i>Կոսունց Արրահամ</i>	.
11	» <i>Սարուխան</i>	.
12	<i>Շըղըլանց Մանիա</i>	.
13	<i>Ոսկանեան Միրզա</i>	.
14	<i>Չորանանց Ալէքսան</i>	.
15	» <i>Առստամ</i>	.
16	<i>Սարուխանեան Սահակ</i>	.
17	<i>Սահակեան Դանէլ</i>	.
18	» <i>Պետրոս</i>	.
19	» <i>Յարութիւն</i>	.
20	<i>Սայունց Բախշի</i>	.
21	<i>Տէր-Գարբէլեան Ասլան</i>	.
22	<i>Տէր-Թովմասեան Ալէքսան</i>	.
23	<i>Քոանց Բարա</i>	.

**ՀԱՐԱՐ ԳԻՒՂՈՒՄ**

1	<i>Ալէքսանեան Ումուղղար</i>	.
2	» <i>Յարութիւն</i>	.
3	<i>Անդրէասեան Արշակ</i>	.
4	<i>Բարայեան Գրիգոր</i>	.
5	» <i>Աթա</i>	.

6	Գիօքեան Անդրէի որդին .	.
7	» » Երկրորդ որդին .	.
8	Գրիգորեան Ուսմբրում .	.
9	» Բախշի .	.
10	Հայրապետեան Գրիգորի որդին .	.
11	Ղահրամանեան Յարութիւն .	.
12	Մանգասարեան Համբարձում .	.
13	Մէլիքեան Հայրապետ .	.
14	Յակոբեան Սիմօն .	.
15	» Բաբա .	.
16	Նաւասարդեան Աւագ .	.
17	Ստեփանեան Բախշի .	.
18	Տօնեանց Զաւաղ .	.

**ԱԼԻՂՈՒԼԻ ԳԻՒՂՈՒՄ**

1	Առստամեան Համբարձում .	.
2	Ափիեան Դանէլ .	.
3	» Զիչակ—կինը .	.
4	Բաղդասարեան Ղևոնդ .	.
5	Գէորգեան Գրիգոր .	.
6	Պաշիեան Յարութիւն .	.
7	Հայրապետեան Աւետիս .	.
8	» Համբարձում .	.
9	» Յարութիւն .	.
10	» Եթար—կինը .	.
11	Յարութիւնեան Միրզա .	.
12	Յակոբեան Պետրոս .	.
13	» Դաւիթ .	.
14	» Համբարձում .	.
15	Պետրոսեան Զալալ .	.
16	Զաւաղեան Նիկողայոս .	.

**ՇՕՇԻ ԳԻՒՂՈՒՄ**

1	Ալէքսանեան Երեմիա .	.
2	Աստուածատրեան Աղալար .	.
3	Աւագեան Դաղա .	.

4	Դանէլիան Յարութիւն .	.
5	Էլիագեան Սարգիս	.
6	Ժամհարեան Ներսէս	.
7	Իսահակեան Գրիգոր .	.
8	Հայրապետ (Թաղլարեցի)	.
9	Մանասեան Ալէքսան .	.
10	Միրզաբէկեան Առաքել .	.
11	Յարութիւնեան Կարապետ	.
12	Յովհաննիսեան Աւագ .	.
13	Շահնազարեան Նաղեժդա	.
14	Սարգսեան Գրիգոր .	.

**ԲԱԼԼՈՒՋԱ ԳԻՒՂՈՒՄ**

1	Ալուխանեան Իւան	.
2	Բեագունց Բախշի	.
3	» Թէոս .	.
4	» Բարիշկա---կինը	.
5	» Հէրիքնազ .	.
6	» Խոսրով	.
7	Գալստեան Մովսէս	.
8	Ճաղարեան Ամիրվար .	.
9	Նասիրեան Աւանէս	.
10	» Արշակ	.
11	Պօղոսեան Առստամ	.
12	Ջամալեան Աւանէս	.
13	» Ջումշուզ	.

**ՎԱՐԱՋԱԲՈՅՆ ԳԻՒՂՈՒՄ**

1	Արուշանեան Խոսրով	.
2	Աւանէսեան Խաչատուր	.
3	Աւդիեան Սարգիս	.
4	Բաբայեան Պետրոս	.
5	Բալայեան Յակոբ	.
6	Բեագունց Յարութիւն .	.
7	Գասպարեան Կարապետ	.
8	Դուկասեան Արշակ	.

9	Ղուկասեան Ալէքսան	.
10	Քինասեան Բաջի	.
11	Միրզայեան Զաւադ	.
12	Պետրոսեան Առաքել	.

**ՄԻՐԻՇԱՆԼՈՒ ԳԻՒՂՈՒՄ**

1	Ասրիեան Մարիամ	.
2	Դանէլեան Աւանէս	.
3	» Սիրանոյշ—աղջիկը	.
4	Դաւթեան Յովհաննէս .	.
5	Մէժլումեան Բախշի .	.
6	Միրզաբէկեան Միրզաբէկ	.
7	» Անուշ	.
8	Շամխալեան Սիմօն	.
9	Սարգսեան Շուշանիկ	.
10	» Դաւիթ	.
11	» Պարոն	.

**ԽԱՆՔԷՆԻ ԱՒԱՆՈՒՄ**

1	Գաբրիէլեան Ալէքսան	.
2	Գրիգորեան Ալէքսան (գօրիսեցի)	.
3	» Մկրտիչ .	.
4	Հայրապետեան Թեան	.
5	Միրզայեան Սաշա-բէկ	.
6	Միքայէլեան Ալէքսան (շօշեցի) .	.
7	Յովհաննիսեան Թամամ	.
8	» Գարեգին	.
9	Օհանեան Բաբկէն . . .	.

**ՔԱՐԱԳԼՈՒԽ ԳԻՒՂՈՒՄ**

1	Աւանէսեան Մկրտիչ	.
2	Բաղդասարեան Աւանէս	.
3	Գրիգորեան Յովհաննէս	.
4	Կարապետեան Սիմօն	.
5	Մկրտումեան Ալէքսան .	.
6	Յարութիւնեան Շամիր	.
7	Սարգսեան Մովսէս	.

7	<i>Տէր-Իսրայէլիան Ջուռշուղ</i>	.
	<b>ՂԱՅԲԱԼԻ ԳԻՒՂՈՒՄ</b>	
1	<i>Առստամեան Սարգիս .</i>	.
2	<i>Աւանէսեան Յարութիւն .</i>	.
3	» <i>Աւանէս—որդին .</i>	.
4	<i>Դանէլիան Մհարր .</i>	.
5	<i>Սարգսեան Մարտիրոս .</i>	.
6	» <i>Դանիէլ—որդին .</i>	.
7	<i>Տէր-Ղուկասեան Մարգարիտ .</i>	.
	<b>ՀԱՐԱԻ ԳԻՒՂՈՒՄ</b>	
1	<i>Ալլահփիրդիան Բէզլար .</i>	.
2	<i>Բախշեանց Աւագջան .</i>	.
3	<i>Գրիգորեան Շիրիւն .</i>	.
4	<i>Դանէլիան Արշակ .</i>	.
5	<i>Կարապետեան Համբարձում .</i>	.
6	<i>Օհանջանեան Թարխան .</i>	.
	<b>ՀԻԻՆՈՏ ԳԻՒՂՈՒՄ</b>	
1	<i>Աթարէկեան Բաղդասար .</i>	.
2	<i>Աւագեան Հայրապետ .</i>	.
3	<i>Ասուածատրեան Խոսրով .</i>	.
4	<i>Բէզլարեան Ալէքսան .</i>	.
5	<i>Ներսիսեան Առաքել .</i>	.
6	<i>Սարուխանեան Հայրապետ .</i>	.
	<b>ԽՆՁՈՐԵՍՏԱՆ ԳԻՒՂՈՒՄ</b>	
1	<i>Աւետիսեան Յակոբջան .</i>	.
2	<i>Մէլիք-Միրզայեան Արսէն .</i>	.
3	<i>Տէր-Յակոբեան Գրիգոր .</i>	.
4	» <i>Միքայէլ .</i>	.
5	» <i>Մկրտիչ .</i>	.
6	» <i>Միրզաջան . .</i>	.
	<b>ՓԻՐՋԱՄԱԼ ԳԻՒՂՈՒՄ</b>	
1	<i>Առստամեան Շամիր .</i>	.
2	<i>Դովլաթեան Ասուածատուր .</i>	.

3 Մարգարեան Ասանէն

4 Միրզոյեան Ազատ

5 Մարգսեան Սահակ

**ՊՏՐԵՑԻՔ ԳԻՒՂՈՒՄ**

1 Աստամեան Սարգիս :

2 Բէզլարեան Արրսեան :

3 Գրիգորեան Դարբէլ :

4 Յարութիւնեան Դանէլ :

5 » Գրիգոր

**ԽՐԱՄՈՐԹ ԳԻՒՂՈՒՄ**

1 Աղաբարեան Մկրտիչ

2 » — սրա կիներ

3 Աստամեան Բաղդասար

4 Խաչատրեան Գրիգոր

5 Ղազարամեան Սայի

**ԴԱՆՈՒՇԷՆ ԳԻՒՂՈՒՄ**

1 Բախամեան Տէր-Ներսէս

2 Համբանեան Մովսէս

3 Օսանջանեան Կարապետ

4 Զարեայեան Խաչատուր

**ՆԱԽԻՆՅԱԿԱՆ ԳԻՒՂՈՒՄ**

1 Ափեան Ստեփան

2 Նանկեան Դաւիթ

3 Սահակեան Սահակ

4 Պիղրսեան Սեդրակ-բէկ

**ԴԱՆՈՒՇԷՆ ԳԻՒՂՈՒՄ**

1 Անապեղեան Սոփիէ

2 » Զիլիկ

3 Սարգսիկուտեան Նուր

4 Պարսեան Սոփիէ

**ԱԿՆԻՍՏԷՆ ԳԻՒՂՈՒՄ**

1 Դեղեան Բարսեղեան

2 Շահրապեան Պօղոս  
3 Սարումեան Արիզօն .  
4 » Արամ որդին  
ՔԱՌԱՍՆԷ ԳԻՒՂՈՒՄ

1 Լալայեան Անդրէաս  
2 Յարութիւնեան Սաչատուր  
3 » Աղաջան—որդին  
ԱՐԿԱԹԱԼԻ ԳԻՒՂՈՒՄ

1 Ասրիեան Գրիգոր  
2 » Մարտիրոս  
3 Գրիգորեան Ալէքսան  
ՍՂՆԱԽ ԳԻՒՂՈՒՄ

1 Աւագեան Ներսէս  
2 Եսայեան Աղալար  
3 Սարգսեան Ներսէս  
ՔԵԱԹՈՒԿ ԳԻՒՂՈՒՄ

1 Գրիգորեան Միքայէլ  
2 Յարութիւնեան Դաւիթ .  
ՔԱՐԻՆՏԱԿ ԳԻՒՂՈՒՄ

1 Ասրիեան Նիկողայոս  
2 Պետրոսեան Սարգիս  
ԿՐԿԺԱՆ ԳԻՒՂՈՒՄ

1 Պօղոսեան Ալէքսան  
2 Զհանգիրեան Մովսէս  
ԶԱՄԸԿՈՒ ԳԻՒՂՈՒՄ

1 Բղիեան Իսահակ  
2 Հայրապետեան Անդրէաս  
ԽԱՆԱԾԱԽ ԳԻՒՂՈՒՄ

1 Մկրտչեան Աւանէս  
2 Զեալնրեան Զուճշող

**ԴԱՀՐԱԻ ԳԻՒՂՈՒՄ**

1 Բարասանեան Յարութիւն

2 Վէրդիեան Թէոս

**ԽԱՆՁԿ ԳԻՒՂՈՒՄ**

1 Աւետիսեան Յակոբջան

2 Օհանջանեան Թէւան

**ԽԱՆԱԲԱՏ ԳԻՒՂՈՒՄ**

1 Մովսէսեան Ջուճուդ

2 Պօղոսեան Պետրոս

**ԴԱՀՐԱԶ ԳԻՒՂՈՒՄ**

1 Գրիգորեան Կարապետ

**ՄԷՆԴՐԻՇԷՆ ԳԻՒՂՈՒՄ**

1 Յարութիւնեան Գրիգոր .

**ՂԱԶԱՆՁԻ ԳԻՒՂՈՒՄ**

1 Սայիեանց Պօղոս .

Միմեքնոյ սպանւածների անւանացուցակը  
ներկայացուած է կառավարութեան՝ գիւղի  
ֆահանայի ձեռնով.

1	Ալէքսանեան	Շափաղաթ .	35
2	»	Արմենակ — տղան	8
3	»	Արշակ »	6
4	»	Ռուբէն »	4
5	»	Բաղի-Շափաղաթի յայրը	60
6	Աղամեան	Գրիգոր . . .	12
7	»	Սաչատուր — եղբայրը	8
8	»	Համբարձում »	6
9	»	Սառան — քոյրը	4
10	Աղարէգեան	Գալուստ .	6



11	Ասրիեան	Սիմօն	14
12	»	Խանուժ—բոյրը .	8
13	Արզումանեան	Թէոս .	25
14	Առստամեան	Բօխչի (կին) .	35
15	»	Միքայէլ—տղան	7
16	»	Շախի—աղջիկը	2
17	Բաղդասարեան	Սահակ .	52
18	»	Աննա—կինը .	44
19	»	Մանուշակ—աղջիկը	14
20	Բաղիեան	Մանուշակ	14
21	Բարխուդարեան	Սիմօն	28
22	Բաղդասարեան	Հերիքնազ	25
23	Բաղալեան	Առաքել	25
24	Բալասանեան	Սերգօ	2
25	Բարսեղեան	Հայրապետ	70
26	»	Յովակիմ—Խոռը .	7
27	»	Սերգօ »	5
28	»	Աւետիս »	3
29	Բէզլարեան	Գրիգոր .	55
30	»	Հերիքնազ—կինը .	50
31	»	Մէշի—սրանց աղջիկը .	8
32	»	Մանուշար—Գրիգորի որդին	24
33	»	Նանուժ—սրա կինը .	22
34	»	Արշակ — տղան	1
35	Բէզլարեան	Աղաջան .	75
36	»	Մինաս—որդին	48
37	»	Թազա—սրա կինը .	44
38	»	Մարիամ—սրանց աղջիկը .	8
39	»	Հայկանոյշ » »	2
40	»	Ղևոնդ—տղան .	5
41	»	Խոսրով Աղաջանի երկրորդ որդին	40
42	»	Սահրնազ — սրա կինը .	35
43	»	Նիկալայ » տղան .	10
44	»	Մաթէոս » » .	8
45	Բէզլարեան	Բարա .	72

46	»	Նանուժ—կինը . . .	65
47	»	Սիսօն—սրանց որդին . . .	18
48	»	Ալէքսան » . . .	32
49	»	Լուսիկ—աղջիկը . . .	5
50	»	Լևոն—տղան . . .	3
51	»	Վարդան » » . . .	1
52	Բուդաղեան	Նիկալայ . . .	50
53	»	Գալուստ—տղան . . .	8
54	Գաբրէլեան	Քալանթար . . .	90
55	»	Մարիամ—կինը . . .	80
56	»	Միրզա—Քալանթարի մեծ որդին. . .	65
57	»	Շամիր—սրա տղան . . .	28
58	»	Յակոբջան—Քալանթարի երկ. որդ. . .	60
59	»	Ղուժաշ—սրա կինը . . .	53
60	»	Մանուշակ—սրանց աղջիկը . . .	8
61	»	Սահրնազ » » . . .	6
62	»	Մէլիք » տղան . . .	4
63	»	Սողոմոն » » . . .	2
64	»	Յարութիւն—Քալանթարի երկ. որդ. . .	45
65	»	Յամբարձում—տղան. . .	12
66	»	Վարթի—աղջիկը . . .	1
67	»	Շախի—Քալանթարի մի այլ թոռը . . .	14
68	Գէորգեան	Թագունի . . .	65
69	Գէորգեան	Հասրաթ . . .	60
70	»	Գրիգոր—որդին . . .	28
71	»	Մարիամ—սրա կինը . . .	25
72	»	Աննա—սրանց աղջիկը . . .	6
73	»	Գէորգ » տղան . . .	1
74	»	Օհանջան—Հասրաթի երկ. որդին . . .	26
75	»	Անգրիաս » կրորդ » . . .	24
76	»	Անդրանիկ—սրա տղան . . .	1
77	»	Սարգիսջան—Հասրաթի եղբայրը . . .	54
78	»	Մինաս—սրա տղան . . .	24
79	»	Կարապետ » » . . .	8
80	Գրիգորեան	Գալուստ . . .	1

81	Դաւթեան	Սողոմոն	60
82	Դաւթեան	Դանիէլ	50
83	»	Նաշի—տղան.	20
84	»	Սէրգօ »	12
85	Զիլֆիեան	Շափաղաթ	20
86	»	Հայրապետ—եղբայրը	18
87	Թունեան	Շամամ	80
88	»	Բալասան—որդին	50
89	»	Ուրգար »	48
90	»	Գիւլնշան—սրա աղջիկը	6
91	Թուլեան	Ալէքսան	65
92	Կոլեան	Ներսէս	3
93	Հայրիեան	Մանուշակ	63
94	Հայրիեան	Թամամ	40
95	»	Անդրէաս—տղան	1
96	Հայրապետեան	Սարգիսջան	45
97	»	Տիգրան—տղան	14
98	Հայրապետեան	Յովհաննէս	58
99	»	Ասլի—կինը	50
100	»	Դաւիթ—սրանց տղան	6
101	»	Գէորգ— » »	4
102	»	Վարդանոյշ—աղջիկը.	2
103	»	Սողոմոն—Յովհաննիսի եղբայրը .	54
104	»	Գիւլի—սրա կինը .	45
105	»	Սեդրակ—սրանց տղան	16
106	»	Մարուսեա » աղջիկը	8
107	»	Հայրապետ » տղան	6
108	»	Պողոս » »	2
109	Ղահրամանեան	Համբարձում	55
110	»	Թամամ—կինը	55
111	»	Մարիամ—աղջիկը	10
112	»	Շամամ— »	8
113	»	Գիւլ— »	6
114	Ղուկասեան	Մարիամ	
115	Մատիեան	Ալում	45

116	»	Սարնգիլ—քոյրը	40
117	Մանուշարեան	Օլինկա	1
118	Մեծլուսեան	Թագուհի	80
119	»	Վարդի—հարսը	52
120	»	Նանուժ—սրա աղջիկը	8
121	»	Սառան—Վարդի թոռը	1
122	Մինասեան	Նիկալայ	13
123	»	Շախի—քոյրը	8
124	»	Պողոս—եղբայրը	6
125	Մկրտչեան	Շախի	30
126	»	Գրիգոր—տղան	6
127	Յարութիւնեան	Աւանէս	75
128	»	Հայրապետ—որդին	34
129	»	Շարմաղան—սրա կինը	30
130	»	Վարդանոյշ—սրանց աղջիկը	8
131	»	Վարդան— » տղան	6
132	»	Գալուստ— » »	1
133	Յակոբեան	Օսիկ	60
134	Յակոբեան	Գէորգ	70
135	»	Թագուհի—կինը	60
136	»	Զաքար—սրանց տղան	15
137	»	Բախշի— » »	30
138	»	Համբարձում—սրա »	2
139	»	Նուբար— » աղջիկը	4
140	Յակոբեան	Սարգիս	80
141	»	Սիմօն—որդին	36
142	»	Ամիր— »	40
143	»	Մանուշակ—սրա աղջիկը	8
144	»	Սառա— » »	6
145	»	Հերիքնաղ— » »	4
146	»	Ասատուր » տղան	2
147	Յարութիւնեան	Գիւլլի	24
148	Յովակիմեան	Սաթենիկ	11
149	Յովհաննիսեան	Գալուստ	14
150	Յովսէփեան	Մանաս	28

151	Զաւաղեան	Խասա	35
152	Սարգսեան	Ալէքսան	65
153	»	Թազա—կինը	60
154	»	Համբարձում—Ալէքսանի եղբայրը	60
155	»	Շուշանիկ—թոռը	1
156	Սահակեան	Սոֆիա	4
157	»	Սառա—քոյրը	2
158	Սարգսեան	Անդրիաս	26
159	Սարգսեան	Սոֆիա	18
160	Սաֆարեան	Յովհաննէս	25
161	Սիմօնեան	Գրիգոր	3
162	»	Սեղրակ	22
163	Վարդազարեան	Զաւահիր	70
164	»	Անուշ—թոռը	4
165	»	Շամիր	60
166	»	Մինա	60
167	Տէր-Մինասեան	Մինաս քահանայ	80
168	»	Համբարձում—թոռը	22
169	Օհանեան	Հայրապետ	70
170	»	Սաթենիկ—թոռը	8
171	»	Ալէքսան— »	6
172	Օհանեան	Դաւիթ	75
173	»	Աննա—կինը	65
174	»	Յարութիւն—սրանց որդին	40
175	»	Վարդի—սրա կինը	30
176	»	Սառա—սրանց աղջիկը	6
177	»	Նանուամ— » »	4
178	»	Վարսենիկ— » »	2
170	»	Գրիգոր—Դաւիթ երկրորդ որդին	32
180	»	Նախշուն—սրա կինը	30
181	»	Անդրէաս—սրանց տղան	4
182	»	Մանուշակ— » աղջիկը	12
183	»	Գիւնշան— » »	6
184	Օհանջանեան	Առաքէլ	68
185	»	Նարաթ—կինը	20

186	»	Մանուշակ—սրանց հարսը	20
187	»	Գարբիէլ— » թողը	7
188	»	Պետրոս— » »	5
189	»	Հայկանոյշ— » »	3
190	Օհանեան	Բաղդասար	85
191	»	Օհան—որդին	58
192	»	Վարսենիկ—աղջիկը	16
193	»	Դանա— »	16
194	»	Ծատուր—տղան	14
195	»	Յարութիւն— »	12
196	»	Շախնանա—Օհանի հարսը	25
197	»	Խանում—սրա աղջիկը	2

Գանձակի սոյանւածների անւանացուցակը նաևւած  
Գանձակի յաջորդարանի տեղեկագրներից

1	Աբրահամեան	Հայկազ	15
2	Ազուլեցիան	Սիմօն	
3	Ազարեան	Սարգիս	60
4	»	Գրիգոր—որդին	18
5	Ազարեան	Աւետիս (Փիբեցի)	50
6	Ազարեան	Բարսեղ	50
7	»	Աւետիս—տղան	15
8	Աթտարեան	Իւան	60
9	Աթայեան	Արտեմ	40
10	Աթայեան	Մելիք	45
11	Աղաջանեան	Մկրտիչ	68
12	Ամիրխանեան	Ղազարոս	35
13	Առաքելեան	Սիմօն	67
14	Առուշանեան	Շամիր	
15	Առուշանեան	Գրիգոր (Բանանցեցի)	
16	Աւագեան	Սարգիս	45
17	Աւետիսեան	Առստամ (Հաջիշէնցի)	40
18	Աւետիք	Թիֆլիսեցի	75
19	Ափիեան	Համբարձում (Փիբեցի)	20

20	Ափիհան	Վարդազար ( յ )	60
21	Բաղալեան	Արշակ	47
22	Բաղդասարեան	Սողրատ (Արլահեցի)	19
23	Բաղդասարեան	Մաղարել	
24	Բարայեան	Լևոն	25
25	Բաղրամեան	Յակոբ	27
26	Բալայեան	Աւետիս (Փիրեցի)	25
27	Բարսամեան	Համբարձում ( յ )	25
28	Բարաջանեան	Լևոն	1+
29	Բէկլարեան	Ղուլի (Բարաջուրցի)	38
30	Բէգնազարեան	Աղէքսանդր	57
31	Գազիկեան	Գրիգոր(Սաչակապցի)	28
32	Գասպարեան	Միքայել (Քարհատցի)	27
33	Գէորգեան	Յարուիլին	57
34	Գէորգեան	Աթանաս	40
35	Դալոյեան	Յակոբ	60
36	Դադեան	Սիմօն (Բանանցեցի)	22
37	Դոլմեան	Գրիգոր	40
38	Զանգեզուրցի	Սարուխան	60
39	»	Սաչատուր — տղան	30
40	Զանգիզարեան	Աթանաս	40
41	Լահիջանեան	Լահիջան	
42	Սալաթեան	Լևոն	26
43	Սաչումեան	Աւետիս	57
44	Սալաթեան	Սիմօն	
45	»	Լևոն	
46	»	Յովսէփ	
47	Սաչատուրեան	Մանուէլ	55
48	Կարօ	Տաճկաստանցի	27
49	Կիրակոսեան	Միքայէլ	
50	Կօնջօրեան	Սաչատուր (Փիրեցի)	22
51	Հաթամեան	Սարքիս	57
52	Զիթածախեան	Միխակ	48
53	Ղաղաքչեան	Յակոբ	38
54	Ղաղս րչեան	Սիմօն	60

55	Ղասարեան	Պետրոս	
56	Ղաճարեան	Մինաս	50
57	Ղուլեան	Ղուլի (Բարաջուրցի)	24
58	Մանուէլեան	Սարգիս (Փիրեցի)	50
59	Մալխասեան	Արզուման (Նաչակապցի)	30
60	Մանուշակեան	Ստեփան (Բանանցեցի)	15
61	Մանուշակեան	Ստեփան (Բանանցեցի)	14
62	Մատթէոսեան	Վարդան ( » )	70
63	»	Ալէքսան ( » )	28
64	Մարկոսեան	Պաւլի	
65	Մարգարեան	Սողոմոն (Սևքարեցի)	
66	Մարգարեան	Սողոմոն (Բագուեցի)	22
67	Մամիկոնեան	Կարապետ (Փիրեցի)	50
68	Մալեան	Համբարձում	
69	Մելքոնեան	Վահան (Բարաջուրցի)	16
70	Մելիքեան	Յովհաննէս (Բանանցեցի)	26
71	Միսկարեան	Սիմոն	72
72	Մինասեան	Մկրտիչ (Ղազարեցի)	
73	Միրզոյեան	Յովհաննէս (Բանանցեցի)	50
74	Մնացականեան	Պատուական	85
75	Մնացականեան	Միրսոյել (Նորաշէնցի)	50
76	Մնացականեան	Միքայել	55
77	Մուրադեան	Լևոն (Գիւղացի)	33
78	»	Վաղարշակ—եղբայրը	16
79	Մրաւեան	Սէրգէյ	
80	Մրաւեան	Բէգլար	38
81	Յարութիւնեան	Մակի (Բանանցեցի)	62
82	»	Արմենակ—որդին	13
83	»	Արշակ— »	11
84	Յարութիւնեան	Երեմիա	20
85	Յարութիւնեան	Ալէքսան	45
86	Յարութիւնեան	Գերասիմ	
87	Յակոբեան	Աւետիս	16
88	»	Համբարձում—եղբայրը	12
89	Յովհաննիսեան	Թևան	60



90	Յովհաննիսեան	Սարգիս	57
91	Յովհաննիսեան	Աբգար	.
92	Յովհաննիսեան	Սարգիս (Չովդարեցի)	.
93	Յովհաննիսեան	Մկրտիչ (Ալէքսանդրապօլցի)	25
94	Յովհաննիսեան	Մովսէս	52
95	Յովհաննիսեան	Եփրեմ (Միզրիկցի)	34
96	Յովհաննիսեան	Շամիր	70
97	Յովհաննիսեան	Միքայել	62
98	Յովհաննիսեան	Եփրեմ (Բարաջուրցի)	38
99	Յովհաննիսեան	Եփրեմ	45
100	Յովհաննիսեան	Սարգիս	48
101	Յովսէփեան	Յարութիւն (Չովդարեցի)	26
102	Նազարեան	Կոստանդին	18
103	»	Հայկազ—եղբայրը	10
104	Նադիրեան	Յովհաննէս (Բանանցեցի)	.
105	»	Գրիգոր ( » )	.
106	Ներսէսեան	Բալասան	18
107	Նիզեան	Ծատուր	.
108	Նիկողոսեան	Սողոմօն	.
109	Շատուրեան	Գրիգոր	46
110	Շուղուրեան	Կարապետ (Քարահատցի)	43
111	Չորանեան	Խաչատուր (Փիբեցի)	33
112	Պապեան	Յարութիւն	.
113	Պօղոսեան	Սամուէլ (Ոսկանապատցի)	19
114	Պօղոսեան	Շամիր	45
115	Սահակեան	Կարապետ	40
116	Սահակեան	Սարգիս	30
117	Սարգարեան	Գրիգոր	78
118	Սարգսեան	Վասիլ (Չովդարեցի)	.
119	Սարգսեան	Գալուստ	.
120	Սարուխանեան	Մկրտիչ (Աբլահեցի)	50
121	»	Պետրի—եղբայրը	24
122	Սարւազեան	Սողոմօն	65
123	Վարդանեան	Պօղոս (Սեբաբեցի)	.
124	Վարդապետեան	Գէորդ	26

125	Տէր-Աբրահամեան Գրիգոր	60
126	Տէր-Եզրիազարեան Եղգար	57
127	Տէր-Իսրայէլեան Մկրտիչ	40
128	Տէր-Իսրայէլեան Ալէքսան	40
129	Տէր-Կարապետեան Ալէքսան	53
130	Տէր-Մակարեան Յովհաննէս	50
131	Տ.-Մարտիրոսեան Եսայի	57
132	Տ.-Մարտիրոսեան Յովհաննէս	65
133	Տ.-Մարտիրոսեան Արէթնազով	50
134	Տ.-Մարտիրոսեան Վասիլ	
135	Տ.-Յարութիւնեան Բազրատ	
136	Տ.-Յարութիւնեան Յակոբ	54
137	Փառաջեան Բէգլար	56
138	Քամալեան Արտէմ (Սևքարեցի)	30

**Փօրերի «Ղարաբե» կոչուած այգիներում սպանուած հայ մեակների անւանացուցակը**

**ԲԱՆԱՆՑ ԳԻՒՂԻՑ**

1	Բւագեան	Զաքար	26
2	Բաղալեան	Յակովբ	23
3	Աանոցեան	Ծատուր	
4	Նազեան	Յովհաննէս	
5	Տէր-Մկրտչեան	Աւետիս	42
6	»	Պօղոս	52
7	»	Յարութիւն	18
8	»	Աւետիս	19

**ԳԱՌՆԱԿԵՆ՝ ԳԻՒՂԻՑ**

1	Ազաջանեան	Անին	18
2	Դալլաքեան	Յովհաննէս	46
3	»	Վիրապ	37
4	»	Պօղոս	35
5	Տէր-Յարութիւնեան Ղազար		40
6	»	Ստեփան	38

7	Տէր-Սիմօնեանց	Ծառուր	40
8	Տէր-Եղիազարեանց	Յարութիւն	40
<b>ԿԵՐԱՆՑ ԳԻՒՂԻՑ</b>			
1	Ղազարեանց	Բաղալ	23
2	Մանուչարեան	Գէորգ	28
3	Յարութիւնեանց	Արրահամ	30
4	Յովհաննիսեանց	Սարգիս	27
5	Տէր-Ջաքարեանց	Աղէքսանդր	28
<b>ԽԱԶԱԿԱՊ ԳԻՒՂԻՑ</b>			
1	Եպիսկոպոսեան	Արսէն	25
2	Վոսչեան	Սաչատուր	
<b>ԶՈՎԴԱՐ ԳԻՒՂԻՑ</b>			
1	Իւանեան	Գրիգոր	
2	Վանիան	Սաչատուր	

**Բաղաճեղի ոպանածների անուանացուցակի մի մասը  
ներկայացրած կառուարութեանը՝ գիւղի  
ֆահանայի ձեռնով**

1	Ազրիեան	Աղէքսան	55
2	Ալլահվերդեան	Կարապետ	20
3	Աղաջանեան	Հայկանոյշ-Պետրոսի աղջիկը	3
4	»	Արգար սրա եղբայրը	1
5	Այվազեան	Ջաւահիր	60
6	Աննայեան	Գրիգոր	47
7	»	Արշակ—տղան	14
8	Աննաեան	Ղազար	23
9	Աւագեան	Առաքել	56
10	»	Ջաւահիր—կինը	47
11	»	Միխակ—սրանց տղան	20
12	»	Վառինկա —աղջիկը	18
13	»	Անինկա— »	16
14	»	Յարութիւն—տղան	14
15	»	Գարասիմ— »	12

16	»	Մարդարիտ—աղջիկը	6
17	»	Յովհաննէս — տղան	4
18	Աւետեան	Յարութիւն	1
19	Աւագեան	Մարիամ	67
20	Աւագեան	Հուռի	13
21	»	Աւագ-եղբայրը	2
22	Աւալեան	Մարիամ	7
23	Բալակեան	Անայի	65
24	Բալլուեանց	Ալէքսան—Բաղալի տղան	2
25	Բրուտեան	Բարի	87
26	Գալստեան	Յակոբ	74
27	Գրիգորեան	Թեյլու	6
28	»	Վարսենիկ — քոյրը	22
29	»	Վարդունի — »	
30	Դամրչեան	Հերիք	67
31	Դալլաքեան	Շարմաղ-Մկրտչի աղջիկը	4
32	Դեղոնց	Հոռոմսիմ—Յովհաննէսի աղջ.	5
33	Եաւրիեան	Պօղոս	67
34	Եղիեան	Թագունի	67
35	Խեչովեան	Խաչլու	98
36	Ծիրաթեան	Դաւիթ	38
37	»	Ջաւահիր—աղջիկը	2
38	Կալամանեան	Սարգիս	77
39	Ղաւալեան	Հայրապետ—Յովհաննէսի տղ.	4
40	Ղուկասեան	Խաչատուր	24
41	Ճիլոնց	Արսէն	12
42	Մէժոնց	Թագունի—Արսէնի աղջ.	4
43	»	Թամամ » »	1
44	Միրզայեան	Վարդանոյշ-Կարապետի աղջ.	2
45	Միրզայեան	Լիզա-Համբարձումի աղջ.	1
46	Միքայէլեան	Մելիք—Յարութիւնի տղան.	4
47	Մինասեան	Մարմար » »	18
48	Մուրադեան	Աւետիս—Յարութիւնի տղան.	5
49	»	Լևոն	3
50	Յարութիւնեան	Սարգիս	4

51	Յովսէփեան	Նուբար	77
52	Նիկողոսեան	Սարիբէզ	54
53	»	Թագուհի կինը	40
54	»	Ղումաշ—սրա աղջիկը	15
55	»	Սամուէլ.—տղան	2
56	»	Հափոյ.—Սարիբէզի եղբ. աղջ.	4
57	»	Սամսոն,—սրա եղբայրը	2
58	Նիկողոսեան	Շամամ	31
59	Շափունց	Արմենակ—Յարութիւնի տղ.	1
60	Շահրազեանց	Սիրանոյշ	12
61	Շուշանեան	Յարութիւն	45
62	»	Քաթան	8
63	Զորանեան	Խալլու	26
64	»	Ջհան,—սրա տղան	4
65	Պապեան	Նիկալայ,—Խաչատրի տղ.	4
66	Պետրոսեան	Շաքար-Սարգսի աղջ.	5
67	»	Լևոն—տղան	3
68	Պետրոսեան	Մազթաղ	59
69	Պետրոսեան	Աբգար,—Մկրտչի տղան	2
70	Պետրոսեան	Հերիք	90
71	»	Մարգարիտ—Խաչատր. աղջ.	1
72	Սօնայեան	Ջաւահիր,—Ասլանի աղջիկը.	1
73	Ստեփանեան	Մովսէս	91
74	Վարդանեան	Աւէտ	45
75	Վերդիեան	Ազիզ (կին)	80
76	Տէր-Վարդանեան	Հոփսիմէ	70
77	Տօնէեան	Բաղալ	20
78	Տօնէեան	Սարգիս	8
79	Փանունց	Սարգիս,—Բաղալի տղան	1
80	Փարոնց	Մակի	48

Բաղիփենդի: սպանածների անւանացուցակի երկրորդ մասը.

Վազախի գաւառը փախած Բաղիփենդիցիների կազմած \*)

1	Առաքելեան	Մաթի	42
2	Ասլանեան	Վարդանոյշ	1
3	Արսենեան	Վարսենիկ	8
4	Աւետիսեան	Ջաւահիր	42
5	Բարայեան	Գալուստ	90
6	Բարայեան	Գրիգոր	69
7	Բաղալեան	Մարկոս	2
8	Բաղալեան	Աբգար	3
9	Բարսեղեան	Իւան	28
10	Գէորգեան	Անախանուժ	20
11	Գրիգորեան	Գալուստ	35
12	Գրիգորեան	Բարսեղ	38
13	Գրիգորեան	Ստեփան	48
14	Դաւթեան	Նաչատուր	32
15	Եղիեան	Յարութիւն	40
16	Թանանեան	Ջաւահիր	45
17	Նաչատրեան	Արշալոյս	12
18	»	Աւետ	20
19	Խէչովինց	Այվազ	40
20	Հաթամեան	Վիլփում	80
21	Հաքիմեան	Պետրոս	26
22	Համբարձումեան	Անուշ	2
23	Համբարձումեան	Սիմօն	3
24	Ղաւազեան	Մուսի	65

\*) Երկու ցուցակների մէջ կային կրկնւած անուններ, որոնց թէև դուրս ձգեցինք, բայց հաւանօրէն էլի թաքած լինեն: Մեր գիւղերում ազգանւան տեղ գործ են անում հօր անունը, որը մեծ շփոթութիւն է առաջ բերում:

25	Ղահրամանեան	Վարսենիկ	2
26	Ղահրամանեան	Ֆաթի	18
27	Մարգարեան	Սողոմոն	23
28	Մկրտչեան	Օհան	35
29	Մկրտումեան	Կարապետ	45
30	Յարութիւնեան	Ղամբար	60
31	Յարութիւնեան	Օհան	52
32	»	Մարիամ—սրա մայրը	75
33	Յարութիւնեան	Տիգրան	7
34	Յարութիւնեան	Գիբի	70
35	»	Մագթաղ—աղջիկը	12
36	Յովհաննիսեան	Բնիշակ	3
37	Յովհաննիսեան	Բալաբէգ	73
38	Յովհաննիսեան	Վարդան	10
39	»	Աբգար	6
40	»	Վարինկա	4
41	Յովհաննիսեան	Մաթոս	1
42	»	Նանագիւլ	.
43	»	Աւետիս—սրա տղան	12
44	»	Մարգարիտ,—սրա աղջիկը	8
45	»	Հոռոմսիմ » »	6
46	Շահրազեան	Բողիկ	10
47	Պապիկեան	Մայա	80
48	Պետրոսեան	Մաթի	50
49	»	Սրա թոռը	3
50	Պետրոսեան	Առուշան	35
51	»	Խաչատուր—եղբայր	18
52	Սարգսեան	Մայա	55
53	»	Անուշ—թոռը	15
54	Սարգսեան	Մայա	55
55	Սարգսեան	Գարեգին	1
56	Սարգսեան	Թէլլու	65
57	Ստեփանեան	Յարութիւն	4
58	»	Վարդանոյշ—քոյրը	6
59	Վարդազարեան	Խաչատուր	45

62	Վարդանեան	Հոռի	. 48
63	Վիրաբեան	Պետրոս	. 25
64	Տէր-Աբրահամեան	Սողոմոն	. 45
65	Օհանեան	Ղևոնդ	. 52

**Գեաքեկի սպանածների անանագուցակը.**

Այս զուցակը, որ կազմեցին Գանձակում գետաբէկյիները,  
լրիւ չէ.

1	Ամիրեան	Սարգիս Թիֆսեցի	. 75
2	Անտոնեան	Ղևոն Զարդախլեցի	. 17
3	Առաքելեան	Պետրոս »	. 45
4	Բաղդասարեան	Բաղդասար Ագուլեցի .	. 85
5	»	Գիւլիզար »	. 76
6	»	Գասպար »	. 45
7	»	Թագուհի »	. 35
8	»	Նիկոլա »	. 30
9	»	Նինօ »	. 18
10	Բաղալեան	Սարգիս Գանձակեցի	. 72
11	»	Շախի »	. 64
12	»	Միքայել »	. 23
13	»	Արշակ »	. 21
14	»	Վարսենիկ »	. 18
15	»	Վաղարշակ »	. 6
16	»	Արամայիս »	. 2
17	Բաղդիեան	Համբարձում Թիֆլիսեցի	. 55
18	Բերչեան	Գրիշա Գանձակեցի .	. 25
19	Բելախեան	Ալեքսան Թիֆլիզեցի	. 70
20	Գրիգորեան	Արսէն Զարդախլեցի	. 25
21	Գրիգորեան	Մաղաքել »	. 18
22	»	Վաղարշակ »	. 14
23	Գանէլեան	Յովսէփ Գանձակեցի	. 65
24	»	Խորէն »	. 7
25	Պաշատրեան	Սոսի Զարդախլեցի	. 45



26	Հաթամեան	Խաչատուր Շահեցի .	32
27	Հաթամեան	Մայա Չարդախեցի .	38
28	»	Հաթամ »	18
29	»	Անուշ »	15
30	Միրզայեան	Հոռոմսիմ »	70
31	»	Պետրոս »	23
32	»	Սէրգի »	17
33	Շահնազարեան	Սիմօն »	70
34	»	Սանիկ »	18
35	Պապիեան	Աւետիս Գանձակեցի	60
36	Պետրոսեան	Աւագ »	65
37	»	Մարգարիտ »	16
38	»	Անահիտ »	12
39	»	Գեղեցիկ »	7
40	Պետրոսեան	Յարութիւն »	32
41	Սարգսեան	Յակոբ Չարդախեցի	16
42	»	Սաթենիկ »	18
43	»	Մամիկոն »	14
44	»	Լևոն »	8
45	Սահակեան	Սայի Դազախեցի	70
46	»	Վարդանոյշ »	45
47	»	Սճբատ »	29
48	»	Մատթէոս »	17
49	»	Սարգիս »	6
50	Սահակեան	Գրիգոր »	46
51	Ստեփանեան	Նախշուն »	35
52	»	Մամիկոն »	10
53	Տէր-Ստեփանեան	Սամսոն Դիլիջանցի .	22

Նախիջեանի գաւառի սպանածների անաւնացու-  
ցակը, Յի բոլոր գիւղերինը.  
Նախիջեանի ֆաղափում: Յաջորդաւրանի ցուցակով.

1	Աղամեան	Ստեփան	
2	Աղամեան	Կարապետ	60
3	Անդրէասեան	Մամօ	70
4	Աւագեան	Աւագ — տիրացու	45
5	Գասպարեան	Ստեփան	.
6	Գէորգեան	Ծաղիկ Չիղամիցի	.
7	Գիւլգիւլեան	Նիկալայ	45
8	»	Ստեփան — որդին	18
9	Գրիգորեան	Քրիստափոր Օրդուբադցի	17
10	Գրիգորեան	Պետրոս	35
11	Դաւթեան	Ալէքսան	40
12	Դաւթեան	Յարութիւն	.
13	Թովմասեան	Յովակիմ Փարատացի	.
14	Խալաթեան	Մկրտիչ	60
15	»	Յովհաննէս	55
16	»	Տիգրան	19
17	Ծերունի	այգեպան	70
18	Կարապետեան	Ղազար	25
19	Հախվիրդեան	Աբրահամ	34
20	Ղարաբաղցի	Յովհաննէսի տղան	.
21	Մահտեսի Ասուածատր.	Հղլաթ	.
22	Մանուկեան	Մահտեսի Սիւքեաս	65
23	Մանուկեան	Մանուկ	30
24	Մարաղացի	մի կին	.
25	Մելիք Յարութիւնեան	Մեսրոբ	70
26	Մելիքեան	Կարապետ	52
27	Մելիք-Թանգեան	Յովսէփ	40
28	Մխիթարեան	Մկրտիչ	55
29	Յարութիւնեան	Միքայէլ	.
30	Յարութիւնեան	Մեսրոբ	35

31	Յովսէփեան	Հովիկ	70
32	Յովսէփեան	Կարապետ	50
33	»	Միրայէլ	45
34	»	Արմենակ— սրա բրոջ որդին	14
35	Յովհաննէս	այգեպան	60
36	Յովհաննէսեան	Առաքել	
37	Նազարեան	Նազար	75
38	Շահպաղեան	Յովհաննէս	75
39	Պետրոսեան	Վարդան Սալմաստեցի	
40	Պոլիբէգեան	Յակոբ	58
41	Պօղոսեան	Մահտեսի Պօղոս	60
42	Սահակեան	Յակոբ	50
43	Սարգիս	Ալահի գիւղից	
44	Սիմօնեան	Վարդան	35
45	Սիմօնեան	Մակար	35
46	Սրապեան	Նոյ	45
47	Տ.-Յովսէփեան	Միրզաջան	40
48		Անյայտ	
49		»	
50		»	

Զահրի գիւղում, (Այսուհետեւ մենք ենք ցուցակագրել).

1	Աբէլեան	Պետրոս	45
2	Բարայեան	Պետրոս	28
3	Բարայեան	Հայրապետ	35
4	»	Նանասի— կինը	25
5	Բարայեան	Պաշտուր	60
6	»	Կօմօ— հարսը	25
7	»	Արա— սրա տղան	1
8	Բաղալեան	Թաժար	65
9	»	Ջաքար— եղբայրը	60
10	Գալստեան	Յովհաննէս	40
11	Գասպարեան	Սարգիս	35
12	Գէրոգեան	Թարվերդի	65
13	Եղգարեա	Սահակ	50

14	Եղիսն	Ղազար	70
15	Երամեան	Աղաջան	25
16	Զաքարեան	Մաթոս	35
17	Զնապերդցի	տղամարդ	
18	»	դարձեալ	
19	»	դարձեալ	
20	Թադէոսեան	Արքար	45
21	Քաջատրեան	Առաքիլ	50
22	»	Միսակ--տղան	18
23	»	—աղջիկը .	8
24	»	»	6
25	Մաղաթեան	Դաւիթ	60
26	»	Կարապետ--տղան	25
27	Մարգարեան	Յարութիւն	45
28	Մահտեսի-Մարգարեան	Աննա . . . . .	70
29	»	Քաջան—մեծ տղան	50
30	»	Զաքար—երկր. »	45
31	»	Երանոս - Քաջանի տղան	25
32	Միրզայեան	Միքայէլ	100
33	Մկրտչեան	Գրիգոր	35
34	Մուրադեան	Սիմօն	70
35	Յովհաննէսեան	Մարգար	45
36	»	Վարսենիկ—հարսը .	20
37	Յակոբեան	Առաքել . . . . .	35
38	Յարութիւնեան	Ստեփան	35
39	Յովհաննէսեան	Մկտիչ . . . . .	50
40	Յովհաննէսեան	Բահաթ (կին)	70
41	Պարսկաստանցի	սզգականը	
42	»	դարձեալ	
43	Պետրոս	գաղթական	
44	Ջոջոյեան	Մկտիչ . . . . .	55
45	Սիմօնեան	Ուստիան	35
46	Սողոմոնեան	Հայրիկ	25
47	Ստեփանեան	Սարգիս	28
48	Տէր-Գէորգեան	Կարապետ . . . . .	60

49	Տէր-Առաքելիան	Զաքօ	60
50	»	Միսակ	25
51	Քոչոյիան	Սարգիս	60

**ԹՄԲՈՒԼ ԴԻԻՂՈՒՄ.**

1	Ազիզեան	Զաքար	.
2	Այվազեան	Աւետիս	.
3	Ասլանեան	Մկրտիչ	.
4	Զաքարեան	Իսրայէլ	.
5	»	Ալմաստ	.
6	Թաթոսեան	Գիւլէ	.
7	Նաչատրեան	Աբրահամ	.
8	Նալաթեան	Մկրտիչ	.
9	Մխիթարեան	Յովհաննէս	.
10	Մաթոսեան	Գիւլի	.
11	Մուսայեան	Յովսէփ	.
12	Հասրաթեան	Յարութիւն	.
13	Յովհաննէսեան	Ռոստոմ	.
14	Պէտրոսեան	Դանէլ	.
15	»	Սահակ	.
16	»	Կատիա—սրա կի՛նը	.
17	Տաճկահայ	Բայրուրեցի	.
18	Տուրգունչի	Երեանի զաւարից	.
19	»	Դարձեալ	.

**ՆՈՐՍ-ՄԱԶՐԱ ԳԻԻՂՈՒՄ.**

1	Գէորգեան	Դաւիթ	. 30
2	»	Միքայէլ—տղան	. 2
3	Իսրայէլեան	Ասատուր	. 36
4	Նաչիկեան	Հոռոմ	. 50
5	Նաչատրեան	Սօնա	. 50
6	»	Ռուբէն—տղան	. 15
7	Հախվերդեան	Հոռոմ	. 40
8	Մարտիրոսեան	Նաչատուր	. 40
9	Մարգարեան	Մանուկ	. 47

10	»	Նիկողոս — տղան	25
11	Յարութիւնեան	Նահապետ	35
12	Յարութիւնեան	Նազդու	90
13	Յովհաննիսեան	Համբարձում	40
14	»	Ոսկան — եղբայրը	35
15	Յովսէփեան	Աւագ	40
16	Ներսէսեան	Ստեփան	50
17	»	Մելիտոն — տղան	30
18	Սարգսեան	Ստեփան	.
19	Վարդանեան	Հայրապետ	17

ՆՈՐՄ ԳԻՒՂՈՒՄ

1	Ալէքսանեան	Մկտիչ	70
2	Գալստեան	Ներսէս	45
3	Թոթոյեան	Առաքէլի — ինը	25
4	Թորոսեան	Յակոբ	35
5	«	Սրա — տղան	1
6	Նորոյեանի	Երեխան	1
7	Յովհաննէսեան	Նիկողոս	45
8	Պետրոսեան	Կարապետ	55
9	Պօղոսեանների	պառաւր	80
10	»	սրա — թոռները տղա	6
11	»	» »	5
12	»	» աղջիկ	4
13	»	» »	2
14	»	» »	1
15	Սիրունեան	Մկրտչի տղան	16

ԱԼԱՀԻ ԳԻՒՂՈՒՄ.

1	Արզումանեան	Հայրիկ	25
2	Գասպարեան	Կարապետ	65
3	Մարտիրոսեան	Արամ	40
4	Մանասերեան	Աւետիս	40
5	Մելքոնեան	Կարապետ	55
6	Մելքոնեան	Յարութիւն	65

7	Մինասիան	Սամուէլ	25
8	Վարդանեան	Քաջատուր	27

ԱՌԻՆՁ ԳԻՒՂՈՒՄ.

1	Բաղդասարեան	Սարգիս	2
2	Ենգոյեան	Նուբար	60
3	Թարվիրդեան	Յակոբի կինը	45
4	Խուղավերդեան	Արրահամ	40
5	Թարվիրդեան	Վարդան	50
6	Քաչորեան Թարվիրդեան	Մակար	35
7	Վահրադեան	Մխիթար	50
8	Սարգսեան	Նիկողոս	21

ՃԱՋԻՎԱՐ ԳԻՒՂՈՒՄ.

1	Թորոսեան	Թադէոս	25
2	Պետրոսեան	Վարդան	50
3	Պօղոսեան	Ստեփան	25
4	Վարդանեան	Քաջատուր	6
5	Տէր-Յովհաննէս	գիւղի քահանան	70

ԳԺԱԶՈՐ ԳԻՒՂՈՒՄ

1	Ալլահվերդեան	Եթար	60
2	Գրիգորեան	Մնայական	30
3	Մաթէոսեան	Աւագի կինը	35
4	Սարգսեան	Սարգար	40

ՂԱՐԱԲԱԲԱ ԳԻՒՂՈՒՄ.

1	Մարտիրոսեան	Աւագ	45
2	»	Դաւիթ	50
3	»	Յովակիմ	1